

من مؤلفة
كتاب
الأكثر مبيعاً
سندرلا
سيكريت



هَبَّة السَّوَاحِ

بَشْرَازَادُ أَوْنَمَائِيرُ

SHAHRAZAD ON FIRE



الشغف، النجاح، المشاعر، التغيير، وأشياء أخرى

شِرْكَاد أُونْفَالِير

الشغف، النجاح، المشاعر، التغيير، وأشياء أخرى

هَبَّة السَّوَّاح

الرواق للنشر والتوزيع

إِلَيْكَ أَنْتَ
لَا إِنِّي أَوْمَنُ بِكَ.. وَإِنْ لَمْ نَلْقَى!

خليني أتعرّف عليك

أنا اسمي:

سنّة وعندّي:

وعايش في:

بحب:


٣ معلومات لذِيَّة عنّي:

تفسي أطلع من الكتاب بـ:

خليني أشوفك

حاول ترسم ملامحك، وتعكس حالتك ومودك دلوقتي (زعلان، مبسوط، متجمس، متلخبط...).

لو مش حابب ترسم ممكن تكتب عن شكلك ومودك في كلمتين ☺



المقدمة

ليلة القبض

«.. واسأله نفسك مع شروق الشمس متى ستشرق أنت؟»
الشمس التبريزى



طلع الموبائل ياحاج
أنا حارسة المركبات دي
انت و العقد اللي معال ده

صيف سنة ٢٠٠٨م - بغداد

اقرب الوزير من الغرفة بخطوات مُرتبكة، يحمل بين يديه كوبًا من العصير. ذَكَرَه كبير البصاصين باجتماعهم السابق:

- أرواحنا كلها بين يديك الآن!

- أعلم ذلك.

- إذا أخفقت في مهمتك، فسأقتلك بنفسي!

زاد ارتباك الوزير، وأخرج منديلاً من القماش ليمسح حبيبات العرق التي تجمّعت على جبينه، ثم هزَّ رأسه، ودخل الغرفة.. لا بد أن يكون هادئاً لتنجح الخطة!

التقط أنفاسه، ومدَّ يده على يد الفتاة النائمة أمامه، فاستيقظت.

- صباح الخيرات ابنتي الجميلة.

- صباح الـ...

أجمتها الصدمة حين رأت نفسها تستيقظ في غرفة لا تعرفها، وبجانبها رجل لا تعرفه، فسألته في فزع:

- إنت مين؟ وإيه اللي جابني هنا؟!

- لا تخافي، أنت بأمان في غرفتك مع والدك الذي يحبك.

تصاعدت حذتها، وكادت تقفز من السرير، لو لا أنه أمسكها بقوه:

- والدك مين؟ ويحبك إيه؟! إنت مين يابني آدم انت؟ وإيه اللي جابني هنا؟ انطق بسرعة قبل ما أطلبلك البوليس.

ابتسم الرجل بارتباك، وحاول احتضانها، فدفعت يديه عنها في رد فعل تلقائي، فواصل مطمئناً لها:

- هدّئي من روحك، وسوف أشرح لك الأمر.

- يا عم أنا مش فاهمة منك حاجة، ماتكلمني عربي! إنت ممثل معانا في المسرحية؟ شكلك قريب مدير الفرقة، وجاييك تمثل بالواسطة!

أجابة يا حباط:

- فرقه ومسرحيه؟! أنا الوزير يا بنتي!

قاطعته بنفاذ صبر قائلة:

- يا عم وزير إيه؟ إنت هتندمج عليا؟! إنت آخرك موظف في الشهر العقاري، وأنا كدا كارماك كمان.

انتابها الدهش فجأة وهي تفتشف في ملابسها:

- إيه دا؟ فين موبايل؟ أنا كنت ماسكا، وباتشات مع سها في الفاصل!
- عفواً، لم أفهمك.

- تاني برضه؟! يا عم كلمبني عربي! أقول لك.. اطلع بالموبايل أيها اللص!

- يا بنتي.. بحق أولادي الثانية عشر، وشيبتي هذه، لا أعلم ماذا تقصددين بـ«الموخايل!».

لم تتمالك ضحكتها من غرابة اللقب الذي أطلقه على هاتفها المحمول..
ولم تفهم الشعور الذي انتابها بصدق الرجل وطبيته. تحسست جسدها وملابسها.. كل شيء كما هو لم يمسسها أحد. التقطت أنفاسها، وهدأت أكثر. لا تظنه يريد بها سوءاً، ولكن ما زال السؤال الحائر بداخلها: ما هذا القصر الفخم؟ من هؤلاء الناس؟ ماذا أتى بها إلى هنا؟ لعلها اندمجت في المسرحية لدرجة أنها تحالم! تمنت أن يكون مجرد حلم، واستفيق منه!

قطع الوزير خواترها بکوب من العصير مدد إليها في كأس غريبة وهو يبتسم قائلاً:

- اشربي هذا يا بنتي لتهدي، ودعيني أشرح لك كل شيء.

قاطعته سائلةً:

- إنت مين؟!

- أنا قمر الزمان، وزير الملك شهريار.

- شهريار مين؟

- ابن الملكة افتخاريار.

- هو أنا بسائلك عشان أتعرف على أمه؟! مين دا يعني؟ بطل المسرحية اللي بيمثل قدامي؟

- أنا وزير الملك شهريار الحقيقى!

- أنا مش فاهمة حاجة! هو أنا لسه في المسرح مش كدا؟

- لا، إنتي في قصر الملك شهريار!

أصحابها الذعر، فردت وهي ترتجف:

- قصر؟! أنا اخطفت؟! والله يا عم ما معايا فلوس، دانا ممثلة على أدي يادوب لسه في أول سلّمة!

- أنا الوزير قمر الزمان، أريد نقوداً منكِ أنتِ؟!

- أنا برضه قلت إن حضرتك شكلك كيوت.. أمال إنت عايزة مني إيه؟!
نظر إليها بمنتهى الرجاء والتوصيل قائلاً:

- أريدكَ أن تنقذني بنات المملكة.. تنقذني نفسك.. تنقذني رقبتي التي ستطير حين يعلم سموه ما حدث!
ما حدث في إيه؟!

- شهرزاد ابنتي كان زفافها على شهريار اليوم، ولكنها هربت! ولو علم سيقطع رقبتي!

أمسكت بحقيقةتها وكأنها تستعد للرحيل، وقالت له في حدة:

- ما يقطعها ولا يقطعك كلك.. أنا مالي؟! أنا ماشية!

- ماشية إلى أين؟! يا ابنتي افهميني أرجوك! لا بد أن تتزوجي شهريار بدلاً من ابنتي التي هربت!

- شهريار مين؟ وبنتك إيه؟ إنتو تختلفوا بنات وتهرب منكم، وتلبسوني أنا؟! ماتندور عليها، أنا مالي؟!

- لقد فعلت ذلك بالفعل! ولكن الجنّي الذي سخرته كي يبحث عنها أتى بك مكانها!

- جابني أنا ليه؟

- لأنه معتوه! بحث عنك باسم وملابس شهرزاد.. وحين وجده
تبس عليه الأمر، وأتي بك بدلاً منها!

- لبسته عقربة قادر يا كريم! أوّلا أنا ماسميش شهرزاد، أنا اسمي
ال حقيقي «ماهي»، وثانياً أنا كنت لابسة فستان شهرزاد عشان أنا فنانة بمثل
دورها في مسرح الكلية، مش عشان أنا شهرزاد الحقيقيّة!

ـ كلة؟ ما هذه الكلة؟

- الكلية اللي بدرس فيها! كلية آداب علم نفس!

- يا ابنتي أنا لا أفهم ما تقولين.. لكن المهم الآن أنك لا بد أن تظلي
شهرزاد، وتكمل دورك، وتتزوجي شهريلار.. أقبل يديك إصبعاً إصبعاً!

- شهرزاد مين؟ بقولك اسمي «ماااهي»! افضل خلي الجني بتاعك
عنى المسرح، لأن المفروض كل دا في الفاصل!

- لا يمكنك الرجوع !

- يعني إيه لا يمكنني الرجوع؟! هو بنتك بتهرب منك، والجني بتاعك عبيط وبيتلخبط، وجاي تشطر عليا أنا؟ معلش خلي الجني يدور على حد غيري، أنا ماشية!

اتسعت عين قمر الزمان، واحمر وجهه في غضب، وصرخ بصوت جهوري:

-مستحيل! أنتِ شهرزاد، وبالإجبار ستتزوجين الملك شهريار، وتنقذين حياة بنات مملكتي.. ولاستكون حياتك أول ما تُزهق! يا حرّاً اس.

شعرت الفتاة لأول مرة بأن ما يحدث حولها حقيقي، وأن هذا الرجل
جاد في تهديده، ففضلت أن تلجمأ إلى مبدأ صديقتها الأنثيم وحكمة الشلة
«فوفا»، وهو «إن لك عند الـ... حاجة قل له يا سيدى».

- طيب، بص يا سيدى! دلو قتي أنا هستفيد إيه لما أنفذه لك طلبك دا؟!
دا أنا ابن طنط «شو شو» يتمنى بس أوافق أتجوزه، وهيجيل كل اللي نفسي

فيه! أينعم هو مدهنن شويتين، بس مصلحة عشان محدث هيبص له، ولا حتى أنا!

فكـر قـمر الـزـمان فـي قـرـارـة نـفـسـه، وـأـدـرـك أـنـ الإـنـسـان سـيـقـى بـاـرـاشـوت عـبـر كـلـ العـصـورـ، فـسـأـلـهاـ:

- ماذا تريدين يا ابنتي؟

- أول حاجة القـاـيـمـةـ! عـاـيـزـةـ قـاـيـمـةـ بـمـحـتـوـيـاتـ القـصـرـ كـلـهـاـ! وـالـكـهـرـبـاـ، وـالـسـجـادـ، وـالـنـجـفـ، وـأـدـوـاتـ المـطـبـخـ عـلـىـ شـهـرـوـرـ.

- ما معنى قـاـيـمـةـ؟! وـمـاـ الشـهـرـوـرـ؟!

- شهر يار عـرـيـسـيـ حـبـيـبـيـ!

....

- تـانـيـ حاجـةـ الشـبـكـةـ! عـاـيـزـةـ خـاتـمـ سـوـلـيـتـيرـ بـالـمـحبـسـ، وـفـصـ قـيـراـطـ..ـ أوـ أـقـولـكـ، خـلـيـهـمـ قـيـراـطـيـنـ!

بتـوـجـسـ وـرـيـةـ وـهـوـ يـرـفـعـ السـيفـ منـ غـمـدـهـ:

- هلـ هـذـاـ السـوـلـيـتـيرـ حـيـوانـ مـفـترـسـ تـرـغـبـيـنـ فيـ فـرـوـتـهـ؟!

- يا عم قـمـرـ الـزـمانـ هـتـمـوـتـيـ وـالـلـهـ! أـقـولـ لـكـ..ـ خـلاـصـ آـخـدـهـمـ سـبـايـكـ دـهـبـ أـجـدـعـ.

أـغـمـدـ سـيـفـهـ فيـ غـمـدـهـ قـائـلـاـ:

- طـلـبـاتـكـ مجـابـةـ ياـ اـبـنـتـيـ.

- استـنـىـ يـاـ عـمـ الـحـاجـ، أـنـاـ اـسـتـرـيـحـتـلـكـ وـالـلـهـ، وـشـكـلـنـاـ هـنـوـصـلـ لـدـيـلـ حلـوـ! شهر العـسلـ بـقـىـ عـاـيـزـاهـ أـسـبـوـعـ فيـ بـورـتوـ السـخـنـةـ ALL INCLUSIVE، عـشـانـ بـخـافـ منـ الطـيـارـاتـ!

أـمـسـكـ قـمـرـ الـزـمانـ بـيـدـ الفتـاةـ، وـاتـجـهـ بـهـاـ إـلـىـ شـرـفـةـ الغـرـفـةـ، وـأـزـاحـ الـسـتـارـ لـيـنـكـشـفـ قـصـرـ مـهـيـبـ تـتوـسـطـهـ حدـائقـ غـنـاءـ:

- لاـ أـفـهـمـ ماـ طـلـبـتـهـ ياـ اـبـنـتـيـ، وـلـكـ كـلـ ماـ تـراهـ عـيـنـاكـ سـيـكـونـ مـلـكـ..ـ هلـ أـبـدـلـ كـلـ هـذـاـ بـهـاـ طـلـبـتـهـ؟

نظرت الفتاة بانبهار وهي لا تصدق:

- داولا مراسى يا جدع!

ثم أردفت:

- تبدل مين؟ أنا اشتريت خلاص.. طب أنا دلو قتي عايزه المحمول يا
أستاذ قمر عشان أعمل شير لوكيشن لصحابي ييجو يحضرروا الحنة. هو
احنا فين إن شاء الله؟

- بغداد.

- بع إيسىسيه؟ يا لهوي، إنتو سفتروني كمان؟! رجعون مصر حالاً
بدل ما أعمل لكم مصيبة!

- لقد نفد صبري منك! نادوا الجواري بجهز العروس للفرح!

- جواري؟! إحنا في سنة كام؟!

- سنة ٨٠٠.

- إيه يا ربى اللي بيحصل لي دا؟! يعني الجنبي ملقاش في الدنيا غيري
عشان يجيبني سنة ٨٠٠ عشان أتجوز؟! ومش يجوزني أي حد، دا شهريار
اللي كل يوم بيطير رقبة واحدة جديدة! يا ريتني كنت رضيت بابن طنط
«شوشو» وخلاص! طب كلاس اليو جا بتاع بكرة، والمواعيد اللي عندي!
يعني أما يسألوني بعد كدا هنفرح بيكي إمتنى أقوهم إيه؟ أتجوز شهريار
من ١٢٠٠ سنة؟! ويا ترى شهريار دا حلو، ولا وحش؟ لذيد، ولا دمه
يلطش؟ هيحبني، ولا هيصحى من النوم يقتلني؟! أكيد هيطلع ذكورى
معفن طبعاً! أنا لازم أتصرف، أحسن يقتلني زي اللي قبلى!

ابتسم لها قمر الزمان ابتسامة المتعاطف وقال:

- لا تقلقي يا شهرزاد، أنت مثل ابنتي. ستكون الأمور على ما يرام!
ستبقين معنا سبعة أيام فقط، وفي تلك الأثناء سنعثر على شهرزاد ابنتي
الحقيقة، ثم نعيدهك إلى زمتك وأهلك! واضح أنك فتاه ذكية، وستجدين

التصرف خلال هذه الأيام السبعة.. ولكن أهم شيء أن ما حدث يظل سرًا بيني وبينك! اتفقنا؟

سكتت الفتاة سكوت المغلوب على أمره.

وفي الموعد المنتظر فُتحت أبواب الغرفة، ودخل العبيد والجواري متراقصين على أنغام الموسيقى والدفوف في مشهد حافل مهيب. تبعهم الطباخون بصحون الطعام الضخمة الفخمة، ثم تبعهم الوزير هبديار، وزير الإعلام في مملكة خياليستان، ليُعلن عن وصول الملك العظيم المجل شهريار!

ظهر شهريار بهيته غير المسبوقة، وتاجه المرصع باللؤلؤ والأحجار الكريمة، وبخطى ثابتة دخل الغرفة، ووقف أمام الفتاة، وانتظرها لتنحنى أمامه، مثل جميع من سبقها من الفتيات، فلم تفعل! بابتسامة عصبية أشار بطرف إصبعه للحاشية بالخروج من الغرفة، ثم خلع تاجه، وجلس أمامها.

قالت له بمنتهى الانبهار:

- إنت شهريار؟

- نعم.

- بتاع ألف ليلة وليلة؟

- ماذا؟

- بس اللهم صل على النبي، إيه يا واد الحلاوة دي؟ دا انت تقعد أحمد عز في البيت!

- أحمد عز؟

- مش قصيدي يعني.. أنا أصلـي مش مصدقة! إنت شهريار بجد؟ معاك بطاقة؟

- بطاقة؟!

- طب أتأكد منين إنك شهريار الأصلـي مش حسين فهمي، وعامل فيها شهريار؟

- من هذا الحسين فهمي! ألمجنونة أنت؟

- لا، استنى، إنت كدا هتقلب على كاظم.

- كاظم من؟ وفهمي من؟! أنت جاريتي، وفي قصري! أنا الملك!

- يا حمش انت! الصنف بتاعك دا كان ١٢٠٠ سنة هيموتوا في الحرب.

نظرت شهرزاد إلى خاتم شهريار، وزاد انبهارها وخوفها من الموقف:

- إيه دا؟ دا خاتم حقيقي مش من بتوع آخر العنقود! طب لما انت الملك

شهريار الحقيقي، مالك زعلان وقافش في نفسك كدا؟

- ما هذه اللغة الغريبة التي تتحدثين بها؟!

- قصدي يعني إن شكلك حزين، وشاييل طاجن ستك.. قل لي مالك؟

- ستي من؟! كيف تتجرئين وتسأليني كل هذه الأسئلة؟

- طب بلاش مالك.. تعالى نعمل «ice break».. أحكيلي حكاية.

- أنا أحكى لكِ أنتِ؟! أنا الملك.. أنا من يأمر فيُجاب.. يا مسرورووور.

ظهر مسرور، وقال بقوة:

- أمر مولاي.

- اقتل هذه الجارية على الفور!

أمعن شهريار النظر في شهرزاد وهي ترتجف متطرفة مصيرها المعروف،

فأردف قائلاً:

- انتظر لحظة يا مسرور.

ثم توجه إلى شهرزاد قائلاً:

- أنتِ من سيفعل هذا الـ«ice break»، وتحكين لي حكاية، وإذا لم

تعجبني سامر مسرور يقطع رقبتك!

ابتلعت شهرزاد ريقها بصعوبة وهي تتحسس رقبتها، وأخذت تفكّر

في أي قصة تسرد لها لتنقذ نفسها من الموقف، فلم تسعفها ذاكرتها الضعيفة!

شردت عيناها في غرفتها الفسيحة، وقالت في نفسها: «افتكري يا ماهي

أي حاجة! أي حاجة تمشي فيها حالك! افتحي أي موضوع مُسلِي! كلميه

في الكورة.. لا، كورة إيه في القرن التاسع؟! كلميه في الفن.. فن إيه؟ إنتي صدقتي إنك فنانة؟! كلميه عن الدنيا.. دنيا إيه؟ دا ملك، يعني مش عايش معانا في الدنيا! بصي، كلميه عن نفسه! الناس كلها بتحب تتكلم عن نفسها! اهري في أي حاجة من اللي بتدرسهم في الكلية، وائلصي، خلي الليلة دي بس تعدى!».

- بس وجدتها!

انتبه لها شهريار، فسألته:

- قل لي يا شهريار، وانت صغير كان عندك صاحب في خيالك؟

?imaginary friend

- صاحب في خيالي؟! أنا لا أحتاج إلى أصحاب.. أنا الملك!

- طب بلاش.. فيه أي حاجة بتحب تعملها لدرجة إنك تنسى الوقت والدنيا من كُتر ما انت مركز فيها؟

- أنسى الوقت؟

- آه، يعني تيجي تبص في الساعة كدا تلاقي عدّت ساعات كتير وانت مش دريان!

- حين أكون نائماً! ما علاقة هذا بال...

- طب استنى بس.. قل لي إيه اللي بيبيسطك؟
- بيبيسطني؟

- آه، يعني حاجات بتحب تعملها وبيبيسطك.

- لقد قارب صيري على النفاد!

- اصبر عليا بس يا عم كرت الشحن، طب قل لي إمتى آخر مرة ضحكت فيها من قلبك؟

- (بابتسامة) صباح اليوم حين طير مسرور رقبة البنت رقم ٩٩٩.

- (يا لهوي) طب بص، خلاص بلاش أسئلة.. أنا افتكرت قصة حلوة قوي لستة متفرجة عليها امبارح.. إيه رأيك أحكيها لك؟

Comeback الـ

مئة عام من: «إنتي فين بقالك تلات سين؟ فين الكتاب الثاني اللي وعدتينا به في آخر سندريلا سيكريت؟ عايزين نكمل كلامنا! إنتي مش هتكلبي تاني ولا إيه؟».. وغيرها من الرسائل المشجعة الجميلة جداً اللي حرفياً ماعداش يوم من وقت إصدار «سندريلا سيكريت» في ٢٠١٧ لحد يومنا هذا، غير لما جت لي! عشان كدا أقل واجب علياً تجاه الناس الجميلة دي، إني أوضح أنا كنت بعمل إيه طول المدة اللي فاتت، قبل أي كلام في مضمون الكتاب نفسه.

أنا شخصية عملية جداً، وعندي شعور بالمسؤولية كبير جداً تجاه إني أنسصح حد، أو أوجهه. بخاف أتكلم في حاجة مش دارسها ومبرابها ومتأكدة إنها ممكن تطبق عملي، ومش هتعارض مع واقعنا، أو ديننا، أو ثقافتنا الشرقية. ما بحبش النصائح المجردة، والكلام النظري الفلسفى التحفيزي اللي يمحسك ويشجعك، وفي الآخر تلاقى نفسك واقف عند السؤال اللوبي: «أيوه يعني أعمل إيه يا أستاذ غسان؟».. ويا ريتك حتى بتلقي الأستاذ غسان قاعد في آخر النفق بيقول لك: «أعمل الصبح!».

وبناءً على جميع ما سبق، الكتابة بالنسبة لي بتبقى عملية أكثر تعقيداً من إني أقعد بس أكتب بنات أفكارى وأرائي وتجاربى الشخصية في الحياة. الكتابة عندي أشبه ما تكون بالمشروع اللي بيتبني على مراحل مختلفة، أسهل مرحلة فيهم هي الكتابة نفسها. الكتاب دا مثلاً بدأ باستبيان عملته سألت فيه الناس عن المواضيع اللي حابين نتكلم فيها، المشاكل اللي حابين نناقشها، الأهداف اللي عايزين نوصل لها، الشيء اللي لسة بيدوروا عليه في مجال تنمية الذات.. وبناءً على نتيجة الاستبيان دا، حددت مواضيع الكتاب وملامحه العامة.

بعد كدا دخلت في مرحلة تانية من البحث بين الكتب والدراسات اللي اتعلمت في كل موضوع من اللي حددناهم.. مين أحسن ناس اتكلمت عنه،

أحسن فيديوهات، أحسن كتب، أحسن نظريات وأبحاث، وهكذا.. بعد مرحلة تجميع المصادر دي، دخلت في رحلة قراءة طويلة استغرقت سنة كاملة، عقبال ما قدرت اختار من بين كل اللي قرأته، أكثر حاجة مقنعة ومبنية على علم ودراسة، وأهم حاجة تكون أفكار ونصائح عملية قابلة للتطبيق ونقدر نشوف لها نتائج.

قرأت كتب ومصادر كتير، واخترت منهم الأفكار والأسئلة، والexercises المناسبة، ودخلت بعدها في مرحلة التجربة العملية. المرحلة دي بدأت بتصميم دورة تدريبية، أو كورس فيه عصارة المواقف اللي جمعتها كلها اسميتها Living on Purpose-2. بعد التحضير، قعدت تلات شهور بدبي الكورس بالمجموعة ناس.. بجرب فيهم.. بنطبق مع بعض، ونشوف إيه اللي نافع وإيه اللي يحتاج يتعدل.. إيه اللي ناقص، وإيه اللي زيادة.. إيه أخبار التسلسل والتطبيق وتناسق المادة العلمية مع الأهداف اللي كنا محددينها قبل كدا، وبناءً على ملاحظات المجموعة دي، والنتيجة اللي وصلناها، نفتح المواقف تاني، واديت الكورس مرة تانية لمجموعة تانية، وفضلت كدا سنة كاملة تانية لحد ما حسيت إني مطمئنة للكلام اللي هكتبه في الكتاب دا.☺.

ليه بحكي القصة الطويلة العريضة دي؟ لكذا سبب.

أولاً: عشان أنا ممتنة جداً لكل حد حسني إن «سندريللا سيكريت» فرق معاه، أو بعت لي رسالة فيها رأيه في اللي عجبه، اللي ماعجبهوش، أو قالي هو طبق الكتاب ازاي في حياته، وإيه اللي اتغير، أو قالي إنه مستيني أكتب تاني، أو قالي إنه حب القراءة بسبب سندريللا، أو بقى يقرأ منه للطلبة بتوعه في محاضراته، أو ينقل منه لجمهوره على فيسبوك، أو ساوند كلاود، أو شجع غيره إنه يقرأ، أو بعت لي صورة مع الكتاب، أو تعب نفسه وجالي مخصوص في ندوة من الندوات أو حفلة توقيع عشان يفرحني.. ممتنة بجد من كل قلبي لكل شخص في أي حفة في العالم قالي كلمة واحدة ادتنى طاقة إني أكمل وأكتب.. وحاسة إن الكتاب دا بتاعكم انتم، اتكتب بشجيعكم انتم.. ودا كفيل بالنسبة لي إني أشرح لكم القصة الطويلة دي!

ثانيًا: عشان يهمني أوضح إن الكتاب دا عبارة عن تجميع ما بين علم من دراسات وكتب تانية، ومعاهم دراستي وأفكاري وقناعاتي والخبرة اللي اكتسبتها من شغلي في الكوتشينج والتدريب على مدار سنين مع الناس. في الآخر والأول هو اجتهاد، وكلام بشري صرف، فاقراه على مهلك، ومفيش أي مشكلة تتفق أو تختلف معاه، عادي جدًا.

ثالثًا: عشان عايزة تقرأ وانت مطمئن إن الكلام دا قبل ما يتكتب في كتاب اطبق عملي على ناس كتير، والحمد لله النتيجة اللي شفتها في مشروع التخرج اللي بنعمله في آخر محاضرة فاقت توقعاتي أنا شخصياً. مفيش كلمة في الكتاب ماعملتش عليها تجربة قبل ما أكتبها أو أنقلها. وكثير من الأمثلة المكتوبة هتلaciها قصة حياتي أنا شخصياً، أو حد من اللي اشتغلت معاهم. الفكرة دي عامة خليك حاططها في دماغك عشان كل ما تقرأ حاجة تحسها صعبة عليك، تقول لنفسك: «لو غيري عملها، إن شاء الله أقدر أعملها».

كل اللي فات دا مش شطاره مني، ولكن هو فضل من الله علينا، لأن كل واحد فيكم بيبذل مجهد عشان يصلح ويتطور من نفسه، يستحق كل لحظة مجهد اتبذلت في الكتاب دا.. ربنا يجعل فيه النفع والقبول.☺

ندخل في التقيل..

الفصل الأول

النفس

«أن تعرف نفسك هي البداية نحو بلوغ الحكمة»

أرسطو



۱۹۰ کوئی بھی انت اپنے

الليلة الأولى

بلغني أيها الملك السعيد، ذو الرأي الرشيد، أنه كان هناك مملكة كبيرة جداً اسمها أجربا يحكمها سلطان عظيم وعادل اسمه قمر الدين. قمر الدين دا كان عنده وزير شرير جداً اسمه جعفر، نفسه يبقى هو السلطان، ويسيطر على المملكة والملك اللي حواليها، وكان عارف إن الطريق لدا مصباح سحري موجود في كهف خطر جداً. لو عرف يجيب المصباح دا، هيقدر يطلب من الجنبي اللي فيه إنه يخلية أقوى ملك في العالم.

- أقوى ملك في العالم؟ أنا أريد هذا المصباح!

- دي قصة يا شهريار، قصة! ماتيقاش عامل زي كريم ابن اختي بشبطة في كل حاجة! المهم...

جعفر كان عارف إنه مايقدرش يدخل الكهف بنفسه، وإن مفيش غير شخص واحد بس موصوف بإنه «جوهرة في الوحل» هو اللي يقدر يدخل الكهف.

- جوهرة في الوحل؟ ما الجوهرة في الوحل؟

- جوهرة في الوحل يعني حد كويشن جداً، بس مغمومس في ظروف وحشة مخلية جماله مش ظاهر.. زيبي كدا بالظبط! نكمـل...

السلطان قمر الدين بقى كان عنده بنت جميلة جداً اسمها ياسمين. وطبعاً زي كل الأبهات، السلطان كان نفسه يجوز بنته لأمير عظيم يستتها ويدلّعها عشان تفكها من جو الفيمينتس اللي هي عايشة فيه دا، ويطمئن عليها في بيت العَدَل قبل ما يموت. لكن ياسمين كان عندها كاريير جولز ملهاش أي علاقة بالجواز، فكانت بترفض كل العرسان اللي بيتقدمو لها.

- من؟! من هؤلاء الذين كانوا عندها؟

- يا شهور رڭز! كاريير جولز دول مش ناس! دول يعني أهداف ليها علاقة بالشغل! يعني يا سيد ياسمين كان عندها هدف إنها تبقى سلطانة، وكانت قوانين مملكة أجربا بتمنع البنت إنها تبقى في المنصب دا.

فكانت كل فترة بتتخفى وتنزل من ورا أبوها وحراسه، تتمشى في السوق، وتطمئن على أحوال الرعية كأنها واحدة منهم.
- أعمم، هذه فكرة ذكية. أحببتها. استمرى.

- وبعدين في مرة من المرات دي، نزلت السوق، وال fas وقعت في الراس، وحبت صعلوك من هناك اسمه علاء الدين!

- عجيبة! ألم تجد غير هذا الصعلوك لتجبه؟! من هذا العلاء الدين؟
- علاء الدين دا كان شاب يتيم وفقير جداً، بس كان طيب جداً ومدردح ويخطف القلب. خطف قلبها. الوزير جعفر عرف الليلة، وشاف علاء الدين، وعرف إن هو دا الجوهرة في الوحل اللي هتجيب له المصباح.. راح خاطف علاء الدين، وواداه الكهف، وغدر بيه. أخذ منه المصباح وسابه في الكهف يموت لوحده! لكن شوف بقى عشان نيته السودادي حصل إيه.. في اللحظة اللي الكهف بيتفقل فيها على علاء الدين، وقع المصباح من إيد جعفر، وأخذه علاء.

فرك علاء الدين المصباح وطلع له الجني وطلب منه يتمنى تلات أمنيات.
أعجب شهريار بالقصة فقال:

- رويداً شهرزاد.. أين التفاصيل؟ أريد تفاصيل أكثر.
- لا، حضرتك القصة فيها تفاصيل كتير أوي، فنساعد بعض معيش..
المهم، علاء الدين فرك المصباح، راح ابن المحظوظة طالع له الجني!
- وما المثير في هذا؟ أملك في مملكتي مثل هذا الجني بالمائات!
- بقول لك إيه.. الجني اللي عندكم دا ساقط إعدادية وأحول، وهيوبي الملكة بتاعتكم دي في داهية في طلعة من طلعاته الزمنية.. وحسبى الله ونعم الوكيل فيك يا جني يا ابن طنط...
قاطعها شهريار:

- ما كل هذا؟ لماذا كل كلامك غريب هكذا؟!
- من قهرتني! ناس يطلع لها ويل سميث، وناس يطلع لها جني أحول!

طب مش كان خدني المالديفز، ولا هوليود؟! المهم.. الجنى قاله اتمنى تلات أمنيات. تفتكر انت لو مكانه يا شهريار، إيه أول أمنية هتتمناها؟

- أن قصتك المملة هذه تنتهي !

تحسست رقبتها مرة أخرى، وأكملت:

- برافو عليك.. أهو علاء الدين اتمنى زيك كدا إن اللي هو فيه دا يخلص ! اتمنى أول أمنية إن الجنى يخرج من الكهف، وفعلاً خرّجه. طلب منه الجنى يتمنى أمنية كمان.. تفتكر إيه هي ؟

- ممم، إنه يتقم من جعفر ويقتله؟

- إيه السواد دا؟ إنت كل حاجة عندك قتل وانتقام؟ اتمنى إنه يتجوز ياسمين اللي هو بيحبها!

- أبله! وماذا حدث؟

- الجنى قاله أنا ماقدرش أجوزهالك، بس شوف عايزني أساعدك ازاي توصل لها.. فطلب منه علاء الدين إنه يخليله أمير عظيم وغنى جداً عشان يقدر يبهر الأميرة ياسمين ويقنع أبوها بجوزهاله.

اعتدل شهريار في جلسته، ورد عليها بتهمكم:

- يريد أن يزيف حقيقته أمامها وأمام أبوها ويظهر على أنه شخص آخر..
ياله من فتى !

- ياختي شهرورة شطورة يا ناس والله! أهو الجنى بعد ما حقق له أمنيته، وخلاله غني جداً، حذره من نفس اللي انت بتقوله دا! قاله بص يابني بالخبرة كدا في قصة الأمنيات دي، هقولك الزتونة: كل ما هتمثل إنك واحد تاني غير نفسك عشان تكسب من الدنيا أكثر.. كل ما هتخسر نفسك، وهتكشف إنك ماكسيتش أي حاجة.

- وماذا يعني هذا الكلام؟

- يعني كل ما هي بعيد عن شخصيته الحقيقة ويمسك في الفلوس أو الجاه أو السلطة عشان يتشهر أو ينجح أو يتجوز اللي بيحبها.. كل ما هي خسر نفسه

وهيبيقى تعيس، وفي الغالب هيخرس اللي بيحبها.

- ما هذا العبث؟ هذا الجني يبالغ جدًا!

- شهور، إنت عندك انفصام؟ هو انت مش كنت لسة معترض وقلت إنه بيزيف حقيقته، ويتمثل؟

- نعم، أنا قلت ذلك، ولكنني لست معترضًا! أنا لا أرى أنه من الخطأ أن يزيف الشخص حقيقته ويتمثل أنه واحد آخر لكي يجعل الناس تحبه!

- أهو علاء الدين قال نفس الكلام بتاعك دا للجني وماسمعش كلامه وخسر كل حاجة.

- ماذا حدث؟

- دخل علاء في صراع مع نفسه.. جزء منه يقول له مفيش أحلى من إنك تكون على طبيعتك الخفيفة الحرة الطيبة، ولا تمثل ولا تدعى إنك حد تاني غير نفسك عشان تعجب المجتمع، وجزء تاني في نفسه بيقوله لو عملت كدا هفضل طول عمرك صعلوك، ومش هتنجح في حاجة. لازم المال والجاه واللقطة دي عشان دا اللي هي عملك قيمة وسط الناس اللي مش شاييفينك دول. لا شخصيتك الطيبة المرحة، ولا طيبتك، ولا عطفك على الفقراء، ولا جو الإنسانيات دا هيوصلك حاجة.

نظر شهريار إليها في ثقة وأردف:

- أنا مع رأي الجزء الثاني من نفسه.

- بس الإنسان يا شهريار لو فضل ماشي ورا الحاجات اللي هتديله تقبل في المجتمع وخلاص، الناس هتقبله ممكن، بس هو مش هيبيقى مبسוט.

- ماذا يعني ذلك؟! ماذا كل هذه السفسطة؟

- فصقصة إيه؟! أنا قصدي إنه هيتوه من نفسه يا شهريار. هيبيقى عارف إن الناس عاجبها الماسك اللي هو لابسه مش شخصيته الحقيقة. هيبيقى مش عارف يلاقي شغفه لأنه ماشي زي الكمبيوتر بيعمل اللي الناس عايزاه وخلاص.

- الكمبيوتر؟! هذا جني آخر؟

- الكمبيوتر دا جهاز يا شهريار، مكنة!

- مكنة مكنة، وما المشكلة؟ ألا يريد أن يتزوج ياسمين؟ من الجائز أن

يكون هذا ما سيعجبها!

- بالعكس! ياسمين شخصياً بتعمل عكس اللي هو بيعمله! بتحاول تتمرد على القوانين بتاعة المجتمع اللي بتجبرها تتجاوز بطريقة معينة وتنعنعها يبقى ليها دور في المملكة عشان هي بنت وأميرة، والمفروض يبقى كل اهتماماتها راحت فين، واشتربت إيه، وتهتبس إيه، وتتجاوز مين، وكدا.

- وما الذي يضايقها في ذلك؟

- مش مسألة يضايقها؛ مسألة إنه مش شخصيتها، مش طبيعتها، وهي عايزة تعيش بطبعتها، مش عايزة تعيش ترضي الناس وخلاص!

- لقد مللت من قصتك، وأفكر جدياً أن أنادي مسروراً
ارتجمفت شهرزاد، وأسرعت قائلة:

- سيبك من قصتي، قل لي يا شهريار: إنت حاسس إنك سعيد؟
أجاها بعظمة:

- أنا الملك شهريار أملي كل شيء يجعلني سعيداً!

- أيوه، بس انت سعيد؟

رد في حيرة:

- لا أعلم.. رجعتِ تسأليني مرة أخرى؟!

- بلاش.. إنت حاسس إنك نفسك تكمل بقية حياتك كدا؟

- وما هذا الكدا؟

- كدا اللي هو بتعمل اللي انت بتعمله في حياتك كل يوم: حكم المملكة،
سن القوانين، تعاملاتك مع الرعية.. أياً كان.

- بصراحة، أحياناً أشعر أنني تائهة.. لا أعلم إذا كان ما أفعله هو ما أحب

فعله حُقّاً، أَمْ مَا يُجْبِي عَلَيَّ فَعْلَه لَكِي أَكُون مُلْكًا عَظِيمًا.

- أَهُو دَا بِالظُّبْطَ الِّي بِي حَصْلَ لَمَا بِتَمْشِي وَرَاءَ الْجَزْءِ الِّي جَوَّاكَ الِّي عَايِزَ
يَرْضِي النَّاسَ وَخَلاصَ! بِتَفْقِدِ عَلَاقَتَكَ مَعَ نَفْسِكَ. بِتَبْقِي تَايِهَةَ مُمْكِنَ تَبْقِي
نَاجِحَ مِنْ بِرَا، وَمُلْكَ، وَكُلَّ النَّاسِ بِتَشَافُرِ عَلَيْكَ، بَسْ أَنْتَ تَايِهَةَ، وَمَشَ
لَا قِيَ نَفْسِكَ.

- وَهَذَا مَا حَدَثَ لِعَلَاءِ الدِّينِ؟

- عَلَاءُ الدِّينِ مَا سَمِعْشَ كَلَامَ الْجَنِيِّ، وَاخْتَارَ إِنْهُ يَفْضُلُ يَمْثُلُ عَلَى يَاسِمِينِ
إِنْهُ أَمِيرٌ وَغَنِيٌّ، وَخَبِيَّ عَنْهَا إِنْهُ هُوَ الصَّعْلُوكُ الِّي هِيَ حَبْتَهُ فِي السُّوقِ. وَلَمَّا
جَعْفَرُ عَرَفَ حَقِيقَتَهُ، كَشَفَهُ لِيَاسِمِينَ، وَسَرَقَ مِنْهُ الْمَصْبَاحَ، وَبَقِيَ هُوَ سُلْطَانُ
الْمُلْكَةِ، وَجَبَسَ يَاسِمِينَ وَأَبُوهَا!

- وَمَاذَا فَعَلَ عَلَاءُ وَقْتَهَا؟!

- حَاوَلَ بَقِيَ يَصْلَحُ غُلْطَتَهُ. اعْتَذَرَ لِيَاسِمِينَ وَسَابِهِ مِنْ قَصَّةِ إِنْهُ أَمِيرٌ وَغَنِيٌّ
دِي. وَاسْتَخَدَمَ شَطَارَتَهُ وَمَهَارَاتَهُ فِي إِنْهُ يَنْخَدِعُ جَعْفَرُ، وَيَا خَدَمَنَهُ الْمَصْبَاحَ تَانِي.
وَفَعْلًا انتَصَرَ عَلَى جَعْفَرَ، وَأَنْقَذَ الْمُلْكَةَ، وَأَطْلَقَ سَرَاحَ الْجَنِيِّ.. وَمِنْ كُتُرَ ما
الْسُلْطَانُ أَعْجَبَ بِيهِ جَوْزَهُ يَاسِمِينَ رَغْمَ إِنْهُ عَرَفَ إِنْهُ مُجْرِدُ وَاحِدٌ فَقِيرٌ، مَشَ
أَمِيرٌ زِيهَا.

- يَا سَلامَ، بِهَذِهِ السَّهُولَةِ؟!

تَثَاءَبَتْ شَهْرَزادَ وَهِيَ تَقُولُ:

- لَا طَبَعًا.. بَسْ كَفَايَةُ عَلَيْكَ كَدَا.. بَسْقَطَ وَمَطْبَقَةُ مِنْ امْبَارِحَ.

- يَا مَسْرُووووور.. طَيْرَ رَاسِ شَهْرَزادَ.

- Shittt.. سَيِّبِنِي لِبَكْرَةِ اللَّهِ يَخْلِيكَ!

نرجع خطوتين

لما سألت الناس بعد كتاب «سندريلا سيكريت»: إيه أكتر جزء كان صعب في الكتاب؟ أغلب الناس جاوبتني: «الأسئلة اللي في الأول!». ناس كتير ما عرفتش تجاوب عن نفسها.. يمكن لو كنت سألهـم الأسئلة دي عن صحابـهم ولا ولادـهم كانوا عرفوا يجاوبـوا، بس عن نفسـهم ما عرفـوشـ. والموضع دا في حد ذاتـه زعلـهم جـداً. فيهـ ناسـ صـبرـتـ وـكمـلتـ قـراءـةـ زيـ ما وصـتهـمـ فيـ ردـودـيـ.. وفيـهـ نـاسـ قـفـلتـ الكـتابـ وـقـالتـ مـفيـشـ فـايـدةـ، وـماـ حـاوـلـوـشـ تـانـيـ.

عشـانـ كـداـ، خـلوـنـيـ أحـطـ لـكـمـ الأـسئـلةـ تـانـيـ، وـنبـدـأـ الـخـنـاقـةـ منـ أـولـ وـجـدـيدـ:

١- إـيهـ الـحـاجـةـ الـلـيـ بـتـبـقـىـ مـبـسـطـ وـانتـ بـتـعـمـلـهـاـ لـدـرـجـةـ إـنـ الـوقـتـ مـمـكـنـ
يعـديـ كـداـ مـنـ غـيرـ مـاـ تـحـسـ؟ـ حاجـاتـ بـتـسـتـمـتـعـ إـنـكـ تـعـمـلـهـاـ حـتـىـ لوـ مشـ
هـتـاخـدـ عـلـيـهـاـ فـلـوـسـ؟ـ مشـ عـارـفـ؟ـ طـبـ وـانتـ صـغـيرـ إـيهـ الـحـاجـةـ الـلـيـ كـنـتـ
بـتـسـتـمـتـعـ جـداـ وـانتـ بـتـعـمـلـهـاـ؟ـ

٢- إـنـتـ إـيهـ الـهـدـفـ مـنـ حـيـاتـكـ؟ـ عـاـيـشـ عـشـانـ إـيهـ؟ـ إـيهـ الـلـيـ اـنتـ عـاـيـزـهـ
فعـلـاـ مـنـ حـيـاتـكـ؟ـ وـلـيـهـ؟ـ

٣- إـيهـ الـحـاجـةـ الـلـيـ بـتـحـلـمـ إـنـكـ تـعـمـلـهـاـ فـيـ يـوـمـ مـنـ الـأـيـامـ؟ـ

٤- إـيهـ الـحـاجـةـ الـلـيـ لوـ ضـامـنـ ١٠٠%ـ إـنـكـ هـتـنـجـحـ فـيـهاـ كـنـتـ هـتـعـمـلـهـاـ؟ـ
يعـنيـ لوـ تـخـيـلـنـاـ مـثـلاـ إـنـ مـفـيـشـ عـوـائـقـ، كـنـتـ هـتـحـبـ تـعـمـلـ إـيهـ فـيـ حـيـاتـكـ؟ـ

٥- فـيـهـ حـدـ تـعـرـفـهـ أوـ تـسـمـعـ عـنـهـ بـيـعـمـلـ الـحـاجـةـ الـلـيـ اـنتـ بـتـحـبـ تـعـمـلـهـاـ
ديـ وـنـاجـحـ فـيـهاـ؟ـ

٦- هلـ الـبـيـئـةـ الـمـحـيـطـ بـيـكـ مـسـاعـدـاـكـ إـنـكـ تـبـقـىـ أـحـسـنـ وـاحـدـ مـمـكـنـ
تـكـونـ؟ـ هلـ بـتـخـرـجـ أـحـسـنـ مـاـ فـيـكـ؟ـ وـلوـ إـجـابـتـكـ «ـلاـ»ـ، عملـتـ أـيـ حاجـةـ
قبلـ كـداـ عـشـانـ تـحسـنـ الـوـضـعـ الـلـيـ اـنتـ فـيـهـ دـاـ؟ـ

٧- هوـ اـنتـ تـسـتـحقـ تـعـيـشـ سـعـيـدـ؟ـ إـنـتـ شـايـفـ إـنـكـ شـخـصـ يـسـتـاهـلـ
الـسـعـادـةـ؟ـ

٨- لو سألك عن أكثر مشكلة بتواجهه العالم دلوقتي من وجهة نظرك،
واللي لو اتحلت الناس هتبقى حياتها أحسن، إيه هي؟

٩- لو عرفت إن حياتك هتنتهي قريبًا هتعمل إيه، وهتندم إنك
ما عملتش إيه؟

١٠- لو بتفكر في المستقبل.. هل عندك استعداد إنك تكون كل ما يمكن
أن تكون؟ تطلع أحسن ما عندك؟ تخرج أحسن إنسان جواك؟

لو الأسئلة خوفتك وحسستك إنك برضه ماعندكش إجابات، خليني
أطمئنك حاجة: فيه جزء فيك عارف إجابة كل سؤال من دول، وبسهولة
جداً ممكن يعلي عليا كمان. جزء فيك عارف كويس إنت مين، وبتحب إيه،
وبتكره إيه، وعايز تعمل إيه في حياتك، وبتخاف من إيه، ونفسك تجرب
إيه. جزء عظيم ومهم جداً، وهو الوحيد اللي عنده إجابة السؤال المتكرر:
«أنا إيه بصمتني في الدنيا؟».

مشكلتنا الكبيرة إن الجزء دا ساكت.. مكتوم.. مش مسموح له ينطق،
فيه جزء تاني فيك هو اللي مسيطر وبيتكلم وبيحتكل بالناس، وبيعمل
الاختيارات، وبياخد القرارات، ولو انت ما عرفتش تجاوب على الأسئلة
اللي فوق دي، فدا عشان الجزء المسيطر دا كان هو اللي بيقرها.

جزء إيه؟ وبتاع إيه؟ إيه الانفصام دا؟ أنا مش فاهم حاجة!

خليني أوضح لك قصدي، بس الأول نتفق اتفاق.. الكتاب دا
هياخدك في رحلة عميقه جداً جوانفسك. هتلaci نفسك وانت بتقرأ مرة
حزين، ومرة فرحان، ومرة خايف، ومرة متلخبط، ومرة مرگز! مشاعر
كتير أو ي هتختلط عليك، وكل دا طبيعي جداً. عايزين بس نتفق على كام
حاجة:

أولاً: مهما جالك مشاعر ملخبطة وانت بتقرأ، كمل الكتاب للآخر. كل
جزء في الكتاب مصمم إنه يمشيك في تسلسل معين عشان توصل لوضوح
وخطة تفصلها على حياتك، وتناسب أهدافك وظروفك. ماتستعجلش

وتنادي لي مسرور كل ما تقرأ حاجة توترك^⑤ كمل، وانا أوعدك إن الدنيا
هتووضح مع الوقت.

ثانياً: شخبط في الكتاب كتير، واكتب خواطرك، وأفكارك، ومشاعرك،
طول ما انت بتقرأ. ماتستلفش الكتاب من حد! خلي عندك نسخة بتاعتكم
انت اللي فيها خواطرك انت!

ثالثاً: ودا الأهم، ما تاخدش قرارات وخطوات ضيئمة في حياتك غير
أما تخلص الكتاب، وتكتمل عندك الصورة الكبيرة. الكتاب دا عامل زي
«الرولر كوستر» بتاعة الملاهي! ماینفعش حد وهو فوق في المرجيبة يقرر إنه
عايز يطير، فيفك الخزام وينط! هتقع على جدور رقبتك! استنى لما المرجيبة
تقف، وبعددين اعمل اللي انت عايزه.

رابعاً: مفيش إجابة نموذجية لأي سؤال في الكتاب. ومفيش خطة
نموذجية برضه للنجاح والسعادة في الحياة. ولا أنا بدّعي إني عارفة كل
حاجة وقعدة بنصحكم من برج عالي. أنا زبي زي أي حد هيقرأ الكتاب
دا، بعافر في الحياة. بقوم، وبقع، وبفرح، وبكتشب، وبخاف، وفيه حاجات
عارفها، وحاجات لأ، وحبة فوق وحبة تحت.. بني آدمية عاااادية جداً!
كل ما في الأمر إني بحاول اتعلم، واقرأ، واكتسب خبرات، وأساعد
غيري، واتعلم منهم.. والكتاب دا هو خلاصة جميع ما سبق، وأتمنى إنه
يساعدك في حياتك^⑥.

خامسًا: هتلaci بعد كل فصل، برييك.. أیون، فسحة، زي بتاعة المدرسة
كدا، عشان تفصل وتدلع نفسك قبل ما تكمل قراءة، عشان أنا مش عايزاك
تقرأ وانت متنشن.

اتفقنا؟

نكمel كلامنا.. إيه حكاية الجزء اللي جوانا اللي عنده إجابات الأسئلة
وعارف إيه البصمة بتاعتكم؟

To thine شكسبير له جملة مشهورة جداً كتبها في رواية هاملت بتقول: «own self be true». الجملة دي استُخدمت كتير جداً في مجال علم النفس

بالذات، في إشارة إلى أن الإنسان المفروض يكون عارف نفسه و حقيقي تجاهها و متصالح معها.

يعني إيه عارف نفسه؟ إيه نفسه دي؟

كل واحد فينا عنده شخصيتين جواه: شخصيته الأصلية، أو الحقيقة اللي مولود فيها، اللي مرتبطة بهويته، والـDNA بتاعه.. وهنسميها الـTrue Self. والشخصية الثانية هي شخصيته الاجتماعية اللي بيستخدمها في تعاملاته مع العالم اللي حواليه، وفي حياته اليومية.. وهنسميها الـSocial Self (أحياناً بيسموها الـeveryday self).

يعني إيه الكلام دا؟

نتعرف على بعض أكثر

الـ *true self* بتعاتك هي شخصيتك اللي جت من جيناتك، هي الحاجات اللي بتحبها بجد، مش بتعملها مجرد إنك متأثر بالمجتمع اللي حواليك، هي الصفات اللي بتشكل شخصيتك، هي مشاعرك وانفعالاتك، هي الجزء اللي فيك اللي مش بيدور يرضي الناس ازاي، أو يحكم عليهم بإيه، أو يعمل إيه عشان يتتجنب نقدتهم، هي الجزء التلقائي اللي على فطرته جواك، هي بصمة شخصيتك وهو يفك الأصلية اللي مكانتش هتغير، سواء انت اتولدت في مصر ولا فرنسا، ابن أمير ولا ابن غفير. هي «إنت» مجردة من أي إضافات، أو أوبشنز زيادة. هي روح شخصيتك نفسها.

الـ *social self* هي الجزء المكتسب اللي فيك. الجزء اللي اكتسبته من التربية والتجارب والبيئة المحيطة بيك. الجزء اللي بيتتطور، ويتغير مع الوقت والأماكن والناس المختلفة. الجزء اللي بيقولك انت «المفروض» تعمل إيه عشان تبقى مقبول في المجتمع، أو عشان تنجح. هي أفكارك وقناعاتك اللي اتشكلت بالبلد اللي انت فيها، والثقافة اللي اتعرضت لها، والرأي الجماعي حواليك. هي المهارات الاجتماعية اللي اكتسبتها، والوسائل اللي اتعلمتها عشان توصل لأهدافك.

طيب، هل معنى جملة شكسبير إن الواحد يقضي على جزئية *the social self* في نفسه، ويتعامل بـ *true self*؟

الكاتبة Martha Beck في كتابها *Finding Your Own North Star* قالت إن الإنسان مايقدرش يستغني عن جزء من الاثنين دول في شخصيته! *true self* هي فطرة الإنسان اللي بتوجهه يروح فين، والـ *social self* هي المهارات اللي اكتسبها، والوسائل اللي بيستخدمها عشان يوصل! *true self* بتعاتك هي اللي بتحب الرسم والفنون، ونفسها جدًا إنك تبقى رسام.

الـ *social self* بتعاتك هي اللي هتخليك تذاكر في ثانوية عامة عشان

تجيب مجموع، وهتخليك تقدم ورتك في كلية فنون جميلة.
الـ *true self* بتأمرك هي اللي بتحب السفر والمغامرة.
الـ *social self* بتأمرك هي اللي هتخليك تحوش فلوس، وتحضر
ورتك، وتقدم على الفيزا عشان تسافر.

الـ *true self* بتأمرك عندها مشاعر ناحية البت الفلانية.
الـ *social self* بتأمرك هي اللي هتقولك إيه اللي يصح قوله، أو تعمله،
عشان تعب لها عن مشاعرك من غير ما تخرج نفسك.

الـ *true self* إنت مولود فيها، وهي الجزء الأصيل في روح شخصيتك،
واللي مش بيتغير. إنما ما بين ولادتك واللحظة اللي بتقرأ فيها الكتاب دا، الـ
الـ *social self* اتعلمت تعايش، وتلبس، وتتكلم، وتمشي، وتركب عجلة،
وتسوق عربية، وتقف في طوابير، وتبتسم في المناسبات، وما تقلدش سبайдر
مان في الحقيقة عشان هتموت، وما تعخشش مدام عفاف بتأمة شؤون الطلبة،
عشان ما يصحش.. اتعلمت أي حاجة ممكن تخليها مقبولة أكثر اجتماعياً.
طب ليه *social self* عايزة تكون مقبول اجتماعياً؟ عشان انتبني آدم،
والبني آدم كائن اجتماعي بطبعه.. «إنسان» بيعجب يأنس باللي حواليه، ويحس
إنه بيتنمي ليهم. *social self* بتأمرك مش عايزة تكون وحيد، فيتعلم إيه
اللي هي خل الناس تحبك وتقبلك وتسقفك لك، وتزقك إنك ت عمله.. وإيه اللي
هي خلهم يتضايقوا منك، وتخوفك إنك ت عمله!

لو *the self* بتأمرك كانت هتبقي هي هي أيّا كان انت نشأت فين،
فالـ *social self* قطعاً بتتشكل بالثقافات، والتوقعات، والعادات، وال التربية
اللي نشأت فيها.

من الآخر كدا *the self* هي اللي معاها البوصلة بتأمة «أنا مين، وعيز
أروح فين، أنا بحب إيه، أنا إيه شغفي، أنا إيه اللي بيسقطني... إلخ»، بعيداً عن
توقعات الناس منك. *the social self* هي وسيلة المواصلات اللي بتركبها
عشان تروح الوجهة دي بقى. واحنا الحقيقة محتاجين الاتنين: البوصلة اللي
بتحدد الوجهة، والوسيلة اللي بتوصلك. محتاجين الهدف نفسه، والمهارات
اللي هتوصلنا له.

مين اللي سايق؟

لو عشت حياتك كلها *true self* بس هي اللي سايقة، احتمال تقضي حياتك في السجن عشان واحد عصبك، فرحت قتلته. إنما اللي بيحصل لما *true self* بتاعتكم بتضايق وتبقى عايزه تموت اللي قدامها، إن *social self* بتيجي تديها شوية توجيهات عشان ماتعملش حاجة مجنونة تخل الناس تكرهها، وتبعد عنها. بتقولها أصبرى، ابتسمي، اتكلمي بالطريقة الفلانية، ابعدي عنه دلوقتى، وможن تكون بتقولها استحملى واسكتى عشان الناس هتقول عننا إيه. وهكذا! هفكرك تاني، إحنا كائنات اجتماعية، وال*social self* بتاعتكم عايزاك تأكل عيش[☺] وبالتالي هي هتسعى بأقصى مجدها إنها تركن *the self* بتاعتكم على جنب، خوفاً عليك من اقتراحاتها المجنونة.

طب ولو *the social self* هي اللي ساقتك لوحدها إيه اللي هيحصل؟ تخيل نفسك بتصحي كل يوم تلبس ماسك ولبس تنكري وتتمثل دور لا يعبر عنك، هيبقى شعورك إيه؟ الناس اللي كابتين *true self* تماماً وسايقين في الدنيا بال*social self* بس بيبيقوا عايشين كدا، وكثير منهم بيكمي كدا لحد ما يحصل عنده أزمة هوية، أو أزمة متتصف بالعمر، أو أي أزمة في حياته تحسسه إنه طول الوقت دا كان عايش في قالب مش بتاعه! مكانش هو، كان واحد تاني!

لما *the social self* هي اللي بتسوق لوحدها، بتحصل الشكاوى اللي بتسمعها كل يوم: «أنا تايه.. أنا محبط.. أنا زهقان.. أنا مش لاقى نفسي.. أنا مش عارف شغفي.. أنا مش عارف أنا بعمل إيه في الشغلانة دي.. أنا مش عارف أكمل في العلاقة دي ولا لأ.. أنا مش عارف أنا مين، وبعمل إيه، وليه مش مبسوط، مع إني عندي نعم كتير تبسطني».

كل مرة بتذوس على *the self* عشان تأدي دورك في البرواز الاجتماعي المثالى، أو عشان ترضي اللي حواليك وخلاص، أو عشان تثبت حاجة لحد، أو عشان تتجنب المشاكل، أو النقد، أو عشان تبان بصورة معينة، أو عشان تتحقق

نجاح اجتماعي معين، كل مرة في دول.. فيه حنة فيك بتموت! فيه جزء فيك
بيتكتب! فيه مسافة بت تكون بينك وبين نفسك!

في قصة علاء الدين، لو الأميرة ياسمين استجابت لقوانين المملكة وقضت حياتها في القصر أقصى دورها إنها تلبس وتأكل وتستنى الأمير اللي هيتجوزها عشان تنال رضا الناس، هتعيش حياتها كلها تعيسة؛ لأنها بعيدة تماماً عن **true self** بتأتها اللي عايزها يبقى لها دور وإسهام في حياة الناس الفقراء. فاكرين الأميرة ديانا؟ الضغط اللي **social self** بتأتها مارسته عليها عشان تخليها «الأميرة» ديانا وريثة العرش، كبت تمامًا **true self**، وخلتها عندها اكتئاب واضطرابات في أكلها وأخطاء رهيبة في اختياراتها وتصرفاتها، زي ما بالظبط بيحصل مع أي حد فينا **social self** بتأتها هي اللي ساقطة لوحدها، وكابتة **true self** وحابسها في حياة مش مناسبة ليها.. «طب دي كانت هتبقى ملكة المجنونة دي؟!؟»، صحيح! بس دي مش شخصيتها ☺ هي اختارت تبقى «ملكة القلوب» - زي ما قالت في البرامج وقتها - بضميتها وتأثيرها في مشاكل المجتمع.. لكن تاج الملكة مكانش «هي».

نفس الفكرة بالظبط في قصة علاء الدين. أهم درس الفيلم دا عايز يوصله «خليك نفسك»، و«خليك انت» مش حد تاني منها كان الحد الثاني دا بيلمع أكثر! إيه الفايدة إنك تلمع من برا والناس كلها تنبهر بلمعتك، وانت من جواك مطفي!

أسأل نفسك:

- هل أغلب وقتك بتقضيه «انت» على طبيعتك ومتافق مع **true self** بتأتك، ولا لابس ماسك؟

- هل بتقف تدافع عن نفسك وأفكارك ومعتقداتك، ولا بتتعايشه مع اللي حواليك وخلاص؟

- طب إيه اللي بيوقفك إنك تبقى «انت»؟

«أعظم تحدي تقابله هو أن تكون نفسك أنت وسط عالمٍ
يمارس فيه الجميع أن يجعلوا منك شخصاً آخر»
(إي. إي. كامينجز).

يعني **الـsocial self** دي وحشة وشريرة والمفروض نقتلها؟ لا، بالعكس! ربنا - سبحانه وتعالى - خلق فيك الجانبيين دول من شخصيتك لأنك أنت محتاجهم هما الاثنين! محتاج **الـtrue self** تقول لك أنت بصمتلك فين، طبيعة شخصيتك بتحب إيه، مين الناس اللي روحك بتحبهم، إيه الحاجات اللي بتتسطعك من جواك، ومحتاج كمان **الـsocial self** عشان تنظم الوصول للحاجات دي. تحقق الأهداف، وتحافظ على العلاقات، وتخلص الدراسات، وتواجه التحديات. طول ما **الـsocial self** والـ**true self** بيتكلموا مع بعض، وفاهمين بعض، وعلاقتهم حلوة.. طول ما أنت هتحس بسلسة في حياتك وانسجام وسلام نفسي. وطول ما هما مقاطعين بعض، أو «مقطعين بعض».. طول ما أنت هتحس بصعوبة، وحيرة، وتوهان، واكتئاب، وعدم رضا.

الفصل دا بقى - والكتاب كله الحقيقة - من أهدافه إننا نصالح الشخصيتين دول على بعض! على مدار الكتاب عامة هنتعلم مهارات تساعدنا نفهم مشاعرنا، ونحدد مين الناس اللي هتأثر بيهم في حياتنا، وإيه القوالب الاجتماعية اللي هنستغنى عنها، وكل دا عشان نفهم نفينا، ونوصل لإجابة السؤال العظيم بتاع: أنا موجود في الدنيا عشان أعمل إيه؟ كل دا عشان تبقى قراراتنا واختياراتنا وعلاقاتنا بتعبّر عننا إحنا.

عشان كدا أهم هدف عايزين نوصل له، هو إننا نخلي **الـtrue self** تتكلم، ونسمعها. هندور على **الـtrue self** زي ما بيدوروا على الذهب في الأرض. مش هنفضي على **الـsocial self**، ولا حاجة، بس هنركنها شوية، ونسمع **الـtrue self** عشان نعرف نصالحهم على بعض ونخلي الاثنين يستغلوا كفريق واحد لصالحنا.

وعشان نحقق الهدف دا محتاجين الـ social self تريّح ضهرها، وتسبيب
نفسها شوية.

اعمل تليفونك سايلنت، فكك من مو دالمذاكرة، ريلاكس كدا، واقلع
جزمتك، وتعالى أحكيلك عن نفسي.

كان ياما كان

أنا خريجة إدارة أعمال، عملت كاريير شيفت بعد كام سنة من تخرجني، وبدأت أدرس كوتشننج وعلوم نفسية، وركزت فيهم، ونجحت بنسبة كبيرة، الحمد لله. بس عشان أنا بحب كل فترة أجرب نفسي في حاجة جديدة، طقت في دماغي من كام شهر أقدم على شغلانة في شركة بتعمل سوفت وير محاسبة للأفراد والشركات. الشغلانة كانت technical assistance للناس اللي عندها حسابات مع الشركة، وماحدش يسألني إيه علاقة دا بأي حاجة أنا بعملها؛ عشان زي ما قلت لكم أنا بحب أتعلم حاجات ملهاش علاقة بعض 😊.

التدريب على الشغلانة دي كان مدته شهر.. قدمت، واتقبلت، وبدأت التدريب، وكان الحمد لله من أسوأ تجارب حياتي! كل يوم في التدريب كان بيعدني علياً كأنه سنة! بصحى من النوم بطني وجعاني، وحاسة بتنشنة غريبة في كل جسمي، ومتوتة، ومش عايزة أقوم أصلًا! آخر مرة حسيت الإحساس دا كانت وأنا باخد كورس البرمجة في أولى جامعة، لما سولت لي نفسي إني أدرس حاسبات ومعلومات كدراسة تانية مع دراستي! كان كابوس رهيب برضه! وال الحاجة المشتركة بين التجربتين دول إن إحساس الخنقة الرهيب مكتنش عشان هما حاجات صعبة ماتتعملش.. أنا عملت حاجات أصعب من كدا في حياتي عامة! مكانتش عشان ظروف أنا بمر فيها وقتها.. أنا عدى علياً أوقات أصعب من وقتها برضه، وكنت بشتغل كويس عادي! مكانتش عشان هما محتاجين مجهد جبار، وأنا بستسهل.. أنا فيه حاجات عملتها قبل كدا كنت ولا بنام، ولا باكل، ولا بكلم حد، من كتر المجهود، بس ماكنتش حاسة بالخنقة دي! أمال إيه السبب؟

السبب ببساطة إنهم مش سكتي! بس كدا! the self social بتعاتي عمالة تقولي يا بتتي انشفي كدا، شغلانة حلوة وفيها فلوس وبريسنج، وهتتعلم حاجه جديدة! وال self true بتعوي مش بتاعتك يا ريس! حلوة

جميلة فلوس بريستيج، بس مش بتاعتك! بقالك كتير بتحاولي فيها ومفيش
نقطة إحساس بالسعادة!

لما كتبت «سندريللا سيكريت» مثلاً، تعبت جداً! بذلت فيه مجهد رهيب،
وفيه أيام كتير مكتنش بنام، وأيام عيطة وجالي إحباط، وأيام مكتنش قادرة
أكتب، وهكذا.. بس الغالب على تجربة «سندريللا سيكريت» كلها إني كنت
مبسوطة حتى وأنا تعباً. كنت حابة اللي بعمله حتى وهو متعب وصعب!

إنها الشغلانة دي كان مجهدها الذهني أقل، وإحساسي بالمسؤولية فيها
أهدى.. لكن كنت كارهة حياتي وأنا بعملها! يوم ورا يوم الإحساس دا
بيزيد، وأنا بحاول أزق نفسي، لحد ما في يوم انهارت من العياط، وتعبت
 جداً نفسياً وجسدياً.. ودي كانت طريقة الـ *true self* إنها تقولي «ستوب
اللعب!»، ودا يجيينا لنقطة مهمة جداً.. هي الـ *true self* دي بتكلمنا ازاي؟

«ثمة صوت لا يستخدم الكلمات، أنصِّت إلَيْهِ»

جلال الدين الرومي

الـ social self بتكلمني طول الوقت بمنتهى السهولة: «كملي يا هبة.. الناس هتقول عليكي إيه؟ أيوه، برافو عليكي.. إيه اللي بتعمليه دا؟ لا بلاش تقولي رأيك.. خليكي في الشنطة دي هتبان أكتر... وهكذا..». ليه بتتكلمنا بسهولة؟ عشان للأسف كل مراكز اللغة والكلام في مخك مسيطر عليها الـ social self. كل الأجزاء اللي في مخك اللي مسؤولة عن التحليل، والتفكير، والكتابة، والتواصل، والتعبير، كلها الـ social self عاملة عليها كئاشة.. وبالتالي الـ true self مش بتعرف تستخدم الكلمات الواضحة المباشرة عشان توصل لك احتياجها. فتعمل إيه المسكينة؟

لما بتبقى ماشي في طريق غلط مش هيوصل لك للشغف والبصمة بتأتك، لما بتبقى في علاقة مع ناس غلط بتسحب من روحك وسلامك النفسي، لما بتبقى الـ true self بتأتك مكبوة بأي شكل من الأشكال والـ social self هي اللي ساقطة لوحدها.. الـ true self هتعمل كل حاجة عشان تنبهك! ولو الـ social self ما أخذتش باها، أو مااهتمتش وكملت في نفس الطريق، الـ true self هتأفور أكتر، وهتزود الدراما يمكن تتسمع! ممكن تلجم للعنف والأنهيار، وكل الطرق الغريبة عشان تقولك: «ستوب اللعب.. أنا مش عاجبني اللي انت بتعمله دا!!».

ممكن تفضل انت برضه مش واحد بالك، ومش مركز، لحد ما تلاقي نفسك في يوم بتعيط في اجتماع في الشغل، عشان جابولك الشاي من غير نعناع! أنا فاكرة مرة كان فيه موضوع كبير مضايقني جدًا، والـ social self بتأتي أقنعني تمامًا إني ماعملش فيه أي حاجة! قالت لي كدا: «خليكي

عاقلة وكبيرة ومسئولة وحモلة (وشوية صفات لذيدة كدا).. واسكتي!».. سكت وسمعت كلامها، بس self معجبهاش الحوار، واعتراضت! اعتراضت ازاي بقى؟ الأول عيشتنى في شعور بالنكد والخنقة ما يبرر حش مهمها عملت، يمكن آخذ بالي واسألها مالك! طنشتها. راحت دخلتني عشر أيام في مرض، ونوم في السرير، وتكسير في جسمى مش مفهوم، وملوش أي مبرر! أكشف.. الدكتورة تقولي معندكيسش أي حاجة، دي حاجة نفسية! برضه طنشتها. راحت عملت إيه؟ خلتني في يوم قاعدة بتفرج على فيلم، ومن غير أي مقدمات، اتفتحت عياط لأن حد مات لي! كنت حاسة والله إن أنا شخصياً مش فاهمة فيه إيه، ولا عارفة أسيطر على البنى آدمية اللي بتعيط دي! طيب ليه كل الدراما دي؟ عشان self ليها لغة حوار مختلفة عن كلامنا العادي، واحنا محتاجين نتعلم اللغة دي عشان نفهم self بتحاول تقولنا إيه، ونقرر هنعمل إيه من غير دراما ونكد.

المهارة دي في حد ذاتها مش هتخليك تعيش في تبات ونبات، وكل مشاكلك تتحل، هي تساعدك بس إنك تأخذ بالك لما تبقى العربية بتاعتك ماشية غلط قبل ما تلبس في الحيط! اعتبرها لغة إشارة خاصة بيك انت، علامات وأعراض بتتعلمها عشان تفهم بوصلتكم وتدير نفسكم وقراراتكم. عشان تفهم اللغة اللي روحك يستخدمها لما تكون عايزة تقولك على حاجة معينة أو فترة معينة في حياتك: «لأ، مش عاجبني، أو أنا مكبوته وتعبانة، وانت مش سامي!».. ولما تكون عايزة تقولك: «أنا منطلقة ومرتاحه وتمام».

ازاي الـ true self بتقولك: «لأ.. لأ.. لأ» (بصوت المهرجانات)؟

حکى Stephen Joseph في كتابه Authentic Storytelling قصة واحدة اسمها سارة، متوجزة ومستقرة وناجحة جدًا في شغلها، بس تعيسة جدًا! حاسة إنها محبوسة! من عشرين سنة صديق سارة نزل قدامها على ركبها، وقال لها: «تتجوزيني؟». ردت سارة بتلقائية غريبة: «لأ!»، وبعد ما شافت الكسرة في عينه كملت الجملة: «هتجوزك طبعًا!»، ومن ساعتها بقى لها عشرين سنة في جوازة هي مكانتش عايزاها، بس **الـ social self** دبستها فيها عشان ماتزعلش حد منها! أنا عارفة إن المثال دا ممكن بعض الناس تشووفه مبالغ فيه، بس عمومًا أسائل نفسك: كام مرة **الـ social self** بتاعتكم أجبرتك إنك تقول «آه»، ومشتقاتها، في حين إن **الـ true self** بتاعتكم كانت بتقولك «لأ!»، فكر كدا هتلaci الفترة الوحيدة اللي سبت **الـ true self** تقولك «لأ» بمنتهى التلقائية، كانت غالباً وانت عندك ستين ثلاثة! بعد كدا على مدار تربيتك، وحسب أعراف البيت والبلد والثقافة اللي نشأت فيها، اتعلمت إن في حالات «مقبول» فيها إنك تقول لأ، وحالات تانية مايصحش! في مجتمعاتنا الشرقية مثلاً، بنتقبل الـ «لأ» من الرجل أكثر شوية من الست.. من الكبير أكثر شوية من الصغير.. من اللي عنده سلطة أو فلوس أكثر شوية من اللي معندهوش، وهكذا.

حتى على مستوى أسرتك، لو انت اتربيت في بيئه بتشجعك إنك تعبّر عن نفسك وتفهم مشاعرك، وتختلف عنها عادي، من غير ما تفهم إنك عاق، وخارج عن طوعهم، وتهدد بغضب الوالدين ليل ونهار، هتبقى علاقتك بالـ **true self** بتاعتكم أحسن شوية. لكن لو طلعت في مجتمع حطاك في قوالب وبيجبرك تقول «آه» وانت نفسك تقول «لأ» يبقى مع الوقت علاقتك بنفسك هتبؤظ وheet عيش حالة من التوهان جواك مجرد إنك تتهاشى مع المجتمع وتتفادى رفضهم وخلاص.

الحلو في الموضوع إنك حتى لو عملت كدا، **الـ true self** بتاعتكم مش

ازاي تسمعها بقى؟ فيه علامات معينة لما تشووفها، أعراض معينة لما تحصل لك.. بتبقى غالباً **the self** بتاعتوك بتقولك «لأ» بطريقتها، أو بتحاول توصل لك إن **the social self** هي اللي مسيطرة وكابتها! العلامات دي مش معناها إنك تقلب الدنيا وتسيب اللي بتعمله وتطلع تجري، معناها بس إنك تأخذ بالك. تراقب أكثر. تحاول تتكلم مع نفسك أكثر. تقف وقفه مع نفسك. إحنا يادوب هنبدأ نفك الخط في لغة جديدة أول مرة نتعلمها فهانستعجلش على أخذ القرارات. اعتبر الأعراض دي ملاحظات بدأت تشووفها على ابنك مثلًا في مواقف معينة، أو مع ناس معينة، فانت انتبهت وقلت أنا هتكلم معاه، أو هرافق القصة دي شوية. وزي ما اتفقنا، شخبط واكتب أفكارك، وما تاخدش قرارات جوهرية غير لما تخلص الكتاب. ☺

۱- میش مرتاب

إيه العلامة الغربية دي؟ ما كلنا بيعدي علينا أوقات مش بنقى مرتاحين!

٢٣

طبعي تعدى عليك أوقات تبقى مش مرتاح عشان مرهق، مش نايم، فيه موضوع مضائقك، فيه حاجة شاغلاك، وهكذا.. لكن اللي مش طبيعي إن اللي غالب على شعورك طول الوقت إنك مش مرتاح، كان فيه صوت جواك بيقولك: «دا مش مكانك!».

أحياناً بيكون شعور «مش مرتاح» إنت حاسه من جواك تجاه شخص معين، أو قرار، أو حاجة معينة، رغم إن كل حاجة تبدو مثالية! بعض الناس بتسمى الشعور دا **intuition**، أو الحدس اللي بيقى شايف اللي social self بتعاتك مش شايفاه، وبيحاول يقولك «ابعد» (بلغته هو)، فيديلك شعور غير مفهوم بعدم الارتياح!

شعور عدم الارتياح دا إشارة إلى أن **true self** مش مبسوطة، ومش عايزة الحاجة دي.

ساعات كمان بنمر بتغيرات في المود بتبقى مش مفهوم تمامًا بالنسبة لنا. فجأة تلاقي نفسك بتعيط في يوم عادي جدًا، أو تلاقي نفسك بتضحك في وسط اجتماع جدًا، أو تلاقي نفسك مخنوق وعصبي وانت قاعد وسط ناس في الطبيعي بتتبسط معاهم.. أو أي مود «مش مقبول، مش مفهوم» بالنسبة لك (على فكرة كلمة «مقبول» و«مش مقبول» دي من أهم المصطلحات اللي بتستخدمها **social self**).

لما تلاقي مودك ملخبط كدا بقاله مدة - مش يوم، ولا اتنين - اعرف إن **true self** بتاعتكم بتقولك: «إحنا بنفقد البوصلة، وعايزين نضبط الاتجاه». بدل ما تفضل كل مرة تحارب المود دا بأكلة أو خروجة، أو أي مسكنات، حاول تقف وتعيد حساباتك! شوف إيه المشكلة الحقيقية اللي ملخبطاك؟ هل انت بعدت عن هدفك وبوصلتك؟ هل انت حاسس إنك محبوس في لقطة مش بتاعتكم؟ حياة مش مناسباك؟ إيه الحاجة اللي لو عملتها ممكن ترجعك للاستقرار النفسي تاني بدل المرجيبة دي؟

افتكر إمتي آخر مرة حسيت بعدم الارتياح، أو بلخبطه جامدة في مودك بطريقة إنت ماكتتش فاهمها ولا فاهم أسبابها؟ كان إيه اللي حاصل في حياتك وقتها؟

٢- عايزة أهرب!

المعالجة النفسية (Julienne B. Derichs) بتوصف الشعور دا بو واحد لبس هدول مش بتاعتته، بتاعة حد تاني! الهدوم مش على مقاسه، بس هو

يحاول بالعافية يدخل نفسه فيها!

لما الـ *true self* بتتكبّت في حياة أو موقف مش بتاعها، ولا على مقاسها،
بتبقى عايزة تهرب! بتبقى مش قادرة تستحمل الماسك اللي الـ *social self*
حطاه و كانته نفسها بيها!

كل ما عشت حياتك غير متسق مع الـ *true self* بتاعتكم، كل ما زاد
شعورك إنك عايزة تهرب!

افتكر إيه الفترات أو المواقف اللي مررت بيها وكان مسيطر عليك شعور
إنك عايزة تهرب، كان إيه اللي حاصل؟ مين اللي موجود؟ إيه إحساسك؟

٣- مرگز مع الناس

العلامة دي من العلامات اللي بتظهر بشدة لما بتتكبّت الـ *true self* بتاعتكم
وتسىب الـ *social self* تقود وتسيطر مع نفسها! بتلاقي نفسك بدأت تركز
مع الناس بشكل من الأشكال دي:

- إما إنك بتبدأ تحكم على تصرفات اللي حواليك وتشوفهم بالنضارة
لي شايف فيها نفسك، واللي مفيهاش رضا عن حياتك وقراراتك، فتبدأ
تنتقدهم، أو تركز مع عيوبهم، أو تحكم على اختياراتهم، أو تفرض عليهم
نظرتك وأفكارك إنت.

- أو إنك تبقى حاسس إنك دايماً بتيجي على نفسك عشان ترضي الناس،
فمع الوقت يتكون جواك شعور بالنقطة والغضب والاستياء تجاههم.

- أو ترمي باللوم دايماً على اللي حواليك، وتوجه طاقتكم في البكاء على
اللين المسكون والدراما اللي في حياتكم في محاولة منك لإقناع الـ *true self*

- إن الناس هي السبب، وإن كبتها دا مش بإيدك، ولا اختيارك!
- أو تبقى حاسس على طول إن محدث حواليك فاهمك أو عارفك أو يحبك بجد، ودا لأن انت نفسك مش على طبيعتك. إنت نفسك لابس ماسك ومش عارف self true عايزة إيه، أو بتحب إيه، وبالتالي مش متوقع من اللي حواليك يكونوا فاهمينك!
 - أو تبقى بتقارن نفسك بالناس دايماً، وحاسس إن حياتهم أحسن من حياتك، ودا لأن انت روحك محبوسة.
 - أو شعور التوهان نتيجة كبت self يخليلك دايماً عايز حد يقرر بدارك، أو يقولك تعمل إيه وتروح فين.
 - أو سيطرة social self تخليلك دايماً مستني رأي الناس وتسقيفهم وتأكيدهم إنك ماشي صح.

كل دي أعراض لشخص مسيطرة عليه social self، وبالتالي مخلية تركيزه الأكبر مع الناس اللي حواليه مش مع نفسه ومشاعره وبوصلته. خليلك صريح مع نفسك، وفكر لو فيه أعراض من دي بتحس فيها كتير.

٤ - زورو طاقة

لو كل حاجة في حياتك مسيطرة عليها social self تماماً، هتللاقي self true بتشجب وتحتج وتعترض بإنها تدليك إحساس «الزورو طاقة».. مش قادر أعمل حاجة.. تعبان.. مرهق.. بجر نفسي بالعافية.. معنديش أي طاقة.. وهكذا، من المشاعر اللي بتحسها، واللي مش بتبقى بالضرورة مرتبطة خالص بكم المعهود اللي بنبذله! أحياناً بتلاقي نفسك بتبذل مجهد فظيع،

ومش بتنايم كويس، وبتجري طول الوقت، بس عندك طاقة رهيبة؛ لأنك
بتعمل حاجة بتحبها! ومرات تانية بتبقى بتبذل ربع المجهود دا، ومعندكش
أي طاقة!

طبعاً فيه أدسّاب كتير تخلّيك معنديكش طاقة زي قلة النوم أو الأكل، أو شوية إحباط وزهق، بس كل دا بيقى آخره كام يوم! لكن لو شعور «الزيرو طاقة» دا غالب عليك.. لو زي ما حصل لي كدا في الشغلانة اللي حكّيت عنها كان كل يوم كأنه شهر، يبقى self true بتاعتك بتقولك «لأ».»

حاول تفتكر كدا إيه الأحداث أو المواقف اللي بتجر جر نفسك بالعافية عشان تروحها أو تعملها وتبقى حاسس بزир و طاقة كل مرة، ممكن تبقى حصلت لك في مرحلة ما في حياتك، أو في موقف متكررة.

۵- جسمی تعیان

بشكل عام، الضغط النفسي بيضعف الجهاز المناعي بداع الإنسان. لما بتبقى مضغوط أو متضايق، أو نفسيتك مش مطبطة، هرموناتك بتتلخبط، وجهازك المناعي بيضعف وبيخليلك عرضة أكثر للأمراض. عشان كدا في أيامنا دي، ورغم التقدم العلمي والطبي، وهكذا، إلا إن زيادة الضغوط والاكتئاب اللي بنمر بيها، زودت انتشار الأمراض وظهور أمراض مناعية جديدة ماسمعناش عنها قبل، كدا!

لما كان عندي مشكلة كبيرة، وكنت مطنشة الـ *true self* بتأتي وقتها
زي ما حكى، أخذت ١٠ أيام مرض غريب! مكانش بيعدي عليا يوم
مش باخد مُسكنات، وكل يوم لسبب مختلف! مناعتني بشكل عام كانت

ضعيفة جدًا، ومش بس مكانش عندي طاقة أتكلم مع حد، أو أخرج، أنا كنت حاسة إني عيانة! الحالة دي ماراحتتش لما المشكلة اتحلت، لأنها ماتحلىتش! هي راحت لما بطلت أتكلم بلسان *social self* بتاع المفروض، واللي ماينفعش، والناس والدنيا، ودخلت جوايا وشفت أنا عايزة إيه. سمعت *true self* بتاعتي، وادتها فرصة تاخذ نفس، وتتكلّم، وتتحرّك بحرية أكثر.

كلنا بنعيا وبنمرض لأسباب مختلفة، وبالذات وقت تغيير الفصول. بس عايزة تحاول تفتكر الأوقات والمواقف اللي كان مستوى صحتك فيها عامة أقل حتى من الطبيعي بتاعك. وقت كدا في حياتك عدى عليك كنت بتطلع من عيا تدخل في عيا. مش لازم عيا يعني حرارة وبرد. ممكن صداع مستمر، قولون، ضغط عالي أو واطي، ألم مستمر.. أي أعراض مرضية كانت أزيد من الطبيعي في حياتك. افتكر الوقت دا والأعراض الجسدية اللي كانت عندك، وافتكر كان إيه اللي حاصل لك ساعتها، كان أخبار شغلك إيه وقتها، علاقتك العاطفية، كان مين الناس اللي حواليك، كان فيه إيه في حياتك الوقت دا.. لو لقيت إجابة السؤال دا هي نفس إجابة السؤال اللي فات - هما نفس المواقف والأحداث - مفيش مشكلة. كرر إجابتكم وكمل عادي.

٦- عندي تعلق زيادة

لما الواحد بيعد عن هدفه.. عن الغاية من حياته.. عن السبب والبصمة اللي ربنا خلقه عشان يسيئها.. *true self* بتاعته بتحس بالوحشة والفراغ والخواء النفسي. لو في الوقت دا بدأ تعمل أي حاجة تخدر الشعور دا (زي الأكل الكبير، الشوبنجه الزيادة، المخدرات، games، وهكذا)

الـ true self ساعتها هتدمن الحاجة دي، وتعلق بيها زيادة، عشان تملأ الفراغ اللي هي حاسة بيها!

الي بيحصل ساعتها - إن بسبب التعلق الزيادة دا - ناس كتير بتقدّد توبح نفسها وتحطم منـ the true self بتاعتتها في محاولة منها إنها تشجعها تبطل! والتصرف دا بيعمل نتيجة عكسية بالظبط! هو التعلق والإدمان حصل ليه أصلًا؟ عشانـ the true self مش لاقية نفسها، ومش حاسة بقيمتها! وبالتالي لو قللت منها أكثر، الإدمان هيزيد مش هيقل!

أنا فاكرة مرة في أول محاضرة من كورس بـ "Living on Purpose"， طلبت منـ الحاضرين إنهم يعرّفوا أنفسهم، ويحكوا عن أهدافهم والتحديات اللي نفسهم يتخطوها. واحدة منـ الحاضرين حكت عن نفسها، ومن ضمن المشاكل اللي اتكلمت عنها، مشكلة منتشرة جدًا اسمها "emotional eating"! البنت كل ما بتحس بضيق أو توتر أو أي نوع من أنواع المشاعر السلبية، بتروح على التلاجة! هي مش جعانة! إحساسها بالجوع في الوقت دا بيقى إحساس كاذب! هي مضغوطه أو مودها مش مطلب، أوـ the true self بتاعتتها مش مبسوطة، فبتحاول تملأ الفراغ دا بإنها تأكل! وطبعاً بتاكل فبتتخن فبتضايق أكثر، وما بقتش عارفة تسسيطر على نفسها زي كل حالات الإدمان بالظبط!

عدت سنتين واتقابلنا تاني عشان تحضر الليفل الثاني منـ الكورس. لما جتـ المرة دي تعرّف نفسها قالت للمجموعة إنها "Fitness trainer" أو مدربة رياضية، وإن أهم إنجازـ هي فرحانة بيها في السنتين دول إنها سيطرت علىـ إدمان الأكل! سألتها: عملتي إيه؟ قالت لي: لما أخذتـ الكورس معـ اكـي إنتي ماجبـيـش سيرةـ الأـكلـ خـالـصـ، بـسـ سـاعـدـتـيـنيـ أـكتـشـفـ أناـ بـحـبـ إـيهـ، وـشـجـعـتـيـنيـ أـعـمـلـهـ! لماـ عـمـلـتـ كـداـ لـقـيـتـ نـفـسيـ لـماـ بـتـضـايـقـ، مـاـ بـقـتـشـ أـرـوحـ عـلـىـ التـلاـجـةـ! بـقـيـتـ أـعـمـلـ حـاجـةـ مـنـ الـحـاجـاتـ الـلـيـ بـحـبـهاـ وـبـشـجـعـنـيـ أـكـونـ أـحـسـنـ وـمـوـدـيـ أـحـسـنـ! مـعـ الـوقـتـ أـكـلـيـ قـلـ، وـخـسـيـتـ، وـاتـشـجـعـتـ أـلـعـبـ رـياـضـةـ، وـبـقـيـتـ بـحـبـهاـ وـكـوـيـسـةـ فـيـهاـ لـدـرـجـةـ إـنـيـ بـقـيـتـ بـدـرـبـ النـاسـ فـيـ الجـيـمـ!

أكتر حاجة تساعدك توقف الإدمان، هي إنك تشجع **true self** تدور على الحاجات اللي بتريحها وبيحبها فعلاً، مش مجرد بتخدرها عن الفراغ اللي هي حاساه. لو مش عارف إيه هي الحاجات دي، ماتقلقش! هنمشي مع بعض واحدة واحدة، وعلى مدار الكتاب هنتعلم نعمل دا ازاي.

دلوقي افتكر عادة سيئة إنت مدهنها، أو طريقة تفكير سلبية بتحس إنك أدمستها أو فقدت السيطرة عليها. بعد كدا افتكر إيه اللي حصل استفز العادة أو التفكير دا آخر تلات مرات حصل فيهم، يعني مثلًا: كنت متخانق مع فلان، كان عندي **deadline** في الشغل، كان وقت امتحانات، وهكذا.

٧- عندي غباء / جهادي

اللي عنده أطفال صغيرة عارف ازاي ممكن كائن لم يتجاوز عمره بضعة أعوام يفضحك فضيحة بخلاف على رؤوس الأشهاد عشان انت قررت تاخده بالعافية التمرين، ولا تجبره بالعافية يسلم على طنط «سوزي»، ولا تتعده بالعافية مع ناس مش بيحبهم!

أهي **true self** بقى عندها نفس القدرة دي بالظبط! كل ما تبقى في موقف، أو مع ناس هي مش مرتابة لهم، أو حاسة إنهم هيدلوك في حياتك بطريقة ما.. بتفضحك! تلاقي نفسك فجأة بتتهته وانت بتتكلّم، بتقول نكت دمها يلطش، وتستظرف دمك، بتغلط غلطات غريبة، ودا مش طبعك أصلًا، بتعلّك يعني من الآخر!

الحياة أصلها قصيرة، وانت هتقابل ناس كتير فيها، والـ**true self** عايزاك تبقى حوالين بس الناس اللي فعلاً هترتاح معها، ووجودهم في حياتك هيضيف ليك، مش هيشفط طاقتكم. فلو لقيت إن فيه مواقف معينة أو ناس

معينة دايم بيخر جوا منك تصرفات اجتماعية ملهاش علاقة بطبعتك، اعرف إن دي طريقة *true self* للاعتراض عليهم. وارد جدًا على فكرة الناس دي تبقى ناس زي الفل، بس للأسف العلاقات الاجتماعية والراحة النفسية بين البشر عملية أعقد من العقل والمنطق بتاع *social self*. *true self* بتلعب الدور الأكبر في القصة دي. وأحياناً بتبقى مش فاهم، ليه كل مرة بتتحط في الموقف دا أو مع الشخص دا بقى كأني واحد تاني؟! مع إنه شخص أنا نفسي أقرب منه والله! ومتش مسألة بتكشف مثلاً، وشوية وبفك، لا! أنا بحس إن فيه شخصية تانية أنا مش بحبها بتطلع مني ساعتها!

بتحصل لنا كلنا القصة دي وبنبقى هنتجنن!

فكر كدا مين أكثر تلات أشخاص بيخر جوا منك أسوأ سلوكيات وتصرفات اجتماعية كل مرة؟ لو مش فاكر ناس معينة، حاول تفتكر أكثر موافق محجة التحطيت فيها.

٨- معنديش أي تقبل للغلط!

مفهوم *social self* والـ *true self* عن الأخطاء مختلف تمامًا.. *the true self* عاملة زي الطفل اللي معندوش أي مانع إنه يفضل يحاول يرمي الكورة في басكت عشرين مرة غلط، لحد ما تدخل صحيحة في المرة الواحد وعشرين! ليه؟ لأنه بالفطرة كدا عارف إنه كونه بني آدم فدا معناه بالتبعية إنه هيفضل يغلط لحد ما يموت. دا أول درس اتعلمناه من قصة سيدنا آدم: إننا هنغلط *the true self* فاهمة الحقيقة دي ومتقبلًا لها تماماً، وعارفة إن الغلط جزء من بشرىتك ورحلتك في الارتقاء بنفسك.

الـ *social self* بقى في المقابل اتعلمت إن الغلط مش معناه إنك إنسان

وبتغليط، لا! الغلط معناه إن انت وحش، أو مش كفء أو فاشل أو ضعيف إلى آخره من المصطلحات! وبالتالي عشان هي بتحبك وعايزه تحميك من إنك تطلع وحش، بتعمل أي حاجة تخليك ماتغليطش.. حتى لو دا معناه إنها تخليك ماتجبرش أي حاجة جديدة، أو تبقى متوتر وعايز الدنيا مثالية طول الوقت، أو تبقى متعدد زيادة في أي قرار بتاخده عشان خايف تغليط.
كل دي علامات إن الـ *self social* هي اللي مسيطرة!

إمتنى بتحس بالأعراض دي؟ في حياتك عامة ولا في جانب معين فيها
ما عندكش أي تقبل للخطأ فيه؟

من الآخر

كل واحد فينا true self بتاعتته بتقوله «لأ» بطريقة مختلفة.. وكل عَرض من اللي قلناهم دول ممكن يبقى له أكثر من سبب.

الموضوع هيأخذ وقت لحد ما تفهم true self بتاعتتك انت تحديداً يستخدم أني أعراض.. زي بالضبط فك شفرة الطفل المولود. في الأول الأم بتبقى مش فاهمة تماماً بيعيط ليه ومش عارفة تتصرف.. ومع الوقت بتفهم كل عياطه عنده معناها إيه، بتعرف صوت عياط ابنها من بين عشر أطفال، بتفهم زُنُه في الأوقات المختلفة في اليوم.. حتى لو برضه في الآخر ما عرفتش تتصرف ☺.

طيب هل معنى الأعراض دي إني لما أنته للـ true self بتاعتني ولغتها وإشارتها، وأبدأ أظبط بوصلتني بقى، وأحط خطة، هحقق أهدافي كلها بمنتهى السلامة والسهولة، ومن غير أي عقبات ولا مشاكل ولا زعل، وهتبقي الدنيا ربيع والجو بديع؟ كان غيرك أشطر ☺.

الطريق لشغفك وهدفك وبصمتك هيأخذك في حtt مرعبة ومرهقة، وتجارب نجاح وفشل، وناس حلوة، وناس وحشة، ومواقف صعبة، ومواقف سهلة.. بس الفرق المهم جدًا بقى، إن الوجع اللي هتحس بيها ساعتها، هيبقى وجع جواه شعور بالثقة والسلام النفسي.. زي وجع عضلاتك وانت راجع من الجيم كدا. وجع وألم، بس انت من جواك عارف إنه وجع حلو عشان مصلحتك. طول ما انت معاك بوصلتكم، طول ما social والـ true self بتوعك شغالين في فريق واحد، وبيكلموا بعض، وبيساعدوك في الطريق.. طول ما هتحس براحة نفسية جوا المشقة دي.

«دع روحك تجذبك بصمتٍ إلى ما تحبه، حَقًا إنها لن تضللك أبدًا»

جلال الدين الرومي

شعور الراحة جوا المشقة مختلف تماماً عن الشعور بالضيق والخنقه والنفور اللي بتحسهم في المواقف اللي كتبتها في الأسئلة اللي فاتت. مش المفروض تعيش حياتك حاسس بـكدا! الشعور الدائم بالخنقه أو اللامبالاة كأنك متخدرا، الشعور المستمر بالعجز والتوهان.. كل دي علامات واضحة جداً إن الـ social والـ self بتوعدك متخصصين، وبالتالي إنت فاقد البوصلة وماشي في الاتجاه المعاكس لحياتك.

هنعمل إيه في الشعور دا؟ هنكمي قراءة ☺.

اذاي الـ true self بتقولك: «سيري يا نورماندي» (بصوت عبد الفتاح القصري)؟!

الأعراض اللي فاتت دي كلها عبارة عن أدوات **true self** بتستخدمها عشان تقولك أنا مكبونة، أو عشان تقفلك وتنكد عليك عيشتك لما تبقى بتعمل حاجة مش عاجبها. وبالطبعية طبعاً، ولأن **true self** مرحة، وجميلة، وطيبة، وبتحبك.. فهي بتستخدم طرق عكس اللي فاتت بالضبط لما تبقى عايزة تقولك: «أنا مبسوطة، دوس يا ريس».

كلنا بنعرف نجترّ الأحزان، ونفكّر الناس الوحشة، والذكريات المؤلمة، والمواقف السلبية، لكن مش كلنا بنعرف نفكّر التجارب الحلوة اللي **true self** بتاعتنا كانت فرحانة فيها، وبتقولنا: YES بمتنهي القوة! لو لقيت إن الأسئلة اللي جاية دي مؤلمة، أو صعبة، ومش عارف تجاوبها، ما تُحبطش! دا طبيعي بالذات لو انت في مرحلة دلوقتي بعيد تماماً عن بوصلتك. بالراحة على نفسك، وسيب **true self** ترجع تكلمك تاني واحدة واحدة من غير ضغط. اقرأ النقط اللي جاية بعقلية حد نفسه يحس المشاعر دي، وعنده أمل إنه يوصل لها، ويحرر **true self** بتاعته من سجن الحياة الغلط.

اذاي أعرف إن **true self** منطلقة ومبسوطة وموافقة؟

١- مشدوّد جداً

زي ما **true self** عندها القدرة إنها تحسّسك بالتفور لما تكتبها، أو بعدم الارتباط لناس أو حاجات أو مواقف مش عاجبها، هي عندها القدرة إنها تشدق للناس، أو الحاجات اللي هي مقتنة إنها هتساعدك في طريقك. فجأة تلاقي نفسك اتشدّي، وعينيك فنجلت، وحواسك قويت، وحصل لك فيضان من الشعور بالفضول والاهتمام تجاه حد/ حاجة معينة.

ممكن تكون الشدة دي تجاه شخص أول مرة تشووفه، ومش شرط الانجذاب يكون حب، أو علاقة عاطفية خالص، ممكن يكون فضول إنك

تقرب من الشخص دا أكثر، لأن *true self* بتاعتكم عارفة إنه هيساعدك بشكل ما في طريقك. وتمكّن يبقى الانجذاب تجاه أماكن أو أنشطة معينة: فجأة وقعت في حب التصوير، البيانو، الرسم، اللغة اليابانية، الطبخ... وهكذا.

علامة تانية من علامات إنك مشدود، إن الوقت يطير وانت مش حاسس! بيقولوا إن الوقت الحلو بيعدي بسرعة، ودي حقيقة! كلنا جربنا شعور إننا نكون بنتكلم مع حد بنحبه، وفجأة نلاقي خمس ساعات عدت واحدنا مش حاسين. إننا نكون بنقرأ كتاب عاجبنا، ونلاقي اليوم جري واحدنا قاعدين ماسكينه. الحاجات الحلوة، والناس الحلوة، والمواقف الحلوة، بتغير إحساسنا بالزمن والوقت.

فكر كدا، إيه الحاجات اللي لما بتعملها بتتدخل في آلة الزمن، وبتنسى الوقت، والساعات بتطير كأنها دقائق؟

إمتنى حسيت بالانجذاب والشدة القوية تجاه أشخاص أو أماكن أو نشاطات معينة؟ حتى لو انجذاب مؤقت وراح. حاجة أو حد جذبك وبقيت مركز معاه، وبتلحظه أكثر من أي حاجة تانية.

٢- متصالح مع الناس

العلامة دي من العلامات اللي بتظهر لما بتبدأ تسمع *true self* بتاعتكم، وتسيبها تنطلق!

- بتلاقي نفسك مرتاح ومبسوط من جواك، ودا في حد ذاته بيخليلك مش مركز مع الناس زي الأول..

- بيبقى عندك تصالح أكثر مع عيوب وأخطاء اللي حواليك، لأنك بقى متقبل نفسك، ومتصالح معها، وفاهم إن كل واحد فينا مختلف عن

الثاني، فمش بتحكم على حد، ولا بتقارن نفسك بيها.

- بتبقى بتسمع نفسك وبتديها حب واهتمام، ومش بتيجي عليها على طول في مقابل إنك ترضي الناس، ودا في حد ذاته بيخليلك مرتاح في التعامل معاهم.

- بتبقى ماسك بوصلك في إيدك وعارف انت عايز إيه، مشحتاج حد ياخد قراراتك بداراك، أو يسفك لك على كل حاجة بتعملها.
إمتى آخر مرة حسيت بمشاعر التقبل والتصالح دا تجاه الآخرين؟

٣- عندي طاقة

فاكر لما كنت لسه ناهي علاقة سامة مؤذية في حياتك، طاقتك بعدها فجأة نطفت ازاي، وحسيت إنك ردت فيك الروح؟

طب فاكرة لما كنتي بتسمعي قصة حياة صاحبتك بمنتهى الزهق والملل، وفجأة عينك فنجلت أول ما جابت سيرة فلان اللي انتي بتحببيه؟ فاكر لما كنت ميت من التعب، بس أول ما لقيت فيلم Intersteller شغال، سهرت لحد الفجر قدامه؟

إيه المواقف، أو المواقف، أو الأوقات، أو الأنشطة اللي بتزود طاقتك؟ اللي بتحس فيها إنك بتبذل مجهد، بس من غير ما تحس بأي تعب؟ هل وجودك حوالين ناس معينة، أو في أماكن معينة، بيديلك طاقة زيادة؟ دور كدا في الأرشيف بتاعك على المرات اللي بتحس فيها بطاقة هولامية، أماكن، مواقف، أشخاص بيحفزوك، وينخلوك نشيط، وعايز تعمل حاجة.

٤- صحتي أحسن

زي ما قلنا إن **the self** لما بتبقى مضغوطة نفسياً، ومش مبسوطة، بتتأثر على جهازك المناعي، وتضعفه.. العكس صحيح! لما بتبقى **the self** مبسوطة وبتعمل حاجات بتحبها، هر مو ناتك بيقى فيها توازن أكبر، وصحتك بتبقى أحسن.

ساعات أصلاً مابناخدش بالنا من اللي كان تاعبنا ومضايقنا، غير لما بنوقف وبنلاقي صحتنا التحسنت بعده! ببنقى واصلين قبلها لمرحلة من الخنقه والإحساس إننا مش عارفين نتنفس للدرجة إننا لما بناخذ قرار ونبعد، بنحس حرفياً كأن حاجة اتشالت من على نفسنا، وبقينا أنشط! تحملنا للتعب، إحساسنا بالصداع، هضمنا للأكل، مناعتنا.. صحتنا بشكل عام بتبقى أحسن حتى لو احنا فعلياً بنبذل مجهد أكبر في الوقت دا.

حاول تفتقرك كدا هتلاقي إن فيه أوقات كنت مشغول، أو بنبذل مجهد كبير، بس كانت صحتك كويسة. مكتتش على طول عيان ومتالم، وبتتعدي من أقل فيروس. إيه اللي كان حاصل في حياتك الفترة دي؟

٥- ذكاء اجتماعي أكبر

زي ما **the self** ممكن تعمل معاك عملية انتحار اجتماعي، وتبوظ كل مهاراتك عشان تبعدى عن ناس أو مواقف مش عاجباهـا.. العكس كمان صحيح! هتلاقي نفسك عدى عليك أوقات أو مواقف أو ناس وانت معاهم كنت شخصية اجتماعية ولطيفة وذكية، بتقول الكلام الصح في الوقت الصح، هزارك لذيد حتى لو في الواقع انت دمك تقيل.. معاهم هتبقى لذيد ☺ **the social self** بتاعتكم مش هتبقى فاهمة الانسجام والشطاره والكليك دي جاية منين وانت كنت لسه فاضحها من يومين مع ناس تانية، بس هي الراحة النفسية دي أصلها لعبـة **the self** بامتياز.

من أكثر العلامات اللي بتبيّن إن *true self* بتاعتكم عاجبها الناس اللي
انت قاعد معاهم، هو شعورك إنك مرتاح وعلى طبيعتك ومش قلقان مين
هيفكر فيك ازاي، وعارف تتعاطف مع اللي قدامك وتحط نفسك مكانه
وانت بتسمعه، وعارف تقرأه، أو تفهم دماغه. ممكن تبقوا يا دوب لسه
متقابلين، بس بتحس كأنكم تعرفوا بعض من زمان.

مين أكثر أشخاص بتحس معاهم بالثقة والراحة والتعاطف، ناس بتحس
إنكم فاهمين بعض، وبتقضى معاهم وقت سهل ولطيف؟

٦- تركيزي وذاكري أقوى

كل واحد فينا مهما كان بينسي، ومش بيركز، هيلaqي عنده نوع من
أنواع المعلومات كدا بيفتكر عنه كل تفصيلة. ممكن ينسى معاد الدكتور،
ورقم تليفون ابنته، وتاريخ ميلاد مراته.. لكن فاكر كوييس كل لعيب كورة
لعي في champions league سنة كذا، ومن الوكلاء بتوعهم، وكان
عندهم كام سنة. وهي ممكن يبقى تركيزها ضعيف جدًا في كل حاجة،
لكن تلاقيها في مجال معين عندها ذاكرة حديدية! إحنا للأسف مش بنتبه
للمجالات اللي بتعلمها وبنفكّرها بسهولة، مع إنها مرتبطة ارتباط قوي
بشغفنا والمهارات اللي هي جزء من *true self* عندنا.

أنا فاكرة إني طول عمري بحب القراءة، وكنت دائيرًا عندي مشكلة إني
عمري ما بفتكر معلومة قريتها! أقرأ في السياسة، في التاريخ، في الحضارات،
أقرأ حتى قصص شكسبير، وشارلز ديكتنر، وهكذا.. وب مجرد ما أخلص
الكتاب ألاقي كل المعلومات دخلت في بعض وأحاول أفتكر أي كلمتين،
مفيش! لحد ما بدأت أقرأ في علم النفس! مفيش كتاب تقريباً في المجال

دا احتاجت أقراه مرتين من كُتر ما كنت بحس إني فاكرة كويس الكلام
وعارفة أعيد صياغة الأفكار اللي فيه من غير مجهد كبير! حتى الأفلام
والقصص اللي فيها بُعد نفسي بفتكرها أكثر من أي قصص تانية.

التركيز والذاكرة القوية دي ربنا بيديهم لنا لسبب. حاول تفتكر إيه
المجالات اللي عندك فيها تركيز وذاكرة قوية، وماستهونش بالإجابة
لمجرد إنك مش شايف دلوقتي ممكن تفييك في إيه. إحنا لسه في مرحلة
التواصل مع **true self** وملاحظتها عشان نفهم ممكن نستفيد منها أزاي
في طريقنا. لو معندهكش إجابة للسؤال دا، أسأل اللي حواليك بيعحسوا إن
إيه أكثر مجال / معلومات إنت بتركت فيها وبيفتكرها بسهولة.

٧- عامل دماغ

لما **the true self** بتاعتك بتبقى مبسوطة، مودك كله بيبقى حلو! ممكن تبقى
مشغول، أو بتاخذ قرارات مصيرية مخلية **the social self** بتاعتك هتموت من
الرعب، بس تلاقي مودك هادي وحلو، وماشي بتتسم للناس في الشارع،
وعندك طولة بال غير مسبوقة على الأطفال، وبيتعاطف مع الناس الشريرة..
وعامل دماغ!

المود دا بيحصل لي أكثر وقت في حياتي، لما بيبقى ظابطة البوصلة بتاعتي
ومركزة إني أعمل الحاجات اللي بحبها، اللي مرتبطة بهدي في الحياة. لما
يبقى حاسة إني بعمل حاجة ليها معنى. وبيحصل لي كمان لما بيبقى تخلصت
من علاقتي مع أشخاص أو حاجات عاملة عبه علينا، ومتقلّاني.

لما بتلاحظ الحاجات - كبيرة أو صغيرة - اللي بتحسن مودك، وتبتدي تزود

من الحاجات دي في حياتك، انت بتقوى علاقتك بالـ *true self* اللي معاها
البوصلة والإجابة بتاعة «إنت موجود في الدنيا دي عشان تعمل إيه؟».

حاول تفكّر الأوقات اللي عدت عليك وكان موذك عظيم وعامل دماغ
وحساس بسلام نفسي من جواك، رغم إنه جايز الظروف ساعتها مكانتش
أسهل حاجة، أو القرار اللي كنت واخدته وقتها كان موثر *the social self*
بتاعتكم. افتكر كان إيه اللي حاصل في حياتك وقتها.

.....
.....
.....

من الآخر

كل اللي فات دا طرق بتسخدمها **true self** عشان تقولك: «أنا مبسوطة». ممكن تكون حسيتهم كلهم قبل كدا، وفاكر المواقف، وممكن تكون حسيت بحاجات منهم، بس ما أخذتش بالك، فمعنديكش إجابات على الأسئلة. في كل الأحوال، مجرد إن **the social self** بتاعتك بدأت تلاحظ **true self**، وتحاول تفهم لغتها وتتواصل معها، دي في حد ذاتها أول خطوة مهمة في طريقنا لاكتشاف هدفك في الحياة.

«الجزء المحذوف من كلماتنا، الأحلام التي لا تُخبر عنها أحدًا، النظرة التي نحتفظ بها حتى نستدير، هي نحن في الحقيقة»
(ويليام شكسبير).

تحذير:

ساعات بيحصل عند النقطة اللي إحنا فيها دي، إن **the social self** بتاعتك تتشي كدا، وتحس إنك أخيراً اهتميت بيها، وسمعتها، فتبدأ تقترح عليك تغييرات وقرارات كبيرة ومصيرية جدًا لو دا حصل، افكرة الاتفاق اللي عملناه في أول الكتاب: «ماتخديش قرارات وخطوات ضخمة في حياتك، غير لما تخلص الكتاب وتكتمل عندهك الصورة الكبيرة». إحنا كل اللي بنحاول نعمله لحد دلوقتي إننا نخلي **the social self** يبدأ يبدؤوا يتواصلوا بشكل أحسن، لأننا اتفقنا إننا محتاجينهم هما الاتنين في فريق العمل بتاعنا. مش عايزين في المرحلة دي أي قرارات ثورية، لأن الشعب لسه غير جاهز للديمقراطية. أو عدك هتعمل كل التغييرات اللي عايزها، بس مش دلوقتي. استنى شوية!

لو على العكس بقى الفصل دا حسسك بالعجز والإحباط، وإنك تايه،
وإن مفيش فايدة.. خليك متتأكد إنك مش لوحديك! بالراحة على نفسك،
ماتجبرهاش تحس بحاجة، أو تعمل حاجة بالعافية. كمل قراءة، وسيب
مشاعرك تتغير لوحدها ☺.

مليم لوب - المصيل

سيب للكتاب، يوم اعمل حاجة تطلب حاجة ليلاً، ملائمة
لليلك تفضل وتهدي وتريلاكسني
يمكن عملاً النانو من شخص، وتعمل في شوية، يمكن تخرج على حاجة
تسلقك، يمكن ترسم، يمكن تشرب حاجة شخص، أو يوم شخص
لقيك طبق فاكهة جيل، وتزوره، يمكن تطلب شاورما سوري
إكتفرا توصة، أو صاج، ونالدرز بيج تنسن.
المهم، دفع نفسك شوية عشان نكملي بزارج

الفصل الثاني

الناس

«هكذا، تستمر جملة (ماذا سيقولون؟) لتسسيطر على حياتنا وهواجسنا ومخططاتنا، ولنكتشف بعد انقضاء العمر أننا عشنا لهم ولم نعيش لنا!»

عارف الحاجة

خلمانة بصلحة...
الكتاب



في صباح اليوم التالي

اكتظ القصر بالوزراء والخاشية والجواري. وقف عجب الزمان (الحانوتي) خلف باب غرفة شهريار متظراً لخروج الجنة، ووقف هبديار، وزير الإعلام، في شرفة القصر ينتظر الإشارة من الملك ليعلن للرعية خبر قتل شهرزاد.

طال انتظار الحضور، حتى خرج شهريار من الغرفة بغير الوجه الذي اعتاده الناس عليه.. وخرج وراءه مسرور وهو غير مسرور على الإطلاق، وتعلو وجهه نظرات الخيبة، ثم صاح في الحضور قائلاً: «لا توجد جنة!». سأله قمر الزمان بفرحة مكتومة:

- ماذا تعني بـ«لا توجد جنة»؟!

- الملك شهريار لم يأمرني بقتل ابنته شهرزاد!

تجمع الوزيران: هبديار، وزير الإعلام، وفخريار، وزير الخارجية، حول مسرور وعجب الزمان الحانوتي وقالا لها:

- يا لها من مصيبة! ماذا سنفعل الآن؟ كيف نخبر الناس؟ أنسنون إنها ساحرة سحرت الملك وجعلته ضعيفاً لا يستطيع أن يقتلها؟!

انضم الوزير قمر الزمان إلى النقاش وقد شعر داخله بارتياح أن شهريار لم يقتل الفتاة المسكينة، وقال لها في تعجب:

- والله أنا متعجب من رد فعلكما هذا! في بداية الأمر كنتما تتساءلان: ماذا ستخبر الناس حين يعلمون أن شهريار يقتل كل عروس يتزوجها؟! الآن تتساءلان كيف ستخبر الناس أنه لم يقتل عروسه الجديد؟!

قاطعهما صوت الجارية وهي تقول:

- أفسحوا الطريق لولاتي شهرزاد.

خرجت شهرزاد في ثوبها الأنيق. لاحت الوزير قمر الزمان بطرف عينها، فتوجهت له، وقالت بصوت خافت:

- كله تحت السيطرة ماتخافش.. بس أنا جعana.. حضرت لي السوشي اللي كتبت لك وصفته؟!

أجابها قمر الزمان بنفس الصوت المنخفض:

- نعم، وطباخ القصر جهز لك الترياقى صوص كما طلبت!

- ترياقى مين يا عم الحاج؟ هو انت هتسسمونى وأنا مش واحدة بالي؟!
أمري لله، هاكله كدا وخلاص عشان جعانا!

- كل هذا الطعام الموجود في غرفتك ولم تشبعي؟ هل أحضر لك إنساناً
لتأكليه؟! ركزي يا ابتي، أرجوك!

- هرگز فهو حاضر، فيه إيه مالك جد كدا؟!

- اسمعيني جيداً، اليوم أمامك مهمة خطيرة جداً! أترى كل هؤلاء
الوزراء أمامك؟! كلهم ضدك! لن يهدأ لهم بال إلا حين يقنعون شهريار
اليوم أن الناس ستشكك في قوته إن لم يقتلوك! وأنت لا تصورين كم يهتم
شهريار بصورته أمام الرعية!

ردت شهرزاد بنبرة ثقة:

- ماتقلقش.. أنا مسيطرة!

بس طلب كمان الله يخليك يا أونكل قمر.

- هاتي ما عندك!

- شهريار بيفصل مني وأنا بكلمه. باجي أحكي له قصة بلاقيه مش فاهم
نص كلامي! شوفلنا جني من بتوعك دول يخليله يفهمني كدا ويكلمني
بالمجايض أحسن في مرة هيقطع رقبتي في نص الحكاية. بس واحد تاني
غير الأحول اللي جابني الله يكرمك!

- شغال.

- شغال؟! سيادة الوزير انت بقىت فاهمني ازاي؟!

- يا هلوب.

- هلوب مين؟

(حضر الجنى هلوب).

- عم الوزرا و قمر السنين.
 - أريدك أن تجعلني أنا و مولاي شهريار و مولاتي افتخاريار وكل من في القصر يتكلم بلغة ابنتي شهرزاد في التو واللحظة!
 - أوامرك يا وزيرنا يا عسل.
- (بفرحة هستيرية):
- Oh My God -
- واللي خلق الخلق Me too! دا أنا عشانك يا مولاتي، آكل في الشتا جيلاتي!
 - عاد الجميع إلى مشاغلهم.. وجلست شهرزاد في غرفتها تفكر في خطة لتلك الليلة.

اللّٰهُ ثَانِي

دخل شهريار الغرفة في غضب واضح على ملامح وجهه، فقد سمع «كلام الناس»، وتساؤلاتهم عما حدث طول اليوم، وعزم على أن ينهي كل هذا اللغط ويقتل شهرزاد الليلة!

شعرت شهرزاد بها يدور في نفسه فأسرعت إليه قائلة:

- شکل و شک مرہق اوی النهارده!

رد بِغَلْظَةٍ:

- ملکیش فیہ!

ضحكت شهرزاد من نجاح هلوب مع شهريار، ثم أتبعت بسرعة:
- الحق عليا، كنت عايزه أريحك.. كنت هعملك ماسك زبادي بالخيار
على وشك، بس ملكشن في الطيب نصيّب.

جذبت شهرزاد انتباhe بکلامها، فسألهـا باهتمام:

- إيه علاقة الخيار بوشى؟! انتي مجنونة؟!

لآخرته شهرزاد باتسامة:

- طب والله شكلک مش مظبط! الماسک دا هيختي وشك ينور کدا
وېروق. اسمع کلامي يا شهرورا!
- مش، عایز ماسکات.

- طب بقولك إيه.. هعملك أوفر.. هحط لك الماسك، وهحكي لك
عااه قصة!

- تاني قصة؟! مش هنخلص؟!

- قصة قصيرة.. هتخلصر بسرعة، بس، هتعجبك أوى!

بعد دقائق تمدد شهریار على أريكته المفضلة، والزبادي وقطع الخيار
يغمران وجهه، ثم قال لها:

- اھری یا شہرزاد۔

- كان ياما كان، يا سعد يا إكرام.. لا لا استنى مش دي الدخلة بتاعتك!
بلغني أيها الملك السعيد، ذو الرأي الرشيد، إن كان فيه راجل طيب
اسمه جحا. جحا دا كان عنده ابن بيحبه جداً. في يوم من الأيام كان جحا
وابنه بيحضر وانفسهم عشان يسافروا بلد تانية. جهزوا شنطهم وحاجتهم
وركبا على ضهر الحمار عشان يبدأوا رحلتهم.

- حمار؟ هيـسافروا بالـحـمـار؟!

- معلش، ما جـحا دـا كان رـاجـل عـلـى أـدـ حـالـه يـعـنـي، معـنـدوـش حـصـنة
وـجـهـالـ وـمـواـكـبـ زـيـ عـظـمـتـكـ كـداـ.. خـلـيـهاـ عـلـيـاـ أـنـاـ يـاـ سـيـديـ!

- طـبـ كـمـليـ هـرـيـ.

- رـكـبـ جـحاـ هوـ وـابـنـهـ عـلـىـ الـحـمـارـ وـمـعاـهـمـ شـنـطـهـمـ وـحـاجـتـهـمـ، وـفـيـ
الـطـرـيقـ مـرـؤـواـ عـلـىـ قـرـيـةـ صـغـيرـةـ.. وـطـولـ ماـ هـمـ ماـشـيـنـ فـيـ القرـيـةـ دـيـ، أـهـلـ
الـقـرـيـةـ مـاـبـطـلـوـشـ كـلـامـ عـلـيـهـمـ! عـمـالـيـنـ يـبـصـوـاـ لـهـمـ نـظـرـاتـ غـرـيـبةـ جـداـ،
وـيـقـولـواـ: «إـيـهـ النـاسـ القـاسـيـةـ دـيـ! رـاكـبـيـنـ هـمـ بـشـنـطـهـمـ عـلـىـ ضـهـرـ الـحـمـارـ
الـغـلـبـانـ، وـلـاـ كـأـنـهـ رـوـحـ مـفـرـوضـ يـرـحـوـهـاـ! مشـ صـعـبـانـ عـلـيـهـمـ الـحـمـارـ دـاـ؟ـ!ـ».

- مـعاـهـمـ حـقـ.. هوـ مـفـيـشـ رـحـمـةـ فـيـ قـلـبـ الـرـاجـلـ دـاـ وـابـنـهـ؟ـ! دـاـ أـنـاـ كـلـ يـوـمـ
لـاـ بـقـولـ لـمـسـرـوـرـ يـطـيـرـ رـقـبـةـ الـعـرـوـسـةـ مـنـ دـوـلـ، بـوـصـيـهـ إـنـ يـقـتـلـهـاـ وـهـيـ نـايـمةـ
وـبـتـحـلـمـ، عـشـانـ مـتـأـلـمـشـ!

تحسست شهرزاد رقبتها، وأكملت:

- هوـ فـيـ رـحـمـتـكـ يـاـ شـهـرـيـارـ؟ـ!ـ المـهـمـ يـاـ سـيـديـ، سـمـعـ جـحاـ وـابـنـهـ كـلـامـ
الـنـاسـ عـنـهـمـ، فـقـرـرـوـاـ قـبـلـ ماـ يـوـصـلـوـاـ الـقـرـيـةـ الـلـيـ بـعـدـهـاـ، إـنـ جـحاـ بـسـ الـلـيـ
هـيـرـكـبـ، وـابـنـهـ هـيـمـشـيـ جـنبـهـ عـشـانـ مـحـدـشـ يـقـولـ عـلـيـهـمـ حاجـةـ!

- وـمـالـهـ.. لـازـمـ يـرـاعـوـاـ النـاسـ بـرـضـهـ!

- ماـشـيـ! دـخـلـ جـحاـ وـابـنـهـ وـالـحـمـارـ بـالـمـنـظـرـ دـاـ عـلـىـ الـقـرـيـةـ الـلـيـ بـعـدـهـاـ، رـاحـ
الـنـاسـ شـافـوـهـمـ وـقـالـوـاـ: «إـيـهـ الأـبـ المـفـتـريـ دـاـ! رـاكـبـ هوـ فـوقـ الـحـمـارـ وـمـرـتـاحـ،
وـسـاـيـبـ اـبـنـهـ الصـغـيرـ الضـعـيفـ يـمـشـيـ عـلـىـ رـجـلـهـ؟ـ إـيـهـ الـظـلـمـ دـاـ؟ـ!ـ كـلـ دـاـ عـشـانـ

جايـب الحـمار بـفلوـسه؟! فـين العـطف عـلـى الصـغـير، والـرفـق بـالـضـعـيف؟ أـبـاهـات آخر زـمـن!».

- على فـكرة مـعاـهم حـق بـرضـه.. أـكـيد الأـب أـقوـى من اـبـنه، ويـقدـر يـسـتـحـمـل تـعب السـفـر أـكـتر منه! أـب ظـالـم فـعـلـاـ، أنا لو مـلـك القرـيـة دـي، كـنـت بـعـت لـه مـسـرـور عـرـفـه غـلـطـه!

- يا عم اـنسـى مـسـرـور شـوـيـة بـسـ، وـرـكـز مـعـاـيـاـ! سـمـع جـحا وـابـنه كـلام النـاسـ، فـراـح نـازـل جـحا مـن عـلـى الحـمـارـ، وـرـكـب اـبـنهـ، وـمـشـيـ هو جـنبـهمـ! دـخـل جـحا وـابـنه القرـيـة اللي بـعـدـهاـ، فالـنـاسـ لـما شـافـتـهمـ قـالـت إـيهـ؟ أـزالـ شـهـريـارـ شـرـيـحةـ خـيـارـ تـغـطـيـ عـيـنـهـ الـيـمنـيـ، وأـجـابـ بـثـقةـ:

- طـبـعـاـ قالـواـ إـيهـ بـابـاـ الجـمـيلـ دـاـ!

أـعادـت شـهـرـزادـ شـرـيـحةـ الخـيـارـ عـلـى عـيـنـهـ مـرـةـ أـخـرىـ، وـقـالـتـ:

- لـأـ، ماـقـالـوـشـ كـداـ! قالـواـ جـراـ إـيهـ يا دـنـيـاـ؟! بـقـى الأـبـ دـلـوقـتـيـ هوـ الليـ بـيـمـشـيـ عـلـى رـجـلـهـ، وـالـابـنـ العـاقـ هوـ الليـ قـاعـدـ عـلـى الحـمـارـ وـمـرـتـاحـ؟ فـينـ بـرـ الوـالـدـيـنـ؟ فـينـ اـحـتـرامـ الـكـبـيرـ؟ فـينـ ...

- يا سـاتـرـ، هيـ النـاسـ دـيـ مـاـبـيـعـجـبـهاـشـ حاجـةـ؟!

- بالـظـبـطـ كـداـ! حتـىـ فيـ الآـخـرـ لـماـ جـحاـ نـزـلـ اـبـنهـ، وـمـشـيـوـاـ الـاتـنـينـ جـنبـ الحـمـارـ، النـاسـ بـرـضـهـ مـعـجـبـهاـشـ، وـقـالـواـ عـنـهـمـ تـعبـانـينـ فيـ دـمـاغـهـمـ، عـشـانـ تـاعـبـيـنـ نـفـسـهـمـ وـمـاشـيـنـ، وـهـمـاـعـنـدـهـمـ حـمـارـ مـمـكـنـ يـرـكـبـوهـ!

- لـقـيـتهاـ! يـجـبـ منـ الآـخـرـ وـيـبـعـ الحـمـارـ!

- ماـشـاءـ اللـهـ، إـيهـ النـبـاهـةـ دـيـ؟ إـنـتـ قـرـيبـ جـحاـ وـلـاـ إـيهـ؟

- دـاـ الحـلـ الـوـحـيدـ عـلـشـانـ يـرـيـحـ النـاسـ.

- وـلـيـهـ مـهـمـ يـرـيـحـ النـاسـ؟

- عـشـانـ يـرـضـوـاـعـنـهـ!

- طـبـ اـنتـ أـخـدـتـ بـالـكـ جـحاـ لـماـ مـشـيـ وـرـاـ كـلامـ النـاسـ حـصـلـ لـهـ إـيهـ؟ تـعبـ نـفـسـهـ، وـتـعبـ اـبـنهـ، وـفيـ الآـخـرـ بـرـضـهـ النـاسـ مـاـرـضـيـتـشـ عـنـهـ!

فكـر شهرـيار قـليلـاً، وـبـدـا عـلـيـه الـاقـتنـاع بـالـكـلام، ثـم اـعـتـدـل جـالـسـا،
وـأـزـال الخـيـار عـن وجـهـه، وـنـظـر حـولـه وـهـو يـتأـمـل جـدـرـان غـرـفـة المـزـيـنة
وـسـجـادـه الحـرـير وـوـسـادـتـه النـاعـمة، ثـم اـسـطـرـد قـائـلاً:

- لو خـسـرـتـي رـضـا النـاسـ يا شـهـرـزادـ هـتـخـسـرـي كـلـ العـزـ وـالـمـنـجـهـةـ دـيـ!
- ولو كـسـبـتـ رـضـا النـاسـ عـلـى حـسـابـ نـفـسيـ وـالـلـي أـنـا بـحـبـهـ... إـنـتـ نـسـيـتـ
قـصـةـ عـلـاءـ الدـينـ وـنـصـيـحةـ الجـنـيـ لـهـ؟
- أـبـوـيـا اللـهـ يـرـحـمـهـ كـانـ دـايـيـاـ يـقـولـيـ: «فـكـكـ منـ النـاسـ، عـشـانـ عمرـهـمـ
ماـهـيـرـضـوـاـ».

تـشـاءـبـتـ شـهـرـزادـ وـهـيـ تـقـولـ:
- أـبـوـكـ كـانـ بـيـقـولـكـ فـكـكـ؟! اللـهـ يـبـشـبـشـ الطـوبـةـ الـلـيـ تـحـتـ رـاسـهـ. أـلـاـ
هـيـ فـيـنـ وـالـدـلـكـ طـنـطـ اـفـتـخـارـيـارـ؟ مـشـ هـتـيـجيـ تـبـارـكـلـيـ عـلـىـ الجـواـزـ وـنـعـمـلـ
حـفـلـةـ وـنـعـزـمـ الشـعـبـ؟
- شـعـبـ؟ إـنـتـيـ فـكـرـتـيـ صـحـيـحـ بـالـشـعـبـ.. دـوـلـ مـسـتـنـيـنـ رـقـبـتـكـ!
مـسـرـوـرـرـرـرـرـ.. طـيـرـ رـاسـ شـهـرـزادـ!
- Oh My God! .. سـيـيـنـيـ لـبـكـرـةـ اللـهـ يـخـلـيـكـ!

الناس هتقول إيه؟

لما بتكلم مع أي حد عن أهمية إن الإنسان يكون فاهم *true self* بتاعتة، ويبقى على طبيعته، ويعمل الحاجات اللي بتعتبر عنه، والكلام اللي قلناه في الفصل اللي فات، دايماً - بدون مبالغة - النقاشه دا بيتبعه السؤال اللولبي المشهور: «بس الناس هتقول إيه؟».

السؤال دا بيتفاصل من هنا، وبعدها على طول بينقسم الناس فريقين ما بين «ما يقولوا اللي يقولوه، طز في الناس كلها! اعمل اللي انت عايزه، ومش مهم الناس أساساً!»، وما بين «يعني إيه مش مهم الناس؟ الناس دي أهلي، جوزي، قرافي، صحابي، الناس اللي معايا في الشغل، المجتمع، الفولورز.. رأي الناس دي مهم جداً طبعاً وأنا بتأثر بيهم وبحبهم ومش عايز أعيش في حرب معاهم!».

طيب أنتي رأي فيهم اللي صح؟ أسمع الكلام اللي بيقول: «رأي الناس أهم حاجة في الدنيا»، ولا أمشي ورا بوستات فيسبوك اللي بتقول: «أهم حاجة في الدنيا انت، وطرز في أي حد؟!»، هل الناس مهمة في حياتنا ولا لأنـ؟ ولــ؟

من قديم الأزل - من أيام الرجل البدائي - كان فيه مفهوم اسمه «القبيلة».. القبيلة دي كانت بالنسبة للرجل البدائي هما «ناسه» اللي هو بيعتمد عليهم عشان يقدر يعيش، ويحمي نفسه من الأخطار، ويحس بالأمان، لأنـه منتـمي لمنظـومة أكـبر منه.

مع الوقت تتطور الإنسان البدائي دا، بس فضل عنده الاحتياج للانتهاء لـ«قبيلة» يأنـس بيها، ويتبسط وسطها، ويتطور معها. الوحدة شعور قاتل لنفسـية البنـي آدم. كلـنا عندـنا احتـياج إنـنا نـحس إنـنا وسط نـاس بنـحـبـهم وبنـجـبـونـا، بنـشارـكـهم الحـيـاةـ والـقـرـاراتـ، بـتـعـاوـنـ معـبعـضـ عـشـانـ نـبـقـىـ أـحـسـنـ، وهـكـذاـ. الاحتـياجـ دـاـ مشـ ضـعـفـ، ولاـ قـلـةـ ثـقـةـ فيـ النـفـسـ، ولاـ أيـ حاجـةـ، دـاـاحتـياجـ فـطـريـ بشـريـ طـبـيعـيـ جـداـ جـداـ، والـدـرـاسـاتـ الليـ عملـهاـ عـلـمـاءـ الـاجـتمـاعـ أـثـبـتـ

ازاي ممكن الإنسان يتتطور ويبقى أحسن بتأثير الناس اللي حواليه، وأشهر نموذج لـ دا محمد صلاح لما انضم لفريق ليفربول !

تأثير الناس اللي حواليك على أدائك بيفرق جداً، سواء انت في فريق رياضي، أو موسيقي، أو بتحاول تبطل تدخين، أو تعمل دايت، أو أي حاجة عايز ت عملها. حتى الأطفال أداؤهم بيتغير تماماً لما بيحسوا إن باباهم ومامتهم بيترجو عليهم، أو فلان صاحبهم معاهم في التمرن !

الشاهد في الموضوع إن مفيش حد يقدر يجرد الإنسان من احتياجاته الاجتماعية، وينكر عليه إنه بيحب يبقى عنده صحاب وقبيلة بيحبهم ويشتمي لهم ويتأثر بهم.

طيب فين المشكلة؟

المشكلة بتحصل لما تحاول توصل للاحتياج البشري الجميل دا، بطريقة غلط! لما **الـsocial self** تقعنك إنك تحتاج تمشي حسب توقعات الناس منك، عشان لو عملت اللي **الـtrue self** عايزة، الناس مش هتنقلك، وهتقول عليك كذا وكذا. لما **الـsocial self** تخوفك إنك تختلف أو تطلع برا القالب المجتمعي، أو تقول لا أو تفرد خارج السرب، أحسن الناس مش هتجبك، وهردوك من القبيلة!

طب ليه **الـsocial self** بتعمل كدا؟ عشان هي عايزة تطمئن إنك ماشي «صح»، وإنك «محبوب».. وعلماء النفس زي Morton Deutsch و Harold Gerard قالوا إن الاحتياجين دول في حد ذاتهم بيخلوا **الـsocial self** تقعنك إنك تغير تصرفاتك أو أهدافك أو رأيك أو قناعاتك، عشان توأكب الناس اللي حواليك، فتحس إنك تمام، وصح، ومحبوب!

الاحتياج دا، وخوف **الـsocial self** عليك، بيخليلك لما تبدأ تسمع **الـtrue self** بتاعتكم وتصالحها، مش بتلقي النتيجة «الله، أنا في قمة السعادة والانطلاق، هيا بنا نلعب!». لا ☺ أغلب الناس بتحس بخوف ومقاومة. **الـsocial self** أول ما بتلقي **الـtrue self** هتتكلم، بتخاف! بتخاف لأنها عارفة إن كلامها معناه إنها ممكن تبدأ تديلك اقتراحات تزعل «الناس» منك!

وده يجيبنا للسؤال اللولبي الثاني:
مین الناس دی؟

- هي مين الناس دي يا هبة اللي هتزعل؟

- كل الناس !

- كل الناس؟!

- آه.. ناس كتير أوي أوي أوي.

-ناس كتير أوي أوي أوي بجد؟!

- على الأقل انت بتقنع نفسك بـكدا!

- يعني إيه؟

كما واحد فينا بيقول لنفسه: «لو اتجوزت فلانة الناس كلها هتفن
ضلي؟».

«لو سكنت في المنطقة الفلاحية الناس هتقول عنى كذا».

«لو سبت شغلی محدش هیحترمنی تانی».

«الناس كلها هتشوفني...».

طب مين «الناس» دي؟

لما بسمع الجُمل دى وأحَاول أدخل بعمق شوية مع اللي بيقولها وأفهم مين الناس دول بالظبط، باكتشف إن «الناس» دول عبارة عن ٦-٥ بنى آدمين بالكتير. كل واحد فينا «الناس» بتوعه عبارة عن كام شخص، ومش شرط حتى يكونوا قريبين منه، بس مخه خدهم كدا، وعمل حالة من التعميم، وسماهم «الناس كلها».

طيب ليه بيحصل كدا؟

دكتور في علم النفس في جامعة شيكاغو، George Herbert Mead اتكلم عن مصطلح مهم جدًا اسمه Generalized other.. المصطلح دا معناه ببساطة إن كل إنسان فيه جوا دماغه فكرة معممة عن قواعد وآراء وعادات وتقاليد ومفاهيم، هو معتقد إن «كل الناس متبنيهاها»، وبالتالي يرجع للأفكار المعممة دي ويستخدمها كمرجع لقراراته واختياراته.

-إيه يا هبة الكلام المجعلص دا؟

-واحدة واحدة.

من النبي آدم طول الوقت بيعمل حاجتين اسمهم & chunking generalizing، أو تجميع المعلومات وتعديمهها، عشان يسهل على النبي آدم حياته. بمجرد ما بتتعلم كام مرة وانت صغير مكان جرس الباب مثلاً، مخك بيعمل اعتقاد معمم إن دايئاً مكان الجرس هيبيقى في الحلة دي، بحيث إنك مهما روحت عند ناس أول مرة تشو夫 بيتهم، هتعرف برضه مكان جرس الباب بتاعهم.

بمجرد ما غسلت سنانك كام مرة، بتعرف (بتعميم التجربة دي) إن المعجون بيتحط على الفرشة، وبعدين بتغسل سنانك بطريقة معينة.. والتعيم دا هيساعدك ماتعطليش في كل مرة شفت فرشة ومعجون جداد عليك! وقيس على كدا.. مخك لما بيشوف إن فيه حاجة اتكررت أكثر من مرة، بيروح واحد الحاجة دي معممها في محاولة منه إنه يسهل عليك حياتك ويخليك ماتقفش عند كل حاجة كبيرة وصغيرة وتفكر فيها!

المشكلة إن التعيم دا بيبقى سهل ومريج ونعة وكله لما يكون في روتين الحياة اليومية زي جرس الباب وفرشة السنان، لكن بيكون أزمة كبيرة وممكن يقلب باعتقاد يعطلك في حياتك، لو التعيم دا قالك: «كل الناس اللي في البلد الفلانية بتفكر كدا» مجرد إنك احتكيت بكل واحد من

البلد دي بتفكير معين.. أو يقولك: «الناس كلها شاييفاك كذا» مجرد إن فيه واحد أو اتنين أو خمسة حتى قالوا لك إن دارأيهم فيك!

فكرة بقى الـ Generalized other في حياتك، الـ true self بتاعتك بتقولك أنا عايزه أعمل x، فالـ social self تاخذ الدا x دا وتعرضه على آراء الخامس ستبني آدمين اللي هي عممت أفكارهم واعتبرتهم الناس كلها، وترجع تقولك: «الناس كلها هترفض، أو الناس كلها هتوافق».

يعني هتلaci الحوار جواك كالآتي:

الـ true self: أنا بكره الشغلانة دي، وعايز اسيبها!

الـ social self: حداااري تسيب شغلوك! إنت عارف السي في بتاعتك هيبي شكله إيه؟ الناس كلها هتقول عليك فاشل ومتدع!

الـ true self: الله، أنا نفسياوي أركب سكوتر في الشارع!

الـ social self: أيوه صح، اركبي سكوتر في الشارع عشان تضحكني الناس كلها عليكي!

الـ true self: نفسياويأسافري يومين مع صحابي أفضل وارجع.

الـ social self: يا بنتي إنتي عايزه الناس تقول عليك أناية.. رامية عيالها ومسافرة تتفسح؟!

هرجع وأقولك افتكر دايما إن الـ social self بتاعتك مش شريرة، ولا بتكرهك. هي بس بتخاف عليك إن حد يضايقك، وعايزاك fit in وتندمج مع «المجتمع». ومحزن كمان تكون بتحذرك من حاجات حقيقة إلى حد ما.. فيه فعلا بعض الناس ممكن تقول عليك فاشل لو سبت شغلوك، ومحزن تقول عليك متصابية لما تلaci مركبتي سكوتر وسافرق مع صحابك، ومحزن تقول على جحا إنه أب فاشل عشان راكب المهار ومشي ابنه، أو أب ما عرفش يربى عشان مركب ابنه وماشي هو، أو أب

ظالم عشان الآتنين راكبين الحمار، أو أب عبيط عشان الآتنين ماشيين جنب
الحمار!

بتحصل فعلًا!

بس اللي social self مش واحدة بالها منه، إن مش «كل الناس» ولا
حاجة هتفكر كدا. التعميم دا مش صحي.

عشان كدا أول حاجة محتاج تعملها عشان تضبط تأثير الناس في
حياتك، إنك تششك social self في التعميم دا! توريها إن مش «كل
الناس» ولا حاجة بتفكر كدا.

أعمل دا ازاي؟

حدد مين الناس دول؟ حط وشوش وأسامي للناس اللي social self بتقولك عليهم!
يعني إيه؟

كمال الجمل دي بأي حاجة تخطر على بالك منها حسيتها سخيفة.

١- الناس بتحكم عليا عشان / بـ

٢- محدش هيوافق إني

٣- كل الناس دائئما بيقولوا لي

٤- الناس مش متقبلين إني

٥- الناس بتنتقدني عشان

٦- الكل بيتوقع مني

دلوقي بعد ما كتبت اللي في دماغك، عايزاك تقرأ كل إجابة تاني، وتكتب أسماء ١٠ أشخاص تعرفهم عندهم القناعات اللي كتبها دي. تقدر تكرر الأسماء لكل الجمل براحتك.

يعني مثلاً: الناس بتحكم عليا «إني زوجة فاشلة عشان أنا اطلقت».. هتكتب جنب الجملة دي أسامي ١٠ بني آدمين محددين تعرفيهم عندهم القناعة دي! وهكذا.

أغلب الناس اللي سألتهم السؤال دا قبل كدا، ما عرفوش يطلعوا أسامي ١٠ بني آدمين يكونوا فعلًا متبنيين الأحكام والتوقعات اللي في الجمل دى عنهم. عشان تطلع ١٠ أسامي لناس انت «متأكد» إنهم عندهم الحكم الفلاني عليك، أو التوقع الفلاني منك، هتلaci نفسك تحتاج تعمم بجملة زي «الناس اللي معايا في الشغل»، أو تقول أسامي ناس ما تعرفهاش كويس، بس «متخيل» إنهم بيفكروا كدا. وحتى لو طلعت بـ ١٠ أسامي لكل جملة، هتلaci نفسك مش متأكد فعلًا إن دي طريقة تفكيرهم.

اللي عايزه أقوله إن أول حاجة تحتاج تقولها لنفسك عشان ترد على جملة «كل الناس كذا» إنك تفك التعميم دا! تتحداه! تقوله: «قل لي مين كل الناس؟!». أغلبظن إنك هتكتشف إن مش كل الناس ولا حاجة بتفك كدا، لكن انت اللي مرّكز على رأي معين ومعممه!

تاني حاجة تحتاج تعملها، إنك تقّيم لستة الناس اللي انت كتبت أساميهم دول، اللي اكتشفت إن الـ self social معتبراهم «كل الناس»، وبتخوفك من رأيهم فيك.

ليه تقّيم اللستة؟

لأن الأوحش من كونك بتعمم، أو مش متأكد من رأي الناس اللي

كتبت أساميهم في السؤال اللي فات، إنك تتفاجئ إن لستة «الناس» بتوعك فيها ناس إنت مش بتحبهم أصلًا! يعني ممكن وانت بتكتب الأسامي تلاقي: ماما، وبابا، وأخويا، وصاحبى فلان، وتلاقي معاهم مدبرى في شغلي القديم اللي طلع عيني، ولا طنط فلانة اللي مش بطيقها، ولا خطيبى القديم اللي كان نرجسي، وبهدلني! تخيل: إنت كل يوم بتدي ريموت كنترول حياتك وقراراتك لناس مابتحبهاش أصلًا! تيجي تغير حاجة في حياتك ولا تاخد قرار جديد وتبقى خايف وقلقان شوية، تلاقي في الوقت دا صوت مين اللي شغال جوا دماغك؟ صوت أكتر ناس ممكن تبقى أذتك في الدنيا، أو مابتحبوش بعض، أو اذت عارف إنكم مختلفين جداً، وشخصياتهم مش بتعجبك.

ليه بيحصل دا؟ عشان social self بتحبك وعايزه تحميك من الخطر، والناس دي خطر عليك أكثر من الناس الجميلة اللي بتحبك وبيتجعلك، فالـ social self لما تلاقيك هتهور وتسمع رأيـ true self في حاجة، بتروح عاملالك في مخك اجتماع برلماني موسع مليان أعضاء كلهم من المعارضة غير الشريفة اللي ياما ضايقوك وأذوك.. وتخليل صوتهم ورأيـهم جوا دماغك يوقفك عن القرار اللي كنت ناوي تعمله! حيلة دفاعية مشهورة جداً بتحصل لنا كلنا، وبتبقى خطورتها في إنك بتلاقي نفسك بعدت أصلاً عن الناس اللي أذوك دول، بس لسه صوتهم هو اللي متحكم في قراراتك! إنك تلاقي نفسك عممت الكام حد اللي أصلاً مفيش بينك وبينهم عمار، واعتبرتهم «الناس» بتوعك، وتوعدت إن الناس كلها كدا، وبقىـت تتوقع الوحوش وتدفعـ ناس بتتحبك فاتورة اللي قبلهم!

ارجع تاني للستة اللي عملتها من شوية، وبص على الأسامي اللي كتبتها، وحاول تلاحظ شعورك تجاه الناس دي. افتكر كمان الأسئلة اللي جاوبنا عليها في الفصل اللي فات لما كنا بنحاول نفهم *the self* بتقول «لأ» و«آه» ازاي. لو جربت تربط بين تمرين *the self* والتمرین اللي لسه عاملينه دلوقتي، غالباً هتلافقى إن نفس الناس اللي كتبت أساميهم في الستة دي هما

لو دخلت بعمق شوية في تحليل الشخصيات اللي في اللستة دي، غالباً
بتلاقيها مليانة ناس هما نفسهم يمكن كان عندهم أهداف ماعرفوش
يوصلوا لها، عندهم معتقدات وقناعات وتعديبات غلط جداً عن الناس
والدنيا، شاييفين نفسهم ضحية الظروف، خايفين جداً من الحياة، وهكذا..
كلنا فينا عيوب، ومش المقصود خالص إننا نخرج من حكم الناس علينا
بياننا شخصياً نحكم عليهم، بس بشكل عام الناس لما بتبقى هي شخصياً
مش متواصلة مع the self بتاعتتها، بتلاقيها من غير ماتقصد بتعمل
إسقاط لإحساسها دا على اللي خواليها. ومحزن عدم وعيهم بالإسقاط دا،
يوصلهم إنهم ينسنوا، أو يقللوا من حد تاني بيحاول يبقى له هدف ودور
وبيصمه في الدنيا.

طريقة تعامل الغير عامة بتبقى في الحقيقة مرأة بتعكس شعورهم هما بنفسهم، أكثر ما هي مرأة لقيمتك انت. دايها هتلaci أكثر ناس متصالحة مع نفسها، بتبقى أكثر ناس متصالحة مع غيرها. وأكثر ناس مش عاجبها نفسها (حتى لو بتظهر العكس)، بتبقى أكثر ناس مش عاجبها حد، وماشية تنتقد وتحكم على غيرها. لو تعرف أو سمعت عن حد مرّكي في أهدافه وفاهم هو موجود في الدنيا عشان يعمل إيه وبيحاول يبقى على طبيعته ومتافق مع نفسه وبيسيب بصمته، عمرك ما هتلaciه ماشي يحكم على الناس ويقنعهم إنهم أغبية وحالين وفشلنا!

بالعكس، هو لما يدخل حياة الناس اللي نظرتهم عن نفسم إنهم فشلة، بيساعدhem يغيروا النظرة دي! بيساعدhem يقتنعوا إنهم فيهم خير،

ولأنهم لهم قيمة وأهمية وبصمة في الدنيا. بتلاقيه إنسان عنده سلام نفسي، إيجابي، بسيط، لطيف ويحب الخير للي حواليه. شوف النبي - عليه الصلاة والسلام - أثر ازاي في شخصيات أصحابه، وطلع منهم شخصيات قوية وناجحة ومؤمنة، بعد ما كان المجتمع يسرق، ويزني، ويئد البنات.

مش معنى كلامي دا إن الناس الثانية أشرار في المطلق! كل المقصود إنك تاخد بالك إن لو البرلمان بتاعك أغليه من الأعضاء اللي بتتأثر عليك سلبياً، يبقى الوضع دا يحتاج يتغير.

يعني ننسف البرلمان ونولع فيه؟ لا، بس عايزين نبدأ «نغير» شوية أعضاء! على الأقل نبطل «نرقي» ناس ونديهم قوة في حياتنا، وهما مايستهلوهاش أصلًا! على الأقل نشيل الأعضاء اللي كل نظرتهم لنا انتقادية مدمرة، ونحط مكانهم أعضاء بيحبونا وبيشجعونا ونفسهم يشوفونا مبسوطين.

يعني إيه؟

يعني دلوقتي إحنا متفقين إننا محتاجين تعاون *the social self* وال*true self* في حياتنا، مش عايزين نخسر حد فيهم، ولا نكتبته. ومتفقين إن عقل البني آدم بيعمل تعميمات طول ما هو ماشي، وعشان كدا خلى فلان وعلان بقى اسمهم «كل الناس».. اللي محتاجين نعمله بقى إننا نفك التعميم العشوائي المدمر اللي خلى مصطلح «الناس» في حياتنا يبقى معناه عطلة ومقاومة وانتقاد وإحباط، ونكون تعميم جديد لـ«الناس» بتوعنا، أو للبرلمان اللي هيساعدنا في أهدافنا.

طيب هنعمل دا ازاي؟

البرلمان الجديد

فيه خمس حاجات هقولك عليهم هيساعدوك في تكوين برلمان جديد. بس خد بالك الأول - قبل مانتكلم في تفاصيلهم - إن الـ social self ممكن تعاونك شوية! ممكن تخاف وتتوتر وتحس إن الثقة اللي هتكتسبها في نفسك لما تعمل الحاجات دي، هتعملك مشاكل، وهتخليك تعادي الناس اللي هي بتخاف منها! هتقعد الـ social self تفكرك بالحرب اللي هتحصل، وبشئاته أبلة ظاظا فيك، وبكل المرات اللي اتقالك فيها رسائل سلبية.. بس في الآخر مع الوقت، هتلافقك كسبت الـ social self في صفك، وبقت هي نفسها مؤمنة بيك، ومصدراك وبتساعدك كمان.

إيه هما الخمس حاجات دول؟

١- اختار أعضاء البرلمان بتعاونك

الـ social self بتعاونك مش ضدك زي ما اتفقنا قبل كدا. هي عايزاك يبقى لك بصمة وهدف وتنجح وتكسر الدنيا، بس على شرط واحد بس: إنك تاخذ موافقة ومبركة «الناس»، وكل واحد وناسه بقى! وعشان الـ social self محتاجة تتأكد إنك ماشي صحي، وإن اللي انت هتعمله دا «الناس» بتوعك راضيين عنه، هتخليك تستشير «الناس» دول الأول، أو ترجع لرأيهم ولو بينك وبين نفسك، قبل ما تساعدك تعمل اللي انت عايزه.

الفكرة إن المشورة شيء جميل جداً، ويضيف لفكر البني آدم أبعاد يمكن ما يكونش شاييفها، بس اختيارك لـ «هستشير مين وهرجع لرأي مين» دا مهارة! أحياناً كتير بيقو أعضاء البرلمان بتوعك ناس زي الفل، وبيحبوك جداً جداً، بس مش هما المصدر المثالي للمشورة والرأي!

لاتبقى محتاج تاخدرأي حد في موضوع ما، اختار شخص يكون عنده

الحد الأدنى من الخبرة في الموضوع دا، ويكون واضح بالنسبة له السياق اللي انت بتسأله فيه. لو عايز تستشير حد في قرار السفر لبلد معينة، مش هتروح تستشير حد عمره ما سافر! لو نفسك تدرس تخصص معين، مش هتروح تستشير حد ملوش في القصة دي. مش عشان الناس دي وحشة، بس عشان مش هما المصدر المثالي للمشورة! مش دايئماً صحابنا وأهلنا والناس اللي في دائرة الأمان بتاعتنا بيبيقوا هما الجهة المثالية للرأي، مهمها كانوا هما أكتر ناس بيحبونا!

النقطة الثانية إن عشان social self بتتأثر جداً بالناس اللي هي بتعامل معاهما، وبالتالي الإنسان يحتاج يختار هو محاوط نفسه بمين! جيم رون كان له مقوله بتقول: «أنت متوسط الأشخاص الخمسة الذين تقضي معهم معظم الوقت».. الجملة دي حقيقة جداً! إنت فعلًا أداءك بيفرق كتير أو يحسب الناس اللي انت بتحتك بيهم باستمراراً اختيار «ناسك» أو أعضاء البرلمان بتاعك اللي محاوط نفسك برأيهم وكلامهم، واللي social self بتتأثر بفكرةهم في القرارات والاختيارات.

السؤال اللي دايئماً بيثار في كل مرة بتكلم عن النقطة دي هو: «طب لو أنا الناس اللي حوالياً وبتعامل معاهم كل يوم، هما هما الناس اللي بيئذيني نفسياً بكلامها وأفكارها وبتأثر سلباً على social self بتاعتي، أعمل إيه؟ أغير أعضاء البرلمان ازاي في الحالة دي؟».

فيه سببين بيخلوك مش عارف تفصل من الناس اللي حواليك، واللي بتتأثر عليك سلباً:

- السبب الأول إنك مضطر تحتك بيهم كتير! كل يوم وشك في وشهم. وفي الحالة دي لو تقدر تسطح علاقتك بيهم، تبقى أنقذت نفسك! لو هما ناس معاك في الشغل مثلاً وقدرت تحجّم الحوارات والكلام ما بينكم للشغل بس، أو تخليها علاقة رسمي فيها الحد الأدنى من النقاش،

يبقى عظيم ! فيه ناس بترتاح كتير لما تسم نفسها إنها مش لازم خالص
تكسب النقاش مع زمايلها في الشغل، ولا لازم تقنعهم برأيها، ولا لازم
يبيو أصحاب أصلًا !

طيب لو هماناس أنا مضطر أحتك بيهم ومش هينفع أسطح العلاقات،
أو أقلل النقاش للحد الأدنى؟ جوزي أو مراتي مثلًا.. مامتي وبابايا،
وهكذا، أعمل إيه؟ خد بريك ! اتعلم لما تلاقي النقاش احتد، أو كلامهم
هيدأ يضايقك ويكتب *true self* بتاعتكم، وينخل *social self* تسسيطر
وتكتش منهم وتخليك تعمل حاجات مش عايزة، إنك تفصل ! قوم من
المكان، استاذن دقيقة، واقعد لوحدك، أو اتكلم في التليفون، أو اتفرج على
حاجة تفصلك. افضل. إن شالله حتى تفك في حاجة تانية وانت قاعد
معاهם. المهم خد مساحة تهدأ فيها، وتتكلم مع *true self*، وتشوف هي
بتقولك إيه.

- السبب الثاني اللي بيخلينا مش عارفين نفصل من الناس اللي حوالينا،
إننا من جوانا مستنيين الناس دي تتغير ! مستنيينهم يقتنعوا ويتغيروا ويبطلوا
الطريقة اللي بتضايقنا ويشجعونا، دا تقريرًا أكثر توقع «غير واقعي» بسمعه
ليل ونهار !

التوقع دا مبني على مبدأ طفولي غير ناضج تمامًا، وهو إن الإنسان
يقدر يتحكم في أي حاجة هو عايزة، حتى شخصيات الناس اللي حواليه
وقناعاتهم ! أشبه مثال للقصة دي إنك تلاقي واحد عيان عنده برد.. وبدل
ما يعالج نفسه، ويقوى مناعته، ويأخذ أدويته، ويأكل كويس، ويبعد عن
الأماكن الملوثة مثلًا.. لا ! هو قرر إنه هيتعالج نفسه بإنه هينزل الشارع ينقى
الهواء اللي فيه ! هتنقيه ازاي طيب؟ حاجة برا دائرة تحكمك تمامًا ! الهواء اللي
في الشارع هيفضل فيه فيروسات وميكروبات طول عمره، زي ما انت
طول عمرك هتفضل تقابل ناس مؤذية، أو ناس طبعها صعب، أو ناس
محبطة، وبتشفط طاقتك ! حاجة مش بإيدك، ولا تحكمك، ولا هتعرف
تغيرها ! إنها اللي في إيدك إنك تعلي مناعتك انت عشان لما تنزل الشارع

ماتعياش من كل ميكروب يقابلوك! اللي في إيدك إنك تعلی مناعتك النفسية، ثقتك في نفسك، طريقة احتكاکك بالناس دي.. بحیث ماتبقاش شخص ضعيف أقل کلمة بتهزك! هتفضل تعيا برضه أکيد، مش هتتحول لشخص فولاذی! هتفضل كل فترة يجيلك دور برد.. وهتفضل كل فترة حد يقول لك کلمة محبطه ويأثر فيك! بس فرق كبير بين واحد مناعته بتلقط كل عدوی، وواحد صحته كویسة!

حاول دایماً تفکر self social بـناعتك إن مش دورها ولا في قدرتها إنها تجبر الناس تغير رأيها وقناعتها.. علّمها إن أصلًا أحسن طريقة تخليك تأثر في غيرك، إن انت نفسك تبقى قوي، وعندهك شخصية، ومقتنع باللي انت بتعمله، وبتستغل وقتك وطاقتک في إنك توصل لأهدافك، مش في إنك تقنع ناس تانية بيهم! لما توفر طاقتک دي، هييقي عندك وقت أكثر تقضيه مع قبيلتك.. الناس اللي مش شرط تكون بتشوفهم كل يوم، بس على الأقل مؤمنين بنفسهم، وواثقين فيك، وبيشجعوك!

٢- فلتر وسائل الإعلام في حياتك

لو بصيت على البرلمان الموسَع اللي بتعمله self social جوا دماغك وانت بتاخذ أي قرار، هتللاقي فيه فنانين، وصحفيين، وinfluencers، وناس بيقدموا نفسهم على إنهم المتحدث الرسمي باسم الشارع والرأي العام، والصح، والغلط. كل مرة بتبعن على فيلم، أو بتتفرج على مجلة، أو عينك بتقع على بوست أو إعلان في الشارع.. بتاخذ جرعة قوية من «الناس» شايفة إنك المفروض يبقى شكلك ازاي، وبتلبس إيه وساكن فين، وبتتفكر في إيه. لو ماكتنيش شعرك طويل، وحواجبك تخينة، وبشرتك بيضا وتحفة، وجسمك رفيع ومشدود، وشفايفك منفوخة، أعضاء البرلمان اللي بيتمموا للمجموعة دي من «الناس» هتقولك إنتي عايشة كدا ازاي؟ فين مستحضراتك، وبروتينك، وبوتوكسك، ودكتارتک، ووو...

طب أنا روحت ساحت نفسي دايت، ونفخت، وشدت، ودهنت،

وظبطة، كدا أنا تمام خلاص؟ هيقولولك «لأ! وريني بقى السترونج إندبندنت فوزية! فين شغلك وشهاداتك وصوتك ورأيك؟». طب أهو آدي شهاداتي وكارييري وشخصيتي، تمام كدا؟ «لأ! دا منظر دولاب دا؟ فين السينيهات؟ فين الموضة؟ فين الآيفون الجديد؟»، وهكذا، وهكذا...

قبل ما تتخانقوا معايا أحب أوضح حاجة، أنا مش ضد أي حاجة من اللي فات دا (ما عدا الحواجب التخينة عشان مرعبة بصراحة) طول ما هو طالع منك «انت»، مش من «الناس!»، يعني شد، وظبطة، واشتغل، واشتري، وعيش حياتك تماماً، بس مش مجرد إن دا الترند، ودي الموضة، ودا اللي «الناس» عايزة!

فرق كبير بين إنك تعمل الحاجات دي عشان تايه في الدنيا، وعندك فراغ جواك بتحاول تملأه بإنك تمسي ورا اللي «الناس» بتقترح إنك تعمله، وبين إنك متواصل مع *true self* بتاعتكم وعارف إن هو دا اللي انت عايزة فعلًا، اللي هيساعدك في الأهداف اللي انت راسمها حياتك (برضه ما عدا الحواجب التخينة، عشان مش هتوصلك لأي أهداف).

وبها إن البرلمان الواسع بتاعك بيقى مليان صحفيين، وفنانين، وكتاب، بتخبط فيهم بشكل يومي في وسائل الإعلام المختلفة، وبتأثيروا في قناعاتك عن الصحيح، والغلط، والمفروض، اللي مش مفروض، والموضة، والمقبول، وهكذا، يبقى بالتبعية لو عايزة تجدد البرلمان، لازم تحاول تسيطر على حزب «وسائل الإعلام» اللي محاوط نفسك بهم.

قرأت على موقع Research Gate دراسة اتعلمت عن تأثير الواقع التواصلي الاجتماعي على نظرة الإنسان لنفسه، من خلال أسئلة وإنترفيوهات اتعلمت مع ١٥٠ طالب. نتيجة الدراسة دي بتقول إن ٨٨٪ من الناس بتعمل مقارنات اجتماعية بغيرها على السوشيال ميديا، ومن ٨٨٪ دول فيه ٩٨٪ مقارناتهم بتبقى upward social comparisons، يعني بيشوفوا الناس اللي على السوشيال ميديا أحسن، أو أسعد، أو أنجح منهم.

جينifer أنيستون، الممثلة الأمريكية، حطت صورة جميلة جدًا لها على إنستجرام

يوم ٢١ أكتوبر، وكتب تحتها «أنا واحدة.. معايا مصوّر، وستايلست مختار لي لبسي، واحد حاطط لي ميك أب، واحد عامل لي شعري، وفريق بيضبط لي الإضاءة والصورة.. ويطلب منكم تصدقوا إني صاحبة من النوم بالشكل دا!».

بغض النظر عن إن جينifer أنيستون أكيد بينطبق عليها المثل بتاع الحلو حلو لو قام من النوم، إلا إنه للأسف فيه ناس كتير بتصدق وبتقارن «الواقع الأوفلاين» بتاعها بالـ«المثالية الأونلاين» اللي بي Shawarma في السوشيال ميديا، والمقارنة النفسية دي بتخليلهم يحسوا إن «الناس» شايهاهم مش حلويين، أو ناجحين، أو مسوطين، زي اللي في الصور دول. البرلمأن بتاعهم بيقول لهم: «اجروا العبوا بعيد.. تيجوا إيه انتم جنب حلاوة اللنبي؟!».

وسائل الإعلام مش بس ع肯 تأثر سلبياً على نظرتك لنفسك، دي بتتأثر كمان على نظرتك للناس وللدنيا! بص حواليك، كم المجالات والأخبار والإعلانات والأفلام والصور والبوستات على فيسبوك وإنستجرام اللي بتقنعك إنك شكلك وحش، إن الدنيا وحشة، إن الجواز وحش، إن الرجال وحشة، وإن الستات وحشة، وإن كل حاجة وحشة ومؤلمة وكئيبة ومحبطة!

الحقيقة إن قصاد كل راجل أو ست بيتحكي عنه إنه وحش، فيه ناس حلوة وزى الفل، بس محدث بيركز معاهم! قصاد كل جوازة فاشلة فيه بيوت وعلاقات جميلة، بس محدث بيتكلم عنها! قصاد كل حدث محبط عن سرقة ولا قتل ولا ظلم، فيه أحداث مشجعة عن كفالة يتيم، وإعانة محتاج، وزيارة مريض!

حاول تختار وسائل الإعلام اللي بتشجعك تكون أحسن. بلاش البرامج والأفلام والكتب وجروبات فيسبوك اللي بتحسسك بالبؤس والإحباط! الحياة مش ناقصة! لما بتبقى مركز إنك عايز تفتح مشروع معين، أو عايز تتجاوز مثلاً، وتبداً تحاوط نفسك بكتب تساعدك تتعلم عن الجواز، وقصص ناس ناجحة في علاقتها، وناس تانية اتعلمت دروس إيجابية من علاقات انتهت، وهكذا.. مع الوقت بتحس إنك عندك برمان بيشعريك على قرارك، ويساعدك تعمله صحيح.

اختار اللي بيدخل جوا دماغك زي مابتختار لبسك.. وأكتر كمان ☺.

«أنت الكتب التي تقرؤها، والأفلام التي تشاهدها، والموسيقى التي تستمع إليها، اختر بحكمة ما تغذّي به عقلك»
(ديفيد ولفي).

٣- اضبط قناعاتك

قناعاتك هي المفاهيم، أو المعتقدات، اللي جوا دماغك، واللي بتفرق معاك جداً في تقسيم الأمور، واتخاذ القرارات.

فيه شوية قناعات لو ظبطتهم عندك، هتقدر تسيطر على موضوع تأثير الناس في حياتك. طريقة تفكير لو غيرتها، هتعرف تكون بـلـان يساعدك، مش يعطلـك، زي إيه؟

- فيه ناس فينا بتعيش حياتها كلها مستنية أهلها توافقها وتشجعها على قرار معين عايزين ياخدوه، ولما دا ما يحصلش بيقعدوا يشتكونا، أو يعطّلوا، أو ياخدوا قرارات (وأحياناً بتكون مصيرية) هما مش حابينها تماماً، في سبيل إنهم ما يحسوـش بالرفض منهم.

الفكرة عموماً إن أهلك مهما كانوا عظماء ومتفتحين ومتعاونين وبيحبوك، إلا إنهم - بمنتهى الخوف عليك وحسن النية اللي في الدنيا - ممكن عادي جداً يشاركون في عملية كبت الـself (true self) بتاعتـك!

«والله يا حبيبي إحنا فرحانين أوـي إنك بتحبـي الطـبـيـخـ والـوـصـفـاتـ وكـداـ، بـسـ مشـ تستـغـلـيـ وـقـتـكـ دـاـ فـيـ حـاجـةـ تـجيـبـ فـلوـسـ أـحـسـنـ؟ـ».

«ولـانتـ قـرـرتـ عـلـىـ أـسـاسـ إـيهـ إـنـ كـتابـكـ هيـكـسـرـ الدـنـيـاـ؟ـ دـاـ اـنتـ فـضـلـتـ

تعملها على روحك لحد ما يبقى عندك عشر سنين!».

«هو الطموح حلو أكيد، بس خليك واقعي يعني، وأحلم على أدق».

«علم النفس دا مش شغلانة يا حبيبي، خليك مهندس كمبيوتر زي
أحمد ابن طنط شوقيه».

أنا نمكن أقعد أكتب أمثلة للصبح، سواء من حياتي الشخصية، أو من صحابي، أو من كلاينتس كانوا بيشتكمولي من عدم تشجيع أهاليهم.. والحقيقة الوحيدة المشتركة بين كل الأمثلة دي، واللي لو فهمناها هنرتاح كلنا: إن عيلتك ماتعرفش توصلتك لدورك في الحياة وبصمتك في الدنيا. ولا هما، ولا غيرهم. ممكن يدولك فكرة، أو رأي، لكن في الآخر انت بوصلتك مش معاهم. ولا كانت معاهم وانت صغير، ولا معاهم دلوقتي، ولا هتبقى معاهم في يوم من الأيام، ولا دادورهم، أو وظيفتهم! لو أهلك كانوا مؤمنين بيك وبيشجعوك فدي حاجة عظيمة جداً، بس برضه انت اللي تحتاج تكتشف بصمتك بنفسك وتحدد طريقك وتتمشي عليه! ولو أهلك داسوا عليك ببلدوزر فدي حاجة وحشة جداً، بس برضه إنت اللي تحتاج تقوم تروح لدكتور وتعالج لحد ماتبقى كوييس! اطلع من قالب «أصل أهلي...»، واعرف إنها حياتك وبصمتك وطريقك انت، اللي مش لازم خالص «كل الناس» تبقى بتستقف لك عليه!

- قناعة تانية معوّقة جداً، وبتكشف مع الوقت وكتر الاحتكاك بالناس إنها مش حقيقة وكبيرة زي ما انت شايفها، فكرة إن الناس مركزه معاك! كل واحد بقى متصرّر إن الناس مركزه معاه، والحقيقة إن الناس اللي حواليك دي هي كمان عندها نفس الشعور دا (إن الناس مركزه معها)، وعندتها نفس المخاوف اللي عندك بالضبط، فالأفضل بدل ما كل واحد فينا يشيل هم حكم الناس عليه، إنه يركز في حياته هو عشان يحقق مُرادربنا منه.

- قناعة ثالثة معوّقة برضه، وناس كثير متبنيها «إن الناس كلها لازم تحبني وتدبني اهتمام وتقبل لقراراتي، تصرفاتي، شخصيتي، عشان أحسن إني مطمئن وراضي عن نفسي!».

فكرة إن المفروض الناس كلها تكون بتحبك وراضية عنك دا توقع غير واقعي، لأن مفيش حد في الدنيا الناس كلها بتحبه وراضية عنه! ومش شرط تماماً إن عشان فلان مش بيحبك، يبقى دامعنه إنك وحش، أو عندك مشكلة! فيه حديث شريف بيقول: «الأرواح جنود مجندة، فما تعارف منها اختلف، وما تناكر منها اختلف». هتلaci ناس في الدنيا هتتألف معاك وتحبك، وناس تانية لا، ويمكن من غير سبب! وكل دا عادي.

فيه نقطة كمان مهمة، وبتحصل كتير، إنه لما حد فينا بيقى عنده مشكلة في علاقته مع نفسه وتقبلها، بيعاول يعوض دا فإنه ياخد validation، أو تقبل وحب واهتمام زيادة من الناس اللي حواليه. المشكلة إن الأفورة في الموضوع دا بتخلية مع الوقت يتحول لإنسان socially needy، أو جعان اجتماعياً، بيشفط طاقة اللي حواليه، ويعتمد عليهم كأنه واحد بيتنفس على جهاز تنفس صناعي، مايعرفش يعيش من غيره! القصة دي على المدى بعيد بتؤدي حاجة من اتنين: يا شعوره بعدم الأمان دا بيخلی الناس تزهد وتتخنق وبيعدوا عنه، ودا بيزود المشكلة! يا الناس بتفضل حواليه، بس بيفضل هو طول عمره خايف ومعتمد عليهم عشان يحس إنه له قيمة! حل المشكلة دي، إن الإنسان يصلح علاقته مع نفسه ونظرته ووعيه وجده ليها الأول، قبل ما يصلح علاقته بالناس.. وكل حاجة في الكتاب دا، وفي كتاب «سندريللا سيكريت» بتتصب في هذا الهدف ☺.

«لن يتحمل الناس التعامل معك طويلاً لو استمررت في
الشكوى وإظهار امتعاضك وغضبك للأبد»

ستيفن هوكنج

٤ - خليك مع قبيلتك

الكاتب Ken Robinson في كتابه Finding Your Element قال إن إنه رغم إن مفيش حد في الدنيا عنده نفس شخصيتك بالضبط، ولا عايش نفس حياتك بالمللي، إلا إنه فيه ناس كتير هتلaciها بتساررك في اهتماماتك وشغفك. الناس دي هو ساهم «قبيلتك» وقال إن جزء من خطتك إنك تسيب بصمتك في الدنيا، هو إنك تدور على الناس دي وتخليك معاهم!

القبيلة دي ممكن تكون مجموعة ناس عندهم نفس اهتماماتك، سواء الناس دول كتير أو قليلين، سواء كانوا موجودين بنفسهم حواليك، أو في الكتب، أو في السوشيال ميديا. وممكن تبقى الناس دي عايشة في عصرك حالياً، أو ناس ماتت خلاص، بس أفكارهم وآراؤهم بتلهمك. وممكن تبقى بتنتمي لأكتر من قبيلة، أو قبيلتك نفسها بتتغير في المراحل المختلفة في حياتك. كل دا مفيهوش مشكلة، المهم في النهاية إنك تكون بتقضي وقت طويلاً مع الناس اللي بيشركوناك في شغفك، أو مع الناس اللي بتدعوك وبتشجعك وبتحب *true self* بتاعتكم.

وده يجيبنا للسؤال المهم جداً: أجيدهم منين الناس دي؟

الناس دي أحياناً تكون موجودة ضمن مجموعات ثقافية، أو فكرية، أو دينية، أو اجتماعية، انت بتنتمي ليها. أي مجموعة من الناس انت بتحتك بيهما باستمرار من أول المدرسة، والجامعة، والفريق في التمررين، لحد الشركة اللي بتشتغل فيها، الجامع / الكنيسة اللي بتروحها دائياً، النادي الثقافي اللي بتنتمي له، وهكذا.

أحياناً كمان ممكن تكون قبيلتك موجودة على الإنترنت. فيه مثلاً أبليكيشن جميل اسمه Meetup معمول مخصوص عشان يجمع الناس اللي عندها نفس الاهتمامات مع بعض. بتختار في الأبليكيشن دا المواقع اللي انت بتحبها زي التصوير، التسويق، التربية، الكتابة... إلخ، وبيطلع لك مجموعات من الناس عندها نفس اهتماماتك دي، وبيتقابلوا وبيساعدوا بعض كل فترة. ممكن كمان تلاقى قبيلتك في مدونة أو جروب على فيسبوك

مجمع ناس من بلاد مختلفة عندهم نفس الاهتمام بتاعك. الإنترنـت عـامة
مكان كويـس جـدـاً للبحث عن قـبـيلـتك.

ممكن كمان تحضر كورس في الحاجة اللي انت مهتم بها عـشـان تـعـرـف
على الناس اللي حاضـرين معـاك وـتـكـوـنـونـ منـهـمـ قـبـيلـتكـ. مـمـكـنـ تـتـطـوـعـ فيـ
مـكـانـ بـيـقـدـمـ الخـدـمـةـ أوـ الحاجـةـ الليـ اـنتـ مـهـتـمـ بـيـهاـ وـتـتـعـرـفـ عـلـىـ نـاسـ هـنـاكـ.
كلـ دـيـ وـسـائـلـ تـسـاعـدـكـ تـلـاقـيـ قـبـيلـتكـ الليـ تـلـهـمـكـ وـتـشـجـعـكـ وـتـكـبـرـ
وـسـطـهـمـ.

وبـهـذـهـ المـنـاسـبـةـ السـعـيـدةـ، قـرـرـنـاـ نـحـنـ البرـبـريـ، إـنـناـ نـعـمـلـ قـبـيلـةـ لـقـرـاءـيـ
الـعـازـزـ فـيـ جـرـوبـ عـلـىـ فـيـسـبـوكـ: <http://bit.ly/hebasawahbooks>

طبـ يـاـ هـبـةـ لوـ أـنـاـ مـشـ عـارـفـ اـهـتـمـاـتـيـ أـصـلـاـ؟ـ هـتـكـلـمـ عـنـ المـوـضـوـعـ دـاـ
فـيـ الفـصـلـ الـرـابـعـ إـنـ شـاءـ اللـهـ (ـ).

٥- جـمـعـ الـآـرـاءـ الإـيجـابـيـةـ عـنـكـ

منـ حـوـاليـ ٧ـ٨ـ سـنـينـ حـضـرـتـ وـرـشـةـ عـمـلـ مـعـ مـجـمـوعـةـ مـنـ النـاسـ،
وـكـانـ الـمـحـاـضـرـ بـيـطـلـبـ مـنـنـاـ كـلـ يـوـمـ إـنـ أـيـ حـدـ عـنـدـهـ أـيـ تـعـلـيقـ إـيجـابـيـ مـهـماـ
كـانـ بـسـيـطـ عـلـىـ حـدـ مـنـ الـخـاـصـرـينـ، إـنـهـ يـكـتـبـهـوـلـهـ فـيـ وـرـقـةـ وـيـدـيـهـوـلـهـ. مـمـكـنـ
يـكـوـنـ تـعـلـيقـ عـلـىـ تـصـرـفـ عـمـلـهـ، عـلـىـ شـخـصـيـتـهـ، عـلـىـ رـأـيـهـ، عـلـىـ شـكـلـهـ أـوـ
لـبـسـهـ، عـلـىـ أـيـ حـاجـةـ، المـهـمـ يـكـوـنـ تـعـلـيقـ إـيجـابـيـ. بـعـدـ ٤ـ ٥ـ أـيـامـ كـلـ وـاحـدـ فـيـنـاـ
كـانـ رـاجـعـ بـيـتـهـ بـيـوـكـسـ مـلـيـانـ وـرـقـ مـكـتـوـبـ عـلـيـهـ كـلـامـ حـلوـ. لـاـ هـاجـرـتـ
كـنـداـ بـعـدـهـاـ أـخـدـتـ الـوـرـقـ دـاـ وـقـسـمـتـهـ. عـلـقـتـ شـوـيـةـ عـلـىـ الـحـيـطـةـ فـيـ أـوـضـتـيـ،
وـشـوـيـةـ عـلـىـ مـكـتـبـيـ، وـبـقـيـتـ كـلـ يـوـمـ بـيـصـ عـلـيـهـمـ. كـلـ مـاـ أـحـسـ بـضـيقـ
أـوـ تـعبـ أـوـ إـحـبـاطـ، بـقـرـأـ كـلـامـ النـاسـ لـيـاـ، وـمـوـدـيـ بـيـخـتـلـفـ تـامـاـ. صـوتـ
الـبـرـلـانـ عـنـديـ بـيـفـرـقـ كـتـيرـ لـاـ بـفـتـكـرـ التـعـلـيقـاتـ الإـيجـابـيـةـ الليـ بـتـتـقـالـ لـيـ، بـدـلـ
مـاـ اـحـناـ مـتـرـبـيـنـ نـفـتـكـرـ بـسـ الـكـلـامـ الـوـحـشـ الليـ بـيـتـكـرـ فـيـ دـمـاغـنـاـ.

لو عايز تكون بربانج جديد، ابدأ جمّع التعليقات الإيجابية من الناس اللي حواليك. ابدأ بالناس اللي انت عارف إنها بتحبك وبتشجعك، وافتكر الناس دي شاييفاك ازاي وقالوك إيه عن نفسك. افتكر كل تعليق إيجابي اتقالك، حتى لو self social بتاعتكم كذبته، أو قالت لك ساعتها دي مجرد مجاملة. فكر نفسك بنجاحاتك، وانتصاراتك الصغيرة، حتى لو كانت مجرد إنك النهارده روحت في معادك، أو مسكت نفسك إنك ما تزعقش، أو قمت من النوم نص ساعة بدربي! اكتب كل مرة كان نفسك في حاجة وحققتها، كل مرة حد قالك كلمة تشجيع، كل مرة قدرت تغيير حاجة صغيرة في حياتك للأحسن. جمّع التعليقات الإيجابية دي واكتبها، أو خلي الناس تكتبها لك، وحطها قدامك. علقها في أوضستك، حطها في محفظتك، على التلاجة، في الحمام، في أي حنة، وكل حنة، المهم تبقى حواليك دايمًا.

الهدف من النقطة دي مش إنك تشوّف نفسك وتمشي تغبني «يا حلاوتك يا جمالك»، الهدف بس إنك توازن! إحنا طول النهار على مدار سنين بيتكرون جوا دماغنا رسائل وتعليقات سلبية، لحد ما self social اقتنعت إن «الناس كلها» ضدنا، وبقت هي كمان بتعلق نفس تعليقاتهم! خليةها بقى تشوّف إن فيه ناس بتحبنا أهو، وشاييفانا كويسين، وإننا بيعجي مننا يعني، مش زي ما هي مصدقة!

المخطوات دي مش معناها خالص إننا هنعيش نفسنا في بالونة مغمضين فيها عنينا عن الناس اللي مش موافقين على تصرفاتنا. إحنا هنشوفهم وكل حاجة، بس مش لازم نعلق صورهم وكلامهم على حيطان بيتنا، ويبقوا قدامنا ٢٤ ساعة!

لف لفة في بيتك كدا، شيل أي صور أو كلام في محيطك بيكتب *true* self بتاعتكم. ابدأ حاوطة نفسك بصور وكلام يشجعك ويقوّي إرادتك.

«بدلاً من أن تأخذَ من ذاتِك لِتُلائِم ما يحيطُ بك،
اقطعْ من العالمِ لكي يُلائِمَ أنت»

ديفيد هربرت لورانس

اللي عايزه أقوله في الآخر: إن كلنا عندنا برلمان جوا دماغنا بيصوت على قراراتنا، سواء إحنا مدركون دا أو لا! الفكرة كلها مين اللي بيشغلّ أعضاء البرلمان عندك؟ مين «الناس» بتوعك؟ مهما كنت بتحتك بناس كتير، مخدش فيهم عنده القدرة إنه يأثر على تفكيرك وقرارك، إلا لو انت رقبيه ومسكته منصب في البرلمان وخليته يتكلم! لو انت واعي ومدرك، هتختر أعضاء في البرلمان يشجعوك ويساعدوك.. ولو انت مش واعي ولا مدرك هتلaci في البرلمان بقى عبارة عن طنط شوشو اللي أساساً مش بتطيقني، والفنان سلومة الأقرع اللي عامل سبعين عملية تجميل في وشه، والجروب ليذر اللي قعدت سنتين بحاول أخليه يشوفني أصلًا، ومحزن معاهم ماما الجميلة اللي بتخاف عليا زيادة من كتر ماهي تعبت في طفولتها، وصاحبتي اللي كل معلوماتها عن الحياة جايها من سبيس توون!

الخلاصة

موضوع الناس وعلاقاتنا بيهم وتأثيرهم على حياتنا موضوع كبير ومتواصل جدًا في تربتنا، وعامل لنا مشاكل كتير.. بس إحنا نقدر نحجم من التأثير دا! الخمس حاجات اللي افترحتهم عليك ممكن ياخدوا منك وقت طويـل! وممكن في خلال الوقت دا تلاقي البرلمان بقى فاضي، وتلاقي نفسك حاسـس بـوحدة. وحتى لو كنت بتكرهـ البرلمان القديـم، فأنا عارفة إنـ شعورـ الوحدـة قـاتـل! عـايـزـاكـ بـسـ تـطمـنـ إنـهـ شـعـورـ مؤـقـتـ لـحدـ ماـ تـلاـقـيـ قـبـيلـتكـ وـتـجـددـ برـلمـانـكـ. لوـ عملـتـ الخطـواتـ ديـ وـاحـدةـ وـاحـدةـ هـتـلاـقـيـ الـبرـلمـانـ بدـأـ يـتمـليـ بـنـاسـ، وـأـصـوـاتـ، وـأـفـكـارـ فيـ لـيـفلـ أـعـلـىـ، وـجـودـةـ أـحـسـنـ كـتـيرـ منـ الـبرـلمـانـ القـدـيمـ.

«الشعور بالوحدة لا يأتي بسبب عدم وجود أشخاص من حولك، ولكن من عدم قدرتك على التواصل مع الآخرين عن أشياء تبدو لك مهمة»

كارل يونغ

الفصل دا كل الهدف منه إنك تهاوط نفسك بناس تساعدهـكـ. الطريق طـويـلـ، وأـنـاـ مـؤـمنـةـ إـنـاـ مـحـتـاجـينـ بـعـضـ. النـظـرـةـ الغـرـبـيـةـ لـلـإـنـسـانـ عـلـىـ إـنـهـ كـائـنـ أحـادـيـ مـتـمـحـورـ حـوـالـيـنـ نـفـسـهـ، دـيـ نـظـرـةـ ضـيـقةـ جـدـاـ! إـحـناـ كـائـنـاتـ اـجـتـمـاعـيـةـ، وـدـعـمـنـاـ وـتـشـجـعـنـاـ لـبعـضـ بـيـفـرـقـ كـتـيرـ! الفـصـلـ دـاـ بـيـقـولـكـ بـدـلـ ماـ تـبـقـيـ «مـفـعـولـ بـهـ»ـ قـلـيلـ الـحـيـلـةـ بـتـتأـثـرـ - بـدـونـ إـرـادـةـ - بـالـنـاسـ الليـ الـحـيـاةـ حـاوـطـتكـ بـيـهـمـ، اـخـتـارـ اـنـتـ تـهاـوطـ نفسـكـ بـمـينـ! بـكـلامـ مـينـ، وـصـورـ مـينـ، وـآـرـاءـ مـينـ.. عـلـىـ أـدـ مـاـ تـقـدـرـ طـبـعـاـ؛ لـأنـ فـيـهـ عـلـاقـاتـ بـتـفـرـضـ عـلـيـنـاـ، بـسـ عـلـىـ الـأـقـلـ قـبـلـ مـاـ نـبـدـأـ طـرـيقـنـاـ، وـنـحـطـ أـهـدـافـنـاـ وـنـتـفـرـمـ فـيـ الـدـنـيـاـ، نـتـأـكـدـ إـنـاـ مـعـانـاـ نـاسـ هـتـشـجـعـنـاـ وـتـهـوـنـهـاـ عـلـيـنـاـ.»

نایم اوت - افضل

تیعیی نکلم حد من چالیستا مقوله اانا بینجه، ویشکر ویلی ویجوده
فی حیاتنا؟ نکلم اهل شاء صبحاننا، قرایستا، الناس اللئی تشغی حیاتنا
خلووه.

الفصل الثالث

المشاعر

«منبر الإنسانية قلبها الصامت؛ لا عقل لها الترثار»

جبران خليل جبران

عيد ميلاد
جرجي أنا

كلهم
خونة



الليلة الثالثة

استيقظت شهرزاد في الصباح، وتحسست رقبتها وجسدها، لتجد أنها ما زالت على قيد الحياة! تنهَّدت في ارتياح، وقالت:
ـ الحمد لله يا رب! فات ليلتين وأنا لسه عايشة!

نظرت شهرزاد إلى شهريار في توجُّس، توقيعه سيعادر إلى اجتماع قاضي القضاة بعد الإفطار.. ولكنَّه استلقى على السرير بنفس الوجه الشاحب الذي استيقظ عليه، حتى غربت الشمس وهو في صمتٍ تام!

تجاهلت شهرزاد التي ما زالت تفكَّر كيف ستقضِي هذه الليلة بعيدًا عن مسرور وسيفه! تذكرت دورها في مسرحية ألف ليلة وليلة، فزاد خوفها «دي شهرزاد كانت بتحكي له قصة كل يوم! مستحيل أعرف أحكي كل دا! لا، ولازم القصة تعجبه، وتأثر فيه، وإلا هيقتلني! لا لا لا، أنا مش هقدر على كدا! أنا ورايا مسؤوليات، ولازم ارجع بيتنا.. ورايا مسرحية لازم أخلصها، ولستة أفلام لسه ماشفتهاش، والسيزون الـ ١٧ من Grey's Anatomy هينزل.. ولازم اعمل دايت عشان فرح فوفا الشهر الجاي.. وكلاس اليوجا! يا لهوي، دا أنا هرجع ألاقي البت نورا بقت بتقف بالشقلوب على إديها، وأنا يادوب بعمل child's pose! أعمل إيه يا رب في الوكسة اللي أنا فيها دي؟! منك لله يا قمر الزمان انت والجني بتاعك! طب كنت أخذت أستاذ مرعي مدير الفرقه بدالي، ولا فوفا اللي هتوكس نفسها دي ولا أي حد!».

I'm lonely lonely lonelyyyy..

I'm lonely lonely in my life..

I'm lonely lonely lonelyyyy..

God help me, help me to survive...

قاطعها شهريار قائلاً:

- إنتي بتقولي إيه؟ دا سحر اسود دا؟!

ردت شهرزاد بخیبة أمل:

- سحر اسود؟! أنا مش عارفة انتم ازاي مستحملين بعض هنا بالسودان
ونظرية المؤامرة اللي كلكم عايشين فيها دي! مملكة شمال صحيح!

- اعترفي، كنتي بتقولي إيه؟!

- لا مفيش حاجة، دا أنا كنت بفضفض بالإنجليزي بس! بغني أغنية!

- أغنية؟ طب اسكتي بقى عشان صوتك نشاز، وأنا مزاجي متقدر

لوحده!

الله يكرم أصلك! وانت مزاجك ماله كذا عالصبح؟! والأخر ترجعوا
تقولوا الستات هي اللي نكديه! مالك؟

- مفہیں -

_ مالک؟

- مفیش -

- مالک؟

- مفہیم -

- لا، حضرتك الطلعة دي بتاعتي أنا! أنا اللي تقولي مالك أقولك مفيش،
مش انت! مالك بجد؟

- حلمت حلم عَكْر مزاج سموي طول اليوم!

- كل البوز دا عشان حلم؟ خير، حلمت بإيه؟

- بمراقب الأولانية.

أوباما

— دی مجرمه وخاینه! أنا لازم أقتلك.. يا مسر و...

- صل على النبي يا شهور! طب هي مجرمة وخاينة، أنا مالي أحبب
قلبي؟ تقتلني أنا ليه؟ هو أنا اللي خنتك؟

- كلكم زي بعض اكلكم خاينين، ولازم أقتلكم، وأشفى غليلي منكم!
- وانت ماشافتش غليلك لسه بالـ ٩٩ ست اللي قتلتهم ١٩
- لا! لازم كل الستات اللي في الدنيا تموت!
- طب اهدا يا شهريار، وبلاش أفورة، وتعالي نتكلم بالعقل!
- مفيش عقل بعد اللي حصل!
- بلاش العقل.. تعالي نتكلم بالمشاعر انت غضبان، صح؟ أنا متفهمة جداً إن اللي هي عملته دا يخليك غضبان جداً!
- غضبان بس؟ أنا غضبان، وقرفان، وكل حاجة! حاسس بنار مشعللة جوايا، ولازم أسيح دمك دلوقتي حالاً!
- ياعم تسيح دمي إيه؟ ماتهدابقى! ماتطلع غضبك زي الناس الطبيعية، مش لازم تقتل حد يعني!
- زي الناس الطبيعية ازاي يعني؟!
- المشاعر يا شهريار طاقة جوا الإنسان لازم تخرج عشان ماتتعبوش!
- إنت جواك غصب، وحزن، وخوف، ومشاعر كتير مكبوة، ولازم...
- قاطعها شهريار بوجهه الحازم قائلاً:
- خوف؟! مين دا اللي يخاف؟! أنا الملك شهريار بمخافش من حاجة!
- كلنا بنخاف يا شهريار! كلنا بنحس بغضب أحياناً.. حزن أحياناً..
- وخوف أحياناً! ودي مش حاجة تقلل منك، ولا معناها إنك ضعيف!
- إنك تحس معناه إنك «بني آدم»، روح ولحم ودم. مش الغلط إنك تحس بالمشاعر دي.. الغلط إنك تهملها لحد ما تبقى عاملة زي الجرح اللي عمال ينزف، وانت مش بتتعالجه! وطول ما الجرح دا بينزف، طول ما انت مش هترى تعيش كوييس، ولا تستمتع بأى حاجة انت بتعملها في حياتك!
- ما أنا عايش أهو، ومستمتع، وبأكل، وبشرب، وكل حاجة طبيعي.
- وبتقتل واحدة كل يوم.. دا طبيعي برضه؟
- آه طبيعي، خليكي في حالك.. واتفضلي احكى لي قصة حلوة، بدل ما اقتلك حالاً

- يا إادي القصص! هي طنط افتخار يار كانت حرمك من القصص
وانت صغير؟!

- يا مسروور.

بصوت خافت:

- إيه الإرهاب الفكري دا!

- فكري مين يا خاينة إنتي كمان، انطقني؟!

- يا عم جوز عمتني! خلاص هحكى لك القصة اللي مدرسة الدراسات
بتاعتنا حكتها لنا زمان! كان يا ما كان فيه مدرسة اسمها ميس ميرفت.
ميس ميرفت دي طلبت من الولاد اللي عندها في الفصل إن كل واحد
فيهم ييجي تاني يوم معاه كيس فيه بطاطس، كل بطاطسية منهم يسميها
على اسم شيء، أو شخص الولد دا بيكرهه، أو غضبان منه. فلو انت مثلًا
غضبان من ٣ أشخاص، أو ٣ حاجات، هتحط ٣ بطاطسات في الكيس..
تمام؟

ـ ها.

- اليوم اللي بعده دخل الولاد الفصل بالأكياس بتاعتهم. اللي شايل في
الكيس بطاطسيتين، واللي شايل واحدة، واللي شايل عشرة، حسب كل
واحد عنده غصب تجاه كام حد، أو حاجة في حياته. شكرتهم المدرسة،
وطلبت منهم ياخدوا الأكياس بتاعتهم دي ويفضلوا شايلينها في إيديهم
في أي مكان يروحوه لمدة أسبوع! منوع يروحو أي حته من غيرها، ولا
يسبيوها من إيديهم.

- إيه الطلب الفكسان دا؟! ليه؟!

- اتقل يا شهريلار وانت هتفهم.

عدى كام يوم والولاد بدؤوا يشتكون. البطاطس بدأت تبوظ، وريحتها
تطلع.. واللي شايل ٥ بطاطسات بقى حاسس إن الكيس تقيل.. واللي
شايل واحدة حتى زهق وحس إن الموضوع سخيف، وهكذا..

بعد أسبوع رجع الولاد الفصل وهم مبسوطين إن اللعبة خلصت، وأخيراً هيخلصوا من كيس البطاطس! سألتهم المدرسة: «حسينوا بيأيه وانتش شايلين الكيس معاكم في كل مكان طول الأسبوع؟»، رد عليها الولاد طبعاً إن الموضوع كان رخم جداً، وتقيل، ومحبط، ومكانوش عارفين يعملوا حاجة في حياتهم والأكياس في إيديهم طول الوقت، وريجتهم بقت وحشة، وإيديهم وجعتهم... إلخ.

راحت ميس ميرفت اتعدلت في قعدتها كدا، ولبست نضارتها، وقالت لهم: «دا بالظبط اللي بيحصل لنا في حياتنا لما بنعيش في الدنيا واحنا شايلين غضب وكُره جوانا. الغضب دا بيقتلنا وببيوظ قلبنا! لو ما قدرتوش تستحملوا كيس بطاطس في إيديكم لمدة أسبوع، ورجعتم بكل الشكاوى دي.. ازاي قادرین تستحملوا إنکم ماشين بكل الغضب والكُره دا جواکم؟».

- وهما كانوا المفروض يعملوا إيه؟

- يفرّغوا الغضب دا بطريقه صبح عشان ماييقاش عامل زي النار اللي بتاكل فيهم، ويتحرق اللي حوالיהם! يطلعوا مشاعرهم عشان ماتفضليش مكبّوتة جواهم. يتكلموا عن اللي هما حاسينه مع شخص يثقوا فيه.. فيه طرق كتير يا شهريار لتفريح المشاعر والتعامل معها، بدل ما الواحد يفضل شايلها جواه وتكتدره زي ما انت متقدر دلو قتي كدا!

تناءبت شهرزاد وهي تقول:

- إيه رأيك أديلك كتاب تقراه؟

- كتاب؟! أنا بقرأش حاجة.. كله بيجي هنا يحكيلي اللي عنده! وأساساً القصة بتاعتكم دي قصة عالي وفاشلة! وبعددين تعالى هنا.. بطاطس إيه اللي بتبوظ في أسبوع! هو أي هبد وخلاص؟!

- يا سيدى سيبك من البطاطس، وافهم الفكرة.. هو انت بتكلم الشيف شربيني!

إيه موضوع المشاعر دا؟

الفصل دا مكتوب عشان أنا.. يعني تقدر تخط جنب كل جملة فيه «ركزي في الكلام دا كويس يا هبة يا سواح!»⁽⁵⁾.

الكاتبة Marth Beck كتبت السيناريو دا في كلامها عن المشاعر وعايزاك تتخيله معايا.

إنت لسه صاحي من النوم النهارده.. بتمطبع، وقائم تغسل وشك عشان تنزل.. فجأة، وبدون سابق إنذار عيّل في البيت اللي قدامك بيلعب بينديمة الصيد بتاعة أبوه، جاب فيك طلقة بالغلط! في نفس اللحظة جرس الباب عندك رن.. روحـت إنت تفتح الباب وانت ماسك مكان الجرح، وعمال تنزف، لقيت مين في وشك؟ لقيتني! هبة السواح واقفة قدامك، ويقولك بابتسمة عريضة: «ازيك يا رئيس؟ يلا بینا نخرج شوية.. عايز تروح فين النهارده؟».

بنسبة ٩٩٪ هيقى ردك عليا «المستشفى!»، مش عشان إنت بتحب المستشفيات، وبتبسط فيها! بس عشان إنت عارف ومتأكد إن مفيش أي حاجة في الدنيا هتعرف تعملها وتتبسط فيها، غير لما تعالج الجرح دا الأول، وتوقف التزيف!

إيه علاقة القصة دي بأي حاجة قلناها في الكتاب لحد دلوتي؟ أنا أقولك.

الي بيحصل في الواقع لما بنبدأ نطبق الكلام اللي في الكتاب، إن فيه ناس بتتخيل إنها بمجرد ما تواصلت مع *true self* بتاعتتها، وعرفت تكلمها، وتسمعها، إنها على طول هتكشف شغفها، أو مهاراتها، أو طموحها، وهتعرف هي إيه هدفها في الدنيا وتهتبسط بقى وتشتغل وتغتنى، وكل مشاكلها هتحل! في بعض الأحيان دا ممكن يحصل فعلًا.. إنها أغلب الوقت أول حاجة *true self* بتاعتكم هتحاول تقوها لك أما هتتواصل معها هي «أنا موجودة».. «أنا بنزف».. وفي الحالة دي إنت تحتاج تاخدها على المستشفى عشان تعالجها قبل أي حاجة!

«عندما تُعاني اضطراباً في مشاعرك، يكون من المستحيل أن تُرْكِز في شيء، أو تَتَذَكَّرُ أي شيء، أو تتخاذل أي قرار»
(فيرا فايفر).

الجرح

مشاعرك أداة مهمة جدًا ربنا ادهالك مخصوص عشان توصللك لمراده منك، والغاية اللي خلقك عشانها. إشارة مرور عظيمة في حياتك تقولك تمشي ازاي، وتوقف امتي عشان ماتعملش حادثة! وسيلة تواصل عظيمة، لو فهمت لغتها هتفرق كتير في اختياراتك وقراراتك وتصرفاتك في الحياة.

المشكلة الكبيرة إن كتير مننا ا تعرضوا لظروف وطريقة تربية دمرت لهم جهاز المشاعر عندهم. تجارب مؤلمة مرينا فيها، وموافق انحطينا فيها عورتنا.. سابت عندنا جروح. كلنا كدا! اللي ماشي في الدنيا دي وهو بيزعهم إن عمره ما اتعور منها، عمره ما أخد طلقة ونرف.. دا شخص مش عايش معانا على نفس الكوكب! كلنا اتعورنا بنسبة ما، وكلنا *true self* بتاعتنا عندها أولويات واضحة جدًا.. مفيش نجاح ورضا وسعادة وسلام وكل الحاجات العظيمة اللي بندور عليها دي، طول ما احنا سايبين التحاوير كدا ومتش بنعالجها ولا مهتمين فيها!

الفصل دا دوره إنه يساعدك تشخيص و تعالج التحاوير اللي عندك إلى حد ما. ليه يقول إلى حد ما؟ عشان فيه جروح مش بينفعها الأدوات اللي في البيت - بلاستر وشاش وهكذا - عشان تتعالج. فيه جروح لازم لها دكتور متخصص ينضفها، وينحيطها. فالفصل دا هيديلك شوية أفكار بسيطة تساعدك.. بس لو حسيت إن جروحك أعمق من كدا، هتبقى تحتاج تروح لأنصاري، أو دكتور نفسي.. مش عيب، ولا غلط، بالعكس! العيب والغلط إنك تسيب نفسك تنزف لحد ما تنهار تمامًا!

الحياة عمومًا زي ما قلتنا بتتعور علينا كلنا بحسب مختلفة.. بس فيه ناس مننا اتعلموا ازاي يعالجو التحاوير النفسية دي أول بأول، وكان حوالיהם ناس بتساعدهم إنهم يخرجوا مشاعرهم ويتعاملوا معها صحي، وفيه ناس مننا مكانش عندها الرفاهية دي! محدث علمهم ازاي يتعاملوا مع مشاعرهم. محدث قالهم لما تتعوروا أقعدوا ارتاحوا وعالجو التعويرة ووقفوا التزييف

قبل أي حاجة تانية. وبالتالي الناس دي اتعلموا يكتموا التزيف بأي طريقة وخلاص، ويكملو حياتهم وهم موجوعين! وطبعاً مع الوقت القصة دي بتدمر جهاز المشاعر عندهم، وبتخليلهم ياخدوا قرارات، ويعملوا اختيارات في حياتهم بخوف وألم وحزن وعدم تقدير لنفسهم، فيبرو حوا في سكك غير تمامًا اللي هتسعدهم، أو هتوصلهم لمراد ربنا منهم.. زي مين؟ زي الأخ شهريار!

شهريار مراته خانته! ودي حاجة كبيرة ومدمرة جداً القلب أيبني آدم في الدنيا! ابتلاء رهيب! بس أي موقف مؤلم، منها كان كبير، لو اتعاملنا معاه صحيح، وهندلنا مشاعرنا فيه بشكل سليم، الموقف دا هيأخذ وقت ومجهد، وفي الآخر هيعدني وہتتعلم منه وھنبقى أحسن! اللي شهريار بقى عمله إنه صرف مشاعر الحزن والغضب اللي جواه كلها في الانتقام! والانتقام دا أذاه أكثر ما أذى اللي حواليه! حوله لإنسان قاتل وظالم وجبار وتعيس ووحيد! كان عاكل بعد مراته يقابل واحدة تانية عظيمة تعوضه عن الألم اللي شافه، بس الغضب اللي جواه عمى عينه عن الحياة كلها بالنعم اللي فيها! ماتسرحيش بخيالك أوي يا هبة، شهريار أصلًا مش حقيقي!

صح ☺.

بس لو فكرت هتللاقينا كلنا هذا الرجل بشكل ما. كلنا اتحطينا في مواقف بوظنا فيها علاقتنا بشخص كويسي، بسبب وجع من حد قبله سابنا منهارين ومعندناش ثقة في نفستنا ولا في اللي حوالينا. كلنا مر علينا أوقات تقبلنا فيها معاملة أقل من اللي نستحقها، بسبب رسائل تربوية غلط أخذناها من بابا أو ماما واحنا صغيرين، دمرت نظرتنا لنفسنا. كلنا شيلنا من دماغنا أحلام وطموحات عظيمة، بسبب إحباط حصلنا من حلم قديم ماتحققش. كلنا قتلنا واتقتلنا في الدنيا دي حتى اللي فينا عمل إنجازات شكلها عظيم من برا، لو من جواه لسه متغور وما تعالجش، مش هيبي حاسس بسعادة، أو رضا. هيبي قابل وحاسس إن الحياة مهمها عمل فيها فهي ملهاش طعم، ومعندوش فيها أي حماس، أو طاقة.. ودي كلها

علمات إنself متعورة!

من الحاجات اللي بتحصل كمان إن فيه ناس كتير لما بتتدzi من حد بتجبه - أهلها بقى، أو شريك حياتها، أو حتى صاحبها - بتعيش حياتها كلها بتحاول تخليه يتغير، يحس بقيمتها، يهتم بيها وهكذا. وما بتفشل المحاولات دي كلها والعلقة بتبوظ.. الناس دي بدل ما بتعافي وتعلم من التجربة، بتلاقيها بتدخل في علاقات تانية شبه الأولى! بتقرب تاني من ناس شبه اللي أذوهم قبل كدا في محاولة منهم يمكن ينجحوا المرة دي! تلاقيها بتقع دايئما مع نفس الشخصية الغلط في صورة ٣-٤ بنـي آدمين مختلفين! تلاقيه التجوز واحدة بنفس شخصية أمه اللي عاش طول عمره نفسه إنها تديله اهتمام! بنعمل نفس الأخطاء والمصايب اللي شبه أخطاءنا وتجاربنا القديمة، في محاولة مننا إننا ننجح في اللي فشلنا فيه قبل كدا!

النمط دا يسموه في علم النفس Repetition compulsion لأن فيه مغناطيس بيشدنا لأوجاعنا القديمة اللي ماتعالجتش، على أمل إننا نتعافي منها المرة دي. دائرة رهيبة مش هترى تخرج منها غير لما تقف و تعالج الوجع القديم بوعي وصدق وشجاعة وصبر.. لحد ما تبقى جاهز إنك تكمل في حياتك من غير المغناطيس دا!

لما الواحد بيعافي من الجروح النفسية اللي عنده، بيتبسـط بأقل إنجاز، وبيستمتع بنعم ربنا في حياته.. self true بتعاته بتبقى منطلقة وحرّة، وبتساعده ينجـز ويتبـسط.

فيه ناس بمجرد ما بقرأ الكلام اللي فات دا قلبها بيعـجـعـها، ويتـفـتـكـرـ موافق مؤلمة، وبحس إن كل الكلام دا بيحـصلـلـهاـ فعلـاـ.. وـداـ معـناـهـ إنـهاـ جـواـهاـ تـعاـورـ ماـ تـعـالـجـتشـ، وـمـحـتـاجـةـ تـعـاـفـيـ منـهاـ. وفيـهـ نـاسـ بـقـىـ العـكـسـ، مجرد «فكرة» إن احتـمالـ يـبـقـىـ جـواـهمـ جـرـحـ ماـ اـتـعـالـجـشـ، دـيـ بـتـضـايـقـهـمـ! الفـكـرـةـ نفسـهاـ بـتـعـصـبـهـمـ، وـمـمـكـنـ يـتـرـيقـواـ عـلـيـهـاـ، وـيـقـولـكـ اوـعـىـ الدـرـاماـ وـجوـهـ التـنـمـيـةـ البـشـرـيـةـ بـتـاعـكـمـ دـاـ بـقـىـ! لوـانتـ منـ النـاسـ دـيـ فـتـأـكـدـ إنـ ضـيقـكـ وـتـرـيقـتـكـ وـإـنـكـارـكـ لـلـفـكـرـةـ، دـاـ أـكـبـرـ دـلـيلـ إـنـكـ عـنـدـكـ جـرـحـ جـوـاـكـ

محتاج تعالجه! أنا فاهماك والله لأن أنا كدا.. أو على الأقل كنت كدا! كنت بنكر قصة المشاعر والتعاويير دي، وبقلل منها، وبتريق عليها! ولما وقفت مع نفسي بصدق في مرة، لقيت إني كنت بعمل كدا «خوف».. أنا كنت خايفه! زي اللي عنده جرح مش نصيف وواجعه، وخايف يروح ينضفه عشان مايفتحش على نفسه فتحة ويتوسع أكثر.. «سيبوه مقول زي ما هو كدا وخلاص، أنا اتعودت عليه، وما باقاش بيو جعني!».

اعتبرني جيالك من المستقبل وبقولك إن دي أفشل فكرة في التاريخ ☺ على رأي حضرة الظابط «الإنكار مش هييفيدك!»، إنكار مشاعرك كل اللي هي عمله إنه هيحوّلك مع الوقت لزومبي، ولا بيحس بالحلو ولا بالوحش، ولا عنده طاقة لحد، ولا حاجة في الدنيا. اتعالج أحسن بدل ما الجرح يعمل خُراج وغير غريينة وليلة كبيرة! وجمع ساعة، ولا كل ساعة!

«تذَكَّرُ أَنَّ الْمَشَاعِرَ الَّتِي لَا يَتَمَّ التَّعْبِيرُ عَنْهَا لَا تَمُوتُ أَبَدًا، إِنَّهَا تُدْفَنُ حَيَّةً،
ثُمَّ تَطْفُو فِيهَا بَعْدَ بَطْرُقٍ أَكْثَرَ قُبَحًا، عَلَيْكَ أَنْ تُعْبَرَ عَنْ مَشَاعِرِكَ،
وَإِلَّا فَإِنْ تَلَكَّ الْمَشَاعِرَ سَتَأْكِلُ قَلْبَكَ»

(شين كوفي).

طيب أتعالج ازاى بقى؟

عملية جراحية

عملية التعافي من الجروح والصدمات والأوجاع النفسية هي عملية أشبه ما تكون بالعملية الجراحية. العمليات الجراحية بتبقى ليها رهبة، وفيها ألم، بس ساعات بتبقى هي وسيلتك الوحيدة للتعافي! خد نفسك كدا، وتعالى نمشيها خطوة خطوة.

١- احترم وجعلك!

أكثر ناس بتتصالح بسرعة وبتنسى اللي ضايقها ويترجع تتبسط وتلعب، هما الأطفال! اليه؟ لأن الطفل لما حد/ حاجة بتضايقه، بيعيط وينحط في الأرض ويزعق، وможن يضرب صاحبه كمان، المهم إنه يخرج مشاعره.. وبعد شوية بيهدأ ويرجع يلعب ويتبسط تاني! مين اللي علم الطفل يعمل كدا؟ الفطرة! فطرته إنه يحترم حزنه ووجهه ويعبر عنه!

الطفل دا نفسه على مدار تربيته بعد كدا بيتعلم يكتب مشاعره «فكك بقى، خلاص الموضوع مش مستاهل، إيه الأفورة دي، العياط دا للناس الضعيفة، بلاش دراما..». وغيرها من الرسائل التربوية اللي بتخلية يتعود لما يتوجع ما يحترمش وجعه! نتيجة دا إيه؟ كلنا بقينا ماشين بتعاويير مؤثرة على نظرتنا لنفسنا وعلاقاتنا ونجاحنا واستمتعنا بالحياة! وبالتالي أول خطوة تحتاج تعملها عشان تعافى، إنك تتعامل مع وجعك باحترام واهتمام زي ما المفروض تتعامل مع جرح عميق بينزف في جسمك! لو الناس اللي حواليك كلها قالت لك بلاش دراما، وفكك من النزيف اللي عندك، هتسمع كلامهم لحد ما تتصفى؟ ولا هتروح تعالج؟ أهو الأوجاع النفسية تأثيرها أكبر بكثير على البني آدم من الأوجاع الجسدية!

٢- دَوْرُ الْأُولِيِّ إِلَيْهِ الْلَّيْ وَاجْعَك

فَكَرْ كَدَا فِي أَيِّ مَوْقِفٍ أَوْ حَدَثٍ أَوْ حَاجَةٍ حَصَلتْ فِي حَيَاتِكَ مَشْ بِتَحْبَ أَبَدًا أَبَدًا تَكَلَّمُ عَنْهَا، مَشْ بِتَحْبَ حَتَّى تَفْتَكِرُهَا، دَوْرُ فِي ذَاكِرَتِكَ عَلَى الْأَحْدَاثِ الَّيْ لَمْ يَفْتَكِرْهَا بِتَحْسِنْ بِنْغَزَةٍ فِي قَلْبِكَ. بِتَحْسِنْ بِحَزْنٍ وَوَجْعٍ جَوَّاَكَ، أَوْعِي تَقْلِيلَ مِنْ وَجْعِكَ مَهْمَا كَانَتْ الـ *self social* بِتَقْوِلَكَ الْمُوْضُوعَ مَشْ مُسْتَاهِلَ! مَهْمَا كَانَتْ بِتَقْوِلَكَ أَنْتَ مُشَاكِلَكَ بِسِيَطَةٍ جَنْبَ مُشَاكِلَ فَلَانَ أوْ عَلَانَ!

مَشْ مَعْنَى إِنْ دَرَاعُكَ الْمَكْسُورَ بِيَوْجُعَ أَقْلَ منْ عَمَلِيَّةِ الْقَلْبِ الْمَفْتُوحِ الَّيْ فَلَانَ عَمَلُهَا، إِنْ دَرَاعُكَ مَشْ بِيَوْجُعَكَ وَمُحْتَاجَ دَكْتُورٍ وَإِشَاعَةٍ وَجَبْسٍ وَمُسْكِنٍ! عَمَلِيَّةِ الْقَلْبِ بِتَوْجُعَ، وَالدَّرَاعِ أَمَا بِيَتَكْسِرَ بِيَوْجُعَ.. حَتَّى لَوْ نَسْبَةُ الْوَجْعِ مُخْتَلِفَةٌ! وَلَوْ أَنْتَ عَايِزَ تَسَاعِدُ الَّيْ عَامِلُ قَلْبِ مَفْتُوحٍ وَتَهْوَنُ عَلَيْهِ وَجْعَهُ، فَأَنْتَ أَصْلًا مَشْ هَتَعْرَفُ تَعْمَلُ كَدَا غَيْرَ لَوْ أَخْدَتْ بِالْكَمْبَ مِنْ نَفْسِكَ وَعَالَجْتَ دَرَاعُكَ الْأُولِيِّ!

لَوْ حَاسِسَ إِنْ جَوَّاَكَ وَجْعَ بَسْ مَشْ عَارِفٌ تَحْدِدُهُ جَايِ مَنِينَ، هَاتْ قَلْمَ وَاَكْتَبْ: إِيهِ الْمَوَاضِيعُ الَّيْ مَشْ بِتَحْبَ تَكَلَّمُ فِيهَا، بِتَهْرَبُ مِنْهَا؟ اَكْتَبْ حَتَّى عَنَاوِينَ بَسْ: «طَلاقٌ أَهْلِيٌّ، مَوْتٌ فَلَانَ، خِيَانَةٌ عَلَانَ». اَكْتَبْ مِنْ غَيْرِ تَفَاصِيلِ حَتَّى؛ لَأَنْ أَنَا عَارِفَةٌ عَقْلُكَ هَيْقَنِي بِيَقاُومُ، وَمَشْ عَايِزُكَ تَفْتَكِرُ! مَشْ عَايِزُكَ تَفْتَحُ الْجَرْحَ وَتَتوَجِّعُ تَانِي!

٣- دَوْرُ عَلَى مُسْتَمْعٍ جَيْدٍ

مَفِيشَ حَدَ فِينَا وَاخْدَ طَلْقَةٍ وَعَنْدَهِ جَرْحٌ وَنَزِيفٌ بِيَقْفُ فِي أَيِّ حَتَّةٍ فِي الشَّارِعِ كَدَا يَتَعَالَجُ.. وَلَا يَبْطِلُ مِنْ أَيِّ حَدَ كَدَا إِنَّهُ يَسَاعِدُهُ! بِنَدَوْرٍ سَاعِتَهَا عَلَى دَكْتُورٍ شَاطِرٍ، وَمَكَانٌ نَضِيفٌ وَمَعْقَمٌ عَشَانَ نَتَعَالَجُ صَحًّا. جَرْوَحَكَ

النفسية محتاجة نفس النوع دا من الاحترام والاهتمام عشان تتعالج. دور على شخص واحد في حياتك عنده تعاطف واهتمام إنه يسمعك. شخص يكون مهتم بصحتك النفسية، ويعرف يسمع مشاعرك ويختويها من غير ما يحكم عليك، أو يحاول بالعافية يغيرك! ولو انت ما عندكش حد كدا في حياتك، مفيش أي مشكلة إنك تروح لكتوش، أو دكتور يلعب الدور دا! الهدف مش إنك تعتمد على الشخص دا طول الوقت. الهدف بس إنك تطلع اللي جواك، وتتعلم تسمع مشاعرك وتعاطف معها.. ومع الوقت يمكن تعرف تعمل دا مع نفسك.

اختار حد يساعدك تفتح قلبك وتطلع اللي جواك، ومش لازم في الأول تقول كل اللي عندك. واحدة واحدة لحد ما تحس إنك ارتحت وبقيت تثق فيه. لو لقيت الشخص دا مش مريحك، أو بيحكم عليك، أو بيفرض عليك قناعاته، أو عمال يلومك، أو مش مهتم بكلامك، أو بينظر عليك ومحسسك إنه أحسن منك، أو بيسمعك دقيقة وبعددين يحول الكلام على مشاكله هو، دور على غيره! البحث عن مستمع جيد في هيئة صديق أو دكتور نفسي عملية بتاخذ وقت لأننا مختلفين، والشخص اللي بيريحك مش ضروري يريحني، والعكس!

٤- قول اللي في قلبك.. كل اللي حصل.. مهم كان بيوجع لما تبدأ تتكلم مع صديق أو كوتتش أو دكتور وترتاح له، هتلaci نفسك اتنقت في كورنر كدا ما بين *true self* والـ *social self*.. ارتاحت فعايزه تطلع كل اللي جواها من غير فلترة، والـ *social self* مترجمة بمشاعر غضب أو إحراج أو خوف من الرفض، أو من حكم الشخص اللي قدامك. وبالتالي النتيجة إن فيه ناس فينا بتقعد مع الدكتور النفسي عشان تتعالج، وهي أصلاً مش بتقوله الحقيقة! بيشيلوا تفاصيل، ويحطوا تفاصيل تخليهم ضحايا مثلًا، مع إنهم كان ليهم دور البطولة في المشكلة. حيلة نفسية بنعملها كلنا، ومحاجين نأخذ بالنات منها!

الفكرة إن جروحك النفسية مستحيل تعالج طول ما انت بتقول حته، وتسip حته! والمفاجأة بقى إننا مش بس بنعمل كدا مع الشخص اللي بيسمعنا، الحيلة النفسية دي مخنا ساعات بيعملها معانا إحنا شخصياً من غير ما يكون حتى فيه حد سامعنا!

لو جبت لك ورقة وقلم وطلبت منك تكتب فيها أو حش سر عندك، وقلت لك ماتقلقش، محدش هيقرأ، إنت هتحرق الورقة دي بعد ماتخلص.. هتتفاجئ برضه إنك مش عارف تكتب الحقيقة كاملة!

«إذا أردت النجاح عليك أن تحترم قاعدة:

لا تكذب على نفسك أبداً»

(باولو كوييلو).

التعافي من الجروح النفسية معناه إنك تفتح الجرح بوحاشته، بالصديد اللي فيه، برحيته الوحشة، والدم اللي نازل منه، وتنضفه! معناه إنك تتخلص من أي إنكار عندك، وتقول الحقيقة كاملة! تقولها بمشاعرك وأفكارك وردود فعلك وقراراتك تجاهها منها كانت وحشة! تقرّ بمسؤوليتك لو انت عملت حاجة، وبأخطاءك لو انت غلطت.. زي ما هي كدا من غير تجميل!

الخطوة دي مش مش هدفها الصعبانيات خالص! الهدف بس إنك تحس بمشاعرك وتخرجها.. لأن المشاعر اللي بتسمح لنفسك تحسها، هي المشاعر اللي بتقدر تتعافي منها.

أنا فاكرة لما واحدة صاحبتي مرة ضغطت عليا إني أحكي لها حاجة مضايقاني، أنا جالي صدمة في نفسي! كانت أول مرة اكتشف أديه أنا بهرب من مشاعري! من وانا طفلة كان بيتقالي بكل الطرق إن الزعل والنكد والعياط والحزن دي حاجات وحشة لازم نقاومها؛ لأنها بتخلينا ناس

ضعيفة.. وانتي يا هبة مش ضعيفة إنتي مرحة وقوية وشاطرة، ودي كلها حاجات تخليكي ماينفعش تزعلني. مفيش حاجة تستاهل أصلًا!
وبناءً عليه قررنا نحن البربرى برضه إن أي حاجة تزعلنا بنقلل منها، ونتعامل معها بمبدأ «بض العصفورة»، ونضحك، ونهزر لحد ما الزعل يمشي لوحده، ونبقى تمام وميّة.. أتاريه ماييمشيش^٦ هو بيفضل قاعد جوا لحد ما ييجي حاجة أو حد زى صاحبتي دي تنكسش كدا، فتروح انت تنهار تمامًا وتكتشف إنك لا تمام ولا ميّة ميّة!

الموقف دا علمني كتير عن مشاعري. بقيت من بعدها بعُود نفسى إنى أتكلم واعبَر واكتب واحكى واطلع مشاعرى لحد ما مرة في مرة ألاقي إن حدة المشاعر هديت، وبقيت قادرة أتعامل مع اللي مضايقنى بحكمة أكبر. مش سهل خالص وحتاج وقت وتعود وصبر وشجاعة رهيبة.. بس بيفرق كتير!

هات ورقة وقلم واكتب عنوان فوق: «هو دا اللي حصل».. واكتب تحت العنوان دا وصف دقيق للحاجة اللي واجعاك ولمشاعرك ناحيتها.

بعد ما تخلص هات ورقة تانية، واكتب عنوان: «هو دا بجد اللي حصل».. واكتب عن نفس الحاجة اللي كتبتها فوق، بس كأنك دخلت جواك أكثر وطلعت مشاعر ما طلعتهاش قبل كدا. اكتب أفكارك وإحساسك مهما كانت social self بتقولك: «مايصحش وماينفعش!»، اكتب بصوت أقوى وأعلى وأجرأ لحد ما تحس إنك اتعصرت تمامًا وانت بتحكى اللي وجعك!

السبب إنى ماطلبتش منك تكتب القصة دي جوا الكتاب بخلاف التمارين التانية كلها، إنى عايزاك تحرق الورق دا بعد ماتكتبه. أو لو مش عايز تحرقه، شيله في حته أمان عشان محدث يقرأه. كرر نفس التمارين دا لحد ما تحس إنك مش خايف تتكلم بـ«صدق وشفافية» مع الصديق أو الكوتش أو الدكتور اللي هتختراه.

٥- اهتم بنفسك وتعاطف معها وتقبل تعاطف الآخرين

لما تحكي قصتك للمستمع اللي هتختاره ويبدأ يسمعك بتعاطف واحتواء، الموضوع هيصب في حبك لنفسك وتقبلك ليها وتصالحك مع أخطاءها، أو الظروف اللي مرت بيها.

حبك وتقديرك لنفسك هو الأساس اللي تحتاجه عشان تعرف تحقق نجاحات في حياتك وتوصل لشغفك والغاية من وجودك. حبك وتقديرك لنفسك مش معناه «يا أرض اتهدي ما عليكي أدي»، معناه بس إنك بقى بتعرف تقدر نفسك وتدعمها وتساعدها وتحتويها زي ما بتعرف تعمل كدا مع صحابك أو ولادك أو حد بتجبه. كل ما تقديرك لنفسك زاد، كل ما عرفت تدير الأزمات بشكل أحسن وتعاقف من التجارب المؤلمة.. وكل ما بقى أكتر سامحاً مع نفسك ومع اللي حواليك.

«لن يكفيك دفء أحضان العالم مجتمعة لتشعر بالأمان

ما لم تختضن نفسك من الداخل.

كن مُسالماً مع جوارحك وجروحك لأجلك»

(نجيب محفوظ).

فيه ناس الخطوة دي صعبة عليهم جداً. لما حد بيُظهر تعاطف تجاههم بيخافوا! بيهربو! مش بيصدقوه! التجارب اللي مررها في حياتهم بتخليلهم يقاوموا ويبعدوا. لو دا حصل لك ماتقلقش، وما تضيغطش على نفسك، ولا تيأس منها. واحدة واحدة هتببدأ تفك وتسأل الشخص اللي قدامها يساعدك تخليط غرزة غرزة في الجرح بتاعك.

مهم جدًا كمان في الخطوة دي إنك تاخد بالك من نفسك زي ما بتاخد بالك من حد بتجبه بعد ما عمل عملية! نام كويس، وكُل كويس. لو تقدر تلعب رياضة، هتساعدك جدًا، وتهتززون عينك هرمونات السعادة. الصلاة، وجلسات التأمل، واليوغا، والتنفس العميق، والمشي في الشمس، كل دي حاجات بتهدى جهازك العصبي، وتزود شعورك بالهدوء والاستقرار بعد العملية الجراحية.

٦- ما تنعزلش

أنا عارفة إن الواحد وهو موجوع بيقى عايز يقعد لوحده، ومش قادر يشوف حد. والحقيقة إن قليل من الوحدة دي مطلوبة؛ لأنها بتساعدك تفهم مشاعرك، وتحس بيها.. بس الانعزال الكبير غلط! هتلaci نفسك قاعد انت وشيطانك وعمال يعيدي عليك اللي حصل، واللي جرا عشان يكثبك، أو يلومك، أو يقولك الدنيا وحشة، أو أي أفكار تحبسك في وجعك أكثر!

حاول تشواف ناس، تخرج معاهن.. مش لازم خالص تحكي لهم اللي فيك، بس انزل واتحرك واتكلم مع ناس. كلم صحابك القدام، كون صداقات جديدة، كلم الناس اللي جنبك في الكافيه، تواصل مع اللي حواليك، وهكذا.

التطوّع كمان في المرحلة دي بينفع جدًا، لأن الإنسان لما بيقى عنده مشكلة أو حصلت له صدمة، بيقى حاسس إنه ضعيف، أو ملوش لازمة! التطوّع ومساعدة الغير في الوقت دا، بيساعدك جدًا في تخطي المشاعر دي.

٧- إِدَي نفسك وقت

ليه خليت الوقت في الآخر كدا؟

عشان الوقت في حد ذاته مش علاج لو مش بتعمل حاجة تخليك تتعافي في الوقت دا! الوقت هيخلி الدنيا تسوء جدًا طول ما انت سايب

الرصاصة جوا، والتزيف شغال.. وهي خلي التعافي يحصل كويس جدًا أول ما تبدأ تشيل الرصاصة وتعالج نفسك بالخطوات اللي قلناها!

كل مرة بتتعرّ فيها ويحصلك جرح نفسي، بتمر بمشاعر ملختطة كأن قلبك راكب مراجيح! والراجيح دي هتزيد جدًا أول ما تبدأ تنضف الجرح وتطلع اللي جواك!

لو دا حصلك - ودا طبيعي هيحصلك لما تيجي تنضف الجرح - طلع مشاعرك دي. هتحس ساعتها إن كأن الموقف اللي وجعك دا بيتعاد تاني صوت وصورة دلوقتي. طلع مشاعرك. اكتب حاسس بإيه. عيط. عايز تخطّط في الأرض، أو تكسر حاجة، أو تصرخ في المخدة، اعمل كدا، المهم تكون مش هتئدي نفسك، أو حد تاني. اعمل كدا لوحبك، أو مع حد يكون هيفضل هادي ويسبيك تطلع الطاقة اللي جواك. هتعرف إنك بدأت تتعافي لما مرة في مرة تلاقي نفسك بتتكلّم عن اللي حصل بـ «مراجيح وووجع» أهدا من المرة اللي قبلها. اعمل الخطوات اللي فاتت، وادّي وقت اللوقت ☺.

مهم جدًا كمان في الفترة دي إنك تعرف إن التعافي بيحصل في قلبك، لكن مش بالضرورة يحصل في الأحداث اللي حواليك! يعني لو واحدة مثلاً محروحة بسبب إن الشخص اللي بتحبه ساها، التعافي هنا معناه إنها خرجت مشاعرها واتكلمت مع حد وعملت كل الخطوات لحد ما بقت أهدا.. لكن مش بالضرورة يكون معناه إن حبيها دا جه واعتذر وباس رجلها، أو إنه ندم ورجع لها، أو إنها انتقمت منه، أو إن «الأحداث» حواليها اتغيرت! ممكن تفضل الأحداث زي ماهي، بس تبقى هي تعافت من جواها!

٨- اتعلم من التجربة واقلب الصفحة وكمل الخطوة الأخيرة اللي عايزه ألفت نظرك ليها، إنك على أد ما مهم إنك تطلع اللي جواك، وكل حاجة زي ما قلنا، على أد ما مهم برضه إنك تاخذ

بالك إن مخك ما يضحكش عليك، ويخلي الشريط يسف. يخليلك تفضل محبوس في «شفتوا اللي حصل لي واللي جرالي»، وعمال تستتكى تستتكى، وأدمنت الدور دا، ومش بتطلع نفسك منه. طلّع اللي جواك، وأول ما تحس إنك أهدا، ابدأ شوف هتعمل إيه في حياتك.

Dan Baker قال في كتابه What Happy People Know: إن من ضمن الفروق المهمة بين الناس السعيدة في حياتها وبقية الناس، هي الطريقة اللي كل واحد فيهم بيحكى فيها قصته! يعني إيه الكلام دا؟

عندي واحدة صاحبتي حياتها بائسة جدًا اسمها لبني. قضت لبني طفولتها مع جدها وجدتها؛ لأن مامتها وباباها سابوها وسافروا اشتغلوا برا من وهي صغيرة. لبني كانت هي المسئولة عن نفسها وإنواعها.. ولما كبرت وأهلها قرروا ينزلوا يعيشوا معاهم، مات الأب والأم ورا بعض وسابوها تاني لوحدها. كبرت لبني واتجوزت وخلفت وجوزها طلّع عينها وطلقها.. وفجأة بقت مسئولة عن نفسها تمامًا، وهي وحيدة في الدنيا! حاولت لبني تشتعل وتستقل ماديًّا وعاافت في الحياة كتير، وما زالت بتحاول تقف على رجلها في ظل الحياة البائسة اللي هي عايشاها.

عندي واحدة صاحبتي تانية بقى اسمها ليلي، حياتها مليئة بالمخاطر والإثارة والتسويق. عاشت هي كمان مع جدها وجدتها وهي طفلة؛ عشان أهلها كانوا بيشتغلوا بابرضه، بس باباها علّمها إن هي المسئولة عن الفلوس اللي بيعتها كل شهر، وفهمها من وهي صغيرة مبادئ مهمة جدًا في الإدارة والاقتصاد، وكان دايها بيحسسها إنه فخور بيها جدًا. المهارات اللي ليلي اتعلمتها في التجربة دي، مع كم الحب اللي أخذته من أهلها وجدها وجدتها وحالاتها وعُماتها اللي كانوا بيحاولوا يعوضوها غياب باباها ومامتها، خلتها شخصية واثقة في نفسها جدًا. أما كبرت ليلي التجوزت وخلفت، وكانت أد المسؤولية؛ لأنها اعتعودت عليها من وهي صغيرة. مع الوقت والدها ووالدتها ماتوا وقررت ليلي تأخذ ورثها وتفتح مشروع يجيب لها عائد مادي

كويس. وفعلاً مهارات الإدارة اللي اتعلمتها في طفولتها خلت مشروعاً لها نجح، وقدرت تعتمد على نفسها ماديًّا بعد سنين أما هي وجوزها انفصلوا عن بعض. والنهاerde ليلى بتعافر في الحياة، وحواليهاولادها وصحابها اللي بيحبوها، وبتتعلم كل يوم حاجة جديدة عن نفسها وعن الدنيا.

لو بصينا على كل قصة فيهم هنحس إن ليلى حياتها أحسن من حياة لبني. المشكلة الوحيدة اللي هتواجهنا الحقيقة إن ليلى هي هي لبني، بس أنا حكيت كل قصة بعين مختلفة! وهو دا بالظبط اللي بيسموه في علم النفس narrative therapy!

مدرسة الـ narrative therapy من ضمن مدارس العلاج النفسي المشهورة، وهي قائمة على فكرة إن كل واحد فينا بيعيش في الدنيا وهو بيغني «كتاب حياتي يا عين».. كل واحد بيكتب قصة حياته وبيقولها لنفسه. فيه ناس بتختار تشو夫 الأحداث اللي بتمر فيها بعين الحزن والألم والضحية، وبالتالي بتكتب قصة حزينة وبائسة جدًا عن حياتها. وفيه ناس بتختار تشو夫 نفس الأحداث بعين إيجابية أكثر أو فيها مغامرة أو كوميديا أو أكشن، أو حتى رومانسية، وبالتالي القصة بتبقى مختلفة تمامًا! الـ narrative therapy بقى بيعلم الناس إنهم يعيدوا كتابة «قصة حياتهم» بحيث إنهم يشوفوا أنفسهم أبطال، بدل ضحايا، يشوفوا الحلو، مش بس الوحش، يشوفوا الأمل، مش بس الألم.

بيضحكوا على نفسها يعني؟ لا. أبسليوتلي!

لما مسكت قصة حياة لبني وغيرت النضارة اللي شايهاها فيها، وأعدت كتابة القصة بحيث إني أسلط الضوء أكثر على الدروس المستفادة، والمهارات اللي هي اتعلمتها، والمرات اللي كانت بتعرف تقف تاني بعد الواقع، والنعم الحلوة في حياتها، أنا مكتتش بألف من دماغي، ولا بضمحل على نفسي! مفيش أصلًا قصة فيهم هي الحقيقة المطلقة! الحقيقة هي إن أبوها وأمها ماتوا.. هنشوف اللقطة دي من حياتها ازاي، دي هتفرق من شخص للتالي. فيه واحد دائمًا بيتص بعين الضحية، أو المعترض، أو السلبي، أو..

أو... وفيه واحد هبيص بعين تانية خالص، وبالتالي هيسرد القصة بطريقة مختلفة!

«إذا واصلت سرد القصّة الصَّغيرة المُحزنة نفسها، ستستمر في العيش في الحياة الصَّغيرة المُحزنة نفسها»

(جان هوستون).

هات ورقة وقلم، واكتب قصتك. اكتب سرد بسيط لأهم الأحداث اللي حصلت في حياتك. اقرأ اللي كتبته، وشوف انت كتبت قصة سعيدة ولا قصة تعيسة. بعد ما تخلص عيد كتابة قصتك تاني، بس المرة دي اختار عناصر القصة وطريقة السرد، بحيث إنك تطلع نفسك ضحية مغلوب على أمرها تعيسة وبائسة. بعدها عيد كتابة القصة تاني، بس المرة دي خليها قصة كوميدية. خلي الهدف بتاعك إنك تضحك اللي هيقرابها. وأخر حاجة، اكتب القصة تاني، بس المرة دي خليها مغامرة. اعمل نفسك البطل اللي بيتحطى الصعب، وبيطلع أقوى كل مرة.

لو اتعلمت تبص لنفسك وتقرأ «كتاب حياتك» بنظرة مختلفة، هتلaci نفسك مع الوقت بقيت شخص حر نفسيًا من الظروف والمواقف اللي بتحصلك. هتلaci نفسك بربنس نفسك، بتعرف تقلب الصفحة وتعدي الابتلاءات وتقوم وتتعلم وتقف على رجلك وتكمel. فيه ناس كتير مقتنيين إيه ولا حاجة، ومستنيين إما يعلموا نجاح مبهر عشان يبدأوا يصدقوا إنهن ناس قوية وناجحة وليها لزمه. الحقيقة هي العكس بالظبط، إنت هتشوف النجاح لما تبدأ تقتنع إنك مش ولا حاجة. مش شخص ضعيف وضحية وقليل الحيلة. لما تقرر تشوف إنك قوي وعديت بحاجات صعبة واتعلمت منها وبقيت بطل حياتك.

التعافي

التعافي دا عملية مهمة جدًا، وبتاخد وقت، وساعات بتبقى مؤلمة جدًا
جداً عشان إحنا بنفتح الجرح، وبنفعص فيه.. بس هي عملية حتمية، وبتأثر
بشكل رهيب على قراراتك قدام! النتيجة اللي هتحصل بعد خطوات التعافي
والعملية الجراحية المؤلمة دي كلها.. إنك هتببدأ تحس براحة وحرية، زي ما
حس الأطفال في القصة اللي حكيتها شهرزاد لما سابوا كيس البطاطس من
إيديهم. هتحس إنك بدأت تبقى خفيف، بعد ما كنت ماثي في الدنيا تقيل،
وبتعرج، وبتنزف. هتحس إنك أهدى.. ومحزن كمان تحس إنك مسامح!
مسامح التجربة اللي حصلت لك، أو حتى مسامح الناس اللي أذتك. مسامح
بجد من جواك مش مجرد كلمتين بتضحك بيهم على نفسك وانت بتحط
بلاستر على التعويرة. وكل ما الغضب والوجع هيهدأه تلاقى طاقتكم بتزيد،
هتلaci الإبداع والنشاط بيزيدوا عشان الـ *true self* بدأت تتعافي وتنطلق.

هناك في أني اتجاه؟

زي ما اتفقنا، ربنا، سبحانه وتعالى، إدالنا أداة عظيمة جدًا اسمها المشاعر عشان تغير! الطاقة اللي جوا الشعور اللي بتحس بيها في أي وقت - لو اتعاملت معها صحيحة - هتقربك من أهدافك ومرادربنا منك في الحياة. المشاعر بتخليلك تحررك! بتتبسط من حاجة، وبتحس بانطلاق فيها، فبتقرر إنك عايز تعملها، حاجة تانية على طول بتضايقك وبتخنقك فبتقول: «أنا عايز أبعد عنها». ولو انت بقى عندك القدرة إنك تقف مع نفسك وتبعض جواك وتفهم إنت حاسس بييه.. هتقدر ساعتها تحررك في الاتجاه اللي فيه حكمة.. وتأخذ القرارات اللي مناسبة لحياتك وأهدافك، بدل ما كنت زمان بتقعد تبكي على الأطلال، أو تيأس، أو تتصرف باندفاع.

موضوع المشاعر موضوع عميق وطويل جدًا ومحاج كتاب لوحده نناقش فيه الذكاء العاطفي بين الشخص ونفسه، قبل ما يبقى بينه وبين الناس اللي حواليه، لأن كتير مننا ماتعلمش «يفهم مشاعره» أصلًا، فضلًا عن إنه يتعامل معها! كتير مننا لو سألته: «إنت حسيت بييه في الموقف الفلاني؟» يمكن مايعرفش يسمى الشعور أساساً. وبالتالي إحنا محتاجين نبسّط الموضوع لنفسنا قدر الإمكان، ونعتبرها أول طوبة بنبنيها في موضوع كبير اسمه «الذكاء العاطفي».

«أنا حاسس بييه؟».

لو حاسس إنك ملخبط تمامًا ومش عارف أصلًا تسمى مشاعرك، حاول تحط إحساسك في مجموعة من التلاتة دول: خوف، حزن، غضب. التلات مشاعر دول هما المشاعر «السلبية» الأساسية اللي أغلب أحاسيسنا مش بتخرج عنهم، عشان كدا هنتكلم عليهم شوية عشان نعرف نتعامل معاهم.

١- الخوف

الخوف شعور بشري طبيعي جدًا، ومؤلم، وبيوجع، وعشان كدا *true self* بتاعتك مش هتخليك تحس بيه غير لو فيه سبب بجد! الخوف بيقولك إن فيه حاجة في حياتك، أو في محيطك، بتهدد استقرارك النفسي وسلامك وسعادتك، ولازم تاخذ أكشن عشان تواجه الحاجة اللي بتهددك دي، أو تهرب منها!

لو حسيت بالخوف في أي موقف، أول سؤال تحتاج تسأله لنفسك: هو الحاجة اللي أنا خايف منها دي موجودة في الحقيقة ولا في الخيال؟ حاجة حقيقية بتهددني في المحيط بتاعي، ولا مجرد أفكار جوا دماغي؟ هل أنا في اللحظة دي مش في أمان؟ ولا أنا خايف من حاجة في المستقبل عمكن تحصل وممكن لأنّ؟

لية مهم تسأل السؤال دا؟

لأنك لو عرفت تحديد إنت خايف من إيه، هتعرف تتصرف مع مخاوفك دي ازاي. الخوف الحقيقي هدفه إنه ينقذك من أخطار حقيقة، لكن الخوفخيالي مش بينقذك، بالعكس! دامكن يخليك مشلول قدام أخطار حقيقة فعلاً!

يعني إيه الخوف الحقيقي والخوفخيالي؟

الكاتب Gavin de Becker صاحب كتاب *The Gift of Fear* ضرب مثال بسيط يوضح النقطة دي.

لو واحدة مثلاً نازلة من عمارة بالليل متاخر وواقفه قدام الأسانسير مستنياه، وصل الأسانسير وافتتح الباب لقت راجل واقف لوحده جوا الأسانسير. لسبب ما ممكن أول شعور يجيئها هو «الخوف» إنها تركب معاه لوحدها. السؤال هنا: الخوف دا حقيقي ولا لأنّ؟ هل الرجل دا أمان تماماً إنها تركب معاه الأسانسير لوحدها بالليل متاخر وهي ماتعرفوش؟ الإجابة لأنّ! *the true self* خايفة من خطر حقيقي.

لكن الفكرة بقى هل هي هتسمع كلام الخوف دا وماتركبش؟ في أحياناً
كثير لأنّ social self هتخوفها إنها لو رفضت تركب هيبيقى شكلها
غريب، أو قليل الذوق، فهتخليها تروح بكمال إرادتها راكبة أسانسير متراً
في متري بيتفقل تماماً عليها مع راجل أول مرة تشوفه، وفي وقت متأخر، ليه؟
عشان خايفة على منظرها!

أهو الخوف على منظرها دا ماكنش خوف حقيقي من خطر حقيقي،
دا كان خوف جوا دماغها بس! والرسالة اللي الكاتب عايز يوصلها من
خلال مثال الأسانسير: إنك لما تحس بخوف حقيقي خد أكشن بناءً عليه،
حتى لو الأكشن دا هيختلي social self بتاعتكم تخرج شوية، أو تحس
إنها مش مقبولة!

طب أعمل إيه أنا دلوقتي؟ ☺

اسأل نفسك: إيه اللي انت خايف منه الفترة دي في حياتك؟ هل هو
خوف حقيقي من حاجة بتهدد حياتك فعلًا، ولا خوف من فكرة في
دماغك؟ هل فيه سيناريو معين انت بتخوّف نفسك بيه؟ «هفشل، مش
هعرف أواجه فلان، هيحصل كذا كذا...»، هل فيه حاجة انت «مش عايز
تعرفها»؟ معلومات عن صحتك، وضعك المادي، حقيقة علاقتك بشريك
حياتك، أو أي جانب في حياتك عاممة خايف تعرفه عشان ماتتصدمش؟ خد
نفسك كدا، واكتب انت خايف من إيه، أو خايف تعرف إيه.

السؤال دا أنا شخصيًّا لما سألته لنفسي خفت (حكيت لكم أنا مأساتي
مع المشاعر) ☺، وطبعاً أول أكشن بتحس إنك عايز ت عمله لما تخاف، هو
إنك تهرب! اجري يا مجدي! والرغبة في الهروب دي مشاعر طبيعية جداً.

بس قبل ماتجري يا مجدي بقى فيه عليك واجب الأول! الهروب
دلوقي مش هيفيدك خالص أد ما مواجهة الخوف هتفيدك. هتواجهه
ازاي؟ هتعمل بحث! هتملا الفراغات! هتدور على facts أو حقائق بدل
ما تسيب دماغك توديك وتجبيك!

لو متتصور إنك عندك مرض معين، ماتفضلش تهرب وتأجل معرفتك
بالحقيقة عشان خايف! انزل اكشف وافهم انت عندك إيه قبل ما خوفك
من المعرفة يخلي الموضوع يسوء أكثر!

لو حاسس إنك في علاقة مدمرة سامة، ماتهربش من إحساسك عشان
خايف من عواقبه! واجه خوفك بإنك تقرأ وتعلم نفسك وتعمل الواجب
اللي عليك إنك تفهم يعني إيه علاقة سامة، وتتكلم مع حد يساعدك تحرر
مشاعرك وتفهمها قبل ما تاخذ قرار بالفارق أو الاستسلام. مش جائز
إنت اللي فاهم غلط؟

معرفة الحقيقة هتبقى حاجة مدمرة فعلًا، بس للناس وال العلاقات
اللي قايمة على الكذب والخداع! الحقيقة مهمها كانت مرعبة، ومهما كانت
 نتيجتها، هتبقى أقل تدميرًا من إنك تكمل في وهم وانت بتضحك على
نفسك!

«لا يوجد وهم أكبر من الخوف»

(لأوتنزه).

طيب بعد ما عملت الواجب وبحثت وعرفت، ممكن برضه أعمل
«اجري يا مجدي»؟

حسب بقى! الخوف دايمًا هيقولك اهرب من الحاجة اللي خايف منها.

تسمع كلامه وتهرب، ولا تواجه الخوف وما تهربش؟ إجابة السؤال دا عند
الـ... true self نفسه في إيه؟

«هناك صوتان نسمعهما في الداخل؛ الأول يقول:
هذا ما أريد فعله، والآخر يقول: هذا ما علىي أن أفعله..
الأول صوت الحرية، والآخر صوت الخوف»
(ديباك شوبرا).

الصوتين اللي اتكلم عنهم Chopra في الاقتباس دا، هما صوت: الرغبة والخوف! عشان تعرف تقرر هتهرب من الحاجة اللي انت خايف منها ولا هتروح لها، محتاج تحدد الصوتين دول بيقولوا لك إيه!
لو الصوتين دول -رغبتك وخوفك- الاتنين بيذولك نفس التعلميات، أو بيقرروا عليك نفس الاقتراحات، يبقى اهرب! لو رغبتك وخوفك بي Sheldon في التجاهين عكس بعض، يبقى حس بالخوف زي ما انت عايز، بس كمل وواجه وما تقفلش!
يعني إيه؟

(المثال دا حصل معايا بالفعل) أهلك مثلًا بيقولوا لك تدخل هندسة. ودخول هندسة مرعب بالنسبة لك وبيوجع لك بطنك وبيقلقك.. وفوق كل دا إنت عمرك ما حبيت تدرس هندسة أصلًا، ولا كان نفسك فيها! في الحالة دي «خوفك» بيقولك اهرب، و«رغبتك» كان بتقولك اهرب.. فالحل إنك فعلاً تهرب! وفر على نفسك السنين والمجهود اللي الـ... true self بتاعتك هتخليهم لك جحيم وتهتخليك -حتى لو تفوقت فيهم- تبقى دايماً حاسس إنهم مش سكتك!

والعكس بقى هتلaci أوقات تانية رغبتك وخوفك بيأخذوك في

اتجاهين عكس بعض. نفسك في حاجة جداً، بس مرعوب ا أصلًا أغلب الوقت دا كدا كدا هيحصل أول ما تبدأ تجري ورا طموحك.. هترعب! خوف من الفشل، خوف من الالتزام، خوف من المنافسة، خوف حتى من النجاح والتغيير اللي عمكن يحصل معاه.

النوع دا من الخوف، اللي بييجي مع رغبتك وطموحك وال الحاجة اللي *true self* بتاعتكم نفسها فيه، دا خوف تحتاج تحس بييه وتتكلم معاه وتواجهه.. بس ماتسمعش كلامه.

نفسك تبقى دكتور في الجامعة، محامي، غطاس.. وال فكرة كبيرة في دماغك، وبتخيلك متحمس وببسوط لما بتفكر فيها، بس لما بتتخيل نفسك وانت طالع تشرح قدام الطلبة ولا واقف في محكمة ولا عايم وسط السمك ٥٠ متر تحت الماء، بتموت في جلدك!

وقتها مخك بيقولك طب استنى شوية بس لحد ما الخوف يروح كدا، وبعدها ابدأ. وأنا بقولك (بصوت كابتن رضا عبد العال): «دا مش هيحصل»، عشان الخوف يروح في الأمثلة اللي زي كدا، إنت تحتاج تعمل الحاجة اللي بتخوفك! لو نفسك تعموم وأخذت كل دروس السباحة اللي في الدنيا من غير ماتنزل الماء عشان خايف ومستنى الخوف يروح، مش هيروح! مش هيروح غير لما تأخذ حبوب الشجاعة، وتنط في الماء فعلاً! و ساعتها عمكن سمكة القرش تأكلك، ونبيقى قضينا تمامًا عليك إنت والخوف.

هتقولي طب ما يمكن أنا فعلاً مش جاهز! مش انتي يا هبة قلتني لنا في الكتاب دا وفي «سندريلا سيكريت» إن مشاعرنا صاحبنا وإشارات مرور في حياتنا، وبيوصلوا لنا رسائل؟ ما يمكن الخوف بيقولي اعمل اللي نفسك فيه وكل حاجة، بس لما تجهز الأول!

حلو أوي.. هنا بقى بييجي دور البحث اللي اتكلمنا عليه من شوية! في مرحلة البحث إنت بتعرف كل حاجة تحتاجها عشان تكون جاهز. تحتاج أنهي شهادة عشان تبقى محامي، تحتاج أنهي تدريب عشان تبقى غطاس،

محتاج تحسن ازاي مهارات التقديم عندك قبل ما تقف تحاضر، وهكذا.
مرحلة البحث دي عاملة زي اللي بيتأكد إن تانك الأكسجين مليان قبل
ما يغطس، الماسك مظبوط، بتاعة التنفس شغالة، وهكذا. لو أتأكدت
من الحاجات دي ممكن تفضل خايف برضه بعدها، بس اللي فاضل إيه؟
فاضل حضرتك تتوكل على الله وتنظر في الميئه ☺.

يعني أعمل إيه؟

كمال الجملة دي من غير ماتفكر كتير.

لو عندي الشجاعة دلوقتي كنت ...

أياً كان اللي كتبته، أعمله! دلوقتي! سيب الكتاب، وقوم أعمله. خد
فيه خطوة واحدة حتى!

طبعاً أسهل حاجة في الدنيا إني أقولك قوم أعمل اللي مخوفك دلوقتي،
وأنا قاعدة في التكيف باللاتوب، وجنبي القهوة، وبيكتب على مكتبي!
بس أحب أطمئنك حاجة! العبد لله مرعوب في اللحظة دي زيك بالضبط!
أنا كمان خايفة من الكتاب دا، هينجح ولا هيفشل، هيتقبل ولا هيترفض،
طب الريفيوز اللي بعده والمقالات اللي هتكتب فيه، والنقد، ووووو..
دا إلى جانب إني عندي حاجات كتير أوي مخوفاني في الحياة عامة! لكن
الفرق بس إني بحاول أدرّب نفسي بقالي سنين إني أعمل اللي بيخوفني
طالما حاجة بحبها، حتى لو هفشل في الآخر! أفشل أحسن من إني
ما حاولتش أصلًا! وفيه احتمال إني أنجح واتبسط كمان! ولو فضلت ماشية
ورا خوفي، الاحتمال دا مش هيحصل وهقضي حياتي كلها ماشية جنب
الحيط، وعمري هيضيع! وطريقة التفكير دي خلتنى أجرب حاجة جديدة

أنا خايفه منها كل فترة! كورس جديد، كتابة، غطس، ترجل على التلوج، احتكاك بناس مختلفه جداً عنى، قطع علاقات مؤذية جداً بالنسبة لي.. وهكذا. فيه حاجات من دي كانت سهلة ومحبطة جداً، وفي حاجات كانت كارثية مدمرة.. بس في الآخر أنا عشت! عشت، واتعلمت، وكبرت، ودي أهم حاجة بتحصل لنا لما بنتعامل صح مع خوفنا!

لما بنتعامل مع خوفنا غلط، خوفنا بيكبر، ويسيطر على حياتنا! لكن لما بنتعامل معاه صح، إحنا اللي بنكبر! بنكبر وينتعلم إن الفرق بين النجاح والفشل مش إنك تبقى شخص مابيخافش! الفرق إنك تبقى شخص عندك إصرار على طموحك رغم إنك خايف!

بنكبر وينتعلم إن الخوف دا هو المادة الخام للشجاعة! من غير الخوف ماكناش هنعرف يعني إيه شجاعة. من غير الخوف ماكناش هنعيش ونتعلم ونتطور من نفينا. ماكناش هنعرف نصاحب مشاعرنا ونفهم هي إمتي بتحذرنا من خطر حقيقي، وإمتي بتشجعنا نحضر نفينا أكثر.

مع الوقت مشاعر الخوف عندنا لو قدرناها واتعاملنا معها صح، هتتقلب لشجاعة وثقة في النفس وتعاطف مع نفينا ومع اللي حوالينا.

دلوقي اكتب جواب لنفسك تطمئنها. جواب من **the self** بتاعتكم **social self** تقولها: «أحكي لي إنتي خايفه من إيه؟»، وبعد ما تسمعها، خليها تفكّرها بالأوقات الصعبة اللي كانت فاكرة إنها مش هتعديها، وعديتها. خليها تحكي لها عن الحاجة اللي انت نفسك تعملها وتوريها أديه هي حاجة هتحررك وتهترق معك. خليها توريها إن مخاوفها مش حقيقة. خليها تطمئنها وتوصيها تحسن الظن بربنا **ن**.

«الشجاعة هي مقاومة الخوف والتَّحْكُم به، وليس عدم الخوف»
(مارك توين).

٢- الحزن

الشعور الثاني المهم جدًا نفهمه ونتعامل معاه هو الشعور بالحزن! أو بمعنى أدق grief. لما يقول لحد إن الشعور بالحزن دا شعور طبيعي وصحي جدًا للتعافي من التجارب المؤلمة، الناس بتتخصّص! من كتر الكلام عن نص الكوبية المليان والإيجابية والإيجابيين والإيجابيات، بقينا لما بنحس بالحزن بتتخصّص وما بنعرفش نتعامل معاه، وبنعمل أي حاجة عشان نهرب منه! كأن المتوقع مننا إتنا على طول نبقى مبتسمين، ومفيش حاجة بتضايقنا! الحقيقة إن علم النفس بيسمى الحزن The healing feeling، يعني الشعور اللي انت تحتاجه عشان تتعافي. الناس اللي بتعرف تتعامل صح مع الحزن والألم، بتخرج منه أقوى وأحسن وأقدر على التعامل مع تحديات الحياة اللي بنمربيها كلنا. بيتحولوا مع الوقت لمصدر وعي وحكمة ودعم وتعاطف لغيرهم.

الخوف والغضب شعورين بيعملوك عايز تتحرك. عايز تجري وتهرب، أو تهجم وتتخانق! لكن الحزن شعور بيوقفك. بيعملوك تقيل مش قادر تعمل حاجة، كأن فيه شوال طوب على قلبك. بتحس إن قلبك بيقطّع، وروحك تقيلة جدًا! حتى الأجهزة بتاعة جسمك بتتقل، وأقصى حاجة بتقدر تعملها ساعتها.. إنك تنام في السرير!

طيب بييجي منين الشعور بالحزن دا؟

الشعور بالgrief أو الحزن بيقى مرتبط دائمًا بالشعور بالفقد! كل مرة بتفقد حاجة عزيزة عليك بتتحس بالحزن، وكل مرة بتحزن بيقى بسبب

فقدك حاجة عزيزة عليك! زي ما ربنا قال عن سيدنا يعقوب لما فقد ابنه سيدنا يوسف «وَابْيَضَتْ عَيْنَاهُ مِنَ الْحُزْنِ فَهُوَ كَظِيمٌ».

الإنسان ممكن يحس بالفقد في حاجات واضحة وكبيرة زي موت شخص عزيز عليه، أو مرض أفقده صحته، أو خروج من علاقة، أو فقد منصب أو شغلانة... ومحزن كان يحس بالفقد في حاجات أبسط شوية زي إنه غير مسكنه، أو بلدته. كل دا يعتبر فقد!

الفقد شعور مؤلم جداً.. أيًا كان سببه ومنطقيته ورضا عقلك أو قبوله بالفقد! شعور مؤلم وموجع لدرجة إن *the self* بتاعتكم ممكن توقف لك كل حاجة إنت بتعملها، وتجبرك إنك ترتاح في السرير وتعيط من جواك لأنك طفل موجوع وعيان ومحناج راحة.

«الفقد زوال جُزء من النفس»

(ابن حزم الأندلسي).

طيب نعمل إيه مع الشعور دا؟

عشان أعرف أتعامل صح مع مشاعر الحزن، محتاج أحدهم الأول «إيه اللي أنا فقدته؟»، وبعد ما أحدهم، أسمح لنفسي أزعل على الحاجة / الحددا. ونقطة «أسمح لنفسي» دي نقطه مهمه جداً! ناس كتير - بالذات الرجال - بيحسوا إنه من الضعف إنك تزعل طول ما اللي حصل مش «مصيبة كبيرة تستاهل الزعل». هات أقوى راجل تعرفه، هتلافق جواه طفل زعلان على حاجة، بس هو مش سامح له ينطق!

ومش بس الرجال! أنا واحدة من الناس كان عندي نفس المشكلة؛ كنت متغودة أسفًا من مشاعري، وأقلل من أهمية الحاجات اللي بفقدتها، عشان مش بحب أحس بالحزن! لما هاجرت كندا، وسبت أهلي وصهابي وبיתי بعد

٣٠ سنة عايشاها في مصر، ما سمحتش لنفسي إني أزعل يوم واحد! عملت كل حاجة تخليني أحس إني مبسوطة، وإنه كان قرار سهل وبسيط، وإنه ماخلا نيش أفقد أي حاجة. قضيت أول فترة خروج وجيم وتنطيط وجو «بصي العصفور» لحد ما بعد كام شهر لقيت نفسي وقعت تماماً! الحزن اللي جوايا طلع كله وانهارت وفقدت إحساسي بأي حاجة أنا بحبها! ودي حاجة بتحصل دايماً أما بتنكر مشاعرنا!

دایماً بتتخيل إننا لو أنكرنا مشاعرنا وكبتناها، بعد مدة هتروح لوحدها وهننسى وتبسط.. والحقيقة إنه العكس اللي بيحصل الو قضيت حياتك في حالة تجاهل وإنكار لمشاعرك.. مع الوقت جهاز الشعور عندك كله بيتعطل! حتى الحاجات اللي كانت بتسيطرك، هتبطل تحس بيها! وطول ما انت مش بتسمح لنفسك إنك تحس بالحزن، طول ما انت مش هتتعافي!

«لو أردت بناء جدران حولك لتمنع الحزن من الوصول إليك، فاعلم أن هذه الجدران ستمنع السعادة من الوصول إليك كذلك»
(جيم رون).

اسأل نفسك: فيه أي حزن شايله جواك ومش سامح له يطلع؟ بتسفه منه، أو اللي خواليك بيسفهوا منه؟

اسمح لنفسك تحس بالفقد والحزن منها كانت الحاجة اللي فقدتها بسيطة. دي الطريقة الوحيدة اللي هتحرر مشاعرك بيها.

أسمح لنفسي تحزن ازاي؟ أسمح لنفسك يعني سببها تعبّر عن حزنها.. تتكلم عنه.. تكتب عنه.. تعيط بسببها.. سببها تحزن وانت اسمع لحزنها، وتعاطف معها من غير ماتقلل من الموقف أو تقول لها: «بصي العصفورة». مش بس الحزن اللي تحتاج تتقبله، إنت تحتاج تتقبل كل المشاعر اللي بتحسها في الوقت دا.. Elisabeth Kübler-Ross اتكلمت في كتابها On Death & Dying عن خمس مراحل الإنسان بيعدّي بيهم بعد فقد:

- ١- الصدمة والإنكار: «لأ هو مماتش، لأ، إحنا بنحب بعض، وأكيد هنرجع تاني، لأ، هو أكيد ماكنش يقصد يرفدني».
- ٢- الغضب: تجاه الشخص / الحاجة اللي فقدتها، أو تجاه نفسك، أو تجاه المجتمع والدنيا، أو ساعات تجاه ناس ملهاش أي ذنب.
- ٣- المفاوضة: تبدأ تطلب من ربنا إنه يرجع لك الحاجة اللي فقدتها، وتوعده إنك هتتغير.
- ٤- الحزن: ودا لأنك استوعبت إن فقد حصل حقيقةً.
- ٥- التقبّل: ودي آخر مرحلة، واللي فيها نظرتك لي حصل ولحياتك كلها بتتغير.

الفكرة إن المراحل دي مش بتتمشي بسلامة كدا، أحياناً كتير بتلاقي نفسك رجعت للغضب أو الإنكار، وبعدين تهدا وتتقبل، وبعدين ترجع تاني لورا، وهكذا كأنك راكب رولر كوستر.. وكل دا طبيعي جداً!

الفكرة كمان إن مش كلنا بنعدي بالمراحل دي، ممكن ماتعديش بالإنكار والغضب والمفاوضة، بس كلنا لازم نعدي على الحزن قبل ما نوصل للتقبّل.. وعشان كدا أنا اتكلمت عن الحزن بالذات! لأنه شعور مش هينفع تتخطّاه! لازم تقف وتسمعه وتعبر عنه بالعياط، بالكتابة، بالكلام، بالرسم، بأي طريقة صحية، المهم تدي نفسك وقت تحزن!

بعد ما تسيب نفسك تزعل وتحزن وتعيط براحتها خالص، حاول تدور على بديل للي فقدته. بديل حتى لو مش مطابق ومثالي، بس حاجة ممكن تعوضك.

قرأت مرة قصة واحدة عانت كتير جداً من الحرمان والقهر في طفولتها، وبعدها عانت أكثر كمان في علاقتها الزوجية لحد ما اطلقت وبقت لوحدها تماماً. الست دي كانت بتقول: «بعد ما جوزي سابني، بطلت اشتكي وأندب، وقررت إني هدي لنفسي الحاجات اللي فقدتها من وأنا طفلة!».

قضت الست دي الخمس سنين اللي بعد طلاقها شخصية بتشتغل ومسئولة عن نفسها، بس في نفس الوقت اشتربت لنفسها عروسة حلوة، وبقيت بتقرأ هاري بوتر، وبتأكل فيشار، وبتركب عجل كل يوم. حست بحزنها، وحددت اللي هي فقدته وحاولت تعوّضه لنفسها، ولو بنسبة.. فالـ *true self* بتاعتتها اتبسطت، وادتلها روح وطاقة تشيل مسؤوليتها وتكبر في شغلها وتنطلق.

أيا كان اللي فقدته، حاول تدور على بديل، فقدت صديق.. فقدت مرحلة عمرية.. فقدت نشاط معين كنت بتعمله.. فكر لو في أي طريقة ممكن تملأ بيها مكان فقد دا. أي طريقة! حاول تبدع.

طيب لو مفيش أي طريقة؟

لما يكون البديل مستحيل، بنتعباوي! حد فقد أمه، صحته، حد عزيزاوي عليه. الحاجات دي للأسف مفيهاش بديل يليق بيها.. وملهاش أي حل غير الوقت! إدّي لنفسك وقت تحزن وتنهار وتتواع، والألم هيهدأ لوحده واحدة واحدة.

في الفترة دي فيه شوية حاجات ممكن تعملها، مش عشان تمسح الشعور بالحزن، ولكن عشان تقدر تصمد لحد ما يعدي:

- دور على مكان هادي تحزن فيه.. مكان تقدر ياخذ فيه مساحتك الخاصة، وتحبيب ورقه وقلم وتكتب مشاعرك. تقرأ قرآن أو تسمع حاجة تخليك تحس بمشاعرك وتطلعها. لو قدرت تستعين بحد ثقة يسمعك ويقف جنبك في المرحلة دي، هي ساعديك جداً برضه. بس المهم ماتتوقعش إن الشخص دا يبقى حاسس بالظبط اللي انت حاسسه، إلا لو كان مر بنفس تجربة فقد اللي انت مررت بيها.

- إدّي نفسك وقت أطول لكل حاجة بتعملها لأن الحزن بيطأ. اللي بتقدر تنجزه في يومين في العادي، ممكن ياخذ منك أسبوعين وانت حزين! إدّي نفسك وقت.

الحزن بيبقى عامل زي اللي عضمة رجله اتكسرت، فجبيتها عشان تعالج. الجبس دا يحتاج وقت! مفيش حاجة ممكن تعملها عشان تضغط على العضمة إنها تلتئم بالعاافية، أو تستعجلها تنجز. لازم تحببها وتسترنى عليها مدة، وخلال الوقت دا حركتك بتبقى أبطأ، والوقت اللي تحتاجه عشان تروح مشوار ولا تنجز مهمة بيبقى أطول، ودا طبيعي. وكل ما سبت مشاعرك تخرج بدل ما تكتبها، وكل ما حاوطة نفسك بناس بتحبك وبتساعدك، كل ما بقى عندك طاقة أكبر إنك تصمد لحد ما المرحلة دي تعدى.

الي مهمني في النقطة دي إنك تدرك تماماً إنك تحتاج وقت تحزن. لو مشغول ومش لاقي وقت تحزن، حدد لنفسك ساعة حتى في اليوم تقدر مع نفسك تتطلع مشاعرك. حطها في جدول مواعيدهك عشان دا حقك على نفسك. أقعد الساعة دي، وعيط، واكتب، واتكلم، واحزن براحتك خالص، وبعد ما تخلص تخيل نفسك جبت كل الحزن دا وحطته في درج وقفلت عليه دلو قتي، لحد ما تيجي بكرة في نفس المعاد وتفتحه تاني. بلاش تحزن طول اليوم كل يوم.

- اعمل أنشطة تهديك.. مش لازم تقوم تتنطط وتخرج لو مش قادر،
بس حاول خلال يومك تعمل أي حاجة ممكن تهديك. تتفرج على حاجة
بتحبها.. تصلي.. تستغفر.. تتمشى شوية.. تعمل جلسات تأمل.. تقرأ،
وهكذا.

أهم حاجة في مرحلة الحزن دي إنك تتقبله! ودي كانت النقطة الفارقة
جداً بالنسبة لي، لأنني - زي ما حكيت - أنا بكره الحزن والنكد والمود
الضلامة! وكنت دايماً بقاوم المشاعر دي بطريقة الطفل اللي أول ما اترمى في
الميه، قعد يرفس بإيده ورجله لحد ما كان هيغرق نفسه! كنت فعلاً panic
بشكل رهيب لما ألاقي نفسي حزينة!

تعلمت أقول لنفسي: كل حاجة بتبعدي، ولا الفرح بيذوم، ولا الحزن
بيذوم! اتعلمت أقول لنفسي إن الفرح والحزن الاثنين جزء من التجربة
الإنسانية اللي هتعيشيها طول حياتك. اتعلمت أقول لنفسي إنتيبني آدمة،
ومن حقك تخسي بكل مشاعرك! هيعدني عليكى أيام فرح وتخلاص، وأيام
حزن وتخلاص، وهي دي الحياة. دا مش معناه إن الواحد بيقى عنده لا
مبالة، ومش فارق معاه حاجة، دا بس معناه إنك توazen ما بين إنك سايب
نفسك تخس بدوامة المشاعر كلها، وإنك بتحاول تعوم بالراحة لحد ماططلع
منها بأمان.

«كل شيء إلى الزوال مآل، حتى الحُزن»

(يوسف السباعي).

الناس اللي بتعلم تتعامل صح مع الحزن من غير ما تجبر نفسها بالعافية
إنها ماتحسشن بيها، بتخرج أقوى من التجارب! بيبقوا أقل تعلق بالدنيا،
وأكثر امتنان لها وللدرس اللي بتعلمها لهم.

الغضب هو أكثر شعور مكره ومظلوم في مشاعر الإنسان كلها. مظلوم ليه؟ مظلوم لأننا بنخاف منه، ومش بنعرف نتعامل معاه، وبنعتبر عنه بطرق غلط!

الغضب في الحقيقة شعور مهم لأنه بيديلك طاقة إنك تدافع عن حقك وتغيّر وضع مش عاجبك. بيديلك سخونية في روحك لما يحصل لك موقف يضايقك.

لو كتمنت الغضب دا وكبته، هيدمرك من جواك، ومحزن يخليلك في مرة تفرقع على أتفه الأسباب. ولو صرفت طاقة الغضب بشكل غلط، محزن يدمر علاقتك بالناس اللي حواليك. لكن لو اتعاملت صح مع غضبك، الحرارة بتاعتة دي هتدفيك وتخليلك تاخذ مواقف وقرارات أحسن لحياتك. مشكلة بتواجهنا ساعات في التعامل مع مشاعر الغضب، إنه بيقى الغضب دا شعور ثانوي مغطي شعور تاني إحنا مش شاييفنه. القصة دي بتحصل كتير، وبالذات للرجاله برضه، لأن الرجاله في المجتمعات الشرقيه بالذات متربين إن فيه مشاعر معينة زي الحزن أو الخوف «مش المفروض» يحسوا بيها.. عيب.. ضعف.. ماينفعش، فنتيجة دا إن المشاعر دي بتطلع في صورة غصب وخلاص! تلاقي راجل مراته ماتت في المستشفى مثلًا وهو حزين عليها جداً.. بس بدل ما يأخذ وقته في الحزن ومشاعر فقد، تلاقي كل الحزن دا طلع في صورة غصب عارم تجاه كل دكتور في المستشفى دي! وطبعاً الغضب دا مش بيروح حتى بعد ما بيتنقم من المستشفى كلها، لأن ببساطة المشكلة الحقيقية مكانتش إنه غاضب، المشكلة كانت إنه حزين وخايف.. وألم المشاعر دي مش هيروح غير لما يتقبلها ويتعامل معها صح زي ما وضحنا قبل كدا.

طيب أعرف ازاي إذا كان الغضب اللي جوايا دا حقيقي، ولا مغطي على شعور تاني محتاج أركز عليه؟

لو بتحس بغصب مستمر لأسابيع أو شهور أو حتى سنين من غير

تحسن، لو كتير بتصب غضبك على ناس ملهاش ذنب، لو أعصابك بتفلت بسرعة ومش بتعرف تتحكم فيها.. كل دي ممكن تكون علامات على إن في شعور تاني مختفي ورا غضبك ☺.

لما بتبقى غضبان بجد، الغضب دا بيقى معناه حاجة من اتنين: إما إن فيه حاجة **true self** بتاعتكم تحتاجها، ومش بتاخدها، أو إن فيه حاجة **true self** بتاعتكم حسّاها، ومش قادرة تستحملها.

طيب أعمل إيه عشان أغير الوضع دا وأخلي الغضب يهدأ؟
أول حاجة محتاج ت عملها هي إنك توصل لسبب الغضب.. مصدره..
أنا غضبان ليه؟

هات ورقة (أو نوت في تليفونك)، واكتب فيها كل مشاعر المرارة والغضب اللي جواك، والأفكار والأحساس اللي بتقول لك كلام سلبي عن نفسك، وعن اللي حواليك. لما تطلع مشاعرك بالكتابة، الخطوة دي هتساعدك ت Shawf الدنيا بشكل أوضح وتفهم غضبك وتعرف مصدره. المهم بس تتأكد إنك تخفي الكلام دا بعيد عن أي شخص ممكن يتلذّي لو قراه.

«اكتب دوماً رسائل الغضب إلى أعدائك، ولكن لا تُرسلها إليهم»
(جيمس فالوس).

بعد ما تحدد سبب غضبك، هيفي قدامك اختيارين: إما إنك تغيّر من نفسك لو اكتشفت إن انت اللي عندك المشكلة، إنت اللي حاطط توقعات غير واقعية على نفسك، إنت اللي حابس نفسك في دور الضحية، ودا محسسك بالغضب والعجز، إنت اللي تحتاج تتعلم مهارة معينة، أو تنمي حاجة في شخصيتك.. أو الاختيار الثاني إنك تقرر تغيّر الوضع اللي

حواليك، أو تواجه الشخص اللي مضايقك. وهنا تكمن مشكلتنا الكبرى وشكوكنا من العصبية والغشومية، وياريتنى ما قلت كذا، وياريتنى استنيت أما أهدا... إلخ، من تبعات «المواجهة» لما بتحصل من غير سيطرة!

«عند الغضب يجب أن نمتنع عن أربعة أشياء:
الحكم على الآخرين، واتخاذ القرارات، والحديث مع الآخرين،
واتخاذ الأفعال»
(فيثاغورس).

لو قررت تواجه الشخص اللي مضايقك، فيه شوية خطوات تحتاج عملها عشان تقلل الخسائر قدر المستطاع، لأن المواجهة في أغلب الأحيان بتبقى تقيلة على النفس جداً للطرفين:

- ١- خلّص السخونية الأول مع نفسك.. فرغ «حرارة» الغضب، أو ما يسمى *hot anger* قبل المواجهة. فيه حاجات كتير أوي ممكن تعملها في الخطوة دي تساعدك زي الرسم، التلوين، الصلاة، الكتابة، القراءة، وهكذا، على حسب إيه اللي بيهديك إنت تحديداً.. بس أكثر حاجة بتفرغ حرارة الغضب هي الحركة! إنك تنزل تمشي، تتنفس، تلعب رياضة، تحرك جسمك بأي شكل، لحد ما تحس إنك هديت شوية!
- ٢- لما تهدا شوية بقى، ممكن ساعتها تتكلم مع الشخص اللي مضايقك. أنا شخصياً في الخطوة دي بيساعدني إني أتكلم مع الشخص في خيالي، أو في النوتس بتاعتي الأول، عشان أرتّب تفكيري كذا، قبل ما أتكلم معاه في الواقع. وانت بتتكلم معاه حاول تحافظ على شوية معايير هيساعدوك أكثر إنك توصل للنتيجة اللي عايزها. زي مثلاً إيه:

- خليك محدد في شكوتك، واستخدم أمثلة على أد ماتقدر، بدل ما
تقول كلام عام.

- اتكلم عن مشاعرك انت، وتجربتك انت، ما تتكلمش بظنونك،
ولا تتكلم بلسان كل الناس. فيه فرق كبير بين «لما عملت كذا أنا حسيت
بكذا»، وبين «لما عملت كذا أنا عارف كان قصدك كذا.. وكل الناس
بتقول عنك كذا...».

- ماتقعدش تحاضر وتنظر وتصدر أحكام. عَبَرَ عن مشاعرك من غير
ماتحاول تري اللي قدامك وتعلمك الأدب. افتكر إن انت عايز تحل المشكلة،
مش تنتصر في الموقف وخلاص.

٣- قول للشخص اللي قدامك إنت تحتاج إيه بالضبط. عايزه يعمل إيه
بالضبط. ودي خطوة بتفوت على كتير مننا. بنقعد نشتكي ونستخدم
عبارات عامة، وكلام كبير، وبعدين نسيب اللي قدامنا تاييه مش عارف يحل
المشكلة ازاي. حاول في الخطوة دي تقول بالتفصيل إيه اللي انت تحتاجه،
إيه طلباتك، بهدوء وتعاون من غير تهديد ووعيد.

٤- بدون تهديد ووعيد برضه تحتاج في الآخر تقول التبعات اللي هتحصل
لو الموقف ماتغيرش. وهنا إنت مش تحتاج تلوي دراع اللي قدامك خالص
على أد ما مجرد تشرح له طاقة التحمل بتاعتكم وإيه رد فعلك لو الموقف
اتكرر تاني، بشرط إنك تكون هتقدر تعمل رد الفعل دا بجد، مش كلام
وخلاص. والنقطة دي بقى أكثر ناس بتقع فيها الأهالي مع ولادهم.
بتغضب من تصرف ولادهم عملوه وتزعق وتخانق وتتكلم وبعدين
تهدد بكلام كلام وعقوب وحرمان وحاجات غالباً بتبقى أكبر من
الموقف أصلاً، وبالتالي لما الموقف بيترعرع تاني، مش بتقدر تنفذ أي حاجة
من التهديدات المبالغ فيها، الغير منطقية دي! نتيجة دا إيه؟ الأطفال بيقروا
عارفين آخر أهاليهم إيه، ومش بيتأثروا، ولا بيسدقو التهديدات دي!

الموضوع أبسط من كذا. مش عايزاك في الخطوة دي تهدد أصلًا.. إنت
مجرد هتووضح إيه اللي هتعمله لو الموقف اتكرر تاني.. «هضطر انسحب

من المشروع، هتكلم مع فلان، مش هقبل اعتذارك تاني، هشيل اللعبة طالما مش بتحافظ عليها...»، وفعلاً لو الموقف اتكرر تاني، بمتنهى الهدوء والاحترام، نفذ كلامك!

الخطوات دي خطوات بسيطة وفعالة جدًا في التعامل مع مشاعر الغضب. لو حاسس إنك تحتاج تدخل في عمق أكثر من كدا، ففيه كورسات وكتب كاملة اتعلمت مخصوص للناس اللي عندها مشكلة مع الثبات الانفعالي، ممكن تفيدك أكثر في النقطة دي.

أهم وأخر نصيحة فرقت معايا أنا شخصياً في التعامل مع الغضب، إنك تخلص من فكرة إنك عاجز أو ضحية أو قليل الحيلة! فيه ناس كتير محبوسة في الغضب وبتفضل إنها تقول لنفسها إنها قليلة الحيلة ومفيش في إيديه حاجة ت عملها، عشان تهرب من مسؤولية وتبعات تغيير نفسها أو الوضع اللي هي فيه. الناس دي بتبقى قاعدة مستنية المعجزة تحصل حواليهم، وعندhem شعور إن حقها على الدنيا والعالم إنهم يصلحوا لها حياتها ويغيروا لها الشعور اللي هي حاسة بيها. والناس دي لما بتحاول توصل لها إنك مش ضحية، أو إنك مسؤول، أو إنك «تقدر» تغير بنفسك الوضع اللي انت فيه لو عافت شوية.. بتطلع طاقة الغضب عليك انت! وبتهكمك انت إنك مش فاهم ومش حاسس ومش دريان!


مهما كان اللي حصل لك، انت مش عاجز، ولا قليل الحيلة. انت شخص ربنا خلقك حُرٌّ وكُفَّاءٌ ومُكَرَّمٌ. طاقة الغضب اللي عندك دي قوة.. شحنة تحتاجها عشان تعمل ثورة على اللي مش مرحبك واللي مش مقبول وظالم بالنسبة لك! انت مسؤول عن حياتك، وعن وعيك، وعن اختيارك، هستخدم طاقة الغضب دي كشعلة نور في طريقك، ولا كنار تحرق فيها حياتك!

مشاعرك صحابك

الفصل دا عايزة يقول حاجة واحدة: المشاعر أداة عظيمة جدًا ربنا إداهنا عشان توجهنا في الحياة. مشاعرنا دي طاقة لو فهمناها واستخدمناها صحيحة، هتقربنا من بصمتنا ومراد ربنا منا والحياة اللي احنا عايزين نعيشها. ولو أهملناها أو اتعاملنا معها غلط، هتتحول لجرح بينزف جوانا وبيعطلنا في حياتنا!

ربنا خلق الشعور جوانا عشان نحس بيها، ونقرأ الرسالة اللي بيقولهانا، ونأخذ قرار ونتحرك. ربنا ما يخلقش المشاعر دي عشان نتجاهلها وننكبها وننكرها، ولا عشان نقدر نعيط ولنلطم جنبها! مشاعرك صحابك. لو صاحبك جاي يخبط على بابك وبيعطيه وعنه مشكلة، إنت هتجاهله، ولا هتفتح له الباب وتقدر تعطيه جنبه وخلاص، ولا هتسمعه وتحتويه وتحاول تساعدده؟

مشاعرك صحابك، حس بيهم، واسمعهم واحتويهم.. عالج جروحك، وتعافي منها.. وبعدين ابدأ اتحرك وانت خفيف ☺.



«حُول جراحك إلى حكمة»
(أوبراوينفري).

الفصل الرابع

الشغف

«مهمتي في الحياة ليست مجرد البقاء، بل الارتقاء،
مع بعض الشغف والرأفة والفكاهة والجمال»
(مايا أنجيلو).

السوق و سوق



الليلة الرابعة

التقى قمر الزمان شهرزاد في رواق القصر، وسألهما بلهفة:

- طمنيني عليكِ يا بنتي.. كله تمام؟

- مش قادرة خلاص، أنا بنهار يا أونكل قمر.. بنهااااارا!

- معلش، هانت، كلها كام يوم ونلاقي بنتي شهرزاد ونرجعك لأهلك!

وانتهي ما شاء الله عليكِ شاغلة مولاي بحكاياتك، وعاملة شغل عالي!

- مش دا اللي مخليني بنهار يا أونكل.. أنا جالي تسلخات من اللبس اللي

بتلبسهولي دا.. هفطس مش قادرة!

- تسلخات؟! طب عايزة إيه وأنا أجبهولك فوراً؟

- بص، الله يكرمك ابعت الواد هلوب عندي البيت يجبيلى شوية

هدوم، ولو قابل ماما بالقرنين اللي في راسه دول عادي.. هتفتكره الواد

حودة الأهلل اللي معايا في فرقة المسرح.

- حاضر يا بنتي، هبعثه!

وفي المساء..

دخل شهريار إلى جناحه الملكي مسرعاً. أمسك حقيبة كبيرة، وبدأ
يجهز أمتعته كأنه يستعد لسفر.

- إنت بتعمل إيه يا شهريار؟

- بجهّز عدّة الصيد.

- الله! هنروح نصطاد؟!

- هنروح بالنون؟ اسمها «هروح» أصطاد!

- طب وأنا؟ هقعد هنا لوحدي؟

- لاً طبعاً.. مسروف هييجي يقتلك النهارده، ماتقلقيش!

نظرت شهرزاد إلى مسروف في فزع، فوجده يبتسم ابتسامة خبيثة،
ويشير إلى رقبته بسيفه!

أرددت شهرزاد بنظره تحدّ لمسرور:

- طب ولما تقتلني مين هيحكي لك حكاية السندياد ومغامراته؟

- لا، إنتي حكاياتك كلها مملة! بطاطس؟ أنا شهريار بجلالة قدره تحكيلي
حكاية كيس بطاطس يا مؤمنة؟

- ركّز في المورال بتاع القصة يا شهرور! الدروس المستفادة! مش بذمتك
تعلمت حاجة؟

- أكيد! أول مرة أعرف إن البطاطس بتبوظ بعد أسبوع!

- دا بس اللي فهمته من القصة يا جاحد؟!

- لأ يا ستي.. بصي، بغض النظر عن قصة البطاطس، لازم أعترف إنك
شخصية مختلفة! فيكي شيء غريب! حكاياتك بتلمس معايا لأنك بتقري
أفكاري وعارفة اهتماماتي.

- عشان كدا هتقتلني؟!

- لا لا.. أنا هقتلك عشان ماتزهقيش من القعدة لوحدك لما أسافر.

- طب خدني معاك!

- هتيجي تع ملي إيه؟ هتقعددي هناك لوحدك، وهتزهقي برضه. نقتلك
هنا أحسن بدل ما تتعبي في السفر، حرام!

- دا إيه الحنية دي كلها يا مولاي؟! أصيل والله! طيب ناخد طنط
افتخاريار معانا.. هنسلي بعض أنا وهي، ونوطد العلاقات!

- وإيه فايدة إنك توطي العلاقات معها وانتي كدا كدارقتك هتتطير
في الآخر، ومش هتشوف فيها تاني؟! إنتي عايزه تضيعي وقتك؟

- يا سيدي أنا موافقة، وقتني يضيع، بس خدني معاك!

نظر إليها مسرور في استغراب شديد وهو يقول في نفسه: «طب
وبعدين بجي في البت دي؟ البت واجفالي اكده في وكل عيشي بحكاوتها
وشغل التلت ورجات بتاعها!».

التفت مسرور إلى شهريار شاهراً سيفه وسأله في حزم:

- أطير لك رجيتها يا مولاي؟

ردت عليه شهرزاد في تهكم:

- هو إيه يا خويَا دا! هو هلوب نِزْلَك سوفت وير ذئاب الجبل؟!

وبعدين إيش حشرك انت؟! مليش مزاج اتدبح أنا دلوقتي، خلاص؟

ثم وجهت كلامها لشهريار قائلة:

- ينفع كدا يا شهرور، الواد مسرور يقولك تعمل إيه، وما تعملش

إيه؟! أول مرة أشوف سياف بيعمل brain storming مع الملك بتاعه!

نظر إليه شهريار بغضب وصاح:

- أنا لسه مأمرتكش يا مسرور! امشي من قدام وشي دلوقتي، واستناني

في موكب الصيد، اتفضل!

ثم أتبع بحدة موجهاً كلامه لشهرزاد:

- هتيجي معايا، بس عشان تحكيلي قصة السنديباد! وإذا طلعت بطاطس

زي اللي قبلها، هخلي مسرور يعملك كفتة!

- Deal يا مولاي.. هاي فايف بقى عشان انت طلعت برنس!

تحرك موكب الصيد تجّره أحصنة عملاقة، وجلست شهرزاد بملابس

السفاري إلى جوار شهريار في المقصورة الملكية الخاصة بالموكب.

- لأ، بصراحة، عجبتني الكارتة، والجو دا! فيه صرف واضح!

- هو إنتي إيه اللي حضرتك لا بساه دا؟!

- دالبس السفر! كنت عايزني أسافر بفستان؟!

(بنفاذ صبر):

- طب اتفضلي احكي القصة يا شهرزاد!

تنهّدت شهرزاد، وقالت:

- بلغني أيها الملك السعيد، ذو الرأي الرشيد، إنه كان فيه شاب اسمه

سنديباد. سنديباد دا كان أبوه راجل غني جداً جداً، والراجل دا كان نفسه

إن سندباد يشتغل محامي في المملكة، يحظر قوانين، ويدافع عن المظلومين، وكدا. فضل الأب يحمله بالليوم اللي ابنه هيشتغل فيه محامي، وسندباد بيحاول ينفذ وصية أبوه، بس حاسس من جواه إنه تعبان جداً، ومتش لاقى نفسه!

- ليه؟!

- عشان هو مش بيحب المحاما. حاول يحبها كتير، ومتش قادر.

- أمال هو بيحب إيه؟

- سندباد كان بيحب البحر جداً، وكان نفسه يكون بحار. حاول يقنع أبوه كتير بشغفه دا، وأبوه رافض تماماً، فقرر سندباد إنه هيحاول مع نفسه في الحاجة اللي بيحبها يمكن ينفع.

حوش سندباد شوية فلوس، واشترى بضاعة، وطلع على رحلة رايحة الصين عشان يبيعها. باع سندباد البضاعة - هو كان تاجر شاطر جداً - بس في طريقه للرجوع قامت عاصفة شديدة دمرت السفينة بتاعتته، وكل الناس غرقوا ما عدا هو.

- يا سلام! سوبر سندباد دا ولا إيه؟!

- لا يا سيدي، قضاء وقدر! مسلك في خشبة وأغمى عليه، صحي لقى نفسه في جزيرة غريبة جداً جداً. المهم.. بيتص حواليه لقى أحجار بيضا شكلها غريب، بيقرب منها اكتشف إنها بيض طائر كبير وضخم جداً جداً! نسر، بس حجمه رهيب!

- قصدك طائر الرخ؟!

- أيوااا الرخ دا.. اسم الله عليك.

- ما دا الطير اللي بروح أصطاده.

- ووااو.. إنتم عندكم رخ هنا؟!

- أيوه، بس كل مرة بيأكل له كام حارس كدا، واحنا بنحاول نصطاده!

- الله عليك يا حبيب والديك.

أتبعت شهرزاد بعينين زائغتين:

- في اللحظة دي، سندباد لقى رخ ضخم واقف جنبه ومعاه عيلته كلها
بتربخ من كل حته! أدرك سندباد إنه قاعد في جزيرة خطر لازم يخرج منها!
فكر سندباد بسرعة، ازاي ممكن يهرب؟ جت له فكرة عبقرية!

- إيه بقى؟

- راح سندباد بالراحة جدًا جنب رخ من الواقفين، وقامربط نفسه في
رجله!

- إيه الذكاء دا! عايز يهرب يقوم يربط نفسه في الرخ!

- اتقلى بس يا شهريار! بعد ما يربط سندباد نفسه، طار الرخ وراح على
وادي تاني. فك سندباد نفسه ونزل الوادي.. وبكدا هرب من الجزيرة دي!

- طب والله ذكي سندباد دا!

- جدًا! سندباد كل مغامراته بتوري لك أديه هو شخص ذكي، وعنه
سرعة بدئية وقدرة على حل المشاكل! دي أهم نقاط قوه عنده!

- بس ما الرخ كان ممكن ينزله في وادي أسود مثلًا المرة دي! ازاي
يضمن إنه هييقى في أمان؟!

- مفيش حاجة مضمونة! بس سندباد عامة بيحب المغامرة! فهو قرر
إنه هياخذ risk ويجرِب يمكن ينجح! وفعلاً.. نزل سندباد في وادي كله
ذهب وجواهر وأمااظ! فرح طبعًا جدًا.. بس مفيش ثواني بيتص، لقى حته
لحمة اترمت جنبه!

- ها ها ها! طب والله أنا جامد جدًا! أهو لقى الأسود التي قلتلك
عليها.. الله يرحمك يا سندو!

- لأ يا أوفر! سندباد لقى طائر رخ تاني جاي على اللحمة، فافتكر إن
دي الطريقة اللي الصيادين بيحاولوا يجيبوا بها جواهر من الوادي. يرموا
حته لحمة الجواهر تلزق فيها.. بعدها الرخ من دول ييجي ياخدها ويطير!
يضرب الصيادين على الدفوف بصوت عالي جدًا، فالرخ يخاف ويرمي

اللحمة.. وهم يأخذوا منها الجواهر!

- يا ولاد الإيسية! عنوانه إيه الوادي دا فوراً!

- عنوان إيه؟ دي قصة يا شهريار. خيال يعني المهم.. عمل سندباد حركة صايحة جدًا! لم شوية جواهر وربطهم على جسمه وراح رابط نفسه في رجل رخ تاني، وطار معاه. ولما الصيادين ضربوا الدفوف، لقوا سندباد وقع على الأرض مع حبت اللحمة! اتخض الصيادين وسألوه عن قصته، فحكى لهم اللي حصل.

- وبعدين؟!

- وبعدين باع سندباد الجواهر وجمّع فلوس كتير رجع بيها على بلد़ه بعد المغامرة الخطيرة دي، وقرر إنه هيرتاح شوية ويستعد عشان يطلع الرحلة اللي بعدها!

- تاااااني؟ مش كفاية اللي حصل له؟!

- ما أنا قلت لك إن سندباد بيحب المغامرة يا شهريار، دي قيمة مهمة بالنسبة له! وهو ذكي ومبدع في حل المشاكل، ودي نقاط قوة في شخصيته، ومهتم بالبحر والتجارة. لما الإنسان بيكتشف التلات حاجات دول، قيمه، ومهاراته، واهتماماته، بيعرف شغفه!

(وهو يتاءب):

- تقصدِي إيه بشغفه؟

- شغفه يعني الحاجة اللي هو بيحبها وشغوف فيها! الحاجة اللي بتدي معنى لوجوده! اللي بتحقق له القيم المهمة في حياته، اللي بيستخدم فيها مهاراته، واللي لها علاقة بالمواقف اللي بتشهده ويبيهتم فيها! أنا مثلًا أحل حاجة فيها إني.. شهر ياااار!

- خخخخخخخخخخخخخ.

- إنت نمت؟! أحمدك يا رب، أحمدك ياااارب!

- مسرووووور.. طير شهرز... خخخخخخ.

- يا رب الرخ يأكلك.. سيني ليكرة الله يخليلك!

أعرف شغفي ازاي؟

السؤال دا تقربياً أكثر سؤال بتسئله في حياتي من بعد كتاب «سندريلا سيكريت» ☺.

«سندريلا سيكريت» خل ناس كتير تدرك إنها لها قيمة ودور مهم جدًا في الدنيا، بس لسة سؤال: أعرف ازاي أنا موجود عشان أعمل إيه؟ أنا مؤمن إن لازم يبقى لي بصمة، بس أعرف ازاي بصمتني؟

عشان نجاوب على السؤال دا محتاجين الأول إدراك لثلاث كلمات مهمين جدًا.. ممكن نعتبرهم تلات أصلع في مثلث اسمه الشغف:

١- «القيم» اللي بتحركنا.

٢- «نقاط القوة» اللي عندنا.

٣- «اهتماماتنا» المختلفة.

قبل ما نفصل في كل نقطة عايزه أحذركم.. الفصل دا مليان أسئلة ☺. أنا عارفة إن فيه ناس بتتعجب من الأسئلة الكتير، بس هي دي الطريقة الوحيدة اللي هتساعدنا ننكس جوا self true، ونشوفها بتحب إيه، وشاطرة في إيه.

يهمني وانت بتجاوب على الأسئلة إنك ماييقاش كل همك تجاوب إجابات نموذجية. سيب نفسك وجاوب باللي تحسه، واللي يطلع في دماغك. ماتصعبهاش على self true إنها لازم تتكلم بطريقة معينة، وتجاوب إجابات معينة، عشان كدا مش هتوصل حاجة.
نبدأ بأول كلمة..

١- القيم

من أفضل الناس بالنسبة لي شرحت موضوع القيم كان توني روبيتز. الناس عادة لما بتسمع كلمة «القيم» بتتخيل إن المقصود بيها الأخلاق: الصدق، الأمانة، الوفاء، احترام الكبير، وهكذا.. طبعاً كل دللي قيم وأخلاق عظيمة جداً، بس مش دا المقصود بكلمة «القيم» في الموضوع اللي بتتكلم عنه! القيم المقصودة هنا هي الحالة أو الشعور اللي عايز تعيش بيها في حياتك. هي الحافز ورا تصرفاتك و اختياراتك. هي المشاعر اللي مهم بالنسبة لك تعيش فيها و تعمل أي حاجة عشان تبعد عن عكسها. وعلى أد ما إنت فاهم القيم المهمة بالنسبة لك، و بتستخدم القيم دللي كبوصلة وانت بتاخذ قراراتك، على أد ما هتعيش مبسوط وراضي ومتsequ مع نفسك، وواثق من اختياراتك.

يعني إيه؟

يعني فكر كدا: إنت إيه أهم معنى أو شعور بتحب تعيش فيها في حياتك؟ الأمان، المغامرة، الحب، التأثير في الغير، التميّز، الصحة، الإنجاز... إلخ. أي حاجة في الدنيا الإنسان بيعملها، بتبقى بهدف إنه يحس من وراها بشعور معين. بتجوز عشان نحس بكذا، بنختلف عشان نحس بكذا، بشتغل، بنسافر، بنقرب من ناس، ونبعد عن ناس، بشتري حاجات، بنقرأ، بننام، بنلعب رياضة، بندرس.. أي فعل أو قرار أو اختيار في حياتك بيكون بهدف إنك تحس بمعنى، أو قيمة أو شعور معين! فهمهم جداً تبقى فاهم إيه أهم مشاعر أو قيم بتحب تعيش فيها وتحسها في حياتك عشان لما تيجي تاخذ قرار، أو تختار حاجة، تختار الحاجة اللي هتحقق لك القيمة دي. لو مش عارف أوي تحط إيدك على أهم مشاعر بتحب تعيش فيها.. فكر في أكثر وقت في حياتك كنت حاسس فيه برضوا وسلام جواك. كنت فخور بنفسك ومبسوط. كنت حاسس إنك متsequ مع نفسك واحتياجاتك مشبعة. كان إيه اللي حاصل في الوقت دا؟ كان وانت بتحضر رسالة الماجستير مثلاً فكنت حاسس ساعتها إنك بتتعلم وتطور من نفسك وعندهك إنجازات

فخور بيها؟ ولا وانت بتتجوز وحاسس وقتها بالحب أو بالأمان؟ ولا وانت مسافر بلد جديدة مع صاحبك وحاسس إنك في مغامرة وأكشن وبتعمل حاجات معمليتهاش قبل كدا؟ كنت حاسس بيأيه في الوقت دا؟

فكر كمان في مين الناس اللي بتلهمك في حياتك؟ مش لازم يكونوا قدوات لك في المطلق، أو تكون معجب بكل حاجة بيعملوها، بس يكونوا ناس بيأثروا فيك جداً. اسأل نفسك ليه بتأثر بيهم؟ إيه اللي بيشدني في شخصياتهم أو حياتهم؟ هل إحساس إنهم مميزين في الحاجة اللي بيعملوها هو اللي بيشدني، ولا إحساس إنهم منطلقين وعندهم حرية، ولا إنهم بيأثروا في غيرهم وبيساهموا في المجتمع، ولا إيه اللي بيجذبني ليهم؟

فكر حتى في حيوانك المفضل، إيه اللي بيعجبك فيه؟! لما حد مرأة سألني السؤال دا قعدت أضحك، بس لما فكرت لقيته سؤال عميق والله! أنا أكثر حيوانات بحبها الغزالة والفهد. الغزالة بحس إنها مميزة جداً وحقيقة وشيك وخفيفة وسريعة. لو حست إن حاجة هتئذ فيها بتبعده عنها. والفهد بحسه مرگز وقوي وسرير جدًا، وعنهه مرونة وثقة في نفسه وشياكة وسحر خاص وحرية وروح قيادية! على الأقل دي الطريقة اللي بشوف فيها الحيوانات دي 😊 يمكن حد تاني يعجبه نفس الحيوانات لأسباب مختلفة. في الآخر إنت بتتجذب للأشياء والشخصيات والحيوانات والأماكن اللي بتديلك مشاعر معينة.

طيب أعرف ازاي القيم المهمة بالنسبة لي؟ امشي معايا في الخطوات دي:

- 1- في عشر دقائق اعمل عصف ذهني لقييمك من غير ما ترجع لقائمة القيم اللي موجودة في الكتاب، أو على الإنترنت. اكتب اللي ييجي على بالك.

٢- راجع قائمة القيم اللي جاية دي واختار منهم القيم اللي بتأثر وبتعلم فيك. الكلمات اللي لما قريتها حسيت إنها حاجات فعلًا مهمة بالنسبة لك، سواء هي متحققة في حياتك دلوقتي بالفعل، ولا لا.

٣- القائمة دي مش نهائية، لو كنت كتبت حاجة في الخطوة الأولى ومالتهاش في القائمة دي، ضيفها عليها.

قائمة القيم:

الإنجاز	العدالة	السلام
المغامرة	الشهرة	التطوير الذاتي
العاطفة	الحرية	التخطيط
الإثمار	الصداقة	اللعب
الوعي	المرح	القوة
التحدي	التناغم	الخصوصية
التغيير	الصحة	النقاء
التعاطف	مساعدة الآخرين	الجودة
الكفاءة	التأثير في المجتمع	التألق
المنافسة	الصدق	القبول
الترابط	الاستقلالية	المسؤولية
التعاون	النزاهة	المخاطرة
الإبداع	الذكاء	الأمان
الجسم	المشاركة	احترام الذات
الإصرار	المعرفة	الرُّقي
الاستكشاف	القيادة	الروحانية
الوعي العاطفي	الفخامة	الاستقرار
الأمان الاقتصادي	البراعة	مكانتك
الأناقة	الافتتاح	النجاح
التفوق والتميز	الترتيب	التعلم
السلطة	التنوع	الرقابة والحنان
الحكمة	الاتحاد	الإثارة والتشويق

وانت بتقرأ الكلمات دي هتلاحظ إن فيه كلمات متداخلة وبينهم تشابه كبير.. وفيه كلمات ممكن تكون مش فاهم المقصود منها.. وفيه كلمات ممكن يبقى رأيك فيها إنها مش قيم أصلًا. وكل دا أنا معاك فيه.

ترى نيات القيم كتير جدًا، والجدل ما بين إيه اللي يُعتبر قيمة، وإيه اللي لا يُعتبر، جدل كبير جدًا برضه، عشان كدا مش عايزة تفكرو تحلل كتير. اختار الكلمات اللي لفتت نظرك وحسست إنهم مهمين بالنسبة لك في حياتك، بناء على المعنى اللي وصلك لما قريرتهم. هفكرك تاني: مفيش إجابات نموذجية 😊.

٤ - دلوقتي اختار أكثر خمسة مهمين بالنسبة لك ورتبهم حسب أولويتهم وأهميتهم عندك:

.....

.....

.....

.....

.....

.....

٥ - خد وقتك وفكّر، أو اتناقش مع حد من صحابك، إيه معنى كل قيمة من اللي اختارتهم دول؟ إيه معناها بالنسبة لك انت مش أي حد تاني؟
أسأل نفسك هي ليه القيمة دي مهمة عندي؟

مثال على كذا: لو أنا اختارت قيمة «الأمان».. القيمة دي ممكن يكون معناها بالنسبة لي إني أحس إني معايا ناس بحبها في ضوري، مسانداني، بتتكلم معايا، وبتسأّل عليا وبتساعدني. وإحساس الأمان - بالمعنى دا - مهم بالنسبة لي عشان بيخليني عندي ثقة إني أقدر أعدى المشاكل. بيخليني أكون مرتاح ومطمئن في الدنيا. بيخلني عندي عطاء اللي حواليا، وهكذا.

ممكن شخص تاني يختار برضه قيمة الأمان، بس يكون معناها عنده حاجة تانية خالص. ممكن تكون مرتبطة عنده بالفلوس، أو الصحة، أو علاقته بربنا، أو البلد اللي عايش فيها.. وهكذا.

فكر في أهم خمس قيم عندك، معناهم إيه، وليه مهمين بالنسبة لك؟

القيمة ١:

معناها عندي:

.....

مهمة بالنسبة لي لأن:

.....

القيمة ٢:

معناها عندي:

.....

..... مهمة بالنسبة لي لأن:

القيمة ٣:

..... معناها عندي:

..... مهمة بالنسبة لي لأن:

القيمة ٤:

..... معناها عندي:

مهمة بالنسبة لي لأن:

القيمة ٥:

معناها عندي:

مهمة بالنسبة لي لأن:

دلوتي إنت حددت أهم خمس قيم عندك بالترتيب، ووضحت
لنفسك معنى القيم دي إيه بالنسبة لك، وليه هما مهمين.

فاضل إيه؟

٦- الخمس قيم دول هتلaci منهم قيم إنت عايشها بالفعل ومحققتها وبيتظرها
في اختياراتك في الحياة.. وقيم تانية مهمة جدًا عندك، بس لسبب ما إنت
مقصر فيها وتحاج تعززها أكثر في حياتك.

مثال على كدا، ممكن حد يختار أهم خمس قيم عنده: المغامرة، الإنجاز، الصحة، الاستقلالية، المرح.

لما يجي يبص للقيم دي ممكن يلاقي إن تركيزه في شغله ونجاحه فيه مدبله شعور الإنجاز والاستقلالية جداً. القيم دي هو فعلًا محققها في حياته. إلى جانب دا، ممكن يكون الشخص دا واحد باله جداً من صحته وللياقته وأكله ونومه، وبالتالي محقق قيمة الصحة كمان. لكن لما يجي يبص على قيمة المغامرة والمرح يكتشف إنه بقى له كتير حياته روتينية مفيهاش أي تجديد أو مغامرة أو أكشن أو مرح، وعشان دي قيم مهمة بالنسبة له فهو متضايق وحساس إن فيه حاجة ناقصاه.

بص على الخمس قيم اللي كتبتهم، وحدد إيه القيم اللي انت عايشها بالفعل، وإيه المواقف اللي بتظهر فيها القيم دي وإيه إحساسك تجاهها.

حدد إيه القيم اللي تحتاج تشتعل عليها أكثر؟ اللي نفسك تعيش فيها في حياتك أكثر، وإيه تأثير القيم دي عليك لو بدأت تهتم بيها.

٧- اختار قيمة علية واحدة. أهم قيمة فيهم عايز تعليةها وتعيش فيها في حياتك.

ممكن يكون سندباد أهم قيمة علية بالنسبة له، واللي ممكن تعتبر عنوان لشخصيته وحياته، هي المغامرة. دي القيمة اللي هو بيحبها وبيحس بالسعادة والإشباع لما بتتحقق. ودي القيمة اللي كانت مخلية مطفى وتعبان، ومش لاقي نفسه لما مكانتش موجودة.

لما بتحدد القيم المهمة بالنسبة لك، وبتاخذ قرارات على أساسها: تشتعل كذا، ولا كذا، تشتري كذا، ولا كذا، تسافر هنا ولا هنا... إلخ، بتحس براحة، ويبقى قراراتك في الحياة مناسبة لك ولشخصيتك ولـ *true self* بتاعتوك انت، مش قرارات مبنية على قيم الناس اللي حواليك.

الجميل في موضوع القيم دا، إنه مفيهوش صح وغلط. ماينفعش سندباد يحكم على باباه إنه غلط عشان عنده قيمة «الأمان» مثلاً هي أعلى قيمة، ولا ينفع باباه يحكم عليه إنه غلط عشان عنده قيمة «المغامرة» هي أعلى قيمة. هما شخصيات مختلفة، وبالتالي ترتيب القيم بالنسبة لهم، ومعناها عندهم، وتطبيقاتها في حياتهم واختياراتهم، بيختلف.

الهدف من الخطوات دي هو زيادة وعيك بال حاجات المهمة بالنسبة لك فعلاً، من خلال تحديد أكثر خمس قيم مهمين في حياتك. القيم هي إجابة الأسئلة: إيه المهم بالنسبة لك في الحياة؟ بتستمتع بإيه؟ بتختار على أساس إيه؟ إيه الدافع ورا قراراتك؟ إيه المشاعر اللي بتدور عليها اللي بتخليلي *true self* بتاعتوك مبسوطة؟ إمتى بتحس بالإشباع والإنجاز؟

وعيك وإدراكك لقيمك من خلال إجابتك على الأسئلة دي هو أول

صلع في المثلث بتاع الشغف، هو أول خطوة في تحديد وجهتك والبصمة بتاعتكم هي البوصلة اللي *social self* بتاعتكم هتتعلم تبعن عليها لما تتحط قدام اختيارات مختلفة في الحياة. هو الدافع اللي هتحطه قدامها وهي بتقرر وبتتحرك بكل ثقة في اتجاه الحياة المناسبة لك.. اللي هتشبعك وتهتساعدك تسيب بصمتك في الدنيا.

نيجي لتاني كلمة في مثلث الشغف:

٢- نقاط القوة

إيه هي قوتك؟ قوتك مش بس بتكون الحاجة اللي انت بتعرف تعملها كويـس، قوتك هي الحاجة اللي بتعملها كويـس، ويتبقى مبسوط وعندك طاقة وانت بتعملها. المـهـارـةـ الليـ عندـكـ أوـ الصـفـةـ الليـ فيـكـ الليـ بـتـبـقـيـ منـغـمـسـ وـمـنـسـجـمـ وـأـنـتـ بـتـسـتـخـدـمـهاـ.ـ الليـ بـتـطـلـعـ منـكـ طـبـيـعـيـ وـتـلـقـائـيـ جـدـاـ،ـ وـبـتـبـقـيـ وـأـثـقـ فيـ نـفـسـكـ وـمـبـسوـطـ وـمـبـدـعـ وـأـنـتـ بـتـسـتـعـمـلـهاـ.

سندباد مثلا كان عنده نقاط قوة واضحة جداً، أهمها سرعة البدية، والجرأة، والإبداع، في حل المشاكل. راجل *Problem solver* في المقام الأول! كل مغامراته كانت بتبرز نقاط القوة دي أكثر من أي صفات تانية زي اللباقة مثلاً، أو الاحتواء، أو الحس الفني، أو الذكاء العاطفي، إلى آخره.

طيب ليه مهم تعرف نقاط القوة اللي عندك؟

نقاط القوة اللي عندك هي ممتلكاتك.. هي مدخلاتك اللي بتستمر فيها وبيسوق لنفسك من خلاها، ويستغلها عشان تطور من نفسك وتسيب بصمتك وتأثير في غيرك.

يعني إيه الكلام دا؟

ارجع تاني للأسئلة اللي جاوبتها في الفصل الأول واحنا بتتكلم عن الطرق اللي *true self* بتاعتكم بتقول لك بيها «أنا مبسوطة».. المرات اللي حسيت فيها بطاقة هلامية، وحسـيـتـ فـيـهاـ إـنـكـ مـنـسـجـمـ جـدـاـ،ـ وـنـاسـيـ

الوقت، ومش حاسس بالدنيا. كنت بتعمل إيه ساعتها؟ وكنت بتسخدم
أنهي نقاط قوة عندك في الحاجة دي؟

إيه الحاجة اللي لما بتبدأ تعملها بتلاحظ تغيير للأحسن في طاقتوك
وإنقاذك وتفاعلوك وإحساسك، وحتى نبرة صوتك؟

إيه الحاجات اللي كنت بتتحبب تعملها وانت صغير، وما زلت بتتبسط
دلوقي لما تعملها؟ الكتابة مثلًا؟ الاستماع للغير؟ حكاية القصص؟
التعاطف مع الآخرين؟ حل المشاكل؟ تنفيذ الخطط؟ الاهتمام بالتفاصيل؟
افتكر صفاتك ومهاراتك وانت صغير، غالباً هتلaci نقاط القوة
عندك كانت طول عمرها موجودة فيك من زمان، بس جايز اتطورت أكثر
مع الوقت.

طيب إيه الحاجات اللي بتتعلمها بسهولة؟ بتلقطها بسرعة؟ بتحس إنها
مهارة ربنا مدحهالك من غير مجهد كبير منك؟ التعلم السريع دا علامة على
إن دي نقطة قوة عندك.

«أَتَمَّنِي أَنْ أَقْفَ أَمَامَ اللَّهِ لَا يُخْبِرُهُ بَأْنِي قد استفدت من كلِّ
الْمَوَاهِبِ الَّتِي وَهَبَنِي إِلَيْهَا»

(ابن مأمون).

أنا مثلًا من أصعب الحاجات اللي ممكن تعلمها لي، إني أرسم صورة
بتتفاصيلها الدقيقة. معنديش المهارة دي تمامًا. لكن في المقابل ممكن تعلمني
نطق كلمة في لغة معرفهاش ولا عمري سمعتها قبل كدا، وأنطقها صح
أسرع من اللي بيدرسوا اللغة بقى لهم مدة! دي نقطة قوة عندي من وانا
طفلة.

لو مش جاي على بالك حاجة، فَكَرَ.. الناس بتقول إنك شاطر في إيه؟
شاطر في توصيل المعلومة؟ شاطر في احتواء مشاعر اللي قدامك؟ شاطر
في التنظيم؟ شاطر في رسم الخطة؟ شاطر في تنفيذها؟ شاطر في الاهتمام
بالتفاصيل؟ شاطر في الكتابة؟ الرسم؟ الحسابات؟ المهارات الاجتماعية؟
طب أنهى مهارات؟ الناس اللي بتحبك أو عارفاك كويس، شايفاك شاطر
في إيه؟

لما جيت أقرأ عن نقاط القوة وأنا بحَضُر للكتاب دا، عجبني جداً
اختبار موجود أونلاين اسمه Strengths Profile.

الاختبار دا قسم أي نقطة قوة عند الإنسان لتلت عناصر:

- ١- إلى أي مدى إنت شاطر في استخدام القوة أو المهارة أو الصفة دي.
- ٢- إلى أي مدى استخدامها بيديلك طاقة ونشاط.
- ٣- إلى أي مدى إنت بتسخدمها أو بتهملها أصلًا.

وبناءً على التلت عناصر دي بتكتشف إنك:

- ١- عندك مجموعة من الصفات والمهارات اللي انت قوي وشاطر فيها، واستخدامها بيديلك طاقة ونشاط في يومك، وبتسخدمها كتير مش مهملها، أو غير مهملها.
- ٢- عندك مجموعة تانية من الصفات أو المهارات اللي انت قوي وشاطر فيها، واستخدامها بيديلك طاقة ونشاط في يومك، لكن انت مش بتسخدمها كتير. مش بتسغلها في نفسك لسبب أو لآخر.
- ٣- عندك مجموعة تالتة من الصفات أو المهارات اللي انت قوي وشاطر فيها، بس استخدامها مش بيديلك طاقة ونشاط في يومك، بالعكس بتعجب وتجهد لما بتعملها، عشان كدا مش دايئمًا بتسخدم المهارات والصفات دي.
- ٤- عندك مجموعة رابعة من الصفات أو المهارات اللي انت مش قوي ولا شاطر فيها، واستخدامها مش بيديلك طاقة ونشاط في يومك، بالعكس بيعبعك، وبرضه مش بتسخدمها كتير.

إيه الكلام الطلاسم دا؟!

خليني أشرح لك نتيجة الاختبار لما عملته على نفسي عشان الصورة
توضّح أكثر.

لما عملت الاختبار، أهم مهارة طلعت عندي في أول مجموعة كانت
«الكتابة».

- الكتابة هي نقطة قوة عندي بعرف استخدمها، بعرف أعتبر عن نفسي
وأفكاري بالكتابة عامة، من قبل حتى ما أبدأ أكتب كتب للناس.

- وفي نفس الوقت الكتابة من المهارات اللي بتديني طاقة في يومي،
وبتخليني أحس بالنشاط والإنجاز والراحة.

- وفي نفس الوقت «الكتابة» نقطة قوة أنا بستخدمها كتير. بكتب بوستات
على فيسبوك، بكتب خواطر لنفسي على تليفوني، بكتب كتير عامة.

من الآخر كدا «الكتابة» طلعت نقطة قوة عندي أنا مدركاها، وبحبها،
وبستغلها. بحب أعتبر عن أفكاري بالكتابة حتى لو مع نفسي.. ودي نقطة
قوة ربنا مدحهاني.

الصفة أو المهارة اللي طلعت عندي في المجموعة الثانية هي «بناء
العلاقات».

- أنا عموماً شخصية اجتماعية بنسبة كبيرة، وبحب أتعرف على ناس
جديدة، وبحب أعرف الناس على بعض، وعندي مهارات اجتماعية مش
بطالة بتساعدني في دا.

- وفي نفس الوقت، الصداقات والمعارف وال العلاقات الاجتماعية من
ال حاجات اللي يتديني طاقة في حيائي وبتغير لي مودي.

- بس الفكرة بقى إني مش بستخدم الصفة دي كتير. يمكن كنت
بستغلها بشكل أكبر من سنين فاتت، بس مؤخرًا لسبب أو لآخر بقيت
مش بتفاعل كتير مع الناس، ومش مهتممة بتكون الصداقات زي الأول.
بالتالي «بناء العلاقات» يُعتبر نقطة قوة عندي، وبحبها وكل حاجة،

بس مش بستغلها. زي أما تبقى عندك شقة حلوة سايبها كدا، لا انت ماجرها، ولا عايش فيها.

الصفة أو المهارة اللي كانت في المجموعة الثالثة عندي كانت «الشجاعة».
ـ الشجاعة صفة أنا قوية وشاطرة فيها.

ـ بس في نفس الوقت هي صفة بتتعبني وبتعملني مشاكل وإرهاق نفسي.
ـ وبالتالي أنا أحياناً بستخدمها، وأحياناً لا، حسب الموقف.

الصفة الأخيرة اللي طلعت لي في رابع مجموعة هي «الفضول».

ـ أنا شخص معنديش فضول لـ معنديش أي خُلق أعرف مين عمل إيه
أمتى. دي صفة أنا ضعيفة فيها.
ـ وبتعبني وبترهقني.
ـ ومش بستخدمها.

هتقولي طب ما دي حاجة كويسة إنك مش حشرية، هقولك مش دايماً
بتبقى حاجة كويسة! أحياناً بتبقى تحتاج قليل من الفضول اللي يحمسك
تشتغل لما تعرف أخبار المنافسين، أو مين حقق إيه، ومن نجح في إيه.
أو تعرف حتى دواخل شخصية اللي قدامك قبل ما تشق فيه.. «الفضول»
طلع عندي في المجموعة الرابعة اللي بتمثل صفات أنا ضعيفة فيها، ومش
بحبها، ومش بستخدمها. وطبعاً أنا عندي نقطة ضعف تانية مثلًا اسمها
«التفاصيل».. أنا بكره التفاصيل ومش شاطرة فيها وبترهقني.. وبالتالي
بحب أستعين بحد يساعدني فيها.

الفكرة بقى في اختبارات القوة دي، مش إننا نحكم على الصفات دي
حلوة، أو وحشة. الفكرة إنك تعمل تقييم لنفسك، زي اللي بيسمسك ورقة
وقلم ويشفوف هو معاه فلوس كام في البنك، وأملاك إيه في البلد، وليه
فلوس عند مين، وعليه ديون إيه لمين. بتعمل جرد كدا المهاراتك وصفاتك.

المجموعة الأولى من الصفات المفروض إنك لما تعرفها، تحاول تستغلها
جداً. دي نقاط قوة ربنا إدهالك عشان تعمل فيها حاجة. فيه ناس تانية

نقاط القوة بتاعتك دي عندهم نقاط ضعف، ودا طبيعي جدًا! من حكمة ربنا إنه إدّى كل واحد فينا نقاط قوة مختلفة عشان كلنا نستخدمها في حاجات مختلفة. لا تعرف إنك شاطر في حاجة، وال الحاجة دي بتسطلك، يبقى دوس بترين، واستغل الصفة دي عندك عشان تسيب بصمتك.

المجموعة الثانية برضه نقاط قوة ربنا إدّهالك، بس انت مهمملها، أو مش بتستخدمها كتير. فكر إيه الصفات والمهارات اللي في المجموعة الثانية عندك، وحاول تستغلها أكثر عشان ماتبقاش مهارات مُهدّرة.

المجموعة الثالثة في الغالب بتبقى مهارات أو صفات اتعلّمتهام مع الوقت نتيجة موافق التخطيط فيها. مهارات أو صفات انت شاطر فيها، بس هي متّعة ومرهقة بالنسبة لك.. فحاول تستخدمها بس لما تحتاج.

المجموعة الأخيرة نقاط ضعف عندك، وانت بتختار هتتصرف فيها ازاي، فيه ناس بتقرر إنها هتركز على الصفة الضعيفة دي وتحاول تكتسبها.. ودا حل ساعات بينفع وساعات لأ، لأنّ مفيش حد فينا معندوش نقط ضعف. مفيش حد شاطر في كل حاجة. لو انت شاطر في التخطيط، مش لازم بالعافية تبقى شاطر في التنفيذ والإدارة والتسويق وكل حاجة تانية. لو الصفة أو المهارة اللي عندك فيها ضعف، إنت حابب تكتسبها، يبقى جرّب تعلّمها. ولو لأ، يبقى فكر هتعوضها ازاي، ممكن واحد يقرر يستعين بحد يشيل عنه ضعفه في الصفة أو المهارة دي، وهو يركز في الحاجة اللي هو شاطر فيها. هو مثلًا مش شاطر في الحسابات، فجات حد يساعدده في النقطة دي، وركز هو في تسويق المشروع نفسه. هي مثلًا مش شاطرة في حكّي القصص، فكتبتها، وطلبت من حد تاني إنه يحكّيها، وهكذا.

«حتى أعظم حيتان البحر ليس لديها أي قوة في الصحراء،
اعرف نقاط تميّزك، ورگز عليها، وُكُن قانعاً بنقاط ضعفك،
واعمل على تقويتها»
(إبراهيم الفقي).

إيه أهم نقاط القوة عندك.. المهارات والصفات اللي انت شاطر فيها
وبتديلك طاقة وبتستخدمها كتير؟

إيه أهم نقطة قوة في شخصيتك؟ العلامة المميزة؟ X-factor بتعالك
اللي لو عايزه اختار أهم ميزة من بين كل ميزاتك، هقول فلان دا كذا؟
(زي ما نقول مثلاً سندباد أكثر حاجة ميزاه، أو ما يُسمى X-factor
بتاعه، هو إنه بيحل المشاكل).

إيه المواقف والأنشطة اللي بتستخدم فيها المهارات دي؟

إيه التغييرات اللي ممكن تعملها عشان تستغل نقاط القوة عندك أكثر؟

إيه خطتك لتطوير مهاراتك أو نقاط القوة والضعف عندك؟

الصلع الأول في مثلث الشغف كان هدفه إنك تعرف القيم المهمة بالنسبة لك، واللي بتختار وبتقرر على أساسها. الصلع الثاني كان هدفه إنك تفهم ممتلكاتك كنقطة قوة وضعف في شخصيتك ومهاراتك، إنك تعرف إيه الصفات اللي بتميزك والمهارات اللي انت شاطر فيها وحتاج تستخدمنها، وإيه المهارات الخامدة عندك اللي تحتاج تعميتها وتبرزها، وإيه نقاط الضعف اللي تحتاج فيها مساعدة.

وطبعاً الإنترت مليان اختبارات كتير للقيم وللصفات والمهارات الشخصية، ممكن تستفيض فيها أكثر.
فاضل الصلع الثالث في مثلث الشغف:

٣- الاهتمامات

من نعم ربنا على البشر إنه زي ما خلى كل واحد فينا عنده نقاط قوة مختلفة عن الثاني، خلى كل واحد فينا ليه اهتمامات مختلفة عن الثاني برضه. وأكبر غلط تغلوطه في حق البشرية، وفي حق نفسك انت شخصياً، إنك

تحاول تتبنى وتقلد اهتمامات اللي حواليك مجرد إنهم ناجحين فيها، أو إن دي الموضة، أو دا المقبول أكثر اجتماعيًّا، أو أي سبب من الأسباب. ما تخليش social self بتعاتك ترتكب الجريمة دي في حق الـ true self وتخليها تعيش حياة واهتمامات وأحلام ناس تانية.

«لا تحِي حياة الآخرين.. فالوقت محدود»

(ستيف جوبز).

عشان تعرف «شغفك» محتاج، بعد ما تفكر في قيمك ونقاط القوة بتاعتك، إنك ت Shawf إيه هي اهتماماتك؟ إيه الحاجات اللي بتحس بحماس ناحيتها ورغبة إنك تعملها؟ إيه الشغلانات اللي تحب تجربها حتى لو من غير فلوس؟ إيه الكتب والمواضيع اللي بتحب تعرفها أو تقرأ فيها؟ إيه الحوارات أو المشاكل اللي في العالم اللي بتشد انتباحك ونفسك بيقى ليك دور في حلها؟ إيه التجارب اللي نفسك تمر بيها؟ حاجة جديدة بتخلி عينك تلمع لما ت Shawfها، أو تسمع عنها، ونفسك تجربها.. حاجة كنت بتحب تعملها زمان وبطلت.. وهكذا.

الأسئلة دي مش الهدف منها إنك تحط خطة حياتك، أد ما الهدف إنك تفتش جوا دماغك عن الحاجات اللي بتشير فضولك و بتسطرك. الهدف إنك تسأل الـ true self: لو أنا شلت من عليك أي ضغوط وأي خوف من الفشل أو عدم القبول، لو ضمنت لك إنك تنجح.. هيبي نفسك تعمل إيه؟ نفسك تجرب إيه؟ إيه اللي بيثير حماسك؟

عايزاك كمان تسأل الناس اللي حواليك.. خاصة بعد ما غيرت أعضاء البرلمان، وحطيت ناس تدعمك وتشجعك. اسأل الناس دي: «شاييفيني شاطر في إيه؟ إيه أحسن استخدام لي؟». شوف إذا فيه حد اقترح عليك إنك ممكن تبقى كويس في مجال معين، أو حاجة انت مافكرتش فيها قبل كدا.

.....

.....

.....

افتكر كدا: عمرك منعت نفسك تجرب حاجة عشان تخيلت إنك مش هتعرف تعملها كويس؟

.....

.....

فيه حاجة معينة بتحس إنك بيجي منك فيها لو أخذت فرصة تجربها أو تتعلمها؟

.....

.....

فيه أي مهارات نفسك تكون عندك؟ مهارات اتنعنت من إنك تطورها لسبب ما؟

.....

.....

لو عندك اختيار تعمل أي حاجة في الدنيا، هتعمل إيه؟

الأسئلة دي هتفتح لك دماغك عشان تعرف إيه ممكن تكون اهتماماتك، بس مهم جداً تعرف إن القصة دي بتاخذ وقت. رحلة اكتشاف الإنسان لنفسه، أنا مين، وإيه القيم المهمة بالنسبة لي، وإيه نقاط القوة اللي عندي، وإيه اهتماماتي وشغفي.. دي عملية مابتجيش بجلسه واحدة مع كوتشن، ولا كلمتين بنقراتهم، أو ترين بنعمله. القصة دي تحتاجة مننا وقت وجهود، وخلال الوقت دا بنحتاج نعمل حاجتين مهمين جداً:

- ١ - نوطي الدوشه.
- ٢ - نجرب.

يعني إيه الكلام دا؟

عشان أعرف أنا ربنا خلقني عشان أعمل إيه في الدنيا، يحتاج أعرف نفسي كويس جداً. وعشان أعرف نفسي كويس، يحتاج أقعد معها كتير لوحدهنا من غير دوشة. إحنا أغلب يومنا ووقتنا وحياتنا بنقضيها وسط دوشة الناس.. العيلة.. الصحاب.. المعارف.. الشغل، وهكذا. والناس حلوة وجميلة، ومانستغناش عنهم وكل حاجة، بس إحنا - شئنا أم أبينا - بنتأثر بيهم وبرأيهم وبنظرتهم وتجاربهم وتوقعاتهم مننا طول الوقت. ودي مش حاجة وحشة في المطلق، بس هتأثر سلباً على علاقتنا بالـ *true self* لو ماتعودناش نفصل ونقدر مع نفسنا نفلتر الدوشة اللي حوالينا.

والفصيلة دي مش معناها إني أقعد لوحدي في البيت وأنا فاتح فيسبوك وإنستجرام وواتساب، وشغال رغي. السوشيال ميديا على أد الدور العظيم اللي بتلعبه في التواصل الاجتماعي والتوعية، وحتى البيزنس، إلا إنها مصدر

للهدوشة برضه. التواصل السريع المباشر المستمر مع العالم اللي حواليك بيخليلك -لو مش مركز- تفصل من العالم اللي جوالك، اللي عنده إجابة السؤال: «أنا موجود في الدنيا عشان أعمل إيه؟».

بالتالي مهم جداً أثناء رحلتك لاكتشاف شغفك، إنك توطي الدوشه من حين لآخر. وحتى لو انت خلاص عرفت شغفك وشغال، وكله تمام، برضه تحتاج توطي الدوشه كل فترة. شوية وقت كل يوم ولا حتى كل أسبوع تقعد فيهم مع نفسك بعيد عن الناس والأراء والأفكار والتوقعات، وتعيد ترتيب أوراقك وتضبط بوصلتك.

«أعتقد أنه من الجيد قضاء بعض الوقت بمفردك، فعندما تكون وحيداً ستعرف عن نفسك أكثر، دون تأثير من أي شخص آخر»
(أوسكار وايلد).

إيكهارت تول في كتابه The Power of Now كان يشبه العقل اللي مليان دوشه بالبحر اللي موجه عالي، لدرجة إنه مخليلك مش شايف اللي تحت الميه. لو البحر هدي، والموج سكن، ساعتها بس ممكن تشوف عمق البحر والسمك اللي فيه.

فيه ناس بتسكن موج البحر اللي جوا دماغها بالتأمل، أو meditation. وبالرغم من إن أنا واحدة من الناس اللي تركيز ضعيف جداً وعندي فرط حركة بتخللي بتوع meditation بيعقووا عايزيين يقتلوني، إلا إني عارفة إنها بتتفع فعلاً ناس كتير جداً. ممكن تجرب أكثر من تكنيك للتأمل، لحد ما تحس إنك بقىت بتعرف توطي الدوشه اللي حواليك اللي جوا دماغك.
اعمل اللي تحبه عشان تفصل.. المهم توطي الدوشه ☺.

النقطة الثانية اللي في غاية الأهمية، واللي ناس كتير جدًا بتغفل عنها، إنك لازم تجرب! لا، محتاجة أقوالها بصوت أعلى من كدا.. لاازم تجرب! ملهاش أي حل تاني غير التجربة. سندباد كان عمره ما هيعرف إذا كان هو فعلًا عايز يبقى بحّار ولا لأ، من غير ما يجرب ويحوّش فلوس ويطلع رحلة واتنين وتلاتة! لو واحد نفسه يبقى سباح وراح جاب كتب عن تعليم السباحة واتفرج على فيديوهات الدنيا في السباحة واشتري أحسن ما يووهات في العالم، بس ما جربش يتزل الميّه يوم، مستحيل هيتحقق سباح! لاازم تجرب.

«لا يمكنك عبور البحر بمجرد الوقوف والتحديق في الماء»
(رابيندراناث طاغور).

لو طلعت من الأسئلة اللي فاتت بحاجة أو اتنين بيشدوك، حاسس إنك مهتم بيهم، ونفسك تجربهم.. فمفيش حل سحري يخليلك تعرف وتتأكد إن هو داشغفك، واللي انت موجود في الدنيا عشان تعمله، غير إنك تجرب تعمله! تجرب تعمل أنشطة جديدة، تقرأ في مجالات جديدة، تعرض نفسك لتجارب جديدة، أماكن جديدة، تقابل ناس جديدة، وهكذا. طول ما انت ماشي جنب الخيط، ومش بتجرب حاجات جديدة، عمرك ما هترىف قدراتك، ولا اهتماماتك، ولا شغفك. التجارب هتخليك مع الوقت تعرف إنت شاطر في إيه، وإيه اللي مش سكتك تمامًا. هتخليك تغير تفكيرك عن نفسك.

«كُن شجاعاً، خاطِر؛ فلا بديل عن خوض التجربة»
(باولو كويلو).

فيه ناس بتتخيل إنها معندهاش أي مهارة أو نقطة قوة مميزة، لحد ما يتعرض نفسها لتجارب جديدة وتكشف مهارتها فيها. فيه ناس بتتخيل إنها ملهاش شغف محدد ومفيش حاجة بتثير اهتمامها، لحد ما تعرف على ناس مختلفة وتتشد حاجة هما بيعملوها. في ناس بتعيش مقتنة إنها مش هتبقى شاطرة في حاجة معينة نفسها تجربها، لحد ما بتجربها فعلاً، وتلاقي نفسها اتعلمتها بسرعة. فيه ناس بتخاف تجرب لحسن تفشل، لحسن الناس هتشمت فيها، لحسن هيقى شكلها وحش، لحسن هتخسر فلوس، لحسن مليون سبب وقصة بتقولها لنفسها عشان ما تجربش. محدث بيقولك اتهور وخد قرارات هو جائية غير محسوبة، بس لازم تجرب! الشغلانة اللي نفسك تشتعلها، لازم تجربها حتى لو على نطاق صغير. تطوع فيها، ساعد حد بيشتغلها ولازمه فترة، جربها في صحابك لو ينفع.. بس لازم تجربها!

فيه حاجات في حيّاتي - أنا وكل الناس اللي حواليا - كنا مقتنين تماماً إني هبقى عظيمة فيها، لحد ما جربتها واكتشفت إنها مش سكتي خالص! حاولت فيها كذا مرة، مش بتاعتي! وفيه حاجات تانية أنا مكتتش متخيّلة إني هعرف أعملها أصلًا، وانطلقت فيها لما جربتها. التجربة هتساعدك تعرف نقاط قوتك وضعفك. الحاجات اللي تدوس فيها وال الحاجات اللي مهمها كانت عظيمة، هي مش بتاعتك.

فيه ناس مابتحبس تجرب أي حاجة غير لما تبقى عارفة ومتأكدة إنها هتنجح فيها، وعندها إجابة على كل تساؤل وكل احتمالية ممكن تحصل.. ودا شيء مش واقعي تماماً! مهمها أخذت بالأسباب وعملت خطط، واستخرت، واستشرت، وبحثت، واتشقلبت قبل ما تعمل أي حاجة في

الدنيا، إنت مش هتعرف إيه اللي هيحصل فعلياً غير لما تجربها! لو نفسك تجرب تسافر لوحبك مثلاً، مش هينفع تقول أنا مش هسافر غير لما ابقي ضامن تماماً إني هتبسط، ومش هزهق، ومش هعيَا، ومش هتوه، ومفيش حاجة وحشة هتحصل لي. يبقى عمرك ما هتسافر! مهما عملت خطط، وارد جداً إن أي حاجة ممكن تحصل.. ودا جزء من التجربة البشرية اللي ربنا بيحطنا فيها! قيس على كدا مشروع نفسك تدخل فيه، دراسة نفسك تدرسها، لغة نفسك تتعلمها وهكذا. حاول تجرب على نطاق مفيهوش خساير كبيرة، بس لازم تجرب لو عايز تكتشف نفسك!

«المرء لا يعرف النتيجة سوى من خلال التجربة»
(سوفوكليس).

لو الأسئلة والأفكار دي ماساعدتكش تكتشف اهتماماتك، جرب تروح مكتبة من المكتبات وتتجول بين الرفوف والأقسام، من غير ما يكون عندك نية مسبقة إنك تختار كتاب معين، أو موضوع معين. لف لفة كدا وحاول تحس إذا كان فيه كتب أو مواضيع بتشدك أو بتجذبك. الانجداب دانوع من أنواع الفضول اللي كان عندك وانت طفل. ممكن تحس إنك عايز تتجاهل الإحساس دا عشان مش فاهم الموضوع اللي شدك هييفيدك في إيه، بس أوعى تتجاهله. اختار خمس كتب تكون اتشدلت عليهم أكثر من غيرهم، خدهم واقعد على ترابيزة، وابداً تصفحهم، وحاول تفكر إيه اللي لفت انتباحك فيهم.

أحياناً هتحس إنك مهتم ومشدود لكتاب كامل على بعضه، وأحياناً هتلافق أجزاء معينة، أو معلومات معينة من الكتاب هي اللي بتشدك. اكتب

ملاحظاتك عن الحاجات اللي شدتك وشوف لو الـ true self بتقترح عليك
تجرب حاجة معينة.

كدا إحنا اتكلمنا عن تلات مصطلحات مهمين جدًا في اكتشاف
الشغف بتاعنا: القيم المهمة بالنسبة لنا، ونقاط القوة والضعف عندنا،
والمواضيع والأنشطة اللي بتثير فضولنا واهتمامنا.. فاضل إيه؟

أسئلة متكررة

الأسئلة المتكررة جدًا في موضوع الشغف دا:
Finding Your Element في كتابه Ken Robinson
س: واط إيف أنا معنديش شغف أصلًا؟

ج: فيه ناس كتير ماتعرفش إيه الشغف بتاعها. وفيه ناس كتير حصل لها مشاكل وأزمات في حياتها خلتها فقدت الاتصال بمشاعرها والـ true self بتاعتتها. وفيه ناس بتحب حاجات كتير مختلفة وعندها اهتمامات ملهاش علاقة بعض. كل دا عادي. بس مفيش حد معندهوش شغف! مفيش حد معندهوش حاجة هو بيحبها ومهتم بيها. فلو انت لسه مالقتش الحاجة دي، دا مش معناه إنك معنديش شغف أصلًا! دا معناه إنك تحتاج تكمل تدوير وتوسيع أفقك وتجرب حاجات مختلفة وتراقب نفسك.

س: واط إيف شغيفي كان في حاجة أنا معنديش مهارة عظيمة فيها؟
ج: المهارة شيء مهم وجميل جداً.. بس لو انت بـ «تحب» حاجة ومشدود لها ومهتم بيها، هتلaci نفسك عايز تتعلمها وعندهك صبر عليها وتطور نفسك فيها، وعـكـن تعدـيـ حدـ عـنـدـهـ المـهـارـةـ منـ الأـوـلـ، بـسـ مشـ بـيـذـلـ رـبـعـ مجـهـودـكـ! وـعـلـىـ فـكـرـةـ بـالـتـجـرـبـةـ إـنـتـ مـمـكـنـ تـكـتـشـفـ إـنـكـ كـنـتـ مـسـتـقـلـ بـمـهـارـاتـكـ أـصـلـاـ، أوـ حـاطـطـ توـقـعـ غـيرـ وـاقـعـيـ عـلـىـ نـفـسـكـ. وـاحـدـةـ تـبـقـىـ بـتـحـبـ الرـسـمـ مـثـلاـ، وـعـنـدـهـ توـقـعـ إـنـ مـنـ أـوـلـ أوـ تـانـيـ رـسـمـةـ المـفـروـضـ تـبـقـىـ لـقـطـتـهـاـ، وـبـقـتـ رـسـامـةـ عـظـيمـةـ. وـمـكـنـ تـكـوـنـ بـتـقـارـنـ نـفـسـكـ. وـانتـ يـادـوبـ لـسـهـ بـتـبـدـأـ. بـحدـ بـقـىـ لـهـ سـنـينـ فـيـ المـجـالـ وـبـتـقـولـ: «أـنـاـ مـشـ شـاطـرـ زـيـ فـلـانـ». وـمـشـ وـاـخـدـ بـالـكـ إـنـ شـطـارـتـهـ الـلـيـ اـنـتـ شـايـفـهـاـ دـيـ نـتـاجـ مـهـارـةـ وـمـجـهـودـ وـوقـتـ وـخـبـرـةـ إـنـتـ كـمـانـ لـوـ رـكـزـتـ مـكـنـ تـجـيـبـهـمـ. الفـكـرـةـ فـيـ الـآـخـرـ إـنـكـ لـوـ بـتـحـبـ الـلـيـ اـنـتـ بـتـعـمـلـهـ، حـاوـلـ تـرـكـزـ إـنـكـ تـسـتـمعـ بـيـهـ وـتـتـطـوـرـ فـيـهـ، مـشـ إـنـهـ يـبـقـىـ مـصـدـرـ ضـغـطـ وـجـلـدـ ذـاتـ فـيـ حـيـاتـكـ!

«النجاح ١٪ موهبة، و٩٩٪ جهد»
(توماس إديسون).

س: واط إيف اللي بحبه دا حاجة مُضرة؟ حاجة مؤذية؟ حاجة غلط أخلاقياً؟

ج: بالعقل كدا، مستحيل الحاجة اللي ربنا خلقك عشان تعملها تكون حاجة مؤذية أو غلط أخلاقياً. فكرة إن كل واحد فينا يكون له بصمة في الدنيا، قايمة أصلًا على فكرة النفع المتعدي وعمارة الأرض.. إن كل واحد يكون بيساهم في سعادة وتطوير الناس اللي حواليه. وبالتالي مستحيل يكون شغفك في حاجة تدمر ماتبنيش! لو لقيت إن الحاجة اللي بتحبها مؤذية، ماتعملهاش. كمل تدوير، ومع الوقت هتعرف إنها مكانتش بصمتك أبدًا!
س: حلو أوي موضوع الشغف دا، بس لو كل واحد فينا لقى شغفه.. مين اللي هيضيف الحمams؟ مين اللي هيعلم الزبالة؟ مين اللي هيقول الكراتين في المصانع؟

ج: الحقيقة فيه ردّين على السؤال دا. الرد الأول: إن التنوع الرهيب في الشخصيات والأفكار والمشاعر والاهتمامات اللي ربنا خلق البشر بهم، يخلينا نتردد شوية قبل مانحكم إن اللي بيعمل الشغلانات دي، شخص مجبور عليها مش بيحبها! إحنا مختلفين عن بعض، وأكتر حاجة في الدنيا إنت بتكرهها، ممكن تبقى أكتر حاجة في الدنيا حد تاني بيحبها!

الرد الثاني كمان إن مش كل الناس بتعرف تجمع بين «شغفها» و«مصدر دخلها».. ممكن حد يكون بيستغل شغلانة مش بيحبها، بس بيقضى وقت في يومه ولا حتى أسبوعه بيعمل الحاجة اللي بيحبها بعيدًا عن شغله. ممكن يبقى شخص بيقول الكراتين الصبح عشان دا أكل عيشه، وبالليل بيرسم،

أو بيكتب شعر، أو بيتعلم لغة.. عادي جدًا.

س: أعرف ازاي إني لقيت شغفي؟

ج: إنك تلاقي شغفك دا عامل زي قصة الحب كدا. فيه ناس الحب بالنسبة لهم بيبدأ من النظرة الأولى. سمع عن حاجة، قرأ حاجة، جرب حاجة مرة واحدة بس.. وقع في غرامها.

وفيه ناس تانية الحب بالنسبة لهم بيأخذ وقت أطول. تجربة ومحاولة كام مرة، لحد مايبدأ يتشد للحاجة دي ويحبها.

وممكن تكتشف إن شغفك في حاجة جديدة عمرك ما جربتها قبل كدا. وممكن تبقى حاجة انت بتعملها بقى لك فترة وانت مش واخد بالك، وفجأة حبها. زي اللي فجأة حب بنت خالته ولا واحدة يعرفها كوييس من زمان.

الفكرة إنك تسمع *true self* بتاعتكم وتفضل متواصل معها وتجرب اللي هي بتقرره عليك، ولو في نطاق صغير. إيه هو شغفك وتهترفه إمتي والقصة دي هتاخذ وقت أداء إيه؟ دي حاجة محدث هيعرف يجاوب لك عليها.

لما بتسعي إنك تفهم نفسك وبيجري ورا الحاجات اللي بتحبها، بتلاقي أبواب افتتحت ماكتتش عامل حسابها.. فرص مكتتش تتخيلاها.. ناس عندهم نفس شغفك بقيت تجذبهم في حياتك.. أيدى خفية وحكمة من ربنا بتعلمهك، وبتدليلك دروس، وتبعدك عن حاجات، ويتقربك من حاجات، ويتوصلك في الآخر إنك تحس إنك «عايش» بكل ما تحمله الكلمة دي من مشاعر سعادة ورضا وحزن وألم، وكل المشاعر الإنسانية.

هنجع ونقول إن الشغف، أو الغاية من وجودك، مش حاجة بتكتشفها في يوم ولا اتنين، دي رحلة وطريق بيأخذ وقت ومجهد. وزي ما أي طريق سفر بيقى فيه علامات تطمئنك إنك ماشي على الطريق الصحيح حتى لو لسه ماوصلتش، الطريق لمعرفة شغفك والغاية من وجودك هو كمان ليه علامات بسيطة بتعرفك إنك ماشي صح.

زي إيه؟

هتلaci نفسك بتعمل حاجات بتحبها وبيسطلك.

هتلaci عينك بتلمع وانت بتعملها.

هتلaci عندك طاقة وقدرة أكبر إنك تصحي من عز نومك عشان
تعمل الحاجة دي.

هتلaci نفسك مش فارق معاك كتير تبقى إنت اللي في الوجهة وتحت
الضوء، ولا انت اللي في الكواليس.. المهم تحط بصمتك.

هتلaci نفعك تعدّى لناس تانية غيرك.


هتلaci نفسك حابب اللي بتعمله وعنده طاقة فيه، حتى لو العائد
المادي منه قليل، أو مش موجود.

هتلaci نفسك بتعمل الحاجة دي بإبداع وإحسان، مش مجرد تأدية
واجب.

هتلaci نفسك منطلق، ورأي الناس وتخويفهم ليك مش بيوقفك كتير.

هتلaci نفسك حاسس من جواك إنك بتعمل الحاجة دي لربنا، وبتراعيه
فيها، ومعتبرها عبادة، لأنك مقتنع إن دي البصمة اللي ربنا خلقك عشان
تسيبها.

دي كلها علامات عايزة تلاحظها في حياتك عشان وراها رسالة تنبئه
إن هنا فيه شغف، هنا فيه بصمة، هنا فيه دور ربنا عايزة تعمله، وبيساعدك
عليه بالمشاعر الحلوة دي ☺.



الفصل الخامس

الخطة وتنظيم الوقت

«حان الوقت لتعيش الحياة التي تدور بخيالك»
(هنري جيمس).



الله اعلم

الله اعلم

الليلة الخامسة

وصل الموكب إلى مكان الصيد، وشرع شهرizar في تجهيز معداته،
فتفاجأ..

- إيه دا يا شهرزاد؟!

- إيه؟ فيه إيه؟

- إيه اللي انتي جايبيه في شنطة السفر دا؟

- دي شوية مستلزمات بسيطة كدا.

- مستلزمات إيه؟! تونة؟ حد ياخد علب تونة واحنا أساسا طالعين
رحلة صيد!

- عشان بجوع بالليل، ومش هقومك تصطاد لي يعني!

- وإيه دي؟! واحدة معاكي أسلحة؟! هتقتليني وأنا نايم يا شهرزاد؟!

- أسلحة إيه بس؟! دا مقوار! مقوار عشان لو هنعمل محشى كوسة أو
بنجان أو...

- محشى إيه اللي هنعمله واحنا في موكب ملكي يابني آدمه؟! إنتي
عمرك ما سافري قبل كدا؟!

- لأ، بروح شرم على طول، بس بنقعد كل مرة في النفق كتير، فبطلع
المحشى بقا، وهاتك يا تقوير!

- تقوير؟! وإيه البتاع دا؟

- دا لزق Double Face.. احتياطي لو حاجة في الكارتة اخترت، ولا
طلع علينا ديابة، واحنا يناس غلابة!

- طب بغض النظر عن الكارتة اللي هتلزقيها لو اخترت! هتحاري
الديابة باللزق يا شهرزاد؟!

- لأ، هنربطهم ونلزقهم في بعض!

- لزقك عفريت يا شيخة! أنا إيه اللي خلاني أوافق أخدك معايا بس؟!
هو فين مسروروور؟!

- عايزه ليه بس؟! مسرور داخ من الطريق وبيرجع.. سيبه دلوقتي!
- وفين أمي؟ مولاتيبي يا سست الحباب؟!

- مامتك من ساعة ما صحيت وهي مفيش على لسانها غير كلمة «مفيش وقت!»، أقولها شوفي يا طنط الشمس حلوة ازاي تقولي: «مفيش وقت نبص على الشمس!».. تحبي يا طنط اعملك بيض بالبسطreme يجبن؟ تقولي: «مفيش وقت نضيف البسطreme على البيض!».. هو إيه حكاية مفيش وقت دي يا شهرور؟

- هي ماما طول عمرها كدا، مابتحبس تضيع وقت!
- وهو فين تضيع الوقت في إنها تستمتع بالجو والأكل الحلو؟ هي مش دي رحلة برضه وكدا؟

- هي ماما بتشوف أي حاجة ملهاش علاقة بشغل الملكة، تعتبر تضيع وقت! إنتي ماشتقيش اتحايلنا عليها أد إيه عشان تسافر معانا؟

- صحيح! دي مارضيتش تطلع غير أما الوزير فخريار طلع معانا عشان يكملا شغل في الموكب! بس هي ازاي عايشة كدا؟ دي مش عيشة أبداً!

- وليه ماتكونش هي اللي صبح؟ ليه ماتكونش بتحاول تركز على الحاجات المهمة؟

- عشان الحاجات المهمة يا شهريار ماینفعش نلخصها في الشغل.
الحاجات المهمة هي الحاجات اللي بتساهم في رؤية الإنسان لحياته كلها، وبتضييف لها معنى. والإنسان مش شغلالته بس! الإنسان ليه أدوار كتير بيلعبها: أب، أخ، زوج، ابن،بني آدم عامة ليه حق على نفسه.

- ممكن برضه.. كفاية رغي بقى، ويلا عشان نأكل!
جلست الملكة افتخاريار على رأس المائدة، حيث وضع أمامها كل

ما لذ و طاب من المأكولات الشهية. دخل شهريار ومن ورائه شهرزاد في توتر وارتباك، قبلاً يدها، ثم جلسا يشاركانها الطعام.

- أتأخرتوا ليه؟

قالت افتخاريار في حزم..

- معلش يا أمي، شهرزاد أصلها كانت بتركيب رموش، وكانت...

- رموش؟! الصبح بسطرمة، ودلو قتي رموش؟! مفيش وقت للكلام
دا يا شهرزاد! ركيز في المهم!

- صح يا طنط، الواحد المفروض يركز في المهم.. بس أنا كنت جاية
اتفسح مع حضرتك وشهريار، فالمهم بالنسبة لي في الرحلة دي إننا نتبسط
كلنا، ونقضي وقت لطيف مع بعض.

- مفيش وقت للانبساط والوقت اللطيف! الواحد يركز في شغله وبس،
هو دا الانبساط!

- بس يا طنط...

قاطعها شهريار محاولاً تغيير الموضوع:

- ست الحبايب.. شهرزاد عندها قصص مسلية جداً.

ما تحكيننا يا شهرزاد قصة منهم كدا واحنا بنتعشنا.

ردت شهرزاد بكل حماس:

- أمر مولاي.. بسم الله الرحمن الرحيم.. وبه نستعين.. وحصوة في
عين اللي ما يصللي على النبي..

همست افتخاريار في أذن ابنها:

- إيه يابني الجوازة دي؟ دي ناقص تغنى مهرجانات! قمر الزمان
تربيته بلدبي أوي!

- هسألكم سؤال الأول: شوفتوا فيلم click بتاع آدم ساندلر أكيد،
صح؟

نظر إليها شهريار وأمه في ذهول.

- يا جماعة مش معقول، ساعدوني شوية! دانا لو وقفت أي طفل في
المملكة وسألته هلاقية شافه أكيدا!

طيب خلاص، سيبوني أرتجل! كان فيه راجل اسمه أيمن، متجوز
ومخلف ولد وبنت، وبيشتغل مهندس في شركة. أيمن دا كان مركز في
شغله جداً جداً، وبيفكر فيه طول الوقت! في يوم من الأيام، أيمن سند
راسه على السرير كدا وكان مهموم أوي أوي!

ردت افتخاريار في فضول:

- مهموم ليه بقى؟

- كان عمال يفكرون في شغله، ومديره، والترقية اللي نفسه فيها، وعمال
يقول لنفسه أناحتاج أركز أكثر وأكثر على الشغل عشان أنجح وأحقق كل
اللي أنا عايزة.

- شاطر.. مش قاعد يركب رموش، ويأكل بسطرمة!

- المهم يا طنط، وهو بيفكر مهموم كذا لقى إعلان قدامه عن راجل
بيبيع ريموت سحري.

- إيه الريموت السحري دا؟!

- جهاز كدا فيه زراير بيخليلي تحكمي في الزمن، تجري أوقات معينة
إنتي مش حابها.. تروحي لوقت معين إنتي نفسك فيه.. تعدّي موافق
معينة شايهاها ملهاش لزمه، وهكذا.

- إيه الجهاز المُبهر دا؟! دا يحل لي مشاكل كتير جداً في حياتي! حلو دا،
هاتلنا منه!

- ما شاء الله، دا ابنك طالع لك بالضبط! المهم آدم ساندلر.. قصدي
أيمن أيمن، انبهر زي حضرتك كدا يا طنط فخ فخ.. وراح جري اشتري
الريموت! مسك أيمن الريموت في إيده وراح مجرّي كل خناقاته اللي لسه
هتحصل مع مراته.. كل الطلبات اللي ولاده هيطلبوها منه.. وفضل يعدي
يعدي يعدي لحد ما وصل للترقية بتاعتة. أول ما وصل للترقية اتصدم إنه
عذى سنة كاملة من حياته!

رد شهريار:

- وإيه اللي يصدم في كدا؟ ما هو كان نفسه يترقى، واترقى فعلًا!

- حقيقة.. بس في خلال السنة دي، المشاكل بينه وبين مراته زادت جدًا لدرجة إنه بعد ما الوقت دا عدى، لقى نفسه بروح معها لدكتور نفسي عشان يساعدهم! مش بس كدا! حتى ولاده، بطلوا يطلبوا منه حاجة، وعلاقتهم بيهم بقت متواترة جدًا!

قال شهريار وافتخاريار في نفس واحد:

- وبعدين؟

- زعل أيمن على اللي حصل مع ولاده ومراته، بس الحاجة اللي فرحته إنه لقى مديره بيقوله إنه هيستقيل من الشغل.. وإن أيمن يقدر ياخد مكانه.. ولو شد حيله شوية كمان ممكن يبقى مدير الشركة كلها!

شهريار:

- !lovely

- طبعًا أيمن انبهر وماصدق! هو أهم حاجة عنده الشغل زي ما قلت لكم. مسك أيمن الريموت وراح دايس على الزرار عشان يروح للوقت اللي هيبي فيه مدير الشركة كلها! وهووووب لقى نفسه عدى عشر سنين المرة دي!

- عشر سنين! دا أكيد بقى واحد تاني!

- حقيقي! لقى نفسه تخن جدًا بشكل رهيب! لقى مراته تعبت منه واتطلقت واتجوزت واحد تاني! لقى ولاده أخلاقوهم بقت وحشة جدًا وقريبين لجوز مامتهم أكثر منه! لقى أبوه مات وهو ملحقش حتى يقعد معاه!

- قلب أمها!

- آه والله يا طنط، حاجة كدا غم الغم! دا كمان اتفزع وجاله جلطة في قلبه من الصدمة وأغمى عليه!

انفجرت افتخاريار في البكاء.

قال شهريار:

- جلطة وصدمة وأغمى عليه! ليه كل دا؟!

- عشان حس إن العمر جري بيء وفاته كل الحاجات المهمة اللي بتدي للحياة معنى وسعادة! عاش كل هته شغله ونجاهه، واكتشف انه وهو بيطلع سلم النجاح دا، داس على علاقته بمراته اللي بيحبها، وأهملولاده وحبيبه، وماهتمش بأبوه حتى في آخر أيامه.. وأهمل نفسه هو شخصياً لحد ما تخن ومرض!

نظر لها شهريار في تأثر وسأها:

- طب مش هو اللي كان عايز كدا؟

- آه.. بس اكتشف إنه كان إنسان مش متوازن، ورؤيته وأولوياته مش مظبوطة! بس خلاص بقى كله رااااح، كله ضااااع، كله اتكسر، كله اتغير (بصوت الفنان هاني شاكر).

قالت لها افتخاريار:

- كمّلي يا فنانة!

- أيمن أغمى عليه، راح الريموت، اللي بقى مبرمج إنه يعدي الأوقات الصعبة، عدّي لأيمن خمس سنين كمان! وهو ووب لقى نفسه في فرح ابنه!

شهريار:

- أخيراً، حدث حلوا!

- اتبسط أيمن إن ابنه بيتجوز.. بس يا خسارة اكتشف إنه مايعرفش مرات ابنه، ولا عنده أي ذكريات حلوة مع عيلته! حاول أيمن المرة دي يتخلص من الريموت اللي دمّر له حياته دا، وجه يرميه، لقى الريموت بيقوله: «أنا ملك الموت يا أيمن.. خلاص انت حياتك خلصت ومفيش رجوع بالزمن لورا».

قالت افتخاريار في فزع:

- كبد أمه.. مaaaaات الواد؟!

- هو حضرتك ليكي أي صلة قرابة بطنط شوشو صاحبة ماما؟!

- لأ، ليه؟!

- حاسة فيه تلاصق روحاني في إحساس الدراما بينكم!

ما علينا.. لأ يا طنط مماتش! صحي لقى نفسه سقط وهو نايم، وكان كل دا بيحلم!

- بيحلم؟!

- آه والله.. بس كان حلم قاسي جدًا صحي منه بقى إنسان تاني بيأخذ باله من شغله وبيته ومراته وولاده وأهله وصحته، وبيستمتع ب حياته! إنسان بينظم وقته كدا، وعنه خطة حياته كلها، مش شغله بس!

ابتسم شهريار قائلًا:

- حلوة القصة دي يا شهرزاد، كيفتني!

فردت أمه في غضب:

- حلوة إيه إنت كمان؟! كل دا كان بيحلم؟! تصدقني وتأمني بالله؟ إنتي مستفزة وضيعتي لي وقتني!

- الموراااال يا طنط، الموراااال!

- مورال إيه جك مورال أما يشتّحك! سيب لي أنا الطلعة دي يا شهريار.. يا مسروروووور!

- يا طنط شوهوووو.. سيبيني لبكرة الله يخليك!

مفيش وقت!

عَالَة يا هبة تقولي لنا جربوا، واهتمامات، وخطط، وأنشطة، وتطوير، وقصص طويلة وعريضة! مفيش وقت للكلام دا! أنا مش لاقى وقت أنا.. مش لاقى وقت أكل وأسدّ احتياجاتي الأساسية في الحياة.. مش لاقى وقت أقرأ كتابك أصلًا عشان ألاقي وقت أطبق كل اللي فيه دا!

طبعًا مسألة الوقت وتنظيم الوقت والمحافظة على الوقت، إلى آخره، إلى آخره.. من أكثر المواقف التي بتتوتر الناس، بالذات في العالم السريع جداً اللي احنا بقينا عايشين فيه دا! كلنا بقينا بنجري حوالين نفسها على طول، وحسين إننا عايزين ٤٨ ساعة فوق الـ ٢٤ ساعة عشان ننجز الحاجات اللي نفسها نعملها، وعلى طول بنشتكى إننا مش بنهمد أبدًا، ومع ذلك مش بنجز بالقدر اللي يرضينا برضه! وبشكوى إننا نيجي نركز على حاجة نقصر في الثانية، نيجي نضبط الجاكيت البنطلون يبؤظ، وعاليين نلف في الدايرة المغلقة اللي بتضغطنا دي.. بلا أي تغيير!

ازاي أنظم وقتني؟ أعمل جدول، ولا أشتري النوتة بتاعة أول كل سنة دي، ولا أعمل حاجة تفكري على التليفون، ولا أقلل ساعات نومي، ولا أروح فين، وأجي منين؟

مبديئًا كدا، وقبل ما ندخل في الخطط والتنظيم، خلونا نتفق على حاجة: كل واحد في الدنيا دي ربنا مدبله نفس الـ ٢٤ ساعة بتاعة الناس كلها، الفرق الجوهرى بين واحد بينجز وبيحقق أهداف، وواحد تاني لأ، هو اختيار كل واحد فيهم هي عمل إيه بالـ ٢٤ ساعة دول!
يعني إيه؟

البني آدم من ساعة ما بيكبر، وبيوعى على الدنيا، وبيتحول من طفل معتمد على أهله، لشخص عاقل ومسؤول عن حياته.. بيفضل كل يوم وكل دقيقة وكل مرحلة في عمره بيأخذ قرارات: «ه قضي اليوم دا، الدقيقة دي، الفترة دي.. بعمل إيه في حياتي؟». كل يوم بنقرر هنستخدم وقتنا أزاي، وكل يوم «بنعيش» نتائج القرارات دي.

«كل لحظة تطرح على الإنسان موقفاً، وتطلب منه اختياراً بين بدائل.. وهو في كل اختيار يكشف عن نوعية نفسه، وعن مرتبته ومتزنته، دون أن يدرى»

(د. مصطفى محمود).

طبعاً قرارك بإنك تختار تعمل «أ» ولا «ب» النهارده ممكن يكون سهل، أو على الأقل واضح، لو الفرق بين «أ» و «ب» كان إن «أ» اختيار صحي أو كويس أو لمصلحتك، و «ب» اختيار غلط أو وحش أو مؤذن. تحب الفترة دي في حياتك تستغل وقتك بإنك تلعب رياضة ولا تدمن مخدرات؟ سؤال إجابته واضحة - أيًّا كان إنت هتعمل إيه في الآخر - بس الأكيد إنك مش هيكون عندك ليس في أني اختيار أولى، أو أهم لحياتك. الاختيار هنا أبيض وإسود، واضح جداً، ومحدثش هيبلتبس عليه الصبح من الغلط فيه.

إنما التحدي الحقيقي اللي بيواجهنا في قصة تنظيم الوقت، هو إننا أغلب الوقت مش بنحتاج نختار بين حاجة حلوة وحاجة وحشة، إحنا بنحتاج نختار ما بين حاجتين الاتنين كويسيين، لكن إحنا مش عارفين نركز على مين فيهم.

«أركز الفترة دي في حياتي على إني أكتب كتاب جديد، ولا إني أقدم في الجامعة وأدرس ماجستير، ولا إني أحضر الكورس الفلاني اللي بقالي فترة بذاكره؟؟».

«أركز دلوقتي إني أفتح فرع جديد لشغلي، ولا إني أعمل سيسitem يحل مشاكل الفرع اللي موجود، ولا إني أدخل في مشروع تاني خالص فيه فرصه كويسة جداً؟؟».

«أبدأ أتعلم اللغة التركية عشان عاجباني جداً، ولا أركز في الدبلومة

الفلانية عشان أترقى في شغلي، ولا أعمل فيديوهات على اليوتيوب عشان
أنتشر وأحوش فلوس وأسافر؟».

وهكذا.. اختيارات بتواجهنا في مراحل مختلفة في حياتنا.. وحتى على
مستوى يومنا نفسه، ساعات بنته «أقوم ألبس وأنزل أخلص المشاور
الفلانية، ولا أقعد أو ضب البيت والأكل عشان رمضان قرّب، ولا
أروح أعمل التحليل عشان نتيجته تطلع قبل ما أسافر، ولا ولا ولا...»،
هنتجذن! وكلها حيرة ما بين قرارات مختلفة هنعملها في يومنا أو حياتنا..
ودا كدا من غير ما نعمل حساب الأمهات والأبهات اللي عندهم كمان
مسؤوليات ومهام تت العمل مع ولادهم ومدارسهم وتمارينهم.. وهلم جراً.
نعم إيه؟ وننظم وقتنا ازاي؟

عشان أجيب على السؤال دا قريت حوالي ٤-٥ كتب عن تنظيم
الوقت، والحقيقة أكثر موديل عجبني من ناحية الشمولية والعمق والمنطق
اللي فيه، كان الموديل اللي طرحه ستيفن كوفي.. واللي هحاول أبسطه قدر
المستطاع في الفصل دا.

البوصلة ولا الساعة؟

ستيفن كوفي قال إن التحدي اللي بيواجهنا دايئماً في تنظيم الوقت وترتيب الأولويات، هو في الحقيقة تحدي بين أداتين مهمتين جداً في حياتنا: الساعة، والبوصلة.

الساعة بتتمثل الالتزامات اللي عليك، المواعيد، الجداول، المهام اللي وراك، والمشغوليات اللي عندك.

البوصلة بتتمثل رؤيتك، قيمك، توجهك في حياتك، أهدافك، ازاي بتقود حياتك، وإيه اللي بتحس إنه مهم بالنسبة لك.

المشكلة بتحصل إمتي؟ لما بتحصل فجوة ما بين الساعة والبوصلة. لما اللي احنا فعلياً «بنعمله»، وبنبذل فيه وقتنا ومجهودنا، بيبقى مش مرتبط، أو مش بيساهم في رؤيتنا والمهم في حياتنا، اللي «نفسنا نعمله».

فيه ناس مننا الفجوة دي عندهم كبيرة جداً.. عندهم رؤية لحياتهم وكل حاجة، بس بتلاقيهم طول الوقت مشغولين في حل أزمات وتطفية حرائق والتعامل مع طوارئ، وكأنهم محبوسين دايئماً في خانة «رد الفعل» تجاه ناس تانية أو مواقف بتحصل لهم.. وبالتالي معندهم مش أي وقت يعملوا اللي هما فعلًا شايفينه مهم لحياتهم ومرتبط بقيمهم ورؤيتهم وأهدافهم.

و فيه ناس تانية الرؤية عندهم أصلاً مش واضحة. مش واضح بالنسبة لهم «المفروض» يكونوا بيعملوا إيه في وقتهم، طب هما «عايزين» يعملوا إيه بوقتهم؟ طب هما «فعلياً بقى» بيعملوا إيه بوقتهم؟ والناس دي بتبقى دايئماً حاسة إنها في حلزونة كدا من تأنيب الضمير بسبب تضييع الوقت.. ولا هما بيغيروا الوضع ولا بيتسطوا فيه!

و فيه ناس تالتة حاسين بفراغ في روحهم. حصرروا النجاح والسعادة في الإنجاز العملي أو المادي أو الأكاديمي، وفي الآخر يكتشفوا إنهم مش حاسين بالسعادة ولا حاجة! طلعوا سلم النجاح خطوة خطوة، شهادة شهادة، ترقية ترقية.. عشان في الآخر يكتشفوا إن السلم ساند على الحيطه الغلط! يكتشفوا

إنهم وهم طالعين السلم داسوا على صحتهم، أو علاقاتهم، أو لحظات ممتعة، ونعم ملحوظ يحسوا بها أصلًا.. زي قصة الأخ أيمن اللي تقمص شخصية Adam Sandler في فيلم Click. أيمن نجح في شغله، واترقى ووصل إنه بقى مدير شركته، بس داس على إيه في الطريق؟ داس على صحته وعلاقته بمراته ولاده وباباه، وعدى لحظات إنسانية كتير الواحد بيتعلم منها وبيستمتع بها. والقصة دي بتحصل لناس كتير حوالينا كل يوم!

حياة بنتفرم فيها.. وبوصلة بتتوه مننا مع الوقت، وللأسف ساعات بنفوذ من غيبة فقدان البوصلة دي بمصداقية كبيرة! موت حد عزيز علينا يفوقنا، فقدان علاقة بابن أو حبيب يخلينا نفكّر كام مرة كان ممكن نفهم ونبني ونطور، وأهملنا عشان كنا بنجري ورا الفرص أو الفلوس أو الشهرة.. مرض يقدرنا غصب عننا، أو أي أزمة تخلينا نكتشف إن اللي احنا بنعمله في حياتنا ماشي في اتجاه، والقيم والرؤى بتاعتنا ماشية في اتجاه معاكس!

«لا يستوعب المرء اللحظات ذات الأهمية الحقيقية في حياته إلا عندما يكون الأوان قد فات»

(أحاثاً كريستي).

أيًّا كان انت حياتك شبه حياة مين من الناس دي، عايزة أطمئنك إنك مش لوحديك. كلنا عندنا فجوة ما بين الساعة والبوصلة. بين اللي احنا بنعمله، واللي احنا نفسنا نكون بنعمله. وكلنا بنحاول نسد الفجوة دي بإانتنا للجأ لطرق تنظيم الوقت.. والحقيقة إن اللي احنا محتاجينه فعلياً مش أدوات لـ«تنظيم الوقت»، على أد ما محتاجين أدوات لـ«قيادة الحياة».

إيه الكلام الكبير دا؟!

فكـر معايا في الأسئلة دي:

إيه الحاجة الواحدة اللي إنت عارف إنك لو ركـزت فيها واستمررت عليها وطورتها، هتعمل نتـائج عظـيمة في حياتـك الشخصـية؟ (رياضة، قراءـة، أكل صـحي، تقـضـية وقت مع شخصـ معين...).

.....

.....

.....

إيه الحاجة الواحدة اللي إنت عارف إنك لو ركـزت فيها واستمررت عليها وطورتها، هتعمل نتـائج عظـيمة في حياتـك العمـلـية؟ (مهـارـة معـيـنة، درـاسـة / مجـال تـقـرـأ فـيه باـسـتمـارـ، موـاعـيد معـيـنة ثـبـتها للـشـغل...).

.....

.....

.....

لو انت عارف إن تركـيزك على الحاجة الواحدة اللي حدـتها دي هيـعـمل فـرقـ كبيرـ في حياتـك الشخصـية أو العمـلـية، إـيه اللي بيـمـنـعـك إنـك تـعـملـها؟ خـلـيك «صـرـيحـ» و«مسـؤـولـ» وانتـ بـتـجاـوبـ.

.....

.....

.....

على أساس إيه؟

عشان تقّيم إجاباتك على الأسئلة، تحتاج تعرف الإنسان عامة بيختار يعمل «أ» ولا «ب» على أساس إيه؟

فيه عاملين مهمين جدًا بنختار على أساسهم هنضي وقتنا بنعمل إيه، وهما: «الإلحاد والأهمية».. العاملين مهمين جدًا، بس كل واحد فينا بيقدّد حياته و اختياراته بناءً على غلبة عامل فيهم أكثر من الثاني.. ودا اللي بيعمل الفرق الكبير بين الناس وإنجازتهم ورضاهن عندها!

يعني إيه الإلحاد والأهمية؟

الأزمات اللي بتحصل، المهام المتأخرة، الحاجات اللي بتلح علينا، الزنقة بتاعة آخر وقت، بتاعة حل المشكلة بعد ما تحصل.. كل دي حاجات «ملحة» وجودها بيدي للواحد جرعات من الأدرينالين، بتخلّي ناس كتير مع الوقت تدمن الشعور بالإثارة والأكشن دا، وتعود عليه. بتبقى حاسس في وجود الحاجات دي إنك مضغوط؟ متوتر؟ مرهق؟ حقيقي! بس برضه بتبقى حاسس إنك مهم وعظيم وليك دور!

ضيف على الأدرينالين والإثارة دول، إن المجتمع أصلاً بيتص للشخص اللي على طول مشغول ومسحول ومش فاضي.. إن دي علامة على إنه مهم وعظيم وخطير! وببيص للناس اللي عندها وقت دي.. على إنها عالم فاضية معندهاش هدف ورؤيه، والكلام الكبير دا! وطبعاً المشغوليات والضغوطات والأزمات، والذى منه، بتبقى كتير من الوقت حجة عظيمة جدًا التقصيرنا في الحاجات المهمة فعلياً في حياتنا، زي علاقتنا بأسرتنا مثلاً.. «أنا نفسي اقعد معاكم أكثر والله، بس الحياة بقى.. عندي ديدلاين.. عندي شغل مهم.. إنتم أكيد مقدرين، نفسي والله ألعب رياضة وأهتم بصحتي، بس أجيب وقت منين! أنا عارف إنها حاجة مهمة، بس أما افضى شوية بس!».

الخلاصة إن إدمان الضغط وال الحاجات الملحّة المستعجلة، بقى جزء من

شخصيتنا ومجتمعنا. والمشكلة إننا مع الوقت بنفضل ندور في فلك الحاجات المُلحة دي، وبتفضل الفجوة بين البوصلة وال الساعة تكبر أكثر، ومش بنقف نسأل نفينا: «هي الحاجات اللي واحدة أغلب وقتني دي، هي فعلاً الأولويات في روئتي حياتي؟ هي الحاجات المهمة فعلاً اللي لها قيمة؟».

هل معنى كدا إني المفروض أعيش حياتي سايب الحاجات المُلحة مش بعملها؟ لأ طبعاً! بس لازم أشوف: هو أنا الغالب على يومي وأسبوعي وحياتي عامة إني عمال أهندل مصايب وكوارث و حاجات مركونة لآخر دقيقة، ولا إني بعمل الحاجات اللي فعلاً مهمة؟

طب يعني إيه الحاجات المهمة؟

ال الحاجات المهمة يعني الحاجات اللي بتساهم في أهدافي ورؤيتي، اللي بتضيف معنى حياتي. ودي حاجات مش بالضرورة أبداً تبقى مُلحة في التوّ واللحظة.. بس الأكيد إنها حاجات مهمة جداً في البوصلة بتاعتي!

لو بصيت على أي حاجة بتعملها في يومك بناءً على العاملين دول: الإلحاد والأهمية، هتقدر تصنّف كل اللي وراك وكل قراراتك و اختياراتك لأربع أقسام (وده الموديل بتاع ستيفن كوفي):

١- القسم الأول: حاجات مهمة ومُلحة، ودا القسم اللي بتتعامل فيه مع الكلاينت اللي عنده مشكلة، الدي دللين المهم اللي وراك، عملية المرارة اللي لازم تعملها، الطفل اللي اتعور وبيعيط.. وهكذا. كلها حاجات مُلحة، بس في نفس الوقت مهمة، لأنها مرتبطة بالبوصلة بتاعتكم في شغلكم وصحتكم وعلاقاتكم ومسؤولياتكم.

في القسم دا انت بتفكر وتحل مشاكل وتواجه تحديات. والقسم دا مهم تقضي فيه وقت وتهتم بيها، عشان الأزمات وال الحاجات المُلحة هنا، كلها خاصة بمواضيع مهمة جداً بالنسبة لك.. وإهمالها هيخليها تكبر وتترافق عليك!

٢- القسم الثاني: حاجات مهمة بس مش مُلحة، ودا يعتبر قسم «التخطيط والجودة» في حياتك! هنا إنت بتخطط لقادم عشان المشاكل والأزمات

ما تحصلش، هنا انت بتتطور نفسك وبتشجع اللي حواليك، بتقرأ وتعلم، بتقضى وقت مع ولادك عشان تقوي علاقتك بيهم، بتحضر للجتماع الجاي والبريزنتيشن اللي عندك، بتسمع لمراتك وبتدتها وقت، بتعمل check up على صحتك كل فترة من باب الوقاية.. وهكذا. قسم الحاجات اللي فيه مهمة جداً، لأنها مرتبطة بي صحتك وبرؤية حياتك، بس هي مش حاجات ملحة؛ لأنها ماتعتبرش أزمات لازم تسيب كل حاجة وتعملها.

لما بتقضى وقت في الأنشطة اللي في القسم دا، كفاءتك ومهاراتك بتعل.. وأما بتهمل القسم دا، القسم الأول بيكبر! بتحول التخطيط للبريزنتيشن بتاع الأسبوع الجاي، لزنة ليلة الامتحان اللي لازم تسيب كل حاجة وتقدر تخلصها! والعكس صحيح، كل ما استمرت وقت في القسم دا، كل ما قللت الضغط على القسم الأول. يعني مثلاً اكتشفت من بدرى إن الكوليسترون عالي لما عملت check up، فبقى عندك فرصة تضبطه بالأكل.. قبل ما الموضوع يقلب إنك لازم تروح تعمل عملية في القلب!

٣- القسم الثالث: حاجات ملحة بس مش مهمة، ودا قسم خادع جداً! صوت «الإلحاح» بتاع القسم دا بيخدوك ويحسسك إنك بتعمل حاجات مهمة، في حين إن انت لو بصيت فعلياً على اللي بتعمله هنا، هتلقيها حاجات مهمة لحد غيرك، مش لك إنك.

القسم دا يمكن تحط فيه أغلب مكالمات التليفون والتوفيقيشن بتاعة واتساب وفيسبوك اللي صوتها بيحسسك إنك تحتاج تسيب اللي في إيدك وترد دلوقتي حالاً. يمكن تحط فيه زيارات المفاجأة من الناس والخروجات اللي بتتفسف تقوها لأ. القسم دا مليان حاجات بتعملها عشان توافق طلبات وتوقعات الناس منك وضغطهم عليك، وهي في الحقيقة حاجات مش مهمة بالنسبة لك!

٤- القسم الرابع: حاجات ولا ملحة ولا مهمة، وهو في الحقيقة تقدر تعتبره قسم النفايات اللي مش المفترض تقضي فيه وقت أصلاً. إحنا غالباً بنقضي وقت في القسم دا لما بنكون مضغوطين وعايزين نهرب من القسم الأول

(ملح ومهم)، والقسم الثالث (ملح بس مش مهم)، فنجري نضيع وقت في حاجات هتضرنا أصلًا. نضيع وقت في رمرة أكل يبوظ صحتنا، في كلام على الناس، في فرجة على برامج تافهة وملهاش أي لزمه.. وهكذا.

وهنا يجي سؤال مهم: هو لو أنا بحب أتمشى في الشارع، أرسم، ألون، أخرج أرفه عن نفسي.. دول يعتبروا حاجات في القسم الرابع؟

الإجابة: لا! دي حاجات ممكن تحطها في القسم الثاني. حاجات مهمة عشان بتعملك توازن في حياتك، وبتديلك طاقة، وبتنشطك، بس مش ملحة، ولا لازم تعملها حلا.

غير ملح	ملح	مهم
٢ <ul style="list-style-type: none"> • تحضير لبريزنتيشن Check up على الصفة • تحطيط للستقبال • اهتمام بعلاقات مهمة في الحياة • تأثير الذات 	١ <ul style="list-style-type: none"> • أزمة صحية ملحة • طفل اتغور ويعطي ديدلوك مشروع او مقابلات شدل 	
٤ <ul style="list-style-type: none"> • رمرة أكل • تكلفت مالهاش لازمة • برامج متفرجين ثانية • أي حاجة تافهة بتهرب بيها من الحاجات المهمة 	٣ <ul style="list-style-type: none"> • بعض مكالمات التليفون والواتساب والفيسبوك وغيرهم • زيارات سطاحات او خروجات مش مهمة 	غير مهم

عايزاك تخمخخ كدا في الأربع أقسام دول، وبعددين تفكري في الحاجات اللي عملتها الأسبوع اللي فات.. قضيت أغلب وقتك في أنهى قسم؟

خُد بالك عشان ممكن بسهولة تتلخبط وتعتبر حاجة « مهمة » مجرد إنها

«ملحة».. لو عايز تعرف ازاي تفرق بينهم، اسأل نفسك: هل الحاجة دي بتساهم في أي هدف أو قيمة في حياتي؟ طب لو اكتشفت إنك كنت دائماً بتجدد إنك هتعمل «أ» بدل «ب» مجرد إن «أ» كانت بتديلك إحساس إنها «ملحة»، الكلام دا معناه إن إيه الحاجات المهمة اللي أنت مهمتها؟

فكرة في السؤالين دول تاني:

إيه الحاجة الواحدة اللي إنت عارف إنك لو ركزت فيها واستمررت عليها وطورتها، هتعمل نتائج عظيمة في حياتك الشخصية؟
إيه الحاجة الواحدة اللي إنت عارف إنك لو ركزت فيها واستمررت عليها وطورتها، هتعمل نتائج عظيمة في حياتك العملية؟

ال حاجتين دول في الغالب هتلقيهم حاجات ليها علاقة بالقسم الثاني:
مهمة بس مش ملحة.. وعشان هي «مش ملحة» إنت مش بتعملهم. عشان أحنا متعددين نكربيس الحاجات ونأجل فيهم لحد ما تبقى أزمات ملحة، وبعدين نعملها!

ليه يا هبة بتتكلكي الدنيا علينا كدا؟ أنا كنت عايز أنظم وقتى وخلاص!
ليه يا أخي العميق دالسييه؟

عشان تنظيم الوقت بمفهومنا التقليدي معناه «ازاي أعمل حاجات أكثر في وقت أقل؟!»، ازاي آخذ حباية واحدة تخل لي مشكلة الضغط، والسكر، والكبد، والجدري! ازاي زيارة واحدة للدكتور تعالج سين من إهمالي لصحتي! ازاي أقوى علاقتي بأهلي، وأقوى علاقتي ب أصحابي، بس في نفس الوقت أنجح وأتفوق في شغلي، بس مانساش علاقتي بربنا، آه، وفي نفس الوقت أبقى رياضي عظيم وقارئ نهم.. وكأن كل حاجة في دول ملهاش علاقة ببعض، ومفيش بينهم نسيج ييشكّل روّيتي لحياتي كلها.

إنت حياتك مرتبطة ببعضها! إنت مش كمبيوتر متقسم folders، وعايز تخسر فيه أكبر عدد ممكن من الفايلات! إنتبني آدم ☺ كل حاجة بتعملها، وكل اختيار بتختاره، مرتبط ببعضه، وبيسمّع في حنت تانية. وكل حاجة بتعملها لو مفيهاش «رؤيه».. لو مفيهاش وعي بإيه الأولى، وإيه المهم.. لو

مفيهاش تخطيط وإدراك أنا بعمل إيه إمتي، وليه، هتلaci نفسك تايه.
بعض العشوائية لذيذة جداً طبعاً. أنا شخصياً بحبها. بس عادة تضييع
الوقت وكربسة الدنيا في آخر لحظة، وإن كانت نفعتك أيام المدرسة، فمش
هتنفعك في الحياة عامة.

مفيش حد بيهمل الزراعة والحرث والسوق طول الموسم، ويكربسهم
كلهم في يومين.. ويتوقع إنه يحصد ثمرة!
مفيش حد بيهمل علاقته بولاده طول تربيتهم، ويكربس دوره في شخطة
هنا، وهدية هناك.. ويتوقع إنه يحصد علاقة قوية!
مفيش حد بيقضي حياته تدخين Junk food ومفيش رياضة ولا أكل
صحي، ويلعب تمرينين قبل السباق.. ويتوقع إنه هيكسب!
ماينفعش تزرع صبار وتتوقع إنك هتحصد مانجا! الحياة مابتمشيش
كدا!

كل حاجة في حياتك تحتاجة قيادة منك وتخطيط وصبر. علاقاتك
الاجتماعية، دماغك وتطورك العقلي، علاقتك بربنا، وبالمعنى من وجودك،
وضعفك الصحي والمادي والعملي.. كل دي حاجات تحتاجة «قيادة حياة»،
مش مجرد «تنظيم وقت».. محتاجة واحد فاهم إيه «المهم»، مش مجرد بيستغل
على إيه «المُلح».

إنك تعمل حاجات أكثر في وقت أقل، داشيء عظيم وجليل.. بس مش
بديل عن إنك تعمل الحاجات الصح!

«الفشل في التخطيط هو تخطيط للفشل»
(بنيامين فرانكلين).

من الآخر كدا، اللي بهمني في الفصل دا قبل ماندخل في الجزء العملي،
إنك تعرف إن تنظيمك لحياتك، وجودة اختياراتك مش في جدول، ولا
أجندة، ولا أداة مانخرش المية! لأن بمنتهى البساطة فيه حاجات بتحصل في

حياتنا مش بنكون مخططين لها! مفاجآت بتحصل، فرص بتظهر، تحديات،
أزمات.. حاجات مش بنتحكم في حدوثها!

بالتالي جودة اختياراتك مش في إنك تمشي على الجدول كأنك واحد حافظ مش فاهم! ولا في إنك تبقى رد فعل لكل اللي بيفاجأك كأنك واحد معندهش أي بوصلة! جودة اختياراتك هتنبني على قيادتك لحياتك في العموم! على قدرتك إنك تسأل نفسك في كل لحظة بتعدى عليك: «عمل إيه دلوقتي؟ بوصلتني بتقولي أعمل إيه؟ إيه المهم؟»، سواء كانت اللحظة دي لحظة إدارة أزمة، ولا لحظة تخطيط لشغل، ولا لحظة بناء علاقة اجتماعية، ولا حتى لحظة تمشية في الشارع عشان تفك شوية!
إنك تبقى بتعرف تختار الأهم فالمهم.
هنعمل دا ازاي؟

السيطرة

- إنت قاعد دلو قتي بتخطط ليومك، هتحدد ازاي الأهم فالمهم؟ بناء على إيه؟

- طيب خططت يومك خلاص، وحد طب عليك بطلب ملحوظ. تعرف إزاى إذا كان الأولى دلو قتي إنك تغير خطتك عشانه، ولا لأ؟ تحيب منين الثقة والهدوء النفسي وانت بتقوله «لأ»، أو وانت بتغير خطة يومك عشانه؟

- طب لو فرصة كويسة هي اللي طبت عليك في وسط خطتك، تقول «آه»، وتغير الخطة؟ ولا هتبقى بتشتت نفسك والأولى تركز على اللي كنت ناوي تعامله؟

كل الأسئلة دي تحتاجة واحد «مسيطر» يجاوب عليها.. واحد فاهم كويس هو عايز يحصد إيه، وبالتالي فاهم هو المفروض يزرع إيه، وإمتى، ويستقي أديه، وإمتى، ويحط أنهي سعاد، ويرفض أنهي سعاد، وإمتى يرتاح، وإمتى يمسك الفاس، وإمتى يحرث الأرض.. واحد «مسيطر».

وعشان تبقى مسيطر، أنا تحتاجة منك نص ساعة في الأسبوع بس.. في الأسبوع، مش في اليوم! نص ساعة تقعد مع نفسك بورقة وقلم وتحط خطة الأسبوع.

طب ليه في الأسبوع مش في اليوم؟ لأن الأسبوع فيه نسيج كل الأيام المختلفة - الأيام العادية، وأجازة الويك إندر - لكن التخطيط ليوم بيوم هيضيق نظرتك شوية.. خاصة إن إنتاجية الواحد أول الأسبوع، غير آخره، غير نصه.

طب ليه، مش خطة للشهر؟ عشان الشهر طويل فممك تفقد تركيزك بعد شوية وتزهد وتتوه.

و عموماً، من غير لاضة كتير، إحنا هنعمل خطة الأسبوع. هنعملها إزاى دي؟

٦ خطوات هكتبهم على بعض الأول، وبعددين نشرح واحدة واحدة

فيهم ☺:

- ١- حدد رؤيتك في الحياة.
- ٢- حدد الأدوار المختلفة اللي بتلعبها.
- ٣- حدد أهم الأهداف (من القسم الثاني) لكل دور فيهم.
- ٤- خط إطار للأسبوع.
- ٥- ابدأ التنفيذ.
- ٦- قيم أداءك.

نمسك خطوة خطوة نشر حها بالتفصيل !

١- حدد رؤيتك في الحياة

فيكتور فرانكل ، الطبيب النفسي النمساوي المعروف ، وأحد الناجين من معسكرات النازية ، عمل بحث مشهور جدًا حاول يجاوب فيه عن السؤال دا : إيه الحاجة المشتركة بين الناس اللي نجت من المعسكرات ، في حين إن غالب الناس ماقدرتش تستحمل وما تأدى ؟

درس فرانكل أسباب كتير جدًا زي الصحة الجسدية ، والوضع الاجتماعي والأسري ، والذكاء العلمي ، وهكذا .. ولقى إن ولا حاجة من العناصر دي هي اللي خلتهم تحملوا التعذيب في المعسكرات ! الحاجة الوحيدة اللي ساعدتهم في الوقت دا ، هي وجود «رؤيه للمستقبل» .. هو شعورهم إنهم لسه وراهم حاجة مهمة يعملوها .

وجود الرؤيه دي هي الحاجة اللي خلت ناس نجت من معسكرات النازية ، وهي الحاجة اللي الدراسات أثبتت إنها بتخليل حتى الأطفال يبقوا أنيج دراسيًا ، وعندهم تحمل أكثر لتحديات الحياة ، لما يكون عندهم قدوة يتطلعوا يقوازيهما في المستقبل .

رؤيتك لحياتك بتتحكم في قراراتك و اختياراتك بشكل كبير جدًا . لورؤيتك محدودة للفسحة بتاعة الجماعة الجماعة ، ولا الماتش بتاع بالليل .. هتلaci نفسك عايش يوم بيوم ، وبقيت مجرد فعل لودك ، وللحاجات الملحه اللي بتحصل

في يومنك، ولطلبات وتوقعات الناس اللي حواليك.

لو رؤيتك لحياتك خيالية إنت فيها السوبرمان اللي بتحل كل المشاكل، وبيتختلي كل العقبات، وبتحقق كل الأحلام، ومفيش حاجة بتقف قصادك، ولا بتغلط، ولا بتقصر.. هتبقى رؤية حالمه غير قابلة للتحقيق، وهتخليك تيأس وتحبط.

لو رؤيتك مش شمولية، يادوب محصورة في شغلك، لكن مهملة حياتك الاجتماعية، أو علاقتك بربنا، أو تطورك العقلي، زي طنط افتخاريار، وزعي أيمن، وزعي غيرهم، وغيرهم.. هتعمل اختيارات غير متوازنة في حياتك، ومش هتسمع بيهَا!

لو رؤيتك مبنية على مرأة المجتمع، هتعمل اختيارات مناسبة اللي حواليك، مش ليك إنت.. ومش ه تكون مبسوط.

لابتكلم عن رؤيتك لحياتك، بتكلم عن إدراكك إنك ليك دور في الدنيا، وإسهام عمله، وبصمة تسيبها. بتتكلم عن إن يكون ليك بوصلة وجهة في قراراتك و اختياراتك.. شغف يخليلك تقدر تقاوم خوفك، وشكك، وتثبّط المجتمع ليك، وكل حاجة بتعطلك إنك تنجز.

«ليس من المهم إن أخذت وقتاً طويلاً لتصل،
الأهم هو أن يكون لك وجهة تسعى إليها»

(يودورا ويلتي).

رؤيتك لحياتك دي بيتجي بإنك تسأل **true self** بتاعتكم: أنا إيه المهم عندى؟ إيه اللي بيدي معنى لحياتي؟ أنا عايز أعمل إيه؟ وأكون مين؟ وليه؟ إيه الأولويات بالنسبة لي؟ إيه ٣ - ٤ أهداف نفسي أو صلهم على المدى البعيد؟

فكري في الناس اللي حواليك، إيه أهم علاقات بالنسبة لك؟ وإيه أهدافك في العلاقات دي؟

لو قلت لك إنك قدامك في الدنيا دي ٦ شهور بس، هتبقى نفسك تقضي الأسبوع دابتعمل إيه؟

إيه الإسهام اللي نفسك تسيبه في الدنيا؟ عايز لما تموت تكون حققت إيه؟ والناس تفتدرك بيايه؟

ارجع تاني لاهتماماتك والقيم المهمة بالنسبة لك في الفصل الرابع.
نفسك تتحقق القيم دي من خلال إيه؟ نفسك تعيشهم أزاي؟

حاول تجاوب على الأسئلة دي بالكتابة عشان كل أسبوع وانت بتحط الخطة، تقرأ الرؤية دي. هيفرق معاك كتير في تنظيط البوصلة وتحديد النوايا، إنك تقرأ كل أسبوع أنا مين، وبعمل إيه.. وكل ما كانت الرؤية دي مرتبطة بالself بتاعتوك، مرتبطة بالمهارات اللي ربنا ادهالك، بإحساسك بقيمتك ودورك في الدنيا، كل ما كانت شمولية ومتوازنة ما بين احتياجاتك الجسدية والاجتماعية والعقلية والروحانية، كل ما الرؤية دي كانت رؤيتك «إنت» مش رؤية حد تاني لحياتك.. كل ما فرقت أكثر في جودة اختياراتك وقراراتك طول الأسبوع!

ماينفعش أبداً نتكلم عن تنظيم الوقت من حيث «سرعة الأداء»..
تنظيم الوقت يحتاج تنظيم الوجهة الأول! Direction before speed!
مش هنستفيد أي حاجة إننا نوفر دقائق زيادة في يومنا، واحنا بنهدر سنين من عمرنا مشغولين بحاجات ملهاش علاقة بالرؤية بتاعتتنا!

الخطوة بتاعة تحديد الرؤية ممكن تاخد منك شوية وقت ومجهود عشان تعملها.. بس صدقني دا مش وقت مهدر أبداً! دا استثمار كبير! وقت ومجهود هتبذله، بس هيفرق ١٨٠ درجة في قيادتك لحياتك بعدها!
ودي أول خطوة في الست خطوات اللي عندنا!

٢- حدد الأدوار المختلفة اللي بتلعبها

كل واحد فينا عنده أكثر من دور واحد بيعبه في حياته. أنا مثلاً أم،

وزوجة، وابنة، وأخت، وصديقة، وكوتش، وكاتبة، ومحاضرة، وإنسانة! كل دور من دول جزء مني. هوّيات مختلفة لي. وكل دور وكل هوّية فيهم بتأثر فيباقي. نفس الكلام إنت، أو أيمن، أو شهريار، أو شهرزاد، أو افتخاريار، أو عم عبده بتاع الكشك.. كل شخص ليه أدوار مختلفة بيلعبها في الحياة.. هوّيات مختلفة لنفس البنـي آدم.

ناس كتير مننا بتعاني من إحساسها بتغليب دور على حساب دور تاني، ممكن يكون أهم منه. ممكن تبقى مدير عظيم في شغلك، بس دورك كأب، أو زوج، ضعيف جداً. ممكن تبقى ناجح جداً في تلبية احتياجات العملاء بتوعك، لكن مقصر جداً في تلبية احتياجاتك، أو في تطوير نفسك.

لو عندك رؤية في حياتك زي ما اتفقنا في الخطوة الأولى، هتلaci الأدوار والهوّيات بتاعتكم طالعة من الرؤية دي. وهتلaci كمان إن الأدوار اللي بتلعبها دي مش عبارة عن محطات ملهاش علاقة ببعض، وانت مطالب تقف عند كل محطة شوية، لا! هتلaci الأدوار اللي بتلعبها بتصلب في بعض.. لأن بمنتهى البساطة نفس الشخص اللي بيصحى الصبح ياخـد دش ويفطر، هو هو نفس الشخص اللي بيروح الاجتماع يقابل العملاء، هو هو نفس الشخص اللي بيحضر البريزنتيشن بالليل، هو هو نفس الشخص اللي بيروح الجيم، وبيغسل عربـيـته، وبيخرج مع صحابـه، وبيـخـانـقـ مع مراتـه! إنت مش يارجل أعمال، يا زوج! إنت الاثنين! إنت كل الأدوار اللي بتلعبها! كل واحد فيهم هوّية في شخصيتك وحياتك، وكلهم متراـبطـينـ. لو عندك عيب زي إنك سريع الانفعال مثلاً، هتلaci العـيـبـ دا مسمـعـ في كل الأدوار بتاعتكم. ولو عندك ميزة زي إنك شخص متعاطـفـ، هتلaciـهاـ برضـهـ مـسـمـعـةـ في كل أدوار حياتك.

«ولن يستطيع الحرف أن يدرك الغاية من وجوده إلا إذا أدرك الدور الذي يقوم به في السطر الذي يشترك في حروفه، وإنما إذا أدرك المعنى الذي يدل عليه السطر في داخل المقال، والمقال في داخل الكتاب»

(د. مصطفى محمود).

الفكرة دي هتطلعك من ثنائية «أنا يا كذا يا كذا»، ومن الحكم على طريقة واحدة في الحياة إنها الصبح والمفروض والقياس اللي لازم كلنا نلتزم بيها! الست اللي هتختار إنها تكرّس وقتها وحياتها لولادها، هتعمل دا وهي حاسة إنه دور عظيم لا يقل أهمية عن الكاريير اللي هي سابتة. هتبقى عارفة إن استشارتها في شخصية ولادها، مش أقل من استشارتها في شركة تطلع لها أرباح.

والعكس برضه.. الست اللي هتنجح في الكاريير بتاعها مش هتبقى دايماً حاسة بتأنيب الضمير إنها مش عارفة تكون «أم بس». في الآخر والأول كلهم أدوار بنلعبيها، وانتي عالمين تبقي كل الأدوار دي مع بعض، أو تختارين تغلّبي دور على الثاني في مراحل مختلفة في حياتك.. المهم إن الاختيارات دي تكون مبنية على رؤية ووعي، مش عشان المجتمع قالك اقعددي، أو اشتغلي! الأدوار دي عاملة زي فروع الشجرة. هوّيات متفرعة من رؤيتنا لحياتنا. كل دور فيهم (أب، زوج، دكتور... إلخ)، بيعتبر وسيلة لتحقيق الغاية والبصمة والقيمة المهمة بالنسبة لنا. وكل ما ربّطنا الأدوار دي برؤيتنا لحياتنا، كل ما عالي في نظرنا أهمية وقيمة الأدوار دي، وبقى عندنا طاقة أعلى إننا نأدّيهم بشكل كويس!

القصة دي بتحصل لي شخصياً ساعات لما بيبقى يوم مثلًا عندي محاضرة المفروض أديها، وابقى تعبانة جدًا ومليش مزاج، ونفسني تتلغى! لما

بععد مع نفسي دقايق أفكـر نفسي أنا بعمل الدور دا ليه، إيه علاقته برأـتي، إيه أهمـيـته والقيمة اللي بيضيفـهـالي.. بلاـقي نفـسي نـظرـي وـحـالـتـي الـنـفـسـية اـخـتـلـفـوا، وـاتـشـجـعـتـ إـنـي أـنـزلـ أـدـيـ المـحـاضـرـةـ.

نفس القصة في تربية الأطفال. لما بتـحسـ بأـهمـيـةـ وـقـيـمـةـ الليـ بتـغـرسـهـ فيـ ولاـدـكـ، وإنـكـ بـتسـاعـدـ فيـ تـرـبـيـةـ جـيلـ سـوـيـ نـفـسـيـاـ، هـيرـبـيـ هوـ كـهـانـ جـيلـ سـوـيـ نـفـسـيـاـ، وإنـ دـامـكـنـ يـكـونـ سـبـبـ لـدـخـولـكـ الجـنـةـ، وـكـلـ الـقـيـمـ العـظـيمـةـ المرـتـبـطـةـ بالـتـرـبـيـةـ دـيـ.. بتـلاـقيـ نفسـكـ ساعـتهاـ عـايـزـ تـرـبـيـ صـحـ، وـمـشـ عـايـزـ تـعـملـ الأـخـطـاءـ الليـ بتـشـوفـهاـ حـوـالـيـكـ، وـلـيـ اـتـعـمـلـتـ فـيـكـ، وـعـنـدـكـ طـاقـةـ أـكـبـرـ إنـكـ تـعـلـمـ وـتـصـبـرـ عـلـىـ ولاـدـكـ.. وهـكـذاـ.

هـنـرجـعـ وـنـقـولـ كـلـ دـورـ مـنـهـمـ مـهـمـ! وـنـجـاحـكـ فيـ دـورـ مـنـهـمـ مشـ مـبرـرـ خـالـصـ لـفـشـلـكـ فيـ دـورـ تـانـيـ، وإـلاـ دـاـ هـيـقـىـ مؤـشـرـ إنـكـ عنـدـكـ مشـكـلـةـ فيـ الخطـوةـ الـأـوـلـىـ.. الرـؤـيـةـ! الرـؤـيـةـ دـيـ هيـ الصـورـةـ الـكـبـيـرـةـ الليـ بـنـشـوفـ منـ خـلـالـهـاـ إنـ الـبـازـلـ مشـ هـتـكـتمـلـ لوـ فـيـهـ حـتـةـ فـيـهـاـ نـاقـصـةـ أوـ ضـائـعـةـ أوـ مـهـمـلـةـ. التـواـزـنـ ماـ بـيـنـ الـأـدـوـارـ مشـ معـناـهـ إنـكـ كـلـ يـوـمـ بـتـعـمـلـ حـاجـةـ فيـ كـلـ دـورـ منـ الـ٦ـ٧ـ بـتـوـعـكـ؛ لأنـ وـاقـعـيـاـ دـاـ مشـ بـيـحـصـلـ! الحـيـاةـ موـاسـمـ! فيـ بـعـضـ الـأـحـيـانـ بـنـحـتـاجـ قـلـيلـ منـ دـعـمـ التـواـزـنـ عـشـانـ الصـورـةـ الـكـبـيـرـةـ تـظـبـطـ. أمـ لـسـهـ وـالـدـةـ جـديـدـ مـثـلـاـ، واحدـ لـسـهـ بـادـئـ مـشـروـعـ جـديـدـ، شـخـصـ بـابـاهـ أوـ مـامـتـهـ مـرـضـيـ وـمـحـتـاجـ يـكـرـسـ لـهـمـ وـقـتـ أـكـبـرـ عـشـانـ يـرـاعـيـهـمـ، وهـكـذاـ.. فـترـاتـ وـموـاسـمـ بـتـعـدـيـ عـلـيـكـ، تـركـيزـكـ وـاستـشـارـكـ فـيـهـمـ هـيـعـمـلـكـ شـوـيـةـ دـعـمـ تـواـزـنـ مؤـقـتـ.. بـسـ عـلـىـ المـدىـ الـبـعـيدـ هـيـسـمـعـ بـشـكـلـ إـيجـابـيـ فـيـ رـؤـيـتـكـ وـبـاـقـيـ الـأـدـوـارـ الـلـيـ بـتـلـعـبـهـاـ فـيـهـاـ.

أـنـاـ الفـتـرـةـ دـيـ دـورـ الـكـاتـبـ هوـ الغـالـبـ فيـ حـيـاتـيـ، وـجـايـ أـكـتـرـ حـاجـةـ عـلـىـ دـورـ الصـدـيقـةـ، لأنـ تـركـيزـيـ فيـ الـكـتـابـ مشـ مـخلـينـيـ عـارـفـةـ أـشـوـفـ صـحـابـيـ، وـلـاـ لـاحـقـةـ حتـىـ أـكـلـمـهـمـ.. بـسـ أـنـاـ مـتـقـبـلـةـ قـلـيلـ منـ دـعـمـ التـواـزـنـ دـلـوقـتـيـ، لأنـيـ عـارـفـةـ إـنـاـ فـتـرـةـ صـغـيرـةـ، وـهـتـعـدـيـ. أـهـمـ حـاجـةـ إنـكـ مـاـتـضـحـكـشـ عـلـىـ نـفـسـكـ، وـمـاـتـنـسـاشـ بـعـدـ ماـ الـفـتـرـةـ دـيـ تـعـدـيـ، إنـكـ تـرـجـعـ تـانـيـ لـلـتـواـزـنـ الطـبـيـعـيـ بـتـاعـكـ.

بعد ما تعمل الخطوة الأولى (الرؤبة) عايزاك تفكـر : إيه الأدوار اللي انت بتلعبها في حياتك بناءً على الرؤبة دي؟ ماتقلقش إنك لازم تحبـهم صـح، وماينفعـش تنسـى دور والتـوتر دا! اكتبـ اللي في دماغـك دلوقـتي . الخطـوات اللي احـنا بنعملـها دي مـمكن تاخـد منـك أـسابـيع عـشـان تـعرـف تـسيـطـر عـلـيـهاـ، وتبـقـى فـهمـت نـسـيج حـيـاتـك ماـشي اـزـاي . وهـفـكرـك إـن مـفيـش إـجـابة نـمـوذـجـية ☺، فيهـ نـاسـ في نـفـس ظـرـوفـكـ، وـشـايـفةـ نـفـسـهـاـ في أدـوارـ مـخـلـفـةـ عنـ الليـ اـنتـ هـتـكـتبـهـ . وـانتـ نـفـسـكـ مـمـكـنـ بـكـرةـ تـغـيـرـ شـغـلـكـ، تـتجـوزـ، تـتـطلـقـ، يـحـصلـ أيـ تـغـيـرـ فيـ حـيـاتـكـ يـغـيرـ لكـ الأـدـوارـ الليـ بـتـلـعـبـهاـ .

أـيـاـ كانـ الأـدـوارـ الليـ اـنتـ كـتـبـتهاـ، فيهـ دورـ مـهمـ جـداـ لوـ ماـكـتبـتوـشـ، عـاـيزـاكـ تـزوـدهـ . دـورـكـ كـ(إـنـتـ، كـإـنـسانـ)، الـبـنـيـ آـدـمـ نـفـسـهـ الليـ وـاـكـلـ شـارـبـ نـاـيمـ مـعاـكـ دـاـ، مـهـماـ الأـدـوارـ التـانـيـةـ اـتـغـيـرـتـ . هـبـةـ الليـ هيـ هـبـةـ، مشـ الـأـمـ، وـلاـ الـأـخـتـ، وـلاـ الصـدـيقـةـ، وـلاـ الـكـوـتشـ . زـوـدـ الدـورـ دـاـ عـشـانـ اـنتـ عـلـيـكـ مـسـؤـولـيـةـ تـجـاهـهـ هوـ كـهـانـ ☺ .

الـحـقـيقـةـ إـنـ كـلـ دـورـ مـنـ الليـ كـتـبـتـهـمـ دـولـ إـنـتـ مـسـؤـولـ عنـهـ . مـسـؤـولـ يـعـنيـ هـتـسـأـلـ عـنـهـ ☺ رـبـنـاـ هـيـسـأـلـكـ عـمـلـتـ إـيـهـ فيـ دـورـكـ كـأـبـ، كـزـوـجـ، كـمـحـاسـبـ، كـصـدـيقـ، عـمـلـتـ إـيـهـ فيـ دـورـكـ تـجـاهـ نـفـسـكـ.. وـهـكـذاـ . كـلـ دـورـ مـنـ دـولـ مـسـؤـولـيـةـ.. وـالـلـيـ هـتـزـرـعـهـ فيـ كـلـ دـورـ فـيـهـمـ، هوـ الـلـيـ هـتـحـصـدـهـ معـ الـوقـتـ!

اـكـتبـ تـانـيـ كـلـ دـورـ بـتـقـومـ بـيهـ (وـمـاتـنـسـاشـ دـورـكـ تـجـاهـ نـفـسـكـ كـإـنـسانـ)، بـسـ مـاتـزـوـدـشـ عـنـ ٦-٧ـ أـدـوارـ . لـوـ لـقـيـتـ نـفـسـكـ كـاتـبـ ١٥ـ دـورـ، حـاـوـلـ تـجـمـعـهـمـ . جـمـعـ مـثـلاـ مـدـرـبـ وـمـحـاضـرـ وـكـوـتشـ فيـ دـورـ وـاحـدـ، وـهـكـذاـ.. وـمشـ لـازـمـ تـكـتبـ ٦-٧ـ، مـمـكـنـ أـقـلـ .

الخطوة دي مهمة جداً عشان هتخليك تحس إن حياتك مش عبارة عن الشغلانة بس، أو الأمومة بس، أو دور واحد - أيًا كانت أهميته - فقط لا غير. حياتك عبارة عن كل الأدوار دي، وكل دور فيهم يمثل نظرة مختلفة للتعرف عليك، وكلهم مرتبطين برأيتك الكبيرة لحياتك.. بحيث إنك مع الوقت هتلاقي كل هوئياتك دي متناسقة ومتراقبة، وناعمة وقوية، وكلها حنية ☺.

٣- حدد أهم الأهداف (من القسم الثاني) لكل دور فيهم بص على الأدوار اللي كتبها كدا وفكـر: إيه أهم حاجة ممكن أعملها الأسبوع دا في كل دور من دول، اسأل نفسك إيه اللي هيفرق فعلاً لو عملته الأسبوع دا في كل دور منهم، في دورك كزوج ممكن تعمل إيه، كصديق، كأم، كموظفة، كمستر X..

وانت بتفكر في السؤال دا استخدم البوصلة مش الساعة! فكر في إيه «أهم» حاجة، مش إيه الحاجة «المُلحّة!».

ممكن تبقى إجابتك شكلها كدا الأسبوع دا مثلاً:

- زوج: هات ورد يا إبراهيم.

- أب: أخرج مع ابني الكبير لوحدينا.

- شغل: أرد على الإيميلات المتأخرة.

- مستر X: أتكلّم، أسأل عن كورس كذا.

دا على سبيل المثال البسيط يعني. ومحكّن لما تيجي عند مستر X، تحط له ٤ أهداف: واحد جسدي (أنم ساعنة بدرى)، وواحد روحاني (أواظف على ذكر معين)، وواحد اجتماعي (أمرن نفسى إنى أسمع أكثر ما أتكلّم)، وواحد عقلي (أشغل الكتاب الصوتي الفلانى وأنا رايح الشغل).

الفكرة بس إني مش عايزاك في الخطوة دي تحط ٣٧ هدف جنب كل دور عشان مش ماتصعبهاش على نفسك وتحبّط! هدف أو اتنين بالكتير، ومش لازم حتى لكل الأدوار. محكّن الأسبوع دا تقرر بمتهى الوعي إنك تحتاج تنحي دور فيهم جانبًا، وتدى اهتمام لدور تاني.. «الأسبوع دا أنا مش هعمل كوتشننج خالص عشان عايزه أركز مع ابني في المذاكرة». عادي جداً. طول ما انت باصص من نضارة «الرؤبة»، وبتستشير البوصلة بتاعتكم، مش ماشي رد فعل للأحداث اللي بتحصل وخلاص، طول ما كان فيه مساحة مرؤنة وتغيير بشرية طبيعية جداً.

بعد ما تكتب الأهداف بتاعتكم فكر كدا: لو انت فعلا حققت الأهداف دي الأسبوع دا، هتحس بإيه؟ هتأثر في حياتك أزاي؟ طب لو حققت نصّهم بس حتى؟ لو عملت دا كل أسبوع؟ تخيل مع الوقت إنتاجيتك وثقتك في نفسك وإحساسك بحياتك هيبيقي عامل أزاي؟

رصيد الثقة

دايماً لما باتكلم مع أي حد عن موضوع الأهداف دا، بلاقي إن كلنا عندنا مشكلتين أساسيتين: عدم الاستمرارية، وعدم الثقة إن الأهداف اللي حاطينها دي صحيبة.

عدم الاستمرارية معناه إننا بنحط أهداف ونتحمس لها ونغنى «اتقدم اتقدم وكفاية خلاص تندم» وبعدين هوووب.. الحماسة تروح ومانكمليش.. وكأنك يا أبو زيد ما أغزيت! قصة قصيرة حزينة ومتكررة!

الفكرة إن كل مرة بنحط هدف، وبنحافظ عليه، بنبقى كأننا بنوع رصيد في حساب ثقتنا في نفستنا. ثقتنا في إننا نقدر نلتزم بحاجة ونحافظ على كلمتنا. وكل ما الرصيد دازاد، كل ما شعورنا بالثقة والأمان وقوة الإرادة زاد.

والعكس صحيح، كل ما بنحط أهداف ومش بنستمر عليها، كل ما بنسحب من الرصيد دا.. ومع الوقت بنفقد ثقتنا في نفستنا، وما بيقياش عندنا قوة إرادة. إنك تبني شخصيتك وإرادتك دا تحتاج تدريب وصبر زي ما بتبني عضلة في جسمك. مفيش حد بيبني عضلة في جسمه في يوم وليلة، ولا بالفوتوشوب! الاستمرارية والإرادة بيأخذوا وقت ومجهد ومثابرة! بيأخذوا قرار منك لما يتعرض عليك المغريات اللي تخليك تسيب الكتاب اللي بتقراه، ولا تكنسل المعاد بتاع الجيم، ولا تأنتخ قدام التليفزيون بدل ماتقعد مع ابنك زي ما وعدته، إنك تقول للمغريات دي لا! قرار ورا قرار، ومرة ورا مرة.. لحد ما تبني الرصيد دا.

مهم جدًا في مرحلة بناء الرصيد بالذات ولحد ما عضلة الاستمرارية دي تقوى، إنك تتأكد إنك بتحط أهداف منطقية! أهداف واقعية بناة على شخصيتك وظروفك! الناس اللي بتتوقع من نفسها إنها هتلعب رياضة ساعتين في اليوم، وت quam بدرى، وتقرأ كتاب كل أسبوع، وتتكلم مامتها وباباها وإنحواتها كل يوم أول ماتصحى، وتعلم تقول لا، وتبطل تضيع وقت على فيسبوك، وكل دا مجرد إن الساعة عدت ١٢ يوم ٣١ ديسمبر

ودخلنا في سنة جديدة.. دي ناس بتحلم أحلام هند وكميليا! توقعات غير واقعية زي ما تبقى متوقع إن ابنك يحبني ويمشي ويأكل بالشوكة والسكنينة ويسوق العربية كله في يوم واحدا

أنا أُفضل إنك تحط أهداف بسيطة بس تتحققهم وتبني بيهم رصيد عند نفسك، أحسن من أهداف خز عبلية أو مش مناسبة لحياتك تحبطك تماماً لما ماتتحققهمش!

حدد هدف أو اتنين في كل دور يكونوا حاجات فيها تحدي بسيط ليك، واعمل حسابك على شوية مرونة لأن ممكن حاجة تحصل تخليلك تغير أهدافك. حد يمرض، حد يظهر، حد يختفي، إنت نفسك تغير رأيك.. آيَا كان.. إنت اللي بتسيطر على أهدافك، مش هي اللي مسيطرة عليك!

«تأكد دائمًا من اختيار أهدافك، بعض الأهداف ليست مستحيلة،
لكن غير مناسبة»

(هيلين كيلر).

المشكلة الثانية اللي بتواجهنا هي عدم الثقة إن الأهداف اللي حاطينها دي مناسبة، أو صبح.. «أنا خايفه يا هبة بعد كل دا أكتشف إني كنت بأدّف في مركب مش بتاعتي، مش يمكن الأهداف اللي حطتها دي مش هي أصح حاجة لحياتي؟». أسئلة منطقية جداً 😊.

عشان كدا مهم جداً، وأهم حتى من سؤال «إيه الهدف اللي هتحطه؟» هو سؤال «ليه؟»، ليه عايزة تعمل كذا؟ ليه عايزة تقدم على الماجستير؟ ليه عايزة تبطل تاكل سكرييات؟ ليه عايزة تعمل اللي عايزة تعمله؟

الـ«لـيه» دي هي اللي هتديك الثقة والإصرار على الهدف بتاعك. هي

اللي هتديك الحافز والشجاعة إنك تقول «لأ» لحاجات مش مناسبة ليك،
مهما كان اللي حواليك بيعملوها، هي اللي هتشجعك في الأوقات اللي
مودك مش جاي فيها، هي اللي هتخليك تستحمل الصعوبات اللي ممكن
تواجهدك وانت بتنفذ الخطة بتاعتكم.

«ولأنها سر الحياة هو أن تُبذل في سبيل غاية»

(د. مصطفى محمود).

الأسئلة الثلاثة

عشان تحط هدف تحتاج تلات أسئلة: إيه هو؟ ليه هو؟ ازاي هعمله؟

مثال على كدا:

- إيه الهدف؟

أظبط صحتي (هدف كبير وواسع، بس هنمثي حالنابيه كمثال دلوقتي).

- ليه؟

عشان أناحتاج صحتي تتحسن عشان أقدر أحقق أهدافي في شغلي، وأقوم بالأدوار اللي علياً كأم، وزوجة، وصديقة... إلخ.

عشان أبقى مثال كويس لولادي بدل ما يقلدوني وتبقى صحتهم تعبانة هما كان.

عشان الحديث بيقول: «المؤمن القوي خير وأحب إلى الله من المؤمن الضعيف».

عشان هتسئل عن صحتي.

عشان أعرف أستمتع بنعم ربنا علياً، وأكون مبسوط، وعندي طاقة.

- ازاي؟

هزود كمية الفاكهة والخضار في أكلني.

هقلل السكر.

هلعب رياضة نص ساعة في اليوم.

هتفرج كل يوم على فيديو ليه علاقة بالصحة.

هعمل check up على صحتي كل ٦ شهور.

دا مثال بسيط على هدف عام ممكن يكون عند ناس كتير. طبعاً كل ما كنت أدق في الهدف بتاعتك كل ما كان أحسن. وكل ما الـ«ليه» بتاعتك كانت أقوى وأعمق، كل ما فرصتك في الاستمرارية بقت أعلى.

عايزه ألفت نظرك بس لغلطتين ممكن تقع فيهم وانت بتحط أهدافك:

- الغلطة الأولى، أو المطب اللي دايماً بيحصل: إنك بعد ما تحط أهدافك، وتبدأ تركز بقى، تلاقي هدف تاني لذيد مُغري ظهر في الأفق! القصة دي بتحصلي كتير جداً! قاعدة بحضر لكورس معين مثلاً، ومركزة فيه، أروح واقعة على فكرة أو كتاب أو موضوع أقول: يا سلام يا سلام، طب ما اطلع من الفكرة دي كورس جديداً وطبعاً اللي بيحصل إني يا بسيب الفكرة بتاكلني في دماغي وتعمل لي زحمة كدا، وكل شوية تنط قدامي وتشتتني عن الهدف أو الكورس اللي أنا شغالة عليه حالياً. يا بروح كاتباهافي لستة أهدافي اللي بتلمكم أهداف على آخر الأسبوع أكثر من اللي سوبرمان بجلالة قدره يقدر يحققهم! وفي الآخر طبعاً مش بعمل اللستة دي، وبأحبط وبحس بالفشل الذريع!

فيه بقى حل لذيد نفع معايا أنا شخصياً، وهو إنك تكتب لستة بحاجات «احتمال» تعملها. كل ماتجييك فكرة من دول، حطها في لستة الاحتمال دي، عشان ماتفضلش عاملة زحمة جوا دماغك، وتشتتك. اللستة دي مش معناها التزام منك إنك هتعمل الحاجات دي! معناها بس إنك بتكتبها عندك، واحتمال تعملها، واحتمال لأ. رصيد ثقتك في نفسك هنا محفوظ - حتى لو ما عملتهاش - لأنك ما وعدتش نفسك بحاجة. لما تيجي تقدر أول كل أسبوع تحط خطتك، ابقى بص على اللستة دي وشوف: هل فيه حاجة فيهم ممكن تترجم لهدف الأسبوع دا؟ ولا هتفضل سايبها في الاحتمال؟ ولا هتصرف نظر عنها خالص؟

- الغلطة الثانية اللي أحياناً بنقع فيها، هي إننا نحط أهداف مش في دائرة التحكم بتاعتنا!
يعني إيه دائرة التحكم؟

الدواير الثلاثة

فيه تلات دواير في حياة أي شخص فينا: دائرة الاهتمام، ودائرة التأثير، ودائرة التحكم.

دائرة الاهتمام معناها الحاجات اللي بتشغل اهتمامنا زي مثلاً حالتنا الصحية، الاجتماع بتاع آخر الشهر، البرنامج السخيف اللي بيطلع على التليفزيون وشأفيه مش مناسب ونفسنا يقف، قرار ولا دنا هيدخلوا أنهى جامعة، الحرب على إيران، وهكذا.

جوا دائرة الاهتمام دي فيه حاجات عندنا قدرة إننا نأثر فيها، وحاجات لأ. يعني إحنا ممكن ماقدرش نأثر على الحرب على إيران مثلاً، لكن نقدر نأثر على حالتنا الصحية. واحتمال نأثر على قرارات ولا دنا لو اتكلمنا معاهم الحاجات اللي لينا تأثير عليها دي اسمها دائرة التأثير.

جوا بقى دائرة التأثير دي فيه أهم دائرة وأكتر دائرة تحتاج تستثمر فيها وقتك ومجهودك، وهي دائرة التحكم! الدائرة دي فيها الحاجات اللي إحنا «مهتمين بيها»، واللي نقدر «نأثر فيها»، واللي نقدر «نتحكم فيها». يعني مثلاً لو حد جاي بيستتك من عدم اهتمام فلان، أو معاملته الوحشة، أول سؤال تحتاج سأله: هل طريقة معاملة فلان ليك في دائرة التحكم بتاعتكم؟ تقدر تتحكم فيها؟ الإجابة: لا! أمال إيه اللي في دائرة تحكمك وعندهك سيطرة عليه؟ طريقتك إنت معاه (إنك تتكلم معاه، إنك تبعد عنه، إنك تأخذ موقف... إلخ، إلخ)، وال الحاجات اللي هتعملها دي احتمال تأثير في طريقة معاملته ليك، واحتمال لا.


مثال تاني: ابني هيطلع سوي ولا شرير في الآخر؟ هل دي حاجة أقدر اتحكم فيها؟ لا.. «ابنك هيطلع إيه» دا في دائرة التأثير عندك مش التحكم! يعني ممكن آخرك تأثر فيه، لكن ماقدرش تتحكم في النتيجة. أمال تقدر تتحكم في إيه؟ تقدر تتحكم في تربیتك ليه وطريقتك معاه، وهكذا.

لو عرفت تفرق دائيرًا بين دائرة التحكم بتاعتكم والدواير الثانية، هترتاح

راحة رهيبة! هيتشال من على كتافك مسؤولية حاجات مانقدرشن تعمل فيها حاجة! هتبطل تشغل نفسك بحاجات مش في تحكمك أصلًا!

كم المرات اللي بنسأل فيها ازاي «نغير» الناس اللي حوالينا، أو نخليلهم يعملوا كذا، بيقولنا إننا مشغولين جداً باللي مانقدرشن نعمله عن اللي فعلاً في إيدينا نعمله! إنت في إيدك تغير نفسك، لكن آخرك تأثر في اللي قدامك.. ولو هو مش عايز يتغير مش هيتغير! في إيدك تروح في معادك، في إيدك تشتعل كوييس، في إيدك تبقى طيب، في إيدك تطلب المساعدة، في إيدك تعذر لما تغلط، في إيدك تختار هتقضى وقتك ازاي، في إيدك تختار أصحابك، في إيدك تبقى صادق، في إيدك تحاول تاني، في إيدك تتعامل باحترام، وهكذا.. كل دا في دائرة تحكمك!

لكن مش في إيدك قرارات الناس اللي حواليك، مش في إيدك مين يحبك ومين لا، مش في إيدك ترجع بالزمن لورا وتمسح اللي فات، مش في إيدك تخلّي غيرك يعتذر لك، مش في إيدك تخلّي اللي قدامك صادق، تخلّيه يحاول تاني، تخلّيه يقتنع بقراراتك، أو يشوفك بنظرة معينة.. كل دي حاجات ممكن «تأثر» فيها، بس مش هتقدر «تحكم» فيها!



وانت بتحط أهدافك ركّز إنهم يكونوا أهداف في دائرة تحكمك، ومتعلقين

بالرؤى بتاعتكم إنت، مش برأوية المجتمع ليك. ركز على سؤال «ليه أحط الهدف دا؟».. لأن كل ما الـ«ليه» كانت قوية، كل ما قدرتك على تحقيق الهدف كانت أقوى! ركز على سؤال «إيه المهم؟»، مش مجرد «إيه الملح؟»، حاول قدر استطاعتك يبقى الهدف محدد وواقعي، وتقدر تقيس آخر الأسبوع إذا كنت حقته ولا لا.. «إني ألعب رياضة الأسبوع دا» هدف مش محدد.. «إني ألعب رياضة ٦ ساعات يومياً الأسبوع دا» هدف مش واقعي (إلا لو انت متعود على كدا يعني).. «إني ألعب رياضة ساعة لمدة أربع أيام الأسبوع دا» هدف محدد وواقعي وممكن تقيس تحققه. حط هدف واحد، أو اتنين كفاية - بالمقاييس اللي اتفقنا عليها - لكل دور في الأدوار اللي عليك (ومش لازم حتى لكل دور)، وبعددين انقل للخطوة الرابعة.

٤- حط إطار للأسبوع

مفتاح الخطوة دي إنك تاخذ أهم وأولى أهداف كتبتها في الخطوة اللي فاتت، وتحطها في مواعيد! حطها في يوم معين، ولو قدرت حطها في معاد معين، أو حتى حطها أولوية في اليوم دا.

وأنا بكتب الكتاب دا كان من ضمن الأهداف الثابتة كل أسبوع، إني أكتب ٣-٤ ساعات يومياً. كنت مثبتة معاد من ١١ - ٣٠، الضهر أنا في المكتبة. لو هروح الجيم، هروح قبل ١١، لو هطبخ هطبخ الساعة ٣، ولو هقابل حد هيبيقى قبل المعاد دا، أو بالليل، أو في الويك إند. كنت بحاول أتعامل مع المعاد دا كأنه حاضرة في الجامعة، عشان أثبت عليه، لأنه وإن كان فيه مرونة إني أقول هكتب في أي وقت في اليوم طالما معايا الlaptop بتاعي، إلا إن ساعتها غالباً كان اليوم هيسيطر، ومكتتش هكتب حاجة.

حاول تحط إطار للأسبوع فيه مواعيد محددة لأهدافك، أو الحاجات اللي وراك.. ولو اضطررت في مرة تلغي مع نفسك وتعمل حاجة مختلفة، حدد معاد تاني زي ما هتعمل مع حد غريب!

ساعات طبعاً فيه أهداف مش بتتفق في معاد محدد، لأنها بتبقى معتمدة

أكثر على إنك تصطاد الفرصة أول ماتشوفها. يعني مثلا لو كان من أهدافك إنك تقوي علاقتك بابنك اللي عنده ١٦ سنة، غالباً هتبقى حاطط الهدف دا من أولوياتك كل يوم، وهتبقى مركز ومستني أي فرصة تيجي عشان تستغلها وتقوي علاقتك بيها. لو الفرصة دي ماجتش النهارده، هنعيد الهدف دا بكرة، وهكذا.

وانت بتحطط إطار الأسبوع إنت مش بس بتحطط أهدافك. أهدافك دي تُعتبر القسم الثاني (مهم بس مش ملحوظ) اللي انت عايز تقضي فيه وقت، واللي يُعتبر أولويات بالنسبة لك. مع الأهداف دي بقى هتلaci ورائك حاجات تخلصها. ممكن تبقى حاجات من القسم الأول، أو من القسم الثالث، والرابع. المهم إنك طالما هتدي أولوية لأهدافك بتاعة القسم الثاني، مفيش مشكلة تكمل باقي الوقت بتشوف مكالمه فلان اللي مستنيك، أو معاد كذا اللي بيلوح عليك. طالما بستثمر في أهداف القسم الثاني وبتدיהם وقت، هتلaci نفسك بقى عندك وقت وطاقة تعمل الحاجات الثانية.

ممكن كان تجرب تجمّع هدفين ثلاثة مع بعض. يعني ممكن مثلاً تسمع كتاب أوديو، وانت بتلعب رياضة.. تقضي وقت لطيف مع بنتك وانتو بتشتروا الطلبات اللي محتاجينها.. وهكذا.

الهدف بتاع الخطوة دي عامة مش إنك تعمل جدول للأسبوع مايخبرش الميئه.. بس على الأقل تبقى عارف أولويات الأسبوع، وعارف الأهداف اللي حطتها دي هتعملها في أنيي أيام. تبقى بتنجز كل يوم حاجة من الحاجات المهمة اللي حطتها لنفسك.

٥- ابدأ التنفيذ

الخطوة دي مهمة جداً جداً، لأنها هي اللي هتبني رصيد الثقة اللي اتكلمنا عنه قبل كدا. بعد ما ظبطةت أدوارك وأهدافك للأسبوع، مهمتك اليومية ه تكون إنك تنفذ الهدف الأساسي بتاع كل يوم.. وانت عندك مرونة إن فيه فرص، أو حتى مشاكل، ممكن تظهر لك طبعاً. كل مرة هتنفذ الخطوة،

أو حتى هتعدل الخطة بوعي إن التغيير دا هو الأهم والأولى، كل ما هتبني عندك عضلة الإرادة والكتفاعة.

ممكن في الخطوة دي تحتاج:

- تبص على أهدافك لليوم أول ماتصحى، أو قبلها بيوم عشان تهيا نفسك نفسياً للي وراك.

- ترتب هتبدأ بإيه، أو إيه اللي ليه أولوية، لأنك ممكن تبقى حاطط هدفين مهمين تحتاج تختار بينهم.

- تحدد إيه اللي لازم يتعمل في ساعة معينة في اليوم عشان ترتب اليوم حواليه. زي معاد دكتور، أو تدريب مثلًا.

على مدار اليوم طبعاً ممكن تحصل أحداث تخليك تحتاج ترجع تبص لبوصلتك تاني، وتحدد إيه أحسن استخدام لوقتك وطاقتك. وجود رؤية وخطة هيساعدك تحديد إذا الحاجات اللي ظهرت أو اتغيرت دي تستحق تغير خطتك عشانها، ولا انت وراك حاجات أهم.

٦- قيم أداءك

في نهاية الأسبوع بص على اللي انت كنت مخططه، وعلى اللي فعلياً حققته..
وقيم:

- إيه الأهداف اللي وصلت لها؟

- إيه المشاكل أو التحديات اللي واجهتها؟

- إيه القرارات اللي أخذتها؟

- هل كانت البوصلة واضحة قدامك، ولا لأ؟

- هل أهدافك كانت واقعية، ولا تحتاج تقلل أو تزود؟

- هل الأسبوع دا أضاف لرصيد الثقة، ولا سحب منه؟

تخيل لو انت كل أسبوع بتحقق فعلياً ولو نص الأهداف اللي كنت حاطتها لنفسك، مقارنة بإإنك زمان مكنتش بتحط خطة أصلًا، فالاسبوع

كان بيطير. تخيل وقع دا على حياتك وإنجازاتك مع الوقت.

الفكرة في الآخر مش إنك تبقى مبتضيعش دقيقه من يومك! ياما ناس مشغولة في حياة غلط وشغلانة غلط ومع ناس غلط. الفكرة إنك تبقى بـ«تقود حياتك»، وعندك بوصلة بتوري لك تمشي ازاي، وليه. بتساعدك - لما الدنيا تتلخبط حواليك وتشتتك - إنك تضبط نفسك تاني، وترجع للرؤيه. بتساعدك ترتب أولوياتك. بتديلك الشجاعة إنك تقول «لا» لحاجات من غير تأنيب ضمير. وبتدிலك إرادة إنك تكمل في حاجات ممكن يبقى اللي حواليك نفسهم قصير فيها.

تنظيم الوقت مش هدفه تنظيم الساعات والدقائق! تنظيم الوقت هدفه تنظيم الحياة، وأدوارنا، وأهدافنا فيها، ووضع خطة تشجعنا كل يوم إننا نركز على الأهداف دي ونتحققها. وعلى أد ما كانت رؤيتنا وأهدافنا دي شمولية ومتوازنة.. وعلى أد ما كانت مبنية على نظرتنا لنفسنا ودورنا والمعنى من حياتنا، على أد ما كنا أكثر صبر، وإصرار، وقدرة على تحقيقها.

«ما أنا عليه اليوم هو نتاج لخيارات الأمس»

(ستيفن كوفي).

تایم اوت - الفصل

فلم يقدر في المذكورة الموحدة، ثم هو له ويشير إلى حمله، وكلها خصوصيات، وبخليل نفسه في مكان ذات بعده، يمكن تصور قاعدة في ذات حد يتجه إلى مسيرة نحو حل المسألة، أو ما أعاد استعراض على المسرى والمسار العصائية، تخلى المكان ذاتيًّا بخليل تفاصيل تصوره الموحد، حين يلقيه إلى ذهنه، ثم يتجه إلى ذاته في ذات ذاته تخلى شأفت، حين تخلى وهو يشير بمحني، وأعراضاته وهي سهاده، وذاته وهو يعيش في المكان الجليل ذلك صدق ذاتك تمامًا، ولطبع الشفاعة قبل مكانك مثل

الفصل السادس

التغيير

«الشيء الوحيد الثابت في الحياة هو التغيير المستمر»
(هرقليليطس).



بعد العودة من رحلة الصيد

اقرب قمر الزمان من غرفة شهرزاد في بطة. طرق الباب ودخل بوجه حزين ونظرات مضطربة. مضت خمس ليالٍ، وبقيت ليلة واحدة على وجود شهرزاد في المملكة. كان يعلم أنه لا بد أن يفي بوعده للفتاة، ويعيدها إلى عصرها في أمان، لكنه لا يدري ما سيفعل به شهريار في الصباح حين يستيقظ ولا يجد شهرزاد بجانبه!

نظر قمر الزمان لوجه شهرزاد التي بدا عليها الحزن هي الأخرى، ثم

قال:

- النهارده آخر ليلة.

- عارفة.

- أنا حضرت لك كل حاجة.. والجني جاهز، وكله. بكرة الصبح هتصحي تلاقي نفسك في بيتك إن شاء الله.

- طب الله يكرمك شدد على الجنـي يركـز المـرة دي عـشـان مـانـلـبـسـشـ فيـ الحـيـطـ.

- مـانـلـبـسـشـ فيـ الحـيـطـ؟! إـنـتـي بـتـجـيـبـيـ الـكـلامـ دـاـمـنـينـ؟ مـاـتـقـلـقـيـشـ، أـنـاـمـنـبـهـ عـلـيـهـ، وـمـهـدـدـهـ.. غـلـطـةـ كـهـانـ، وـهـحـرـقـهـ خـالـصـ!

- طـبـ اـنـتـيـ هـتـعـمـلـ إـيـهـ بـعـدـ مـاـأـمـشـيـ؟

- الـعـلـمـ عـلـمـ رـبـنـاـ.. هـحـاـوـلـ أـفـكـرـ فـيـ حلـ!

- إـنـتـوـ هـتـوـحـشـوـنـيـ أـوـيـ.. أـنـاـ عـارـفـةـ إـنـيـ مـاـقـعـدـتـشـ مـعـاـكـمـ كـتـيرـ، بـسـ حـاسـةـ إـنـيـ اـتـعـلـقـتـ جـدـاـ بـالـمـلـكـةـ وـالـنـاسـ، وـالـعـصـرـ بـتـاعـكـمـ!

- وـاـنـتـيـ كـهـانـ هـتـوـحـشـيـنـاـ يـاـ بـنـتـيـ.. إـحـنـاـ اـتـعـلـقـنـاـ بـيـكـيـ، وـشـوـفـنـاـ شـهـرـيـارـ كـهـانـ بـدـأـ يـتـغـيـرـ مـعـاـكـيـ.

- بجد؟ ازاي؟

- شهريار دا أنا معاشره من وهو طفل صغير. كان ولد جميل ومنطلق وطيب وبيحب الصيد وحنين على الغلابة، بس الصدمات اللي حصلت له غيرت فيه كتير. وفاة والده أثرت فيه جداً، وخلته شال المسؤولية بدرى، وأمه شجعته إنه يدوس على مشاعره ورغباته، وأي حاجة بيحبها عشان يبقى ملك قوي. وبعدها اللي حصل مع مراته عمل له صدمة تانية، وخلاء بقى الوحش اللي بيقتل الستات، والمملكة كلها بتخاف منه. لكن هو من جواه طيب أنا عارف، وكلامك معاه كل يوم طلع منه شخصيته الحقيقية! شهريار بقى بيضحك بعد ما كنا نسيينا ضحكته. مابقاش يتأثر بكلام الناس ورأيهم زي الأول. بقيت أشوف على وشه مشاعر الحزن والفرح والتأثر زي البنى آدمين، بعد ما كان انحول لتمثال متحرك. بدأ يرجع للصيد اللي كان بيحبه بعد ما كان بطله.. وبدأ يخطط للمملكة ولحياته بعد ما كان كل تركيزه هيتنقم من مراته ازاي! شهريار بدأ يتغير فعلاً، وكلنا حاسين بدا.

- أنا سعيدة أوي بالكلام اللي بتقوله دا يا قمر الزمان.. شهريار فعلًا من جواه إنسان طيب، وحتاج حد يسمعه ويحتويه وينكشه كدا.

- ينكشه؟

- يعني يشير فضوله مرة بقصة، مرة ب موقف، مرة ببنكتة.. ماتبقوش كل حاجة بتقولوا له سمعًا وطاعة كدا.

- عندك حق. يا خسارة والله.. كان نفسنا تقعدى معانا أكثر. شهريار بكرة هيتصدم لما يلاقيكي اختفيتي، وربنا يستر ومايرجعش أسوأ من الأول!

- مش بيادي فعلاً، لازم ارجع لأهلي، ودراستي، وحياتي. هحاول أتكلم مع شهريار النهارده وأمهده له عشان يعرف يتعامل مع الصدمة.

- إوعي تقوليله إنك ماشية!

- ماتقلقش، إن شاء الله خير.

- إن شاء الله يا بنتي.

* * *

وفي المساء، دخل شهرزاد غرفته بوجه مهمور، وملابس رثة. سأله شهرزاد في قلق:

- إنت لابس كدا ليه؟

- اسكنتي وبعد ما حكيني قصة أيمن امبارح، سهرت طول الليل بتفكير.. هو أنا بقوم كويس بدوري كملك مهمتهم فعلاً بشؤون الرعية بتوعه، ولا أنا قاعد في قصري وبسمع للي الوزراء بيقولو لي وخلاص؟ هو أنا روئي وأولوياتي في الحياة مطبطة، ولا هكتشف زي أيمن دا إن حياتي جريت وأنا ولا كان عندي خطة، ولا ركزت على المهم، وأهو اسمي الملك راح، والملك جه، وخلاص!

- وإيه هو المهم؟

- المهم بالنسبة لي كملك إن الناس تحس إنها فعلاً مرتاحة، وحد مهمتهم بأحوالهم.. عشان تعرف تتبع وتطوراً

- جميل، وبعدين عملت إيه؟

- تحمست أنا بقى، وما نمتش طول الليل! وأما صحيت الصبح افتكرت قصة علاء الدين اللي حكينيهالي الأسبوع اللي فات، وافتكرت لما ياسمين كانت بتنزل تمسي في السوق عشان ت Shawf أخبار الرعية. قلت أعمل زيها، قمت لبست اللبس دا، ونزلت طول اليوم بلف وسطهم، وبيتكلم معاهم.

- ولقيت إيه؟

- لقيت خزان أحزان الناس متهدلة أوي يا شهرزاد! للأسف أنا ماتعلمتش حاجة من بابا وهو عايش! كنت بخاف منه جداً زي ما كل المملكة كانت بتترعب منه! ولما مات المسؤولية دي كلها اتنقلت عليا أنا، الصدمة كانت رهيبة، وأنا ما كتتش جاهز! مالقتش حل غير إني أعمل زيُه وخلاص، وانخلعهم يترعبوا مني! بس خلاص الموضوع دا مش هيتفع!

أنا لازم أغير طريقي وأشوف حل تاني!

هو أنا بحكيك الكلام داليه؟ يا مسرووور.

- يا عم سيب مسروور دلوقتي، هو انت كل حاجة يا مسروور، يا مسروور؟!

بقول لك إيه أنا عملالك مفاجأة!

- مفاجأة إيه؟

- خليت هلووب يحبينا ورقتين لحمة، وشوية عكاوي وملوخية من البرنس، إنها إيه، هتاكل مسروور شخصياً وراهم!

- برنس.. ملوخية.. عكاوي.. أنا مش فاهم حاجة! ومين هلووب دا؟

- تعالى ورايا يا شهروري.

جلس شهريار وشهرزاد على مائدة الطعام، ومن ورائهم هلووب وهو يكمل شوأء بعض الريش والفلتو.

هلووب:

- حلو السوا كدا يا سست الكل؟

- تسلم إيدك يا هلووب.. بس خليها Medium Rare الله ييار كلك!

- على عيني حاضر.. أنا وصيت على الأوردر والله يا مولاتي، وتعبت علشان أجبيه سخن! الطريق من إمبابة للمملكة صعب أوي، غيرت كذا مواصلة.. كل سنة بقى وحضرتك طيبة، وكدا.

قالت شهرزاد لشهريار:

- معاك ٢٠ دينار؟

رد عليها:

- أنا مش فاهم حاجة.. هو الجني داشغال معانا هنا في المملكة؟

- أيوه يا سيدى، هفهمك بعدين.. معاك ولا إيه؟ شوف لنا أي فكة!

- معايا عشر تلاف دينار ذهبي.

- يا لهوي.. إنت لقيت فلوسك دي في بنك الحظ؟! استنى أنا هتصرف.
تعالى يا هلووب.

- خدامك يا مولاتي.

همست له: خد العشرين جنـيه دي منـي، وابقى اصرـفها لما تـيجـي تـزورـنا
في مصر!

ردـعليـها بـعـدـرـضاـ:

- ومـكرـمشـينـ كـمانـ؟! إـيهـ ياـ مـولـاتـيـ، خـليـ عـنـكـ.. وـالـلـهـ الشـغـلـ فيـ المـملـكـةـ
ديـ مـبـقاـشـ يـأـكـلـ عـيـشـ!

- يـلاـ ياـ هـلـوـبـ، اـنـصـرـفـ بـقـىـ خـلـيـنـيـ أـلـحـقـ آـكـلـ لـخـسـنـ شـهـرـيـارـ نـازـلـ
حـتـتكـ بـتـتـكـ اللـهـ يـنـورـ!

نظرـتـ شـهـرـزادـ إـلـىـ شـهـرـيـارـ بـاـبـسـامـةـ وـدـاعـ، وـقـالـتـ لـهـ:

- كـنـتـ عـايـزةـ أـحـكـيـلـكـ قـصـةـ وـانـتـ بـتـاـكـلـ يـاـ شـهـرـوـرـ، مـمـكـنـ؟
- اـهـريـ يـاـ شـهـرـزادـ.

- بـلـغـنيـ أـيـهاـ الـمـلـكـ السـعـيدـ، ذـوـ الرـأـيـ الرـشـيدـ، إـنـهـ كـانـ فـيـهـ شـابـ طـيـبـ
اسـمـهـ صـلـاحـ. صـلـاحـ دـاـ كـانـ بـاـبـاهـ نـاظـرـ مـدـرـسـةـ فـخـمـ ضـخـمـ النـاسـ كـلـهـاـ
بـتـرـعـبـ مـنـهـ، وـبـيـدـيرـ المـدـرـسـةـ بـالـشـخـطـ، وـالـنـطـرـ، وـالـضـرـبـ كـمانـ! كـبـرـ
صلـاحـ وـهـوـ مـاـيـعـرـفـشـ أـيـ حـاجـةـ عنـ شـغـلـ بـاـبـاهـ، وـلـاـ إـدـارـةـ المـدـرـسـةـ، وـلـاـ
يـعـرـفـ حـاجـةـ عنـ الـحـيـاةـ كـلـهـاـ مـنـ كـُـثـرـ ماـ كـانـ بـاـبـاهـ وـمـامـتـهـ مـسـيـطـرـيـنـ وـقـافـلـيـنـ
عـلـيـهـ! وـفـيـ سـنـةـ مـنـ السـنـيـنـ، وـالـدـ صـلـاحـ مـرـضـ وـمـاتـ وـسـابـ لـهـ المـدـرـسـةـ
بـالـلـيـ فـيـهـاـ! طـبـعـاـ كـانـتـ صـدـمـةـ رـهـيـةـ عـلـىـ صـلـاحـ الـلـيـ كـانـ اـمـبـارـحـ بـسـ أـقـصـىـ
طـمـوـحـهـ هـيـاـكـلـ إـيهـ النـهـارـدـهـ، وـصـحـيـ لـقـىـ نـفـسـهـ مـسـؤـولـ عـنـ إـدـارـةـ مـدـرـسـةـ،
بـمـدـرـسـيـنـ، بـطـلـبـةـ، بـلـيـلـةـ كـبـيرـةـ جـدـاـ!

- يـاـاـاـاهـ، دـاـ تـقـرـيـباـ نـفـسـ الـلـيـ حـصـلـ لـيـ بـالـظـبـطـ! طـبـ عـمـلـ إـيهـ صـلـاحـ?
- دـخـلـ صـلـاحـ فـيـ دـوـرـةـ التـغـيـرـ!

- إـيهـ دـوـرـةـ التـغـيـرـ دـيـ؟ زـيـ دـوـرـةـ الـمـيـاهـ؟
- لـأـ يـاـ عـمـ الـظـرـيفـ! دـوـرـةـ التـغـيـرـ دـيـ هـيـ الـمـراـحلـ الـلـيـ الـإـنـسـانـ بـيـمـرـ
بـهـاـ لـاـ بـيـحـصـلـ لـهـ تـغـيـرـ كـبـيرـ فـيـ حـيـاتـهـ!

- وإيه هي بقى المراحل دي؟

- أول مرحلة بتبقى مرحلة توهان! لخبطة! لما بابا صلاح مات وبقى
لوحده في المسؤولية دي، صلاح تاه، واتلخبط، وبقى مش عارف يعمل
إيه، ويتصرف ازاي! مش عارف هو مين أصلًا! فجأة حس إن صلاح
القديم المتدع دامات.. مبقاش موجود! والنهاerde المفروض بقى صلاح
تاني! طبعًا في المرحلة دي صلاح كان عمال بيُخبط! مرة يلبس لبس باباه
ونضارته ويمسك عصايتها، ويتمقص شخصيته، مرة تانية يحاول يمثل إنه
صايع وفاهم كل حاجة، وهو أصلًا بيُتصبح عليه، وهكذا.

رشف شهريار رشفة ملوخية باستمتاع:

- حلوة أوي أوي الملوخية دي.. وبعدين، كملي!

- فضل صلاح متلخبط كدا فترة لحد ما بدأ يظهر له ناس تقف جنبه
وتساعده.. ومع الوقت دخل في المرحلة الثانية!

- إيه بقى المرحلة الثانية دي؟

- بعد اللخبطه والتوهان والخوف بتوع المرحلة الأولى، صلاح بدأ يبقى
عنه أمل. بدأ يحلم وينخطط إنه يُدير المدرسة وينجح ويُكمل مشوار أبوه
وأجداده في تعليم الأجيال!

- طبعًا هتقوليلي إنه نجح في الخطبة، وكل حاجة مشيت بسهولة،
والأوهام والقصص الخيالية بتاعتكم دي!

- لأ طبعًا! فشل! خطته فشلت!

- طب شفتي بقى؟! إنتي جاية تكتئبني.. وتسدي نفسي أنا عارف..
يا مسروروور!

- يا سيدى اصبر بس! الفشل دا طبيعي جدًا! لما بتحلم باللي انت
عايزه، وبيتحط خطة وتدخل على المرحلة الثالثة - مرحلة التنفيذ - طبيعي
جداً إنك تكتشف مطبات ومشاكل وعقبات، وكل حاجة! إنت عايز كل
حاجة تمشي بسهولة يعني؟ ماكنش حد غلب!

- وعمل إيه سي صلاح بقى أما خطته فشلت؟!

- في الأول يئس وقال أنا هسيب الشغلانة دي خالص، وفعلاً ساها!
بعد كدا أصحابه شجعوه يحاول تاني، ويفكر في خطة بديلة. فكر صلاح
إنه يحتاج يتعامل بأسلوب مختلف عن بايه.. يقرب من الطلبة، ويستخدم
معاهم طرق تانية.. يحبهم في التعليم، بدل ما العيال بتعلم بالضرب،
وكدا.. بدأ يحلم أحلام كبيرة للمدرسة، وبدأ يعمل خطة مختلفة وينفذها
عشان مدرسته تبقى أحسن!

- وإيه الخطة المختلفة اللي نفذها؟

- شال أدوات الحزم الزيادة والرعب والتهديد اللي كانت في المدرسة،
وبدأ يتكلم مع الطلبة ويحتويهم. اتعلم لغتهم عشان يعرف يتواصل
معاهم.. اتعلم بوكسينج عشان يحسسم إنه قريب منهم. حفظهم
للمذاكرة بجوائز ومسابقات وهدايا.. احتواهم كدا!!

- والخطة دي نفعت؟

- نفعت! واتغير صلاح تماماً من الشخص المتسلع اللي مش بيعرف
يعمل حاجة لنفسه وبيغرق في شبر ميه، لนาظر شاطر ومحبوب ومبدع في
أفكاره. بدأ صلاح يعني ثمرة خطته.. ودي المرحلة الرابعة! مدرسته
بدأت تتحسن فعلاً لحد ما فازت بالمركز الأول في المسابقة! وهو التجوز
وخلف، والقصة خلصت على كدا.

- فانتي بقى عايزياني أعمل زي صلاح دا؟ الموضوع مش بالسهولة دي!

- طبعاً مش بالسهولة دي! المراحل دي بتاخذ وقت، ومكان تلاقي
نفسك في النص بترجع خطوات لورا.. تلاقي خطة فشلت فرجعت تاني
لمرحلة التوهان واللخبطة. بس لو صبرت زي صلاح، هتوصل للثمرة!

- أنا تقريباً واقف في مرحلة التوهان من ساعة ما بابا مات! بس انتي لما
جيتي إدتنيني أمل، وبدأت أحس إني مش عايزة أكمل كدا. مش عايزة أفضل
مش أنا، مابعملتش الحاجات اللي بحبها، وماشي ورا المظاهر، وبعيد عن

مشاعري، وبعيد عن الشعب اللي المفروض يكون هو أولوياتي!

- طب وناوي تعمل إيه؟

- هفكـر في خطة، وابداً أنفذـها وأشوف.. يمكن أقدر أوصل حاجة
زي صلاح!

- هتوصل أكيداً! أهم حاجة تـصـبر يا شـهـريـار.. اـتـقلـتـاـخـدـ حاجة نـضـيـفةـ!

- أنا مـبـسـطـ أـوـيـ إـنـيـ أـخـيرـاـ لـقـيـتـكـ ياـ شـهـرـزـادـ.. إـنـتـيـ فـعـلـاـ فـارـقـةـ فيـ
حـيـاتـيـ جـدـاـ!

نظرـتـ لـهـ شـهـرـزـادـ فيـ خـوـفـ،ـ وـقـالـتـ لـنـفـسـهـاـ بـصـوـتـ خـافـتـ:

- هـاـاـاـاـرـ اـسـوـدـ! هـيـعـمـلـ إـيـهـ بـكـرـةـ دـاـ وـهـوـ بـيـقـولـ أـخـيرـاـ لـقـيـتـكـ!

- إـنـتـيـ بـتـقـولـ إـيـهـ؟

- مـفـيـشـ.

- مـالـكـ وـشـكـ اـصـفـرـ فـجـأـةـ كـدـاـ؟

- لـأـ،ـ مـفـيـشـ.

- مـالـكـ؟

- مـفـيـشـ.

- مـالـكـ؟

- مـفـيـشـ.

وبـعـدـ ٣٧ـ مـالـكـ مـفـيـشـ....

- تـصـدـقـيـ أـنـاـ غـلـطـانـ إـنـيـ بـسـأـلـكـ مـالـكـ! مـسـرـوـوـوـوـورـ.

- خـلاـاـاـاـاـصـ! سـيـبـنـيـ لـبـكـرـةـ اللـهـ يـخـلـيـكـ!

التغيير

على مدار الكتاب اتكلّمنا كتير عن *true self* بتاعتنا، عن الناس اللي حوالينا، عن مشاعرنا والتعامل معها، عن نقاط القوة والضعف عندنا، عن الشغف والقيم في الحياة، عن الوقت والرؤى والأهداف. على مدار الكتاب أثّرنا مواضيع كتير.. حاجات محتاجين نفهمها في نفسنا، وحاجات محتاجين نسيطر عليها ونديرها صبح، وحاجات محتاجين نغيرها، أو نتخلص منها، وحاجات محتاجين نكتسبها، وحاجات محتاجين ننظمها.. وكل دا في الآخر عشان نحقق مراد ربنا مننا. كل دا عشان نشوف إيه اللي احنا محتاجين نعمله عشان نعيش حياة نحس فيها بالرضا والمعنى والبصمة.

في أول الكتاب عملنا اتفاق إننا مش هنا خذ قرارات كبيرة، ولا هنعمل تغييرات ضخمة، غير لما نخلص قراءة الأول. ودلو قتي أنا عايزة أأكّد على الوصية دي: خلilik في حياتك الحالية على أد ما تقدر!
يعني إيه؟ يعني إنتي عاملة فيها كوتتش وكاتبة وبيتاع، وفي الآخر تقولي خلilik على وضعك؟ كما كنت؟ ماتغيرش حاجة؟
لأ، مش القصد ().

في أكتوبر ٢٠١٨، عملت فيديو على فيسبوك سميتها «قرع الخلة». الهدف من الفيديو دا كان إنه يوصيك إنك قبل ما تاخذ أي قرار كبير في حياتك، هات الأول قرع الخلة! اعمل كل اللي تقدر تعمله! ابذل أقصى مجهد عندك!
طب ليه الوصية دي؟

الفكرة إني لما بكتب، أو بدبي محاضرات، أو بطلع في فيديو، أو بقعد مع حد، بنتكلم عن حياته ومشاكله، وهكذا.. بيبقى عندي أمل إن حياة الشخص دا مش محتاجة غير يادوب شوية تغييرات بسيطة هنا ولا هنا.. يضيف حياته هواوية بيحبها، يبعد عن عادة معينة، يتعمّد يقول لأ أكثر، يقرّب من ناس جديدة، ينظم يومه أحسن، وهكذا. تغييرات بسيطة يجدد

بیها حیاته، و یخس انه مبسوط و بیتطور اکتر.

أنا عدّى علياً أوقات كنت بحس إنّي تع班ة ومتضايقّة، ولما كنت بيص على البوصلة بتاعتي وبتكلّم مع *true self*، كنت بلاقي إنّي محتاجة أحاجزة شوية بس. أفصل.. أغير الأماكن اللي بروحها.. أبدأ أقرا كتاب جديد.. أقعد مع ولادي أكثر.. أعمل تغييرات بسيطة يعني، وكنت بتبسيط، ومودي بيرجع يضبط بعدها.

بس عدّت أوقات تانية بقى كنت ببقي تعيسة وتابية جداً والتغييرات
دي مش كفاية خالص! كنت بحس إن روحي محبوسة، وإن «تزين» الحياة
مش كفاية، أنا محتاجة أهدّ وابني على نضيف! ودا بيوجع.. أووووووي!
لو انت كنت أوريدي عايش حياة مناسبة جداً للـ self true بتعاتك
ولاقي نفسك وراضي وتمام، الكلام اللي قلناه في الكتاب دا هيتحقق لك
رضا وانبساط أكثر. هتبقى عامل زي اللي بيضبط الإضاءة في أوضة هي
أساساً حلوة، عشان يبقى شكلها أحلى كمان.

لكن لو انت أصلًا حاسس إنك محبوس في حياة مش بتاعتك، لو انت أصلًا فقدت البوصلة تمامًا.. هيبيقى كل كلمة، وكل سؤال، وكل تمرин في الكتاب دا، بيو جع، بيذوس على الجرح.. لأنه بيقولك رسالة واحدة: انسف حمامك القديم!

انسف حمامك القديم دي مش سهلة خالص! دي عملية انتشارية في
أغلب الأحيان. عملية محتاجة منك تحوّت جزء قديم فيك، وتحبّي جزء
تاني ماشفتوش قبل كدا. التغيير في الحالة دي مش هيبيقى مجرد «تزيين».. دا
هيبيقى رعب! قرارات، ومشاعر مرعبة! ومهما كنت مقتنع بالتغيير، هيبيقى
برضه مؤلم ومليان توهان ووحدة وإحباط ووجع كبير!

الأكيد إنك مع الوقت والتعامل الصحيح، هتوصل - إن شاء الله -
لبر الأمان، وتهبقي النتيجة أحسن بكثير من شعورك الحالي بالسجن..
بس، خلال الوقت دا إنت هتدخا، خلاط مش، أي حد يستحمله! عشان

كدا وصيتك: طول ما انت قادر، خليك على وضعك! هات آخر آخرك في الحياة اللي انت فيها، عشان لما تغيرها وتدخل الخلط وتتفرم.. تبقى متهاشك ومقطوع تماماً، وما بتبعش وراك!

الفصل دا بقى للناس اللي قررت تدخل الخلط، وكمان للناس اللي دخلت الخلط غصب عنها.. حصل لها تغيير رهيب في حياتها رماها في الخلط من غير اختيار.

أياً كان انت اخترت التغيير بمزاجك أو اترميته فيه غصب عنك، فعملية التغيير واحدة! الخريطة والخطوات اللي هتمربها واحدة. الفصل دا هيعرفك خريطة أو دورة التغيير دي، هدف مهم جداً.. إنك لما بتاخذ قرار أو تعمل تغيير أو تدخل بلد جديدة، وانت عارف الخريطة بتاعتتها مسبقاً وما سكها في إيدك، دا بيسهل عليك توقع المشاكل والأحساس والمطبات من قبل ما تحصل، والتعامل معها وانت مستعد لها. كمان فهم الخريطة بيديلك شعور بالطمأنينة إنك لو صبرت شوية بس، هتدخل المرحلة اللي بعدها والختمة المرعبة دي هتروح. بيديلك ثقة إنك ماشي صحي، حتى في عز شعورك بالوجع والألم، لأن الخريطة بتقول إن اللي بيحصل دا طبيعي.

من الآخر كدا، لو انت قادر تكمل في حياتك وانت مبسوط وتعمل شوية تغييرات قليلة تبسطك أكثر، كمل كدا وزين وظبط وحط ديكورات وتأشيات عشان تضيف عمق ومعنى ورضا لحياتك.

لكن لو مش قادر تماماً وجبت آخرك وتحتاج تاخذ قرار كبير، أو حتى لو الحياة هي اللي فاجئتكم بتغيير شقلب لك الدنيا رأساً على عقب، فاللي جاي دا ليك يا رئيس! خليني أشرح لك إيه اللي هيحصل لما تقرر تنسف حمامك القديم، إيه دورة التغيير اللي هتعدي فيها، عشان تبقى جاهز وفاهم وعارف تمشي في كل مرحلة وانت مسيطر!

لا تراجع ولا استسلام

التغيير في الحياة دائمًا يأخذ دورة معينة، غالباً أنا وانت وكلنا مررنا ببعضنا قبل كدا. حتى على مستوى المؤسسات، أي شركة كبيرة أو صغيرة هتبقى مرت بنفس المراحل دي، كل مرة حصل فيها تغيير كبير.

الناس اللي بتبقى فاهمة دورة التغيير بتمشي ازاي، بيتعاملوا فيها أحسن وبيتألموا أسرع فبتعدى، مش بسهولة، بس أسهل من الشخص اللي مش فاهم طبيعة التغيير واللي بيحصل فيه. وفي الآخر هي دورة بتدور علينا كلنا 😊.

Lillie فيه ناس كتير جداً اتكلموا عن دورة التغيير، أشهرهم على الإطلاق The Change Cycle: Mary Ann Salemo R. Brock The Secret to Getting Through Life's Difficult Changes فيه بالتفصيل المراحل اللي الإنسان، أو حتى المؤسسات، بيعدوا عليها لما يحصل لهم تغيير كبير. النموذج بتاع Change cycle انتشر بشكل كبير بعد الكتاب دا، وكتاب كتير شرحوه بطريق مختلفة. في الفصل دا اختارت لكم شرح مارثا بيك لدورة التغيير اللي اتكلمت عنه مع أوبيرا وينفري وكتبته في كتابها Finding Your Own North Star لأنه فيه اقتراحات وأمثلة عملية ومناسبة جداً للواقع بتاعنا.

مارثا بيک قالت إن أول حاجة بتحصل، وقبل أي خلاط أو مراحل هندخل فيها، بيحصل «حدث»، حدث بيحصلك في حياتك يرميك في خلاط التغيير. إيه طبيعة الحدث دا؟ وشكله؟ ونوعه؟

الحدث المقصود هنا مش حدث بسيط، زي إنك خسيت اتنين كيلو ولا
اشتريت عربية جديدة ولا موبايلك اتسرق. الحدث المقصود هو حاجة
غرت جزء من هويتك، غيرت الطريقة اللي بقيت تشووف بيها نفسك.

يعني إنك تشتري عربية أو موبайл يضيع دا حدث آه، بس مش بيحولك
لهموسة تانية. مابتعرفتش نفسك قبل وبعد الحدث من «مالك موبайл» لـ«فاقد
موبайл».

لكن لو الحدث اللي حصلك كان جواز، فدا هيغير هو يتك من «عاذب» لـ «متزوج».. والعكس لو طلاق مثلاً. لو بقى لك سينين بتشتغل دكتور والحدث اللي حصلك إنك نقلت من مستشفى لمستشفى تانية، الحدث دا ماغيرش في هو يتك حاجة. لكن لو سبت الطب واشتغلت في مجال تاني، هو دا الحدث اللي بنتكلم عليه!

فالحدث المقصود هنا، هو الحدث الكبير اللي بيعمل تغيير في صورتك أو ووضعك أو التعريف بيتك في عينك وعين الناس اللي حواليك. والأحداث دي بتبقى تلت أنواع:

١- صدمات.

٢- فرص.

٣- تحولات.

كل حدث من التلاتة دول بيفتح لك باب إنك تعيد التفكير في حياتك وفي تعريفك لنفسك، إنك تعيد ترتيب أوراقك وتنظيم بوصلتك و اختياراتك.

١- الصدمات

الصدمة بتبقى عباره عن تغيير مفاجئ بيحصل في محيطك، مش بيحصل من جواك انت، أو في تفكيرك. ممكن الصدمة دي تبقى كارثه صحية زي مرض خطير، ممكن تبقى صدمة اجتماعية زي ان الشخص اللي بتحبه سابك، أو حد قريب منك توفي (زي والد صلاح في فيلم الناظر اللي شهرزاد حكته، أو والد شهريار)، وممكن تبقى صدمة مادية زي إنك خسرت كل فلوسك في البورصة.. وهكذا.

مش كل الصدمات بتبقى وحشة على فكرة، بس كلها بتبقى مفاجأة وكبيرة. خلال ثواني حياتك بتتهز هزة ماكتش مرتب لها قبل كدا!

لو فجأة صحيت من النوم لقيت نفسك ورثت فلوس رهيبة، الحدث

دا بيعتبر صدمة برضه.. تخيل! هتلaci نفسك بتمر تقربياً بنفس المشاعر الغريبة بتاعة الشخص اللي اتصدم بسبب حدث سيء! هتبقى حاسس إنك مش فاهم وعندك حالة إنكار، ممكن تخسر علاقات، وتكتسب غيرها، ممكن تبقى حزين على حاجات فقدتها ومش عارف تتأقلم مع غيرها.. وهكذا.

٢- الفرصة

محمد منير قال في أغنية من أغانيه: «الفرصة بنت جميلة راكبة عجلة بيдал»، ودي حقيقة ☺، الفرصة دايماً بيقي شكلها جميل.. حظ سعيد.. فرصة بتجييك وبتحسيسك إنك تقدر تعمل نطة حلوة في اتجاه الحياة اللي نفسك تعيشها.

لو الصدمات بتحصل لك فجأة من غير ترتيب منك، فالفرص بتبقى حاجة بتلمع وجميلة وانت نفسك فيها. مدير في شركة كبيرة كلمك عرض عليك وظيفة الأحلام، البتت اللي بتحبها طلعت بتبادلك نفس المشاعر، البلد اللي نفسك تعيش فيها فتحت باب الهجرة للناس.. فرص بتيجي للواحد أحياناً، ومكان خوفه من التغيير يخلية يتعدد ويضيع الفرصة، ودا بيقى أكبر غلط في الدنيا! عشان كدا مهم نفهم إيه اللي بيحصل مع التغيير، عشان نبطل نخاف منه لدرجة تعطينا وتضيع علينا فرص كويستة!

وبالرغم من إن الفرص بتبقى حاجة جميلة وشكلها حلو، إلا إنها بتحطنا في نفس مراحل دورة التغيير، زيها زي المصايب والصدمات! نفس الخلاط! نفس اللخبطة! اللي بيقى متأكد النهارده إن دي فرصة حياته، وإن خلاص الدنيا ضحكت له، بيرجع بعد شهر أو اتنين حاسس إنه تايه ومش فاهم «هو أنا اختارت غلط؟ هو أنا اتسرعت؟».. والإجابة: لا! إنت بس بتمر بخلط التغيير الطبيعي جداً جداً !!

٣- التحوّلات

التحوّلات هي التغيرات اللي بتحصل بشكل أبطأ بكثير من الصدمات والفرص، وبحصل جواك انت مش في العالم المحيط بك.

هنا، إنت نفسك بتتغير بتببدأ تدور على **true self** بتاعتك. إحساسك بالحبسة والضغط بيخلوك رغم إن كل حاجة حواليك ممكن يبقى شكلها مثالي وهادي ومستقر، إلا إنك تعان جدًا بفضل تعافر وتصير لحد ما يا تنهر عشان **true self** خلاصن جابت آخرها ومش هتسكت لك تاني، يا تقرر أخيرًا إنك تسمعها وتشوف إنت مين، وعايز تعمل إيه!

«النضج مؤلم، التغيير مؤلم، لكن لا شيء مؤلم كالبقاء
عالقاً في مكان لا تنتهي إليه»

(ماندي هال).

المشكلة إن النوع دا من الأحداث أو التغيير اللي بيحصل واحدة واحدة من جواك، بيبقى أصعب بكثير في تقبّله واستيعابه من الصدمات والفرص. سهل تشرح لنفسك وللي حواليك انت ليه قلبت حياتك رأساً على عقب بعد ما ورثت، ولا هاجرت، ولا طلقت، ولا جالك المرض الفلافي، لا قدر الله. لكن مش سهل خالص تشرح للبرلان بتاعك انت ليه وانت عندك ٤٥ سنة بدأت تدرس حاجة جديدة تماماً، وتعمل كاريير شيفت، مجرد إنك قررت تحب نفسك كفاية وتطلع من الحبسة وتجرب مجال جديد! مش سهل تشرح التحوّلات اللي جواك للناس.. لدرجة إني ساعات بحس إن ربنا بيعت لنا الصدمات والفرص، عشان ماكناش هنعرف نشرح، ولا كان هيبيقى عندنا الشجاعة إتنا نعمل التغيير دا بإرادتنا! عشان كدا ساعات كتير بتحصل لنا

صدمات صعبة جدًا في ظاهرها، لكن هي في الحقيقة بتحررنا من خنقة كنا حاسين فيها، ومش عارفين نطلع منها.

افتكر ٣ أحداث كبيرة حصلت لك في حياتك وغيرت هويتك ونظرتك لنفسك.. هل كانت صدمات، ولا فرص، ولا تحولات؟

هل استخدمت الأحداث دي عشان ترجع تتواصل مع الـ true self بتاعتكم وتشفو إنت عايز تعمل إيه، ولا استسلمت ومشيت مع الضغط المجتمعي وخلاص؟

مراحل التغيير

كدا احنا عرفنا يعني إيه «الحدث» اللي بيدخلنا في دورة التغيير. أيًّا كان بقى الحدث اللي حصل أو اللي لسه هيحصل، إيه هي مراحل التغيير اللي كلنا بنمر فيها؟

٤ مراحل بالترتيب:

- ١ - مرحلة الموت والولادة.
- ٢ - مرحلة الحلم والخطة.
- ٣ - مرحلة الدراما والملاحم.
- ٤ - مرحلة الراحة والثمرة.

مهم جدًا قبل مانتكلم على طبيعة كل مرحلة بالتفصيل، وازاي نتعامل معها، إننا نقول نقطتين مهمتين:

- أولًا: المراحل دي إحنا بندخل فيهم بالترتيب دا، وكل مرحلة فيهم ليها طبيعة مختلفة، وبالتالي كتالوج مختلف في التعامل معها زي ما هنشوف،

لكن هما واقعياً مش مقصولين عن بعض. واقعياً هما يدخلوا في بعض بشكل تدريجي. اللخبطة والألم اللي بيحصلوا في مرحلة «الموت والولادة» مع الوقت بيهدوا، وبيبدأ يظهر بريق أمل يدخلنا في مرحلة «الحلم والخطة». مرحلة «الحلم والخطة» بتبدأ بأفكار كتير ملخبطة، بس مع الوقت بتوضع أكثر، وتبدأ تتنفذ على أرض الواقع وتظهر «الدراما والمشاكل». مرحلة «الدراما والمشاكل» دي بتبقى مليانة أخطاء وتجارب فاشلة، لحد ما واحدة واحدة الواحد بيفهم ويتعلم ويصلح ويدخل في مرحلة «الراحة والثمرة».

لما بتحدد إنت في أني مرحلة، دا بيساعدك جدًا تتقبل اللي بيحصل فيها وتتوقع إيه اللي جاي. بيساعدك كمان تخطط للمراحل اللي قدام، حسب مكانك في دورة التغيير.

- ثانياً: محتاجين نعرف إنه رغم إن كل مرحلة في دورة التغيير حتمية ولازم كلنا هنمر فيها، إلا إن كل واحد فينا بيقى «أسطر» في مرحلة عن مرحلة تانية حسب شخصيته. ممكن تلاقي نفسك مثلًا شاطر جدًا في الحلم والتخطيط، لكن يمكن في التنفيذ ضعيف شوية. واحد تاني يقول لك «ماتقوليش فكر وخطط، إديني خطوات وأنا أنفذ تنفيذ ماينخرش الميئه». واحد تالت بيحب الروتين بتاع المرحلة الرابعة جدًا، وبالتالي مابيعملش أي تجديد في حياته عشان مايقدرش يستحمل لخبطة المرحلة الأولى. وواحد العكس، مابيتحملش الروتين وطول النهار بيجر布 في حاجات ومايكملاش ويزهق وقادع قابع في المرحلة الأولى.

الخلاصة إننا مختلفين تماماً عن بعض! شخصياتنا مختلفة، وبالتالي مهاراتنا في التعامل مع كل مرحلة مختلفة. ودا طبيعي جدًا ومش المفروض تجلد نفسك عليه. الفكرة في الآخر إنك «تتقبل» إنك - شئت أم أبيت - إنت مضططر تعامل مع الأربع مراحل.. وإن المراحل اللي هتلaci نفسك ضعيف فيها، مفيش قدامك حل غير إنك يا تدرب نفسك على المهارات اللي تحتاجها في المرحلة دي، يا تستعين بصديق! تستعين بحد يساعدك في التنفيذ لو دي نقطة ضعفك. يفكر معاك بصوت عالي، ويطلع اللي جواك.

ينظم لك الروتين بتعاونك ويفكرك بيها. يسمع الوجع والشاعر الملختة بتاعة المرحلة الأولى، وهكذا. حسب انت تحتاج زفة في أني مرحلة فيهم، استعين بالشخص المناسب اللي يساعدك فيها.

الصورة دي بتوضح أكثر المراحل وترتيبها:



خلاصة القواعد دي إن الموت علينا حق ☺ كدا كدا انت هتمر بكل المراحل! لا هينفع تعيش عمرك كله في مرحلة واحدة سواء حلوة أو وحشة، ولا هينفع تختصر وتنط مرحلة فيهم. لازم هتمر بيهم كلهم! كل اللي عليك إنك تفهم بس طبيعة كل مرحلة واللي تحتاج تعمله فيها عشان تعدى بأقل الخسائر، وبعد كدا تسيب نفسك ☺ وعلى أد ما انت هتبقى واعي للمراحل دي ومتوقعها، على أد ما خوفك منها هيكون أقل، وتأثير الناس اللي هتحاول تهز ثقتك في قراراتك ساعتها هيكون أقل. هتللاقي نفسك أكثر تحمل وأكثر مثابرة وأكثر ثقة في الطريق.

خلونا نمسك مرحلة مرحلة بالتفصيل..

المرحلة الأولى: الموت والولادة

كل واحد فينا هيكون فاكر حدث في حياته يقدر بينه وبين نفسه يؤرخ لما قبل X وما بعد X.

أيًّا كان بقى إكس دا كان حاجة حصلت لك فجأة ماكنتش متوقعها (صدمة)، ولا كان حاجة انت كنت مستنيها وبتخطط لها (فرصة)، ولا تغير بدأ بسيط جواك وفضل يكبر يكبر لحد ما أخيرًا قررت تاخذ موقف (تحول). أيًّا كان إيه إكس دا، حلو ولا وحش، المهم إنه جه لخبط لك حياتك اللي كانت قبله، وخلالك شخص تاني، ورماك في المرحلة الأولى من دورة التغيير: «الموت والولادة».

مشكلة كبيرة في مجتمعنا وتربيتنا وتعليمينا حتى إننا اتعلمنا أزاي نحل مسائل حسابية، نعالج أمراض جسدية، نلبس ونمسي ونسوق عربية وطيارة.. بس ماتعلمناش أزاي «سوق» حياتنا! اتعلمنا أزاي نذاكر وننجح، لكن ماتعلمناش أزاي نفشل! لأن المجتمع كله متوقع مننا إننا عمرنا ما هنفشل ولا هنفع ولا هتهز، فمش محتاجين نتعلم نعمل إيه لما دا يحصل لنا! المجتمع علمنا نعمل إيه عشان نشتغل.. ناخذ أنهي شهادة، نكتب السيرة الذاتية أزاي، نقول إيه في الإنترفيو، بس ماتعلمناش نعمل إيه لما نصحي من النوم نلاقي نفسنا مجبرين نمسي من الشغل! نتعامل مع إحساسنا أزاي! علمنا نعمل إيه عشان نتجوز ونجيب الشقة ونفرشها ونعمل الفرح، وكل الكتالوج دا، بس ماتعلمناش لو الجوازة دي ماكملتش نتعامل مع مشاعرنا أزاي وقتها! نتصرف أزاي في التغييرات الكبيرة اللي بتحصل في حياتنا.. محدش علمنا الحاجات دي مع إن التغييرات دي حتمية جداً في الحياة! فالنتيجة إننا بقينا لما بيحصل لنا الحدث ونترمي في دورة التغيير، بنمسي عميانى واحنا منساقين مش فاهمين إيه اللي بيحصل ولا مستعدين له، وبناخذ أحياناً قرارات في قمة الغلط وقتها!

الحدث بيحصل.. صدمة، فرصة، تحول، متوقعه أو لا، وحش أو حلو.. النتيجة إنه بيرميك في المرحلة الأولى.. والمرحلة الأولى دي هي مرحلة الموت اللي انت لازم تعيشها!

بداية المرحلة الأولى: عيش موتك!

زي ما اتفقنا قبل كدا، الحدث المقصود بـX هو الحدث اللي خلى هويتك تتغير من حاجة لحاجة. خلى هوية عندك «تموت» وهوية تانية تتولدا! وعمرك ما هتببدأ حياة جديدة بعد X، غير لما تخللى عن هوية انت كنت عايشها قبل X!

مثال على كده: بالنسبة لي مثلاً من أهم الهويات اللي بركرز عليها في حياتي هوية «الصديقة». دورى كصديقة وعلاقتي الاجتماعية بصحابي وأهلي شيء مهم جداً بالنسبة لي! لما هاجرت، رغم إن الهجرة كانت فرصة جميلة وكانت بخطط لها، إلا إن الهوية دي اتضربت بالنار تماماً لأنني سافرت واضطررت أعاشر مع الشعور بالوحدة وتكوين الصداقات من أول وجديد.. ودا كان شعور قاتل بالنسبة لي. الشاهد في القصة إنه رغم إن الحدث هنا المفروض «فرصة»، إلا إنه دمر لي شوية هويات عندي، وبالتالي رمانى في دورة التغيير.. وأول مرحلة فيها كانت الموت!

جزئية «الموت» في المرحلة دي معناها تقبل إنك فقدت الهوية دي خلاص. فقدت هوية «متزوج» لما اطلقت، فقدت هوية «مهندس» لما عملت كاريير شيفت واشتغلت في البizنس، فقدت هوية «مدير نفسك» لما قفلت شركتك وقررت تشتل موظف. أياً كانت طبيعة الحدث، وأياً كانت أسبابه.. الهوية دي ماتت.. باي باي.. ودي أكثر حاجة مؤلمة وأول حاجة محتاجين نتعايش معها!

نعايش معها ازاي؟

فاكر لما اتكلمنا عن مشاعر الحزن وال grief اللي بييجي مع الفقد في الفصل الثالث؟ هو دا بالضبط الشعور اللي بيقى جواك ساعتها اللي تحتاج تتقبله! مش هينفع أبداً في بداية المرحلة الأولى (الموت والولادة) إنك تمثل إنك مبسوط وسعيد، وإلا هتبقى بتطوّل على نفسك مدة الحزن! استسلم للحزن دا وتقبله تماماً.. دا شعور بشري طبيعي جداً تحسه، سواء الحدث اللي حصل كان فرصة جميلة أو صدمة بائسة! إنت «فقدت» هوية عندك و الطبيعي تحزن عليها! و الطبيعي برضه إن الحزن دا هيبيطأك ويخليك مش قادر حتى تعمل أبسط الحاجات! هتحس ساعات بمشاعر إنكار للحدث اللي حصل، وساعات بحزن و حسرة وألم، وساعات بهدوء وتقبل، وبعدين ترجع تاني للشعور بالألم وهكذا.. وكُلُّلل دا طبيعي جداً وانت «محتاج» تسيب نفسك للمشاعر دي، لحد ما توصل لبر الأمان.

طبعاً الصدمات بالذات بتلخبطنا أكثر شويتين من الفرص اللي بنبقى بنتمناها، أو التحوّلات اللي بتبقى بتحصل لنا تدريجياً. وممكن الصدمة تأخذ مننا أسابيع وشهور عقباً ما نستوعب إنها حصلت بالفعل، وإنه خلاص الحياة فعلياً اتغيرت! عشان كدا بأكيد تاني: خد وقتك في الحزن! ماتجبرش نفسك بالعافية تطلع منه وتتخاطي مشاعرك! ومهم تعرف إن كل واحد فينا رد فعله بعد الصدمة ممكن يختلف جداً! لما النبي - عليه الصلاة والسلام - مات، سيدنا أبو بكر حزّن حزّن رهيب، لكن تماسك وخرج كلم الناس! على الناحية الثانية سيدنا عمر قال: «والله ما مات رسول الله»، وتوعد اللي هيقول إنه مات بإنه هيقتلـه. حصل له حالة من الإنكار من هول صدمته إن رسول الله مات! اللي عايزة أقوله في الآخر إننا فعلاً مختلفين. أيّاً كان رد فعلك تجاه الصدمة، خد وقتك! فيه زلزال حصل لحياتك، ومخك محتاج وقت يستوعب دا!

أهم حاجة في المرحلة دي، إنك ماتخديش أي قرارات كبيرة لحد ما الإعصار دا يهدى! النقطة دي في غاية الأهمية لأن فيه ناس في الدنيا عايشة

على حس الناس اللي في المرحلة دي! بتصطادهم اتبقى واحدة لسه متطلقة أو خارجة من علاقة ويادوب في المرحلة الأولى، تلاقي الرجاله اتلمنت حواليهها كله عايز يستغل التوهان واللخبطة اللي هي فيها! يبقى واحد لسه وارت فلوس امبارح، تلاقي اللي بيقترح عليه «يلا نعمل بيها المشروع الفلامي». يبقى حد لسه حاصل له خسارة مادية كبيرة، تلاقي اللي يقوله: «بيع لي شقتك» ويشتريها بنص تمنها عشان يستغل ظروفه! افتكر دائمًا إن المرحلة دي مش مرحلة قرارات تلزم نفسك بيها خالص، لأنك متلخبط فعلًا قول للناس اللي حواليك كدا: «أنا محتاج وقت.. كتير.. أنا مش هقدر ألزم نفسي بأي حاجة، لحد ما أهدا وأشوف الدنيا هتمشي ازاي».

الشخص اللي بيطلع من علاقة يدخل في غيرها وهو لسه ملتحط
وماتعافش من التجربة اللي فاتت.. العلاقة الجديدة دي بيسماها rebound
ويبقى فيها ظلم كبير لنفسه وللطرف الجديد، وعادة بيتفاجئ
بعد ما يهدا إنه بوظ الدنيا أكثر، لمجرد إنه ماكنش مستحمل مشاعر «الموت»
أو فقد اللي في بداية المرحلة الأولى !

اللي عايزه أقوله إن طبيعة المرحلة دي اللخبطة! الخوف! حتى لو التغيير جه بفرصة انت كان نفسك فيها! طبيعة كونها فرصة أصلًا معناها إنها بتطلعك من دائرة الراحة بتاعتكم لآفاق أكبر وأوسع.. ودا مهمما كان جميل وعظيم، فهو برضه مرعب! وزي ما اتفقنا مشاعر الحزن أو الخوف مش مشاعر وحشة.. إحنا بس محتاجين نستخدمها صحي. لو اللي مسيطر عليك في المرحلة دي الشعور بالخوف، ارجع للفصل الثالث وشوف تعامل معاه ازاي. اتكلم مع *true self* بتاعتكم، واسألهـا: إنتي نفسك في إيه؟ تقبل مشاعرك واسمعها بالراحة وهي هتعدـي!

من المشاعر اللي ساعات بتظهر بشدة في المرحلة دي برضه: تأنيب
الضمير! ضميرك بيأنبك جدًا حتى لو الحدث اللي حصلك كان حدث
حلو! ورثت فلوس، جاتلك شغلانة في البلد الفلانية، أى فرصة كنت

مستنيها حصلت لك.. بيجيلك شعور كدا إنك هتكبر وهتسيب ناس وراك!
تأنيب ضمير غريب إن ظروفك بقت أحسن من ظروف ناس بتحبها، أو
إن حد ممكن يكون غيران منك، أو إنك اتشغلت عن أهلك أو أصحابك
ومابقتوش عارفين تتقابلو وتكلموا زي زمان، أو إنك زعلت ناس مهمة
بالنسبة لك لما ما أخذتاش بنصيحتهم. ودا طبعاً ساعات بيضيف للوجع
باتاع المرحلة دي، شعور مؤلم جدًا اسمه الشعور بالوحدة!

لو دا حصل لك افتكر دائمًا إنك كل ما بتطور من نفسك، كل ما بتقدر
تطور من الناس اللي بتحبها. افتكر إن مش لازم كل الناس توافق وتحب
وتبارك التغيير اللي حصل لك. فيه ناس هتشجعك جدًا على التغيير،
ويمكن هي نفسها تشجع تغيير في حياتها بسببك.. وفيه ناس تانية هتخوفك
وتحبطك وهي في الحقيقة بتعمل إسقاط لمخاوفها وإحباطها من حياتها
هي، على حياتك أنت!

لو الحدث اللي حصل لك كان «تحول» من جواك واحدة واحدة لحد
ما جمعت شوية شجاعة وأخذت قرار شقلب لك حياتك، فانت غالباً أكثر
واحد هييعاني من نظرة وكلام الناس اللي حواليه! أكثر من باتاع الصدمة
والفرصة! هيشكوك في قرارك، ويخوفوك من النتائج، ويفكروك كل يوم
إنك هتضيئ نفسك أو إنك مضمون عليك.. وهاتك يا تأنيب ضمير..
«إنت بتقبض كذا، إيه يعني اللي ممكن يكون وحش لدرجة إنك مش
مستحمل تكمل في شركتك، أنا مش شايقة إيه العيب القاتل في خطيبك
اللي مخليلي هتفشكلي قبل الفرح بشهر بعد كل دا، يا بنتي كل الناس
تتمنى ظروفك دي...»، وهكذا!

كل كلمة، وكل اتهام، وكل سؤال، وكل نقد في المرحلة دي، هيبيقى
عامل زي السكينة! كل واحد بيقطع فيك على أمل إنك يمكن تنزل دم كفاية
يوقفك عن قرارك! دا غالباً بيحصل بنية كويسة وكل حاجة! اللي بيعملوا
كدا ممكن يكونوا أهلك وحبابيك وصحابك اللي همهم مصلحتك ومش

فاهمين التغيير اللي فيك داليه وإمتنى وإيه اللي أثر عليك كدا!

عشان تقدر تصمد في كل خلاط المشاعر دي: حزن على خوف على
توهان على تأنيب ضمير على شك على وجع.. محتاج شجاعة وإرادة
ومجهود وووود! مجهود إنك تحاوط نفسك بناس تشجعك! تدور على
قبيلتك وتتكلّمهم كل يوم! تقعد كل يوم شوية مع نفسك، تحط المشاعر
والشكوك والأفكار السلبية دي كلها على ورقة عشان تطلع من دماغك،
وبعدين تتناقش فيهم مع نفسك لأنك بتحل مشاكل شخص تاني غيرك!
مجهود إنك ترجع لبوصلتك كل مرة تتوه. ترجع للقواعد. تسأل نفسك:
اللي أنا بعمله دا حرام؟ هيضر حد؟ هل في إيدي أقلل الضرر دا؟ هل هقدر
أكمل وأتكيف وأبقى مبسوط من غير ما أغير حاجة؟ أنا بخوف نفسي
بإيه، وهل المخاوف دي منطقية ولا دا صوت المجتمع وخلاص؟ هل
فيه أمثلة ناجحة ممكن أتعلم منها؟ طب الأمثلة الفاشلة ممكن أتعلم منها
إيه؟ طب لو تخيلت للحظة دلو قتي إني رجعت لحياتي القديمة: رجعت
لنفس وظيفتي، أو رجعت لطليقي، أو رجعت البلد الفلانية.. لو كملت
في الحياة القديمة دي عشرة عشرين سنة كمان بكل تفاصيلها، هحس
بإيه؟ غمض عنيك وتخيل معايا وفكّر في إحساسك بجد! شايف كرشة
النفس وقبضة الصدر اللي حستها دلو قتي؟ إنت مش بتتوهم ولا بتضحك
على نفسك، هي كانت حياة مؤلمة فعلًا زي ما انت حسيت دلو قتي بمجرد
ماتخيلت إنك رجعت لها تاني!

أيًّا كانت المشاعر اللي انت حاسسها في المرحلة دي، او عى تضحك
على نفسك او تخدعها! او عى تسيب *true self* بتاعتكم وتبطل تكلّمها!
موت هوية عندك - أيًّا كان الحدث اللي حصل - شيء مؤلم جدًا! الـ *social self*
بتاعتكم هتشتمكم ميت مرة وتندمكم على قراركم وتستغيث وتصرخ
بكل الطرق! عايزاك تطمئنها وتقول لها «الموت» مؤلم.. واللي انتي حاساه
دا طبيعي.. واحنا مع بعض، وهنعدى.. إن شاء الله!

بداية المرحلة الأولى: عيش موتك!

* * *

نص المرحلة الأولى: النقلة!

تقبّلت خلاص إن «عُمرنا ما هنرجع زي زمان» على رأي عمرو دياب؟
حياتك القديمة دي خلاص؟ تقبّلت الحقيقة وعشت موتك؟ أهلاً بيـك
في الصحراء!

الهوية القديمة ماتت، ولسه ما كونتش هوية جديدة.

العلاقات القديمة بعده، ولسه ماكوّنتش، علاقات جديدة.

أنا مين؟ وبعمل إيه؟ أنا مش عارف أنا مين، وما بعملش حاجة، ومش
واقف في مكان، ومش معانيا حد!

شاعر قاتل!

كل حاجة في حياتك بتبقى قائمة على شعورك بـ«أنا مين؟» لما بتفقد الشعور دا وما تبقاش عارف «انت مين» بتنهار وتتعب وتحس بالخوف واليأس.. لدرجة إنك ممكن تاخذ قرارات مُدمرة جدا، في محاولة منك إنه تنهى التوهان اللي انت حاسه!

طيب إيه الخطوات اللي ممكن تعملها في النقلة بين الهويات دي،
لحد ما تتعدي؟

١- ارجع للبوصلة

الخوف من المجهول والشعور بالتوهان اللي بتحس بيها في المرحلة الأولى، بيخلي ناس كتير تقول «مش لاعبة»، وتحاول ترجع بضميرها لما قبل الحدث، وتعيد بناء الحياة اللي فاتت بشعور «اللي نعرفه أحسن من اللي ما نعرفوش» حتى لو «اللي نعرفه» دا كان أصلًا سجن بالنسبة لها!

الخوف من المجهول طبّيعي! اللي محتاجين نعمله ساعتها مش إننا نلف بضمّerna، إحنا محتاجين نبص على البوصلة! وأحنا اتكلمنا في الكتاب عن طرق كتير بنعرف فيها *true self* بتاعتنا عايزة تقولنا إيه. بدل ما نحاول نرجع للقديم من باب الخوف، الأفضل نستشير البوصلة بتاعتنا، نقضي وقت مع مشاعرنا، ومع *true self* عشان نطمّن نفسنا إننا هنوصل، حتى لو مش شايفين الأرض دلوقتي.

٢- جمّع معلومات

لو أنا النهارده جيت خطفتك وخدّرتك وحطّيتك في طيارة، فتحت عينك تاني يوم لقيت نفسك وسط قبيلة زولو في جنوب أفريقيا، هل الطبيعي إنك أول حاجة تعمّلها إنك تقدّع تحطّ خطة لحياتك؟ أكيد لا!

ال الطبيعي إنك هتتوتر جدًا، وبعدين تحاول تهدى نفسك، وبعدين تحاول تفهم إيه اللي حصل ومين الناس دي، وتجمّع معلومات تخلّيك تفهم انت فين في الدنيا عشان تقرر هتعمّل إيه.

نفس الفكرة بالظبط

اعتبر الحدث اللي حصل لك رماك في قبيلة زولو، وانت دلوقتي مش هينفع تمامًا تأخذ أي قرارات كبيرة، أو تلزم نفسك بحاجات.. لحد ما تهدا وتعدي من المرحلة الأولى.

هتلaci نفسك في مرحلة النقلة اللي بتحصل بين الموت والحياة، بقى عندك اهتمام جديد كل يومين! كأنك واقف من غير هدوم في قبيلة زولو، وبعد ما هديت شوية بتحاول تفكّر تلبس إيه بقى، ألبس زيهم ولا أفضّل قميص وبنطلون؟ ولا لأ البتاع دا ممكن يبقى شورت كوييس، طب ما ألبس زيهم وأجرب... وهكذا.

هتقعد في المرحلة دي تهفّ على دماغك هوّيات كتير تجربها، وتشوف أنّي هتليق عليك. ودا طبّيعي جدًا. حياتك بتتغير وييجيلك أفكار: أنا هسافر أعيش في كذا، أنا هبدأ أتعلم تصوير، لا أنا عايز أرجع أدرس في الجامعة، أنا هلبس الحجاب، أنا هقلع الحجاب... إلخ، إلخ.

سيب الأفكار تيجي، إلعب معاها شوية، جمّع معلومات، ممكن تجرب حاجات على خفييف.. لكن بلاش تدبس نفسك في حاجة كبيرة دلوقتي عشان انت لسه تفكيرك مش مستقر.

٣- خلينك حاضر

عيش لحظة بلحظة واستسلم لمرحلة الولاء حاجة. ريلاكس. شششش. الرهبان بيقضوا نص يومهم تقريباً ساكتين تماماً في حالة من التأمل! تأمل إيه؟ إيه الملل دا؟ تأمل اللي جواهم.. تأمل أفكارهم ومشاعرهم.. تأمل التغيير اللي بيحصل لهم.. تأمل اللي هيطلع منهم!

مرحلة الـ«ولاء حاجة» دي بتطلع من البني آدم شخصية وأفكار جديدة، بشرط إنه يهدا ويستسلم لها ويحاول بفضول وشغف يستكشف نفسه فيها.

إحساسك إن الوقت يبعدي ببطء، إحساس طبيعي جداً. عيش يوم بيوم وحاول تستمتع فترة بالصمت. المرحلة الأولى مرحلة خطوات بسيطة جدًا، كأنك عيّان أو عامل عملية جراحية والنهارده أول يوم هتتسنّد وتمشي. مش تحتاج تفكّر مشيتك الأسبوع الجاي هتبقى عاملة ازاي، إنت تحتاج يا دوب تمشي يوم بيوم. ربع ساعة بربع ساعة! إنت أصلًا مش متخيّل في اليوم الواحد في المرحلة الأولى دي، مشاعرك بتتغير أد إيه! ماتفكرةش لقادم.. إنت بتتغير، فسيب نفسك واحدة واحدة، لحد ما تشوف هتبقى إيه في الآخر.

٤- تقبّل أزمة الهوية

كتير مننا بيعتبر إن التوهان والخنقة والضيق اللي بيحسه في المرحلة الأولى، دا علامة على إن قراره كان غلط! القرار الصحيح - في اعتقاده - المفروض يكون سلس ومبهج ومريح تماماً من أوله لآخره. وبناءً عليه لما الشخص دا بيحس بالضيق، بتلاقيه جاب ورا ورجع كلم مديره في الشغل عشان يرجّعه تاني للشغلانة البشعة اللي مكاش طايقها، أو رجعت تاني لخطيبها اللي كان جايب لها المرض ومطلع عينها!

الرجوع خطوتين لورا - أو ما يُسمى relapse - شيء طبيعي على فكرة برضه وفيه ناس بتحتاج تعمله مرة واتنين وتلاتة، لحد ما تتأكد تماماً من جواها إنه لا تراجع ولا استسلام! لحد ما تحس بشعور: أنا اتغيرت! حياتي اتغيرت! مش هينفع أرجع للبي كان، زي ما مش هينفع أرجع ألبس الشورت اللي كنت بلبسه وأنا عندي ٦ سنين! أنا صحيحة النهارده مش عارف أنا مين ولا هعمل إيه، ولا طايل الشورت ولا معايا هدوم وواقف يا مولاي كما خلقتني، خايف ومتالم وعندي أزمة هوية رهيبة.. بس مستحيل أرجع لورا!

٥- غير النصارة

من حوالي ٦ سنين عملت عملية جراحية كبيرة، تعبت جداً فيها وحصل لي مضاعفات وكنت حاسة بعدها بضعف ووجع رهيب! ماكنتش بعرف أمشي كويس، وكانت حركتي بطيئة جداً، والموضع دا في حد ذاته كان مضايقني نفسياً أكثر من أي حاجة تانية! في يوم واحدة صاحبتي جت زارتني وقعدت أشتكي لها من إحساسني دا.. لقيتها بعد ما سمعتني قالت لي: «بدل يا هبة ما تحطّي كل تركيزك في إنك مش عارفه تمشي، مش عارفة تتحرّكي، مش عارفة تفردي ضهرك.. حاولي تفكري إن دا طبيعي جداً بعد العملية وإنه مش بيستمر! إنتي بتعافي كل يوم، وهي مسألة وقت والشعور دا هيعدّي وتهتنسيه تماماً!»، ورغم إن النصيحة تبدو كلام معروف وبسيط

ولا يحل ولا يربط، إلا إنها فرقة معايا فعلاً.. واكتشفت وقتها إن طريقة تفكيرك بتفرق كتيررررر جدًا في تحملك للألم! النضارة اللي شايف بيها اللي بيحصل! الصورة اللي عامل عليها زووم ومركز كل تفكيرك فيها! أنا لحد النهارده بعد ٦ سنين من القصة دي كل ما بمر بموقف صعب بحس إني بتعصر فيه، بفتكر الكلام دا: هيعدى.. وقت وهيعدى!

لو حاولت تبص على اللقطة اللي انت فيها دي على إنك «بتكبر»، و«بتتطور» مش بتدمرو بتكسر.. صدقني الفكرة دي هتفرق كتير في تحملك! زي الأم اللي بتتحمل ألم الولادة أكثر بمجرد ما تفك نفسها إنه «طبيعي»، وإنه «هيعدى»، وهتولد طفل جديد ينسيها الألم دا.

«ما يهم في الحياة ليس هو ما يحدث لك، ولكن ماذا ستتذكر، وكيف ستتذكر ذلك»

(غابرييل غارسيا ماركيز).

٦- اطلب المساعدة

إنت النهارده صححيت في قبيلة زولو في جنوب أفريقيا، بتمثل على مين إنك عارف كل حاجة ومسطر وبرنس؟

اعترف إنك تاييه ومش فاهم حاجة، واطلب المساعدة! مش معنى إنك أكبر مدير في العالم، أعظم دكتور في البشرية، أفحشم مهندس في الكوكب... إنه متوقع منك تبقى بتسلك في أي موقف جديد تتحط فيه! معلش، اركن الـ *self social* بتاعتكم دي على جنب دلوقتي، وتواضع كدا

واستعين بصدقـاً! اسأل واستشير وقول أنا متلـخبط ومش عارف.. عـااادي
والله! مهما كنت انت أبو العـرـيف، إنت في الآخر بني آدم! واحنا كـثيرـين
بنعرف نحل مشاكل الناس اللي حوالـينا بـمـنـتهـى السـهـولـةـ والـذـكـاءـ، وـبـنـيـجيـ
عـنـدـ مشـاكـلـنـاـ اـحـنـاـ وـبـنـهـنـجـ اـطـلـبـ مـسـاعـدـةـ وـدـعـمـ، هـتـلـاقـيـ المـرـحـلـةـ الـأـوـلـىـ
بـقـتـ أـسـهـلـ، وـهـتـكـسبـ كـمـانـ اـحـتـرـامـ النـاسـ الليـ حـوـالـيكـ وـصـدـاقـتـهـمـ!

شعارك في المرحلة الأولى: أنا مش فاهم هعمل إيه وإيه اللي بيحصل ..
ودا طبيعـيـ!

* * *

نهاية المرحلة الأولى: الولادة!

بعد ما بتعدـيـ فيـ الـبـداـيـةـ بـمـرـحـلـةـ الـمـوـتـ وـالـفـقـدـ وـالـأـلـمـ، وـبـعـدـيـنـ مـرـحـلـةـ
الـنـقلـةـ بـيـنـ الـمـوـتـ وـالـوـلـادـةـ وـشـعـورـ التـوهـانـ وـالـحـيـرـةـ، بـتـدـخـلـ مـرـحـلـةـ «ـالـوـلـادـةـ»ـ،
وـدـيـ آخرـ فـقـرـةـ فـيـ المـرـحـلـةـ الـأـوـلـىـ منـ دـورـةـ التـغـيـيرـ.

الفـقـرـةـ دـيـ فـيـ المـرـحـلـةـ الـأـوـلـىـ أـنـاـ بـحـبـ أـسـمـيـهـ «ـبـاـيـنـ حـبـيـتـ»ـ زـيـ أـغـنـيـةـ
عـمـرـوـ دـيـابـ (☺)، هيـ فـقـرـةـ الـوـقـوعـ فـيـ الـحـبـ. لـوـ وـقـعـتـ فـيـ الـحـبـ قـبـلـ كـدـاـ،
عاـيـزـاـكـ تـفـتـكـرـ الـوـقـتـ دـاـ.

وقـتـ الـوـقـوعـ فـيـ الـحـبـ الـوـاحـدـ بـيـحـسـ إـنـهـ فـاـقـدـ السـيـطـرـةـ.. بـيـحـسـ إـنـهـ
طاـيرـ بـشـكـلـ ماـ، وـمـمـكـنـ يـكـونـ مشـ عـارـفـ لـسـهـ بـرـضـهـ هـيـرـوحـ فـيـنـ، وـهـيـعـملـ
إـيـهـ.. بـسـ هوـ شـعـورـ جـمـيلـ (☺).

لما بتعدي شعور الفقد والوجع واللخبطة اللي في أول ونص المرحلة الأولى، بيجي على آخرها، وتحس إنك بدأت تحب الحياة الجديدة. بدأت تقع في الحب. مش شرط يكون حب شخص معين خالص.. ممكن يكون حب شغلانة معينة، هوادة جديدة، رياضة مختلفة، أيًا كان.. بس الوقوع في الحب دا بيغيرك! بيخليك تقضي وقتك بتعمل حاجة جديدة ماكنتش بتعملها قبل كدا. القصة دي مش بتحصل عشان البنـي آدم بيكون بائس ويائس وبيتعلق بأي حاجة وخلاص... لا! القصة دي بتحصل عشان الانهيار بتاع المرحلة الأولى بيخلي self social تكمـش وتهـدا، وتـدي فرصة للـtrue self إنها تنطلق.. ولما بتنطلق بتفتح لك آفاق جديدة في الحياة.

مفيش واحدة أعرفها سابت نفسها في المرحلة الأولى وتقبلـت مشاعرها، غير ومع الوقت حصل لها كـدا. اللي طلعت من انهيار علاقة مؤذية بـإنها وقـعت في حـب الغـطـس ودرستـه وبـقـى مصدر سـعادـة في حـياتـها! والـلي اـتـفـرـمت بـعـد قـرـار الـهـجـرة لـحد ماـحـبـت القـفـز بالـمـظـلـاتـ، وبـقـى دـاـ اللي بـيـدـيهـا الدـافـعـ في شـغـلـهاـ وـبـيـتـهاـ وـوـلـادـهاـ.. والـلي جـبـتـ الكـتابـةـ والـلي بـدـأـتـ وـرـشـةـ أـعـمـالـ فـنـيـةـ، وـغـيرـهـمـ كـتـيرـ منـ الأـمـثـلـةـ الـحـقـيقـيـةـ الليـ بـالـنـسـبـةـ لـيـ بـتـأـكـدـ عـلـىـ حاجـةـ مـهـمـةـ جـدـاـ: الصـبـرـ مـفـتـاحـ الفـرـجـ!

عنـديـ يـقـيـنـ إنـكـ لـماـ بـتـصـبـرـ عـلـىـ وجـعـ التـغـيـرـ، وـبـتـرـجـعـ لـبـوـصـلتـكـ، وـبـتـسـتـشـيرـ self true بـتـاعـتكـ، وـبـتـسـتـعـينـ بـرـبـنـاـ أـوـلـاـ وـأـخـيـرـاـ طـبـعـاـ.. بـتـوـصـلـ! self عـايـزـاكـ تـنـجـحـ فيـ شـغـلـكـ وـعـلـاقـاتـكـ وـحـيـاتـكـ وـتـكـونـ مـبـسـوطـ. النـاسـ الليـ هيـ بـتـحـبـهاـ وـبـتـرـاحـ مـعاـهاـ، هـمـاـ فـعـلـيـاـ النـاسـ الليـ اـنـتـ مـحـتـاجـهاـ فيـ حـيـاتـكـ. الـهـوـاـيـاتـ الليـ هيـ بـتـحـبـهاـ وـالـشـغـلـانـاتـ الليـ هيـ نـفـسـهاـ فيـهاـ، بـتـبـقـىـ فـعـلـيـاـ هيـ الـحـاجـاتـ الـمـنـاسـبـةـ لـيـكـ. مشـ عـشـانـ اـنـتـ إـنـسـانـ «ـالـأـنـاـ»ـ عـنـدـكـ عـظـيمـةـ وـمـخـلـصـةـ وـفـاهـمـةـ كـلـ حـاجـةـ، وـانتـ الـمـفـروـضـ تـمـشـيـ وـرـاهـاـ وـخـلاـصـ.. لـكـنـ عـشـانـ أـنـاـ عـنـديـ اـعـتـقـادـ إـنـ رـبـنـاـ إـدـانـاـ بـوـصـلـةـ self trueـ الـلـيـ جـوـانـاـ عـشـانـ تـسـاعـدـنـاـ فـيـ حـيـاتـنـاـ، مشـ عـشـانـ نـكـبـتهاـ وـنـكـتمـهاـ وـنـهـيـنـهاـ.

إدأنا أداة جوا كل إنسان يقدر يرجع لها عشان توجهه لللي مناسب ليه هو،
بغض النظر عن أي حد تاني.

وانت تايه وسارح في ملکوت المرحلة الأولى، اسمع كلام *true self* بتاعتك مكان ماتوديك. بتقولك خد اقرا الكتاب دا، اخرج النهارده مع الناس دول، قوم اطبخ مكرونة بالباشاميل، انزل اتمشى، أيَا كان.. طالما مش هتعمل حاجة تخضب ربنا، أو تئدي غيرك، ومش هتاخد قرارات كبيرة زي ما اتفقنا في المرحلة الأولى، يبقى ثق في *true self* بتاعتك، وامشي وراها.

في المرحلة دي كمان، ابدأ بضم حواليك ولاحظ إيه اللي بيلفت نظرك؟ إيه اللي بتتحبه؟ إيه اللي نفسك تجربه؟ أنا مكتتش أقدر أسألك الأسئلة دي في أول المرحلة الأولى ولا في نصها، لأن الغالب على الواحد وقتها بيبقى مشاعر الألم! بس في نهاية المرحلة الأولى لما بتبدأ تهدا وتقع في الحب، عايزاك تلاحظ نفسك وتفكر في إجابة للسؤال دا:

«أنا طول عمري كان نفسي أبقى / أعمل»

لما توصل لإجابة السؤال دا، هتحس إنك بتولد من جديد! هتحس إنك بدأت ت Shawf ملامح الإنسان الجديد اللي بيطلع من رحم الموت. لما توصل للإحساس دا قول لنفسك: «! You did it! .. يلا على المرحلة الثانية!».

المرحلة الثانية: الحلم والخطة

حصل الحدث المؤلم - خسارة شغل، طلاق، مرض، أيا كان - بس هو حدث كسرك! قتل ثقتك وطموحك وأحلامك ومن ساعتها، من ساعة الكسرة دي، وانت بتحاول تقف على رجلك.. تاخذ خطوة لقدم.. تسند على أي حاجة، وانت مشاعرك عمالة تلطمش فيك يمين وشمال كل يوم!

وتفضل انت في اللخبطة دي، لحد ما في يوم تلاقي فيه حاجة مختلفة! حاجة مش كبيرة ولا مفهومه بس مختلفة. ماشي في الشارع، شخص ابتسم لك، لقيت نفسك ابتسمت له من قلبك، وللحظة كدا تخيلت إنك خرجمت شفت صاحبك النهارده وضحكـت معاهـمـ، بعد ما كان بقى لك كـثير عازل نفسـكـ! للحظـةـ تخـيلـتـ إنـكـ مـمـكـنـ تـعـرـفـ تحـبـ تـانـيـ وتـلـاقـيـ حدـ منـاسـبـ تـبـسـطـ معـاهـ، بعدـ ماـ كـنـتـ فـقـدـتـ إـيمـانـكـ بالـحـبـ. للحظـةـ كـداـ تخـيلـ إنـكـ اـشـتـغـلـتـ وـاستـقـرـيـتـ مـادـيـاـ، بعدـ ماـ كـنـتـ يـئـسـتـ. وـمضـاتـ بـسيـطـةـ أـويـ تـجيـلـكـ عنـ المـسـتـقـبـلـ، وـتبـدـأـ يـادـوبـ تـلـمـسـ قـلـبـكـ وـتـدـيـلـكـ أـمـلـ! أـهـلـاـ بيـكـ فيـ المـرـحـلـةـ التـانـيـةـ!

إـيهـ أـهمـ عـلامـاتـ المـرـحـلـةـ التـانـيـةـ؟

١- الأمل

الأمل والرغبة والحلم من أهم سمات المرحلة الثانية. وقت الموت والولادة بتحس إنك فاقد الأمل تماماً! على نهاية المرحلة الأولى وبداية الثانية بتحس إن فيه أمل - مش مفهوم مصدره - اتزرع في قلبك! الأمل دا بييجـيـ لـوحـدهـ تـدـريـجيـاـ. لوـ حـاـولـتـ تـجيـهـ بالـعاـفيـةـ قـبـلـ أوـانـهـ وـقـبـلـ ماـ تـاخـذـ وقتـكـ فيـ الحـزـنـ وـالـلـخـبـطـةـ وـالـتوـهـانـ وـالـاـكـتـشـافـ بـتـوـعـ المـرـحـلـةـ الأولىـ،

هتبقى بتضحك على نفسك! الأمل مش هييجي بإنك تقنع نفسك كل يوم «أنا مش قصير أوزعة أنا طويل وأهيل» فانت كدا مثلاً هتطول! خد وقتك في كل المشاعر المؤلمة لحد ما هي لوحدها هتها، وهيظهر بصيص من الأمل من غير ما انت تجبر نفسك عليه! من غير ما تبذل مجهد ولا تحط توقعات ولا حاجة، هتلaci the self بذات ترتاح وتخليك تتسم من قلبك للناس اللي ماتعرفهاش، وتنهد تنهاية حلوة لما تفك في حاجة جديدة 😊.

٢- الضحك!

هترجع تضحك بجد، تخيل؟ أنا عارفة والله إن الواحد وهو في المرحلة الأولى بيصل لدرجة من الوجع بيقى حاسس «أنا مش فاكر حتى كنت بضحك من قلبي ازاي! أنا بجبر نفسي على الضحك عشان ماتحرش بالليل! عشان الناس اللي حوالياً مالهمش ذنب!».. عارفة والله، ومررت بكل دا كتير في المرحلة الثانية، في دورة التغيير، هتضحك! بس مش هتضحك عشان الناس، أو عشان تمشي حالك.. هتضحك بجدًا من قلبك! هتفاجئ إنك رجعت تضحك بسهولة وعلى مواقف عيطة جدًا! هتبسط!

٣- الرغبة إنك تعمل حاجات جديدة

هتلaci the self بعد ماتحررت من المشاعر المؤلمة بتاعة المرحلة الأولى، راحت وخداك من إيدك وقالت لك ماتيجي نروح نتعلم تركي.. ماتيجي نطلع كامب في وادي دجلة.. ماتيجي نجرب الصيد.. ماتيجي نعمل حاجة جديدة!

طبعًا مش بالضرورة الحاجة الجديدة دي تبقى كاريير وشغل! ممكن

تبقى هواية جديدة، وممكن تبقى طريقة لبس جديدة، ودي من الأعراض
المتشرة جداً.. تلاقي نفسك عايز تغير ستايلك وألوانك ولبسك عشان
يناسب الشخص الجديد اللي بيتولد!

تلاقي نفسك عايز تغير شعرك! تربى دقنك، تقضي شعرك، تغيري
لونه، تحلق زورو، تغيري لفة الطرحة، وهكذا! ودا مش تفاهة، ولا فراغ!
الأبحاث الاجتماعية بتقول إن تسريرحة شعرنا ومظهرنا عامة من الوسائل
اللي بنقول فيها للناس اللي حوالينا إحنا مين ومكاننا فين في المجتمع.

تلاقي نفسك عايز تغيّر في بيتك! الكاتب Thomas Moore كان بيقول
إن المكان اللي بنعيش فيه بيعبر بشكل مباشر عن أرواحنا وشخصياتنا.
اختياراتك في البيت من ألوان، لديزاين، لريحة.. كلها حاجات بتعبر عنك!
لما تلاقي نفسك في المرحلة دي عايز تعيد تنظيم البيت وديكوره وتغيّر
شكله، فدا كمان طبيعي! إنت بترسم لوحة جديدة لشخصيتك الجديدة!

طبعاً مش بالضرورة كلنا يحصل معانا كل الأعراض دي.. بس الخلاصة
إن الإبداع والتجديد والخيال من أهم سمات المرحلة الثانية.

ولو احنا هنقسم المرحلة الثانية برضه لتلت فقرات فهنقول:

بداية المرحلة الثانية: الحلم

في بداية المرحلة الثانية هتلحظ إن الوقت اللي بتقعد فيه حزين وبائس،
بدأ يقل ويبقى أهدا واحدة واحدة.. لحد ما يروح خالص، وتلاقي تركيزك
بقى متوجه أكثر على نظرتك لقادم.. على خطوات كبيرة وأحلام طويلة
المدى.

فيه ناس بتقع هنا في مطب التمسك بالمرحلة الأولى! ليه؟ عشان رغم
الألم اللي فيها، إلا إنها اعتادت عليها وبقيت واحدة اهتمام وتعاطف من

الناس اللي حواليه. الناس دي لما بيظهر الطاقة والأمل جواهم، بيقاوموه!
بيخافوا منه!

لو دا حصل لك افتكر إن كل اللي عليك إنك «تسيب إيدك!».

سيب إيدك وامشي ورا self وسبيها تحلم! محدش بيموت من أحلامه، لكن ممكن نموت لو كتمنا أحلامنا! اسرح بخيالك كدا وفكّر:
إيه أسعد حياة ممكن تخيلها؟ شكلها إيه؟

غالباً كونك أصلاً وصلت للنقطة دي في الكتاب معناه إنك مررت بأحداث أحبطتك كفاية بحيث إنك بقى تخاف تحلم! بقى لما بتيجي تخيل «الحياة الجميلة» من وجهة نظرك.. بتلاقي نفسك بتقول: «محدش بيأخذ كل حاجة.. إنت متخيل إنت تحتاج تشتعل أدو إيه عشان توصل لكدا؟ إنت نسيت نفسك؟ دا مستحيل اللي انت عايزة دا!».

الفكرة إن «طبيعة» الأحلام في المرحلة الثانية إنها بتبقى أحلام شكلها مستحيلة! وب مجرد ما الأحلام دي تلوح في الأفق، بتلاقي صوت «هادمي الأحلام» طلع جوا دماغك قالك: «طريقك مسدود مسدود..» صوت اتربيينا عليه كلنا بيقولنا إن فيه قواعد محددة للحياة وقوانين ثابتة لا تتغير، وأي حلم مخالف للقواعد دي بيقى حلم مستحيل ولازم نقتله قبل أن يتکاثر!

ممكنا أحاول أكسر لك القوانين دي؟ عايزةاك تعود نفسك إنك تعمل ولو حاجة واحدة بس «مستحيلة» كل شهر!

إيه هي الحاجة دي؟ معرفش.

جرب تكميل الجمل دي باللي ييجي على بالك:
لو مش فارق معايا الناس هتفكر ازاي، كنت..

لو كنت متأكد إني هننجح وماكتتش قلقان على المستقبل، كنت..

لو كان عندي الشجاعة والحرية، كنت..

دلو قتي اختار واحد من أجوبتك مايكونش حرام، ولا غير قانوني، ولا مؤذى لنفسك، أو لغيرك، ونفذه. خد فيه ولو خطوة واحدة من غير ما تفكر كتير هتنجح ولا هتفشل ومين هيشعج ومين هيتعرض. خد خطوة.. وأول ما تخلص تنفيذه، انقل على إجابة تانية، ونفذ.

هتكسر قواعد المجتمع؟ احتمال! فيه ناس مش هيعجبها؟ عارفة! احتياجك للتأكد والضمان والقبول والإذن، كلها أسوار محظوظة جوا دماغك، وانت عندك اختيارين: يا تفضل محبوس جوا السور عشان خايف، يا تعامل مع أحلامك باحترام ومسؤولية ووعي وتحررها من السور دابقى!

تحررها من السور مش معناه إنك ماييقاش فارق معاك حاجة ومستبيع ا
كسر القواعد معناه بس إنك تشتغل من فضول وشغف **the true self**، مش
من خوف ورعب **the social self**!

شعارك في المرحلة الثانية: سيبيك من القواعد!

في المرحلة دي وانت بتجاوب على الأسئلة وبتدور على الأحلام،
وارد تلاقي شوية أحلام متجمدة! أحلام كدا انت - لسبب ما - شلتهم في
الفرizer لحد ما اتجمدو!! طلئ الأحلام دي اللي انت أقنعت نفسك من
سنين طويلة إنها مستحيلة وغير واقعية.. هنحتاجها في دورة التغيير بتاعتنا!

* * *

نص المرحلة الثانية: الانتقال للواقع

بمجرد ما أخذت حقنة الشجاعة، وقررت تنط من فوق السور، وتطلع
الأحلام تفك من الفرizer.. هييجي دور الانتقال للواقع! إنك تاخذ الأحلام
«المستحيلة المجنونة» بتاعتك دي، وتحطتها في خطة قابلة للتنفيذ.

طب منين الحلم مستحيل، ومنين الخطة تبقى قابلة للتنفيذ؟

هقول لك:

في كتاب «سندريلا سيكريت» اتكلمت عن حاجة في المخ اسمها
Reticular Activating System، أو **RAS**. الجزء دا في المخ ليه دور
مهم جدًا في حياتك، وكتير مننا مش بيستغله كويس! لما بتبقى بتدور على

حاجة، أو نفسك في حاجة معينة، RAS بتاعك بيساعدك تلاقي الحاجة دي بإنه بيفلتر كل المدخلات من الصور والأصوات والمعلومات اللي حواليك، عشان يجيب لك اللي انت بتدور عليه! زي جوجل كدا. لما بتكتب في جوجل مثلاً «طريقة عمل المحسني»، بتلاقي جوجل فلتر المعلومات الكبير اللي فيه، وجاب لك نتائج البحث اللي ليها علاقة بالمحسني تحديداً (بس اووعى تعمل الوصفات اللي هتطلع لك عشان وحشة كلها)!

فيه بعض الكتب بتسمى القصة دي Search Image أو صورة البحث. صورة البحث دي بتبقى عاملة زي جهاز إنذار جوا دماغك يينبهك لما تقابل حاجة لها علاقة باللي بتدور عليه! لما بتروح تجيب ابنك من المدرسة، بتسمع صوته من بين عشرات الأطفال مخك تجاهم لهم كلهم وفلترهم بالصوت والشكل، عشان يجيب لك ابنك اللي بتدور عليه! حتى الحيوانات عندها في مخها صور البحث بتاعة الضحية بتاعتتهم، اللي تخلي الأسد مثلاً يلقط شكل الغزال في جزء من الثانية حتى لو كانت بعيدة جداً عنه!

طيب إيه علاقة دا بالأحلام والقصة بتاعتنا؟

لو حاولنا نفتقرك اللي حصل في فيلم الناظر كمثال، هنلاقي إن صلاح حصل له حدث صادم، هو موت أبوه. دخل صلاح في المرحلة الأولى من الألم والتوهان والتخبط في إدارة المدرسة، بعدها بدأ يحلم إن المدرسة تدخل المسابقة وتكتسب. الحلم دا كان «مستحيل» بمقاييس الظروف ساعتها نظراً لأن المسابقة اللي قبلها أثبتت انحدار مستوى الطلبة جداً، زائد إن طريقة التعليم المتبعه أصلاً خلت الولاد بيكرهوا المدرسة.. وبالتالي الحلم نظرياً مستحيل! لكن اللي حصل إنه لما صلاح بدأ يركز على الحلم دا ويخطط لتنفيذـه، مخه ساعده! RAS خلاه في مرة وهو معدى من قدام التليفزيون، عينه لقطت إعلان مسابقة وجوايز عَجل وكمبيوتر وحاجات كتير، فجت له فكرة إنه ممكن يستخدم نفس الطريقة دي في تشجيع الولاد على المذاكرة. إعلان عادي جداً ممكن يكون بيعدي قدامه كل يوم،

بس لما حط حلمه في دماغه وبدأ يخطط له، RAS خلاه يتتبه للإعلان ويربطه بالخطة بتاعتة.. وبالفعل عمل كدا، والمدرسة كسبت المسابقة!

الموضوع دا بيحصل كتير في الواقع مش بس في الأفلام! لما بتحدد هدف، وتكتبه، وتتخيله.. انت كأنك بتكون جوا دماغك «صورة بحث» عن الهدف دا! Search image بتبرمج مخك عليها عشان يساعدك توصل للهدف، أو تلقط أي حاجة ممكن توصلك له!

«المستعد للشيء تكفيه أبسط أساليبها»

(ابن سينا).

يعني نعمل إيه؟

واحدة واحدة..

الأول نفكّر في الأحلام والأهداف «المجنونة المستحيلة»!

إنك تحط أهداف «مجنونة» دي مهارة ممكن تتعلمها. الشعور اللي تحتاجه هو رغبة وتطلع حقيقي من القلب. حاجة لما بتتخيلها بتلاقي قلبك نطق! بمجرد ما بتفكر «أنا ممكن آخذ دكتوراه، أعيش في فرنسا، أتقن الأسباني، أكتب في نيويورك تايمز... إلخ، إلخ»، بتلاقي نبضك ارتفع مباشرة وطاقتك عليت جداً.

مهم جداً تعرف إن self true بتاعتكم مش هتسجيب وتفاعل معك بالطريقة دي، إلا لو كانت أحلامك دي فعلاً لها علاقة بصيانتك ومرادربنا

«تُرِيد النجاح ثق بالله، ثمّ بنفسك، وتجاهل من يقول هذا صعب،
وهذا مستحيل، الثقة بالله هي عقلية العظاء»
(محمد علي كلاي).

عايزاك تركز انتباهاك دلوقتي على بعض الأنشطة اللي بتستمتع بيها جدًا. ممكن تكون حاجة ليها علاقة بشغلك، علاقاتك، هوایاتك، أو حاجة كنت بتحب تعملها زمان. فكر في الحاجة دي، وبعدين تخيل إنك أخذت الحاجة دي وكبّرتها وطورتها لأقصى هدف ممكن تخيله. يعني مثلاً أنا بحب السفر جدًا، ولو عايزه آخذ السفر دا وأتخيل أقصى هدف فيه، ممكن أقول إني ألف العالم كله قبل سن الخمسين! ماتختارش الهدف «الواقعي» و«المقبول» و«المبهّر» للي حواليك.. اختار اللي فعلًا مبهر وخطير للـ true self بتاعتكم!

أمثلة تانية:

- يتحبّب إيه: التحدّث أو الـPublic speaking

الهدف المجنون: أعمل شو محترف في قناة كذا.

- بتحب إيه: أخبار الكورة.

الهدف المجنون: أبقى وكيل أعمال اللعيب الفلاني.

- بتحب إيه: الأونلاين شوبنج.

الهدف المجنون: يبقى عندي موقع بتاعي مجمّع أشهر براندز في العالم.

الأمثلة لا تنتهي.. وطبعاً ممكن هدف من دول يكون بيشعلle the true self بتاعتكم، بس بيقتل تماماً the true self بتاعة واحد تاني بمجرد ما يتخيّل نفسه بيعمله! عادي! إحنا مختلفين، واللي أقصى أحلامك ممكن يبقى أسوأ كوابيس غيرك، ودي أحلى حاجة في الدنيا.. لأن دا معناه إن الملعب مفتوح للجميع، وكلنا هنستفيد من اختلافنا عن بعض!

بتحب إيه؟

الهدف المجنون:

عيد على نفسك السؤال دا أكثر من مرة، ومفيش مشكلة لو طلعت بـ ٣-٢
أهداف مجنونة في الآخر. المهم يكون الهدف المجنون دا مرتبط بحاجة

إنت فعلاً بتعجبها من قلبك، وبيحس إنك «عايش» ومنطلق وانت بتعملها!

أهداف المجنونة:

تاريخ النهارده (على اعتباره اليوم اللي حطيت فيه الأهداف):

تاريخ تحقيق الأهداف (كل هدف على حدة حسب انت عايز توصل له إمتي):

طبعاً إنك حطيت الأهداف والتاريخ مش معناه إطلاقاً إنك وصلت خلاص وريح ضهرك يا رئيس واستنى أحلامك تتحقق! المعجزات هتحصل وكل حاجة بس هتحصل لما انت تسعى وتتعب وتتعب وتتعب وتجيب آخرك في المجهود، وبعدين تيجي المعجزة تكمل لك اللي فاضل! و«تعب تتعب» دي تقولنا إننا محتاجين إيه؟ خطوة!

* * *

نهاية المرحلة الثانية: التخطيط

الأحلام اللي حلمناها في بداية المرحلة الثانية كان هدفها إننا نحدد أهداف معينة عشان نركز عليها. بمجرد ما حددنا الأهداف دي، محتاجين ننتقل من الأحلام للتخطيط. من «أنا عايز» أعمل كذا لـ«أنا ناوي» أعمل كذا. النية والعزم لو موجودين، بيبقى فرصة إن الحاجة تتحقق أعلى بكثير.

فيه ناس مننا حالمين جدًا هيحبوا أوي كل اللي فات، وهييجوا عند مرحلة الخطة والتنفيذ والكلام العملي دا، هييئنّجوا! وفيه ناس العكس.. اللي فات دا كله بالنسبة لهم سفسطة وفلسفة ولسان حالهم «خش لي على الخطوات العملية يا رئيس!».. مع الأسف مع الألم الوصول للبصمة بتاعة حضرك محتاجة منك الآتنين: الخيال المشاعر والأحلام، ومعاهم شغل صناعية عملي! جانب واحد فيهم مش هيتفع.

طيب نعمل إيه؟

١- اعرف اللي عليك

إنت النهارده - بتاريخ النهارده يعني - حددت الهدف المجنون. وحددت كمان التاريخ اللي ناوي تحققه فيه. فاضل إيه؟ فاضل تعرف إيه اللي عليك تعمله عشان توصل للهدف دا. تعرف ازاي؟ بالمنطق والبحث. فيه حاجات هتلaci نفسك منطقياً عارفها أصلاً.. وفيه حاجات هتحتاج منك بحث عشان تعرفها. مهم جدًا في المرحلة دي تعرف «بالظبط بالتفصيل» إيه اللي انت محتاجه. تبقى راسم الخطوات في خيالك وعامل خطة خمسية لولبية، وإلا تبقى مجرد لسه أحلام مبهمة.

هتعمل إيه؟

هتشتغل المفتش كرومبو! هتعمل بحث دقيق مايفوتش الهافة. بحث
بتاع واحد عايز بجد يوصل لهدفه وبيذاكر ويدور بإتقان هيوصله ازاي.
تايه بقى، مش عارف تبدأ منين، متلخبط.. مليش فيه!

- عندك كتب تدور فيها على أي حاجة تشرح لك ازاي توصل للهدف
بتاعك، أو تدللك على شخصيات وصلت له بالفعل!

- عندكبني آدمين تسألهم، سواء ناس تعرفها مباشرة ممكن تساعدك،
أو ناس تعرف ناس تساعدك. ممكن تسأل الناس على فيسبوك والسوشيال
ميديا برضه. مهم بس في النقطة دي إنك تبقى عامل الواجب الأول ومحدد
هتسأل عن إيه بالظبط. حضر أسئلتك واطلب من الشخص إنك تكلمه
أو تقابله ربع ساعة عشان انت بتبحث في مجال كذا.. بطريقة مهذبة فيها
احترام لنفسك وتقدير لوقت الشخص اللي بتكلمه. حتى لو عايز شغلانة..
ممكنتطلب تقابل الشخص المسؤول تسأله عن حاجات عنها، والانتباع
اللي هتسيبه هيفرق كتير في اختيارك.

- عندك بقى الإنترت الفسيح. استخدم كل كلمة ليها علاقة بالحلم
بتاعك في البحث عنه! مقالات، على كتب، على إيميلات أشخاص ليهم
علاقة حتى لو في بلاد الواك واك. ابعت لهم وكلمهم.. ومن وسط ناس
كتير جداً هتلaci أشخاص يساعدوك.

«مها رأيت نفسك فريداً فهنا لك أحد ما حقّق الحلم نفسه قبلك وترك
علامات يمكنها أن تُسهل عليك المهمة، صحيح أن هذا طريقك،
وتلك مسؤوليتك، ولكن لا تنسَ أن تجربة الآخرين نافعة جداً»
(باولو كويلو).

لو عملت كل دا بقى وفشلـت إنك تلاقي أي بني آدم عمل اللي انت
عايز تعمله، يبقى ما قدامكش حل غير إنك تخترع! ركز على هدفك كويـس
وخلـيه واضح قدامك وابـدع في طرق الوصول له.

خلـصـت الخـطة؟ كـتبـت أهدـافـك والـخطـوات اللي مـحتاجـها عـشـان
تنـفذـهم؟ حـان وقتـ العمل..

المرحلة الثالثة: الدراما والملاحم

كلنا بنحب القصص. كلنا اتربينا وربينا ولا دنا على قصص البطل الشجاع اللي حارب التنين وهزم الوحش وتخطّى الصعب لحد ما كسب. حتى الرياضات بتقلد القصص.. Spartan race وIron man وغيرهم من المسابقات اللي بتحاكي فكرة قصص البطولة. نصعب على المتسابقين اللعبة ونحط عوائق وتحديات بحيث يبذلوا مجهود كبير جداً عشان يكسبوا. ولو اللعبة مجرد بنجري وخلاص ومفيهاش أي صعوبات و حاجات بنط من فوقها و حاجات بتنزل من تحتها وهكذا.. هتبقى قمة الملل!

ليه بنحب الدراما في الروايات اللي بنقرأها والأفلام اللي بنشوفها والرياضة اللي بنلعبها؟ لأن الدراما والملاحم اللي في الحاجات دي بتحاكي قصة حياة كل واحد فينا. كل عقبة، وكل تحدي، وكل واقعة بتشوفها، أو بتقرأها، بتحاكي خطورة أو فشل أو إحباط انت بتمر بيها. لو النهارده اتفرجت على فيلم عباره عن اتنين حبوا بعض واتجوزوا بسهولة من غير أي مشاكل.. أو واحد قدم على شغلانة ونجح فيها وكبر، وشكراً على كدا الفيلم خلص، إنت هتختنق! مش هتصدق! فين يا عم الأكشن؟ طب انت عاييز أكشن ليه؟ لأن حياتنا كلها أكشن! الواقع مش سهل وسلس وحالياً من العقبات. عشان كدا المرحلة الثالثة دي - مرحلة التطبيق على أرض الواقع - هي مرحلة الأكشن.. هي مرحلة «التشمير».. شمر وانزل أرض الملعب. وطبعاً النزول مش بيقى دايماً بسيط ومبادر وسهل زي ما بعض كتب وبرامج التنمية البشرية بتصور! دي أكثر مرحلة مرعبة ومثيرة في دورة التغيير! مهما إنت خططت وعملت أبحاثك ودراساتك واستعدت نفسياً تماماً وانت في المرحلة الثانية، التنفيذ على أرض الواقع قصة تانية خالص! خاصة لو الهدف بتاعك معجون بجد وكبير وعظيم... رعب! مش هتناخ! بس لما توصل له، هييقى عندك قصة بطولة تحكيها وتتناقلها الأجيال من بعدك!

بداية المرحلة الثالثة: الطلعاء الأولى

لو مشيت زي الفل في المرحلة الأولى والثانية، وقعدت على الكتبة بقى ترّيَح من التفكير، ومستني النجاح ييجي والشغفانة تكبر والحلم يتحقق.. فانت للاسف لسه بتحلم، بس المرة دي حلم من بتوع ديزني لاندا المشكلة إن الخيال الواسع المُبهج بتاع المرحلة الثانية، لما بيتحط وراه الخوف من التنفيذ وتبعاته اللي في المرحلة الثالثة.. الواحد ساعتها بيمسك في الخيال ويهرب من الواقع! تلاقي الخطأ واضحة جدًا أهو ومبذول فيها مجهد.. بس انت عمال تضيع وقت في إنك ترغبي شوية كمان، تقرأ شوية كمان، تزود هنا لون وهنا صورة، وأي تضيع وقت عشان خايف تبدأ تنفذ.

الطلعاء الأولى صعبة فعلًا! بتبقى عامل زي اللي واقف على الأرض قدام جبل سانت كاترين وبيقول أنا المفروض أبدأ أطلع الجبل عشان أوصل للنقطة اللي فوووووووأوي دي! قدمي بقى طريق طويل وصعب، وكمان ما عرفوش! ما عرفش إيه اللي هيحصل وإيه المطبات اللي هقابلها! الطلعاء الأولى من الصفر أصعب بكثير من التكملة بعدها! كلنا بنعاني من الشعور دا والله وأنا شخصيًّا حصل معايا نفس القصة دي بحدايرها وأنا بكتب الكتاب دا اللي قبله! عشان كدا فيه كام نقطة كدا ممكن تساعدنا:

١- اكسر كل خطوة خطوات بسيطة جدًا

لو بصيت على الخطأ بتاعتكم ولقيت نفسك كاتب في خطوة من الخطوات «التقديم على الماجستير»، امسك الخطوة دي واكسرها خطوات صغيرة.. لأن التقديم على الماجستير دي مش خطوة سهلة تتكتب في سطر! بص على الخطأ بتاعتكم وكسر الخطوات اللي فيها خطوات صغيرة جدًا! وخطوات صغيرة دي المقصود فيها هي «أقصى» حاجة *true self* بتاعتكم هترضى تعملها «بسهولة».. «بسهولة».. «بسهولة».. أيوه أنا قصدت أكتبها تلات مرات! أنا مش بتكلم دلوقتي عن الفترة اللي هتسحل نفسك فيها لما يكون وراك ديدلاين وسايب اللي وراك اللي قدامك عشان تخلص،

وحاطط جنبك جردل قهوة عشان تفوق. أنا بتكلم عن الخطوة البسيطة جداً، اللي حتى لو عدّي عليك يوم ضلّمة مش قادر تقوم فيه من السرير..
برضه هتقدر تعملها من كتر ماهي بسيطة!

لما جيت أكتب الكتاب دا، عملت له خريطة ذهنية وخطة، وكل الكلام
الحلو بتاع المرحلة الثانية.. بس لما جيت أبدأ في التنفيذ بقى، قعدت شهور وور
بيص للخطة وبقول إن شاء الله هبدأ! ييجي بس رمضان والواحد يركز كدا
وهو صائم ومش بيفرك طول النهار والكورسات واقفة، ويقعد يكتب! لا
بصي.. يخلص بس رمضان والعيد، ومعاكي الأجازة بقى ماتخلصيهاش
غير وانتي مخلصة الكتاب. تيجي الأجازة أقول أنا محتاجة شهر كدا كل
يوم أكتب ٤-٥ ساعات وأنا هنجز.. وهلم جرًّا! ليه بنعمل كدا؟ لأن الطلعه
الأولي صعبة فعلاً! بس أول ما بتطلعها بتلاقي العربية أسهل في السواقه!

طب طلعتها ازای؟

قلت لنفسي ولا ٤ ساعات في اليوم ولا عشرة.. إيه أقل وقت تقدرني
تلزمي نفسك بيه؟ ٣ ساعات؟ الـ self true z غرت لي! طب ساعتين؟ لسه
مش عاجبها! ساعة؟ برضه لا! إنتي بتهرجي والله.. نص ساعة؟ قالت
لي ماشي نص ساعة بس! تقدرني تلزمي بالنصف ساعة دي حتى في الأيام
الصعبـة المشغولة الحزينة الأليمة؟ في أي يوم يعني؟ ولا نخليلهم ربع
ساعة؟ قالت لي لا أقدر! اتفقنا.

حطيت منبه على التليفون كل يوم نص ساعة أول ما تخلص، أوقف واسيب اللي بعمله وأقوم زي ما اتفقت معها. فيه مرات في الأول عدّي عليا النص ساعة دا ما كتبتش فيه كلمة! برضه أقفل وأقوم. فيه مرات تانية كتبت صفحة. أقفل وأقوم. طبعاً self social ماسابتنيش! قالت لي: إيه لعب العيال دا؟ إنتي كدا هتنجزي إيه في عيشتك؟ قلت لها: أنا أما مشيت وراكي، عدت شهور ماعملتش حاجة عشان مستنية طاقة تخليني أطلع طلعة ٤-٥ ساعات كل يوم! سيبيني بقى أبني قوة دفع كدا بالنص ساعة

دي، وواحدة واحدة العربية هتمشي.. ودا اللي حصل فعلاً!

مع الوقت كتبت شوية حلوين، ودا إدّاني طاقة وحماس إنني أكتب أكثر، وأزود الوقت اللي بقعده. لما حسيت إن قمة الجبل بقى أقرب لي، اشجعت أطلع! عشان كدا فيه حديث بيقول: «أحب الأعمال إلى الله أدوتها وإن قل».. وعشان كدا كلنا اتحكى لنا قصة الأرنب والسلحفة، وشفنا ازاي إنه رغم إن السلحفة كانت خطواتها بسيطة وبطيئة جداً مقارنة بالأرنب، إلا إنها هي اللي كسبت في الآخر عشان كانت مستمرة ومركزة.

فكّر في هدف نفسك تتحققه فعلاً، واكتب خطوة واحدة انت عارف إنك لازم تعملها عشان توصل له (لو عملت خطة لحلمك في المرحلة الثانية، اختيار خطوة واحدة من خطتك).

دلوقي كسر الخطوة دي لخطوات أصغر. بعدين اختيار واحدة من الخطوات الأصغر وقسّمها لخطوات فرعية أصغر كمان. كمل بالطريقة دي لحد ما توصل لخطوة صغيرة انت متأكد إنك ممكن تتحققها بسهولة. استثير *true self* بتاعتكم لحد ما تحس إن المهمة صغررت كفاية بحيث تقدر تتلزم بيها في أي يوم مهمما كان صعب.

النهارده خُد خطوة واحدة من الخطوات دي تجاه هدفك. واحدة بس، واقف! مش مسموح لك تاخد خطوة تانية لحد ما يعدي ٢٤ ساعة، أو تحس إن عندك رغبة قوية إنك تكمل. في الحالة دي خُد خطوة جديدة، واقف تاني. خطوة، اقف.. خطوة، اقف.. خطوة، اقف. ممكن ماييقاش دا إنجاز كبير تبهر بيه في الأول، لكن الأكيد إنك لو استمرت هتوصل.

٢ - ادفع رشوة

أيووووه، إنت قريتها صح! ادفع رشوة! ليه؟ ولمين?
هشرح لك..

مهما كان الهدف بتاعتك عظيم وجميل، أي خطوة في الدنيا هتحطها عشان توصل له، هتبقى جواها خطوات غلسة وتقيلة جداً على نفسك، والـ *true self* بتاعتكم بتكررها! هيبيقى فيه كمان خطوات مهمما حاولت تكسرها لخطوات صغيرة، برضه هتبقى طويلة ورخمة! طب هتعمل إيه في الخطوات اللي مش بتطيقها دي؟ هتدفع رشوة!

لو أنا طلبت منك النهارده تنضَّف الحمام العمومي اللي في الشارع في مقابل عشرة جنيه، هتوافق؟ غالباً *true self* بتاعتكم شتمتني، وجابت ناس تشتمتني دلوقتي 😊 طيب لو خليتهم عشر تلاف جنيه؟ عشرة مليون جنيه؟ عشرة مليون دولار؟

مِنْ قَامْ يَجِيبْ الدِّيْتُولْ وَفُوْطَةِ الْمَسْحِ؟

اللي عايزة أقوله إن *the self* بتاعتكم ممكن تترشى.. وانت ساعات بتحتاج ترشيها! مش بالضرورة أبداً تحتاج ترشيها بعشرة مليون دولار.. بس انت المفروض -في النقطة دي من الكتاب- تكون عرفت *the self* بتاعتكم بتحب إيه، وممكن ترشيها بإيه، عشان تعمل الخطوات الغلسة اللي في الخطة!

لو قدمت للـ *true self* بتعاتك رشوة ولقيتها بتقولك برضه «لأ»، يبقى
محتاج تعلّي الرشوة شوية.. مثال:

- لو صحّيتني يا هبة بكرة بدري وروحتي قدمتي ورقلك، هجيب لك
شيكلاتة واحنا راجعين.
- مش كفاية.
- طب هخليكي تقدعي ساعتين بالليل تقرى الرواية اللي بتحببها.
- ممممم، مش أوي برضه.
- طب هوديكيي تعلي مساج يوم الجمعة.

وتقعد تعلّي الرشوة لحد ما *the self* بتعاتك تقولك: «اتفقنا». لو
الخطوة اللي وراك رحمة شوية ممكن تلاقي لها رشوة، بس لو قافلة خالص،
حاول تدور على طريقة بدارها.

راجع الخطة بتعاتك، ودور على خطوة مش حابب تعملها، أو مش
هينفع تكسرها الخطوات أصغر. فكر إيه المكافأة اللي ممكن تديها للـ *the self*
بتاعتكم عشان ترضى تعمل الخطوة دي.

تحذير مهم جدًا وضروري: لو *the self* وافت واستغلت معاك،
لازم تديها المكافأة كاملة بمجرد ما تخلص، وإلا هتفقد ثقتها فيك!

٣- عُكّال الدنيا

إنت مش عايز تبدأ تنفذ ليه؟ خايف تعك الدنيا؟ عك الدنيا! أحياناً
كثير جداً بنضيق على نفسها ونحبسها في الحاجات اللي هي بتعرف تعملها
كويس، عشان بنخاف نعك الدنيا! عك الدنيا!

لو انت النهار ده حياتك بتتغير و بتتشقلب، فدا معناه بالتبعية إنك بتعمل حاجات جديدة عليك، و بتتعرّض لحاجات ما شفتهاش قبل كدا.. ودا -
بالتبعية برضه - معناه إنك هتغلط! مش عشان انت قاصد تغلط و تعُكّ، بس
عشان انت بتتعلم و بتكبر! مع الوقت والمحاولة هتبقى شاطر في الحاجة
دي، بس في الأول لازم يكون عندك تقبل إنك تعُكّ!

وَهُوَ يُجِيزُ لِنَصْرِ الْمَرْجَلَةِ الْثَالِثَةِ.

* * *

نُصِّ المَرْحَلَةُ التَّالِتَةُ: الْفَشَلُ!

بدأت انت في تنفيذ الخطة اللولبية بعد ما كسرتها لخطوات صغيرة، وشمرت، ونزلت تشتعل، روحـت خابط في الحقيقة المُرّة.. الخطة مش نافعة! أو با!!! مش نافعة؟ مفيش حاجة نافعة؟! فيه حوالي ٣٣٧ مشكلة ظهرت ماكنتش عامل حسابها، مخلية الخطة بتفشل تماماً!

مهم جدًا في اللقطة دي تفتكر إنك في المرحلة الثالثة، اللي هي أصلًا مرحلة المحاولة والخطأ والمشاكل والملاحم! فاكر في فيلم الناظر الفشل الذي يحصل لما المدرسة دخلت المسابقة أول مرة؟ فشلك في المرحلة دي مش بس طبيعي.. دا يكاد يكون حتمي! اللي هو انت لو ما فشلتش هقولك: «أنت شكلك حاطط أهداف سهلة على فكره، وتنضحك علينا!».

«من لا يُغامر في الفشل لا يُحرز النجاح»
(ريتشارد نيكسون).

كل مرة تفشل في الخطة، جرب تعلم الآتي:

١- خليك مَرن

لو قفلت دماغك على إنه لازم الخطة بتاعتك دي تحديداً تشتعل زي ما انت عايز بالظبط، وعِمال تعيد وتزيد فيها بدون أي مرونة للتغيير، هتبقى بتغلط غلط كبيرة! لما خطتك ماتمشيش، اهدا كدا، وخد خطوة لورا، وحاول تبع من زاوية تانية. اعتبر المشكلة دلوقتي مش مشكلتك انت خالص.. إنت واحد ماشي في الشارع ويتفرج ويتحلل الموقف من غير أي مصلحة، ولا جمود في نظرتك. المرونة دي هتساعدك تشفف المشكلة والحل، أسرع من لما تقول على نظرة واحدة بس!

«كُن مُلتزماً بأهدافك، لكن كُن مرنًا بطريقة الوصول إليها»
(أنتوني روينز).

٢- اتعلم من أخطاءك

إحنا مش دايماً بنختار إننا مانغلطش لأننا ببساطة بني آدمين! بس على الأقل لمانغلط بقى، نقف ونتعلم من أخطاءنا!

فيه ناس في الدنيا دي لما بتغلط، بترمي كل المسؤولية على أي حد، أو أي حاجة حوالיהם ! عدم تقبلهم لكونهم بني آدمين طبيعيين ممكن يغلوطوا عادي، بيخليهم يهربوا تماماً من المسؤولية.. وبالتالي مش بيتعلموا حاجة من التجربة !

و فيه ناس العكس بالظبط ! بياخدوا اكل حاجة على نفسهم بزيادة ! هما بس اللي مسؤولين في الدنيا عن كل الكوارث والمصائب، و ثقب الأوزون، و انقراض الباندا ! الناس دي برضه نظرتهم و توقعاتهم غير واقعية .. عشان كدا برضه مش بيتعلموا من أخطاءهم !

حاول (وأنا بقول «حاول» عشان عارفة إنه مش سهل)، بس حاول تتعامل مع أخطائك بموضوعية ! بص عليها من زوايا مختلفة. اسمع التشجيع، و اسمع كمان النقد، لأن ساعات كتير اللي حواليك بيكونوا شاييفين مشكلة إنت مش شاييفها ! اقف و حلل الموقف بموضوعية عشان ماتقدرش تكرر نفس الأخطاء. خد رأي ناس بتثق فيهم. و ريهم شغلك، و أسألكم انت شاييفين فين المشكلة ؟ ممكن أتطور ازاي ؟ خد رأيهم في مهاراتك الاجتماعية. في المنطق بتاعك. أسألكم: طب لو انت شاييفيني النهارده ٦/١٠ في الموضوع الفلاني، تفتكروا محتاج أعمل إيه عشان أوصل لـ ٩/١٠ ؟

اسمع و تواضع و تقبل بشرىتك و شجع الـ true self تجرب و تغلط و تتعلم.. ماتخوفهاش من الحياة !

٣- ارجع للمرحلة الأولى !

بتحصل على فكرة أحياناً ! خطأ كبير جدًا في المرحلة الثالثة، يبقى عامل زي الصدمة بالنسبة لك، ويحذفك من أول و جديد على المرحلة الأولى ! مفيش مشكلة.. المرة دي إنت فهمت، فهتعدي أسرع !

وممكن تلاقي الخطأ اللي حصل رجعك للمرحلة الثانية، مش الأولى. خلاك ترجع تبص على أحلامك عشان تشوف يمكن الحلم نفسه كان فيه حاجة غلط. طب لو الحلم تمام ما فيهوش مشكلة؟ يبقى الخطة يمكن هي اللي محتاجة تعديل. محتاج تبص على الأخطاء وتعيد تطبيق الخطوات تاني. عمرك شفت البطل بيقتل الوحش من أول مرة؟ دي تبقى قصة مملة ومتوقعة جداً 😊.

شعارك في المرحلة الثالثة: الموضوع طلع أصعب مما تخيلت..



بس برضه عادي!

طب لو عصرت دماغك تماماً ومش عارف الغلطة فين؟ أعمل أي حاجة مختلفة مهما كانت بسيطة! أنا ساعات لما كان مخي بيقفل وأنا بكتب حته في الكتاب، كنت بقوم أقعد في حته تانية، أو أغير هدومي، أو أكتب أفكاري بلغة مختلفة، أو أعمل أي حاجة تكسر بس النمط!

جرب أي حاجة جديدة، وحلل أخطائك، واسأل اللي حواليك، واتعلم، عشان تقدر توصل لنهاية المرحلة الثالثة.

* * *

نهاية المرحلة الثالثة: النجاح!

عملت الخطة.. وحاولت فيها وماشتغلتش.. وحاولت تاني مرة، واتنين، وعشرة، وغيرت وظبطت وعدلت.. وبدأت أخيراً تندفع! بدأت تحس إن المكنة بتطلع قماش! عايزة توقف في اللحظة دي وتكتب.

فاكر لما فؤاد المهندس كلم الشعب كله يبلغهم إن المكنة طلعت قماش؟
اعمل كدا. سجل اللحظة دي بأي شكل ما. دي من أحلى اللحظات اللي
هتحصل لك في حياتك!

طبعاً مش معنى إنها لحظة جميلة، إن كل اللي بعدها هيقي ورود وبونبوني! معلش أنا بحب أنكد عليك كل شوية وأنزلك أرض الواقع عشان ما تتصدمش! عادي جدًا ممكن بعد اللقطة دي تلاقي الدنيا ضلمنت شوية تاني وتحتاج تستغل أكتر.. دي طبيعة المرحلة الثالثة! بمجرد ما البطل بيقتل الوحش، بيطلع له تنين مجنب، ساحرة شريرة، أي حاجة تخليه يستغل أكتر. عشان كدا الأجانب عندهم مصطلح كدا بيقولوا: .«Work like a dog, Play like a dog»

التمثيل بالكلب هنا مش المقصود بيها شتيمة.. جرّب تتفرج في مرة على كلب بوليسى مثلاً، أو الكلب اللي يساعد الناس الكبيرة في السن، أو أي كلب بيشتغل.. وشوفه بيشتغل ازاي! شوفه بيحب شغله ازاي! لا بيستنى حظ يلعب، ولا ديدلاين يقرب، ولا حد يتحايل عليه، ولا شغل يتراكم.. بيشتغل بتركيز رهيب!

ولو اتفرّجت بقى في المقابل على أي كلب وهو بيلعب، هتلaciه بيلاعب
لعبة رهيب برضه! هو غالباً أصلًا بيعرف يستغل كويسي جدًا، عشان بيعرف
يلعب كويسي جدًا.. والعكس! طبعًا إحنا اتربيينا بشكل ما على إن اللعب
والشغل مايجمتعوش في حياة شخص واحد.. ودي فكرة غلط جدًا! وانت
في المرحلة الثالثة بالذات هيجييك إحساس إنك مانيفعش تلعب.. إنت
لازم تحرق بنزين عشان توصل! الواقع بقى إن كل ما كان مطلوب منك
تدىي الشغل حقه، كل ما كان مطلوب في المقابل إنك تدىي اللعب حقه!
اللعبة دا هو اللي هيشننك ويديلك إبداع وطاقة ويخليك تحافظ على
مستواك في الشغل، بدل ما تحرق زي المكنة! هتلaciي كفاءتك وقدرتك
على الإنجاز في وقت أقل بقت أعلى بكثير من اللي طول الوقت مش
بيعمل حاجة غير الشغل!

«من المهم أن تُسعد شخصاً ما، ومن المهم أن تبدأ بنفسك»
(تشارلي تشابلن).

مهم كمان زي ما هتشتغل وتلعب، إنك تتواصل مع الناس.. إنك ماتنساش صحابك وحبابيك في طاحونة المرحلة الثالثة! ارجع لقبيلك اللي اتكلمنا عنها في الفصل الثاني وقابلهم وكلمهم واحكي لهم وخليلهم يشجعوك ويبيقوا في ضهرك. التواصل مع الناس اللي بتحبها والاهتمام بالعلاقات الاجتماعية، بيغذى الروح وبيخليلك تكون علاقات جديدة و تستفيد وتفيد وتبسط.

فاكر في المرحلة الأولى لما كنت ولا حد، وما بتعملش حاجة، ومش واقف في مكان، ومش معاك حد؟ تعبت، واتفرمت، وتهت، وانهرت، ومشيit خطوة خطوة، لحد ما وصلت لآخر المرحلة الثالثة! لحد ما بقيت «إنت» في مكان «بتتنمي ليه» مع ناس «فاهمينك وبيشجعوك». أهلاً بيـك في المرحلة الرابعة والأخيرة.

المرحلة الرابعة: الراحة والثمرة

هتعرف إنك وصلت المرحلة الرابعة لما تلاقي أحلامك مش بس بدأت تتحقق.. دا بدأ يبقى فيه شكل من أشكال توقع استمرار النجاح دا على المدى البعيد. يعني شركتك الصغيرة بدأت تكبر وتجيّب أرباح، الشخص اللي بتحبه وافق تتجوزوا وبدأت في الترتيبات، الشغلانة اللي نفسك فيها مش بس لقيتها، إنت مضيت العقد وبدأت تشتعل، والدنيا شكلها طيف.

إنت تخطيت مراحل الألم والحلم والتجربة والخطأ، والدنيا بدأت تضحك لك بجد 😊.

بداية المرحلة الرابعة: هّدي اللعب

إحنا اتسحلنا مع بعض! اتسحلنا كتيررر في المراحل ١-٢-٣ للدرجة إننا بقينا حاسين إنها لعنة الفراعنة، وإننا هنفضل كدا بقية حياتنا! أخذنا وقت طويييل أوي ومجهود وطاقة ومشاعر وإحباط وأمل، وكل حاجة وعكسها، لحد ما أخيراً وصلنا للمرحلة الرابعة. مرحلة إنت وصلت يا ريس! بقى لك كتير بتحضّر للسفرية دي، والطياره أخيراً وصلت على الأرض.. انطلق!

فيه ناس كتير بقى ما بتعرفش تهندل «انطلق» دي! بتنهنج تهنج تهنج رهيبة لما بتوصل المرحلة الرابعة، لدرجة إنها ممكّن تبوّظها على نفسها! عشان كدا الكام نقطة دول مهمين:

١ - فرمل

هّدي اللعب! المفروض إن لو انت بترجع لبو صلتك، وبستشير *true self* بتأتيك، هتللاقي دا بيحصل أوتوماتيك أصلًا! هتللاقي *true self*

من نفسها هديت، وبطلت فرك ودخلتك في حالة من الراحة والاستمتع
بسمرة مجهدك. اسمع كلامها. مش بقولك وقف شغل وضيّع تعبك..
بقولك بس هدي اللعب ودوس شوية فراميل !

٢- الأهم فالهم

هتلaci نفسك في المرحلة دي فيه حاجات كتير أوي بتشدك تعملها.
لو كان حلمك مثلاً إنك تفتح مطعم وفتحته، وانت النهارده في المرحلة
الرابعة بعد ما المطعم بتاعك استقر، وتخطيت كل المصايب والكوارث
والعواقب الأولانية، ونجحت نسبياً حتى.. هتلaci اللي عايزة عمل معاك
إنترفيو لبرنامج، اللي عايزة تفتح فرع تاني معرفش فين، اللي بيقترح عليك
تدخل منيو جديد، اللي بيعرض عليك مشروع تاني أصلًا، اللي بيقولك تعالى
اعمل لي استشارات لشغلي، اللي عايزة ييجي يصوّر عندك.. وهكذا! مهم
جداً في الوقت دا إنك ترکز على الأهم وماتشتتش نفسك في مجهدات
تسحب طاقتك وميقداش لها مردود كافي! فيه مليون ألف فكرة لذيدة
هتطلع.. خليك مرکز: إيه الأهم؟ إيه اللي هتستمر فيه وقتك ومجهدك؟

أنا شخصياً بحس إن من أهم الحاجات اللي الواحد بيحتاج يفكر نفسه
بيها لما يوصل للمرحلة دي، هي الامتنان! إنك تقعد مع نفسك وتتفكر
انت كنت فين وبقيت فين! كام عقبة ظهرت، كام حاجة كانت ممكن تبوظ
الدنيا، كم التعب والجهود والإحباط اللي مررت بهم، مين الناس اللي
ساعدتك؟ معية ربنا معاك كان شكلها إيه؟ وهتشكر ربنا ازاي؟! مشاعر
الامتنان في اللحظة دي وإنك تقف تشفف نعم ربنا عليك، دي أهم حاجة
لأنها هي الحاجة اللي هتشتبك وتدليلك طاقة وترجعك تاني للمعنى اللي
بدأنا فيه الكتاب: أنا مين؟ ودوري إيه في الدنيا؟ وازاي ربنا بيهبيء لي
الأسباب فعلًا عشان أقوم بالدور دا؟

«إن النعمة موصولة بالشّكر، والشّكر مُتعلّق بالمزيد،
ولن ينقطع المزيد من الله حتى ينقطع الشّكر من العبد»
(علي بن أبي طالب).

بعد مشاعر الامتنان دي، افتكر بقية جوانب حياتك، والأدوار اللي عليك، واللي ممكن تكون قصررت فيها في الطريق. إحنا اتفقنا الفصل اللي فات إن أحياناً الإنسان بيحتاج يركّز على دور معين في حياته، ويبوّظ التوازن فترة عشان الحياة مواسم. أغلب الظن إن عدم التوازن دا حصل معاك بالفعل. بس فيه ناس بتسوق فيها بقى وبتنسى ترجّع الميزان تاني، وبتكمّل على كدا.. ودي أكبر غلطة بتادي للخروج السريع من المرحلة الرابعة! بتلاقي حصل حدث جديد هـ القصة دي كلها: مراتك تعبت من الانتظار، فقررت تطلق، ابنك مش حاسس بوجودك، ودا خلاه ينحرف، صحتك باذلت تماماً وجالك القلب ووّقعت.. أي حدث يرجعنا تاني للدائرة دي من أول وجديد بشكل أسرع من الطبيعي اللي بيحصل في الحياة! عشان كدا نصيحة، هدي اللعب وارجع اضبط التوازن تاني. المُغريات بتبقى كتير جداً وانت ناجح وواصل، ركّز على المهم فعلًا!

رَكْزَ كمان على اللي اتعلمنته. يعني انت في الرحلة دي جربت حاجات كتير، وعملت أخطاء كتير، وممكن تكون رجعت للمرحلة الأولى كذا مرة.. وعقبال ما وصلت للمرحلة الرابعة، كنت فهمت نفسك أكثر، وعرفت إيه نقط القوة والضعف عندك. رَكْزَ بقى إنك تستثمر في نفسك عشان تحافظ على النجاح دا.

卷之三

نص المرحلة الرابعة: الاستقرار

فيه ناس اتربيت واتعودت على الفوضى واللخبطة بتاعة المرحلة الأولى، فلما بتوصل للاستقرار في المرحلة الرابعة بتخاف وما بتعرفش تتعامل! الكلام دا بالذات للناس اللي عانت كتير أوي مع المرحلة الأولى لدرجة إنها مابقاش عندها ثقة في الهدوء والاستقرار. عشان كدا فيه كام نقطة نخلبي بالننا منها:

١ - ماتمسكش بزيادة

مارثا بييك كتبت عن قصة راجل هرب من سجون الاتحاد السوفيتي في سيبيريا، ومشي لوحده في الصحراء الحد الصين من غير أي حاجة يأكلها! لما وصل الصين، كان مدمر تماماً، وشبه بيموت، وكان لازم يدخل المستشفى مدة طويلة. طول مدة وجوده في المستشفى، الرجل دا كان بيعمل حاجة غريبة جدًا! كان بيأخذ أكل المستشفى يحوش تحت المرتبة بتاعته! هو عارف إنه خلاص نجا ومش يحتاج يعمل كدا.. بس كم المعاناة اللي عاناهَا في الصحراء والجوع اللي جاعه، خلاه مش مصدق إن كمية الأكل دي هتفضل موجودة، وإنه مش هييجوع تاني!

فيه ناس بتعمل زي الرجل دا الما بتوصل للمرحلة الرابعة! بتحوش كل أنواع «الأكل». الناس دي عانت وتعبت جدًا الحد ما وصلت للاستقرار، لدرجة إنها مش مصدقة وراسكة بزيادة في أي حاجة وصلت لها: فلوس بقى، سلطة، علاقة، اهتمام.. أي حاجة! الناس دي مش بتعرف تفوض حد يشيل عنها، ولا تتصدق بفلوس أو معلومة أو وقت، ولا تتعامل بحكمة مع اللي وصلت له.

الفكرة إن الماسكة والطريقة دي في التعامل بتبوظ المرحلة الرابعة! بتخليلك مش عارف ترتاح وتستمتع بالثمرة، وبتبوظ علاقاتك الاجتماعية والعملية حتى. بتتحول لعم دهب أو Mr. Scroodge بتاع قصة تشارلز

ديكتز، ولا حد حايب يشتغل معاه، ولا حد حايب يتعامل معاه، ولا هو شخصياً حاسس بالأمان وعارف يستمتع بالنجاح اللي وصل له!

لما بتتحول لإنسان عنده هوس بالشخص اللي بيحبه، وطول النهار بيدور حواليه، إنت فعلياً بتطفشه! لما بتتحول لإنسان عنده هوس بالفلوس، إنت بتمنع عن نفسك فرص كتير من باب إنك خايف تاخذ مخاطرة، خايف تخسر، خايف الفلوس تخلص، وهكذا. الماسكة في الحاجات دي بتجيبي نتيجة عكسية!

عشان كدا مهم أوي لو عايز تخلص من حته الماسكة الزيادة دي، إنك تدي! إدّي من الحاجة اللي بتحبها! ربنا - سبحانه وتعالى - بيقول: «لَنْ تَنَالُوا الْبَرَّ حَتَّىٰ تُنْفِقُوا مِمَّا تُحِبُّونَ»، ويبيقول: «وَمَنْ يُوقَ شُحَّ نَفْسِهِ فَأُولَئِكَ هُمُ الْمُفْلِحُونَ».. العطاء دا مش بس عشان حق الفقير والتكافل الاجتماعي، والكلام دا.. العطاء دا مهم جداً الشخصيتك إنت نفسك! مهم عشان هيخليلك تتعود إنك ماتمسكش في الدنيا بزيادة لأنها بتتغير، ويوم فوق، ويوم تحت، ودي طبيعتها، وانت تحتاج تعرف تعيش وتأقلم في كل أحوالها! تحتاج تعيش في الدنيا دي بشعور «الوفرة».. تبقى مطمئن إن فيه من الخير ما يكفي الناس كلها.. مش بشعور «الندرة»، وإحساس إن الخير قليل، وإنك لازم تمسك فيه وماتشاركش غيرك، وإلا اللي هيتبقى لك من التورته هيقل! تحتاج تفعّل مبدأ البركة اللي مفيش كتاب في الدنيا ممكن يشرحه لك زي التجربة العملية! زي أما تعيش وتجرب بنفسك الفرق بين «شعورك» بالرزق واستمتعاك بيها وانت ماسك وبتحسب كل تنتوفة، مقارنة بشعورك وإنك شخص معطاء وكريم وأمانك جاي من جواك مش من اللي في إيدك!

لما تحس إن فيه حاجة في حياتك إنت ماسك فيها زيادة عن اللزوم وبقيت مكلبسة في قلبك كدا، اعمل التجربة دي: إدّي منها شوية لغيرك! ممكن تحس إن قلبك بيقطع وانت بتعمل دا، بس هتحس بعدها بحرية

وراحة وسعادة وبركة غريبة! هتحس برزق هيجيلك!

أنا كل مرة أحس بضيق في الرزق أو مييقاش معايا فلوس وأقرر إني هطلع صدقة لله أساعد فيها حد، بلاقي ربنا بعت لي أضعاف أضعافها بعدها! والله كل مرة! وكل ما بضاعف الصدقة، ومش بحسبها، كل ما مردود ربنا ليابيتضاعف! ومش شرط خالص المردود دا يبقى فلوس! ممكن يبقى راحة، سكينة، طمأنينة، بركة، ناس طيبة.. حاجات مختلفة ربنا بيراضيني فيها بعدها! مش كل الرزق فلوس 😊.

٢- اتبسط!

«وَأَمَّا بِنِعْمَةِ رَبِّكَ فَحَدَّثْ». .

زي ما كنت عارف تشتكى وتحكى مشاكلك ومشاعرك وتدى البوز وتنگد على نفسك وعلى اللي حواليك في التلات مراحل اللي فاتت، لما ربنا يفرجها عليك وتوصل للمرحلة الرابعة.. اتبسط، وابسط لهم! حتى لو الدنيا لسه مش مثالية، ماتداريش نعم ربنا، ولا تداري فرحتك. ماتخافش تفرح! احتفل بالنجاح اللي حققته.. احكى عنه.. ووري ربنا أثر نعمته عليك.. عبّر عن حزنك وفرحك وخوفك وامتنانك.. المشاعر دي هي اللي بتفرق بين البني آدم والمكنة!

اكتب دلوقتي عشر حاجات انت مبسوط بيهم في حياتك (صحتك، قدرتك، إنك تقرأ وتكتب، الشيكولاتة والقهوة اللي جنبك، النّمّش اللي في وشك.. أي عشر حاجات مهمما كانت بسيطة).

ُخُد من وقتك ثوانٍ دلوقتي تبص على الحاجات دي، و تستشعرها.
أحمد ربنا عليها. هنّي نفسك بيها. فكر في أثرها على حياتك. تأمل النعم
دي لحد ما تلاقي نفسك اتغمرت بشعور السعادة والرضا. عَبَر عن شعورك
اللي حاسه دلوقتي دالحد تاني ☺.

«إن الامتنان للأشياء منها صغرت سيفجلب البهجة إلى قلوبنا،
ويجعلنا نحب الناس والحياة»

(مهدي الموسوي).

٣- خلينك حاضر

تقريباً دي أكثر نصيحة كلنا محتاجين نفكّر نفسنا فيها في حياتنا! الإنسان
عامّة المفروض يكون مرّكز حوالي ٢٥٪ من تفكيره في الماضي.. عشان
يتعلم منه، ٢٥٪ من تفكيره في المستقبل.. عشان يخطط له، ٥٠٪ من تفكيره
في الحاضر.. عشان يستمتع به ويعيشه!

إحنا خلينا الموضوع بقى: ٤٠٪ في الماضي عشان بتندب عليه، ٤٠٪
في مستقبل عشان خايفين منه، ١٠٪ في حاضر.. دالو جبناهم حتى! ما
بقيناش نعرف «نعيش اللحظة»، ونبيّ حاضرين في حياتنا! طب هنستفيد
إيه لما نتعب ونشقى ونتبهدل عشان نوصل اللي وصلنا له، وأول ما نوصل
نلاقي نفسنا مشغولين بحثه تانية أصلًا عايزيين نروحها!

الصلة على فكرة من أكثر الحاجات اللي بتعلم الواحد إنه يكون حاضر
لأنك - لو بتتصلي صح - فانت بتحاول تجيب قلبك وروحك وفكرك
وحواسك لللحظة اللي انت بتتصلي فيها، عشان تخشع والصلة فعلاً تأثر فيك.

جلسات التأمل كمان، أو meditation، بتعلمك تبقى حاضر في حياتك. بتدربك إنك حتى في أبسط الحاجات اللي بتعملها في يومك، تعمل الحاجة دي باهتمام وتركيز وحضور. جرب كدا وانت بتحضن حد.. وانت بتطبّط على قطة.. وانت بتلبس.. وانت بتاكل.. وانت بتعمل أي حاجة، تركز أوي أوي على مشاعرك وحواسك، هتلaci إحساسك بالعالم اللي حواليك راح، وبقيت فعلاً مستمتع وعايش اللحظة! إنجوبي ☺.

سامعاك ياللي بتقول: «إحنا لو هنقضي حياتنا بنعمل كدا مش هنخلص!»، ماتقضيش حياتك يا سيدى بتعمل كدا. بس ما تقضيش حياتك برضه بتستيقى الوردة، وبتنسى تشمها!

* * *

نهاية المرحلة الرابعة: استصلاح وزراعة الأرض

وصلت المرحلة الرابعة؟ هديت اللعب واستمتعت وحسيت بالامتنان؟ احتفلت؟ الكلام دا مش معناه إننا هنقف بقى ونضيع تعينا! عايزين واحدة واحدة نستصلاح الأرض ونكبرها ونهرتهم بزراعتها عشان تفضل تدinya محصول وما تبورش!

١ - زُوّد تجاربك

زوّد «تجاربك» مش «أشياءك».. فيه ناس كتير لما بتوصل للمرحلة الرابعة بتقعد تفكّر في اللي هتشترىه وتهجّيه وتهتوّشه، ودا مش عيب، ولا حرام.. وسع على نفسك براحتك، بس اهتم بـ«التجارب» أكثر ما تهتم بـ«الأشياء».. التجارب بتكبرك وبتتطور من شخصيتك ومعرفتك وهوينك! انت النهارده خلاصة التجارب اللي عيشتها في حياتك، مش الحاجات اللي اشتريتها!

نفسك تجرب إيه؟ *true self* عندها فضول تتعلم حاجة جديدة؟ فيه حاجة شدّاها لسه ماجربتهاش؟

على سبيل التعلم أو المرح أو توسيع الأفق حتى؟

٢- الطريق مش واحد

كتير مننا لما بيصل للمرحلة الرابعة، ويتبسط، بيرفع للناس شعار إن «هو دا الطريق يا جماعة اللي لازم كلنا نمشي فيه!»، لازم كلنا نبقى كوتشنز عشان تتبسّط ونسيب بصمتنا، لازم كلنا نبقى نباتين عشان صحتنا، لازم كلنا نعمل كيتو عشان نخس، لازم كلنا نسافر ونلّف الدنيا عشان نعيش، لازم كلنا نشتري بيوت عشان نحوّش.. «لازم» تمشو انفس طريقي عشان توصلوا!!

الطريق مش واحد ☺ ولا الأمان في اللي انت وصلت له بس! ولا السعادة في اللي انت عملته بس! انت نفسك ممكن اللي يسعدك النهارده، ينگد عليك بكرة! والسعادة والأمان وكل المشاعر دي هتيجي من مرونتك وتأقلمك مع الحقيقة دي. إحنا مختلفين. الإنسان الواحد شخصيته بتتغير. الحياة بتتغير، الظروف بتتغير. والتغيير دا هو الحاجة الوحيدة الثابتة في الحياة!

«الناس عادةً يأخذون طرِقاً عدَّة للوصول إلى السُّعادة، وإن أولئك الذين اختاروا طرِيقاً غير طرِيك لا يعني أبداً أنهم ضلُّوا الطَّريق»

التغيير سنة الكون! وطالما انت مش بتعمل حاجة حرام، ولا بتئذى حد.. وطالما اللي حواليك مش بيئذوا حد هما كمان، يبقى سيب نفسك تتغير، وبطل تحاول تسيطر على الدنيا وعلى تفكير اللي حواليك! حياة الناس واختياراتهم في دائرة التأثير عندك مش في دائرة التحكم! اللي ينفعك مش شرط ينفعهم مهما كنت انت مقتنع بيه ومهما كانوا هما غاليلين عندك! سيب كل واحد يلاقي نفسه ويستكشف الدنيا ويتعب ويوصل زي ما انت وصلت 😊.

٣- توقع التغيير

زي ما اتفقنا إن التغيير سنة الكون، خلينا برضه نتفق إن كلنا بنقاوم التغيير بنسبة ما! مش بسهولة أبداً بنطلع من دائرة الراحة بتاعتنا، حتى لو هنطلع لحاجة أحسن. بنخاف من المجهول، وبنحس إن اللي نعرفه أحسن من اللي مانعرفوش! وطبعاً لو انت تعبت أو وووي عشان توصل لمرحلة الراحة والثمرة، فالخوف من التغيير بيقي رهيب!

لأسف يا رّيس لاااا مفر ! الحياة اتغيرت أوريدي في الساعتين اللي فاتوا دول ! كلنا بنتغير وكل اللي حوالينا بيتغير شئنا أم أبيتنا . كل اللي علينا إننا نقبل دا ونستعد له ، ونحاول نلمع التغيير قبل ما ييجي ويفاجئنا .

اسأل نفسك:

- هل مراتي / جوزي / ولادي / أهلي / الناس اللي بحبها عامة، مبسوطين؟
ولا أنا تركيز على نفسي خلاني مش وآخذ باللي الناس اللي عايشة معانا
دي إحساسهم إيه؟

- هل في حاجة محتاج أتعلمها وأطور نفسي فيها عشان أو اكب التغييرات
اللي حواليا؟

- في أي مهارات محتاج أضيفها لنفسي عشان أحافظ على نجاحي؟

- في أي تعاویر جوايا محتاجة تعالج قبل ماتكبر وتقوني؟ مشاعر
سلبية متحوشة وعاملة كلبش؟

- الـ *true self* تمام، ولا بتحاول تقولي حاجة؟

- فيه أي فرص بتظهر حواليا ممكن أستغلها وأكبر؟

- أخبار صحّتي إيه؟ مظبط الدنيا ولا مهمّلها ومستني تحصل كارثة؟

شعار المرحلة الرابعة: كل حاجة بتتغير.. ودا طبيعي!

اكتب خمس حاجات جديدة عايز تعملها، أو تتعلمها، الفترة الجاية
من حياتك:

الخلاصة

لو عايزين نجمّع الأربع مراحل بتوع دورة التغيير هنلاقيهم..

١- المرحلة الأولى: الموت والولادة

٠ بداية المرحلة الأولى: عيش موتك!

٠ نص المرحلة الأولى: النقلة!

٠ نهاية المرحلة الأولى: الولادة!

٢- المرحلة الثانية: الحلم والخطة

٠ بداية المرحلة الثانية: الحلم.

٠ نص المرحلة الثانية: الانتقال للواقع.

٠ نهاية المرحلة الثانية: التخطيط.

٣- المرحلة الثالثة: الدراما والملاحم

٠ بداية المرحلة الثالثة: الطلعة الأولى.

٠ نص المرحلة الثالثة: الفشل!

٠ نهاية المرحلة الثالثة: النجاح.

٤- المرحلة الرابعة: الراحة والثمرة

٠ بداية المرحلة الرابعة: هدي اللعب.

٠ نص المرحلة الرابعة: الاستقرار.

٠ نهاية المرحلة الرابعة: استصلاح وزراعة الأرض.

في النهاية، كلنا بنمر بدوره التغيير دي أكثر من مرة في حياتنا. كلنا بيحصل لنا أحداث: صدمات، فرص، تحولات في شخصيتنا بتدخلنا في


خلط دورة التغيير بمزاجنا، أو غصب عنّا. فيه ناس بتبقى مش مدركة اللي بيحصل، فبتنهار وتتوتر وتعمل تصرفات وتاخذ قرارات تأدي بيه نفسها اللي حواليها. وفيه ناس بتبقى فاهمة تسلسل المراحل والمشاعر والأفكار المصاحبة لها، فبتثبت وبتصبر وبتصرف صح.. وبتطلع كسبانة نفسها!

المراحل اللي بنعدي بيه مش سهلة.. بس توقعها وفهمها ممكن يسهلها علينا شوية.

«التغيير صعب في البداية، وفوضوي في المنتصف، ورائع في النهاية»
(رو宾 شارما).

يحصل حدث يدخلنا المرحلة الأولى.. جزء مننا يموت ونتألم ونحس بالتوهان، ويبدأ على آخر المرحلة جزء جديد يتولد بخلي عندنا بصيص من الأمل يدخلنا المرحلة الثانية. نحلم ونتخيل ونضحك، ونبداً نفوق ونكسر القواعد ونطلع من القوالب ونحدد أهدافنا ونخطط لها، عشان ننتقل للمرحلة الثالثة. نشعر ونزول نفذ خطتنا، نتكلّل في مشاكل وملامح ومطبّات وعواقب ونقع ٣٧ مرة ونقوم ٣٨ واحدنا بمحاول نتعلم وندعّل وتطور من أداءنا، لحد ما حاجة تنفع والمكنة تطلع قهاش يدخلنا على المرحلة الرابعة. نهذا وننذر ونجني ثمار تعينا ونفيض على غيرنا ونرجع تاني نشوف التوازن ونستمتع بنعم ربنا علينا ونطور مهاراتنا ونحكى قصتنا وننطلق.. لحد ما حدث جديد يحصل يدخلنا تاني المرحلة الأولى! لازم حاجة هتحصل؟ آه لازم! ليه؟ عشان دي الحياة! طب أنا عايز أمسك في اللي وصلت له! امسك في علاقتك بربنا، امسك في بوصيلتك، امسك

في نفسك، امسك في الناس اللي بتحبك وبتشجعك. إحنا كل دا بنتعلمه عشان نهندل التغيير، مش عشان نلغيه من حياتنا! التغيير هو الحاجة الوحيدة الثابتة في الدنيا! إنجوي إت 😊.




نرجع بقى لشهرزاد.. زمانها حمضت!

تاييم اوت - الفصل

الفصل دا كان تفعلن تفعلن اتف ما تكمليش فراغت حمد دشر
بسفن.. اعمل حاجة تشنها.. ولبع شنعنتر بعثتها حلقة وتعالي نلؤون
شوية 😊

(لور ميش حابب نلؤون بمحكم تشغط شوية باني رسومات وخطوط
بسقطة، او تسمع/تصفح على حاجة شعبها).



الفصل السابع

الحياة

«لا تخش الموت، بل اخش الحياة بلا حياة»
(الشمس التبريزى).



فجر اليوم السابع

استيقظت شهرزاد ليلة أمس عشرات المرات قلقاً من هذا اليوم وتوقاً إليه. إنه اليوم الذي ستعود فيه إلى بيتها وسريرها. لطالما تخيلت كيف سيكون لقاءها مع والديها وأصدقائها.. ماذا عساها أن تحكي لهم؟ كيف تشرح ما حصل؟

باتت تتأمل الغرفة حولها.. تنظر إلى الجدران وكأنها تودّعها. صحيح أنها قضت أسبوعاً فقط في هذا القصر، لكنها تشعر بأنه سنة! تأملت ملامح شهريار النائم في هدوء.. هل حقاً تأثر بها كما يقول قمر الزمان؟ هل حقاً بدأ يتغير في أسبوع واحد، أم أنها هي التي تغيرت؟ تشعر بأنها نضجت أكثر. باتت أكثر استعداداً لمواجهة الحياة والاستمتاع بها بعد هذه التجربة. أصبحت أكثر شجاعة وإنقاذاً على الدنيا بعدما نجت من القتل المحقق على مدار ست ليالٍ متواصلة. كانت مشاعرها مضطربة! تتوجه للعودة إلى بيتها في الصباح، لكنها تعلم أنها تعلقت بالقصر والمملكة.

تقلىبت شهرزاد في السرير كثيراً حتى كادت تُوْقَظُ شهريار، فقررت القيام لإيقاظ قمر الزمان والتحدث معه.

- يا ساتر يا رب، خير يا بنتي؟ صاحبة ليه دلوقي؟

- مش جايلى نوم خالص يا أونكل! مش عارفة فيه إيه!

- شكلك زعلانة عشان هتمشي.. طب ما تقدعي معانا وسيبك من عصرك.

- لاااا، أقعد معاكم إيه؟! أنا تعجبت من القصص والحكايات.. وشهريار دا موودي جدًا أصلًا، ومحزن في أي لحظة يقرر يقتلني بجد!

- موودي؟ إيه موودي دا؟

- موودي يعني مزاجه متقلب! معلش يا أستاذ قمر، والله كان نفسي أساعد أكثر من كدا، بس فعلًا دافعة اشتراك الجيم، ولازم أرجع!

- أنا مش عارف إيه اللي بتقوليه دا، بس مش مهم! محتاجة حاجة طيب
أعملها لك عشان عايزة أنم؟!

- بعيد عنك overthinking هيموتني! ماعندكش حباية منومة؟

- أنا مش عايزة تقلقي من حاجة خالص! كلها كام ساعة والشمس
طلع ووائل يرجعك بيتك إن شاء الله.

- وائل مين؟!

- الجنبي اللي جابك يا بنتي!

- الجنبي اسمه وائل؟! قمر الزمان وشهريار وفخريار ووائل؟!
ويتكلفوه هو دوناً عن باقي الجن يدور لكم على الناس؟!

- إيه علاقة اسمه بالموضوع؟! قلت لك ماتقلقيش!

- لأ خالص، أنا مش قلقانة.. أنا مرعوبة حضرتك! حاساه هيرجعني
لأيام التتار المرة دي ودول سيادتك ما بيتفاهموش! قطع رقبة على طول..
مش لسه هينادوا على مسرور حتى!

- يوووه ناااامي بقى يا بنتي وكله هييقى كوييس إن شاء الله! أنا
موصي وائل عليكى المرة دي، وهيوصلك لحد أوضحة نومك!

وفي الصباح..

تسللت أشعة الشمس إلى غرفة شهرزاد فأيقظتها. كانت قد تعودت على الستائر الثقيلة التي تحجب الشمس في بيت شهريار. حاولت فتح عينيها في إرهاق شديداً تشعر وكأنها نامت ستين عاماً! سمعت صوت العصافير والسيارات والباعة المتجولين في الشارع. أدركت أنها قد عادت إلى بيتها بالفعل، فقفزت من سريرها، مثل الأطفال، وجرت إلى النافذة تتأمل الشوارع والشجر والمارة!

- يااااه! وحشني بيتنا! وحشني شارعنا! وحشني حتى الراجل بتاع
الأنايبب! وحشني صحابي! أنا لازم أروح لسُها أحكيلها كل اللي ح... .

- خ خ خ خ خ خ خ خ خ خ .

- اے دا؟ من هن؟!

نظرت شهرزاد حوالها فلم تجد أحداً.. انتظرت حتى سمعت الصوت مجدداً فأدركت أنه أتى من تحت الغطاء على السرير! أمسكت «شيشبها» في يدها، وانقضت على مصدر الصوت وهي تصرخ:

- الحقوق ووني! حرآآآامي! حرامي نايم على سريري يا نااااس!

وفجأة ظهر رجل من تحت الغطاء وصرخ فيها:

- حرامی إيه يا مجنونه! أنا شهريار!

- شهر أَيْسِيسِيه؟! شهريار ازاي يعني؟! إنت إيه اللي جابك هنا؟!
وايه اللبس اللي انت لابسه دا! إنت لابس شورت؟!

- ماعرفش، أنا صحيت على ضربك!! هو احنا فين؟! وإيه صحيح
اللبس دا؟! فين العباية والقلنسوة؟!

- قُلْنَ إِيَهُ؟ يادِي المصيبة! يادِي الكارثة! أعمل إيه ياربي دلوقتى؟!

- تعملي إيه في إيه، أنا مش فاهم حاجة! هو احنا فين؟!

- إحنا في بيتي! أشرح لك أزاي دلوقتي أنا؟!

انتفضت شهزاد من مكانها وفتحت باب الغرفة، ثم صرخت حين رأت قمر الزمان ببدلة سوداء وقميص وكرافتة، وبجانبه مسرور يرتدي «جينز مقطّع»، وتيشيرت أبيض، وفي يده مطواة قرن غزال!

- إيه اللي حصل يا قمر الزمان؟ وإيه البدلة اللي انت لابسها انت كمان دي؟! هو فيه إيه؟!

رد قمر الزمان بنفس الارتباك الذي استقبل به شهزاد في الليلة الأولى:

- أصل... أصل...

- أصل إيه؟ وفصل إيه؟!

- حصل مشكلة صغيرة بس، وأنا هسيطر عليها.

- انطق!

- وائل أصله.. عمل غلطة بسيطة أوي.

- غلطة إيه؟!

- وائل بدل ما يرجعك إنتي لوحدك.. رجعنا كلنا معاكي!

لطمـت شـهـزـاد عـلـى وجـهـها، فـصـاحـ فـيـها شـهـرـيـارـ قـائـلاـ:

- حد فيكم هيفهمـي إـيهـ الليـ بـيـحـصـلـ ولاـ آـنـادـيـ مـسـرـورـ؟ـ!ـ ياـ مـسـ...

- لا!!!!!! دا أنا اللي هنادي له بنفسي المرة دي! يا مـسـرـورـ،
مـطـوـتـكـ فيـ إـيـدـكـ،ـ وـ kill~me~pleaseـ اللهـ يـخـلـيكـ!

تمّت

أنت

مرأة قرأت قصة عن شركة في يوم من الأيام علقت ورقة على بابها مكتوب عليها «امبارح مات الشخص اللي كان واقف في طريق إنكم تكبروا في الشركة وتحققوا ذاتكم، والعزاء هيكون النهارده في غرفة الاجتماعات».

الموظفين قرؤوا الورقة، وراحوا كلهم على غرفة الاجتماعات عشان يشوفوا مين اللي مات، لقوا زحمة، وناس كتير.. الشركة كلها في الأوضة جاية تشو夫 مين دا اللي كان واقف في طريق نجاحهم! ناس زعلانة إن حد من زمايلهم مات، وناس فرحانة إنهم خلصوا من الشخص اللي كان معطلهم! وهموا واقفين مش فاهمين حاجة، فتح مدير الشركة الباب ودخل وراه تابوت خشب شايله أربع رجاله. حط المدير التابوت على الأرض، وطلب من الموظفين إنهم ييجوا واحد واحد يشوفوا مين اللي جوا التابوت. بدؤوا الموظفين يفتحوا التابوت، واتفاجئوا!!

الموظفين مالقوش حد في التابوت.. لقوا مراية مكتوب جنبها «الشخص الوحيد اللي يقدر يقف في طريقك هو انت. انت الشخص اللي تقدر تعطل نفسك. انت الشخص اللي تقدر تغيّر حياتك. انت الشخص اللي تقدر تساعد نفسك وتوصل للنجاح والسعادة. حياتك مش هتغير لما مديرك يتغير، أو صحابك يتغيروا أو عيلتك تتغير.. حياتك هتغير لما انت تتغير. لما انت تدرك إنك مسؤول عن حياتك وإن أهم علاقة هتساعدك في الدنيا، هي علاقتك مع نفسك»!

قصة كليشيه أوي، صح؟ كلام تنمية بشرية مهروس، مش كدا؟ المشكلة إنك لو فكرت فيه بعمق شوية هتلافي كل الناس اللي في حياتك بتروح وتبجي. أهلك، مراتك، ولادك، صحابك، مديرك، زمايلك، كل إنسان تعرفه في حياتك وارد النهارده يكون معاك، وبكرة لأ. كل شخص حواليك وارد النهارده يكون جنبك، وبكرة ماتلاقيهوش. الإنسان الوحيد اللي بيفضل معاك من يوم ما بتولد لحد آخر يوم في حياتك، الشخص الوحيد اللي عايش

معاك ٢٤ ساعة واكلين شاربين نايمين داخلين طالعين مع بعض، البنـي آدم
الوحيد اللي مهـما انت اتغيرت، أو مرضـت، أو سافـرت، أو فـشلت، أو حـصل
لك أي حاجة مش بـيسـيك.. لازقـ فيـك.. دـايـها معـاكـ، هو اـنتـ!
لو عـلاقـتكـ بـالـنـاسـ كلـهاـ جـمـيلـةـ، وـعـلاقـتكـ بـنـفـسـكـ فـيـهاـ مشـكـلةـ.. هـتـبـقـىـ
تاـيهـ وـتـعبـانـ!

لو النـاسـ كلـهاـ بـتـقولـكـ إنـكـ عـظـيمـ، وـنـظـرـتكـ لـنـفـسـكـ فـيـهاـ مشـكـلةـ..
هـتـبـقـىـ حـاسـسـ إنـكـ مـلـكـشـ قـيـمةـ مـهـماـ نـجـحـتـ، وـمـهـماـ الـعـالـمـ كـلـهـ سـقـفـ لـكـ!
لو الدـنـيـاـ كـلـهاـ بـتـشـجـعـكـ، وـأـنـتـ بـتـحـبـطـ فـيـ نـفـسـكـ وـبـتـقـلـلـ مـنـهـاـ.. مشـ
هـتـقـدـرـ تـعـمـلـ حاجـةـ!

«يعتقد الناس أنهم سيكونون سعداء إذا ذهبوا للعيش في مكان آخر، لكن الأمور لا تجري بهذه الطريقة، لأنك أينما ذهبت فستصطحب نفسك معك»


(نـيلـ غـيـانـ).

عـلاقـتكـ بـنـفـسـكـ اـنتـ هيـ أـهـمـ عـلاـقـةـ فـيـ حـيـاتـكـ بـعـدـ عـلاقـتكـ بـرـبـنـاـ. هيـ
الـعـلاـقـةـ الليـ لوـ فـيـهاـ خـللـ، هـتـفـضـلـ تـاـيهـ وـمـخـنـوقـ وـمـشـ سـعـيدـ منـ جـوـاـكـ،
مـهـماـ كـانـتـ حـيـاتـكـ مـنـ بـرـاـ شـكـلـهاـ جـمـيلـ. هيـ الـعـلاـقـةـ الليـ هـتـلـاقـيـ عـنـدـهاـ
إـجـابـاتـ الأـسـئـلـةـ الليـ فـيـ «سـنـدـرـيـلاـ سـيـكـرـيـتـ»ـ، وـفـيـ الـكتـابـ دـاـ، وـفـيـ أـيـ
كتـابـ تـنـمـيـةـ ذاتـيةـ، هـتـقـرـاهـ. هيـ الـعـلاـقـةـ الليـ لوـ قـوـتهاـ، هـتـعـرـفـ تـقاـومـ وـتـقـفـ
عـلـىـ رـجـلـكـ مـهـماـ الدـنـيـاـ خـبـطـتـ فـيـكـ!

كـلـ القـصـصـ وـالـنـصـائحـ وـالـأـمـثـلـةـ وـالـكـلـامـ الليـ فـيـ الـكتـابـ دـاـ مـمـكـنـ نـلـخـصـهـ

في حاجة واحدة: ربنا - سبحانه وتعالى - خلقك إنسان ليك قيمة. مفيش حد فينا اتخلى بالغلط، ولا زيادة، ولا ملوش لزمة.. كل حاجة في الدنيا دي ربنا بيعملها حكمة! فيه حكمة من خلق كل واحد فينا! وفيه حكمة من الظروف اللي بتحط فيها مهما كانت وحشة! وفيه حكمة من كل تجربة بنمر فيها، وكل حاجة بتحصل لنا! وفيه غاية من ورا وجود كل واحد فينا في الدنيا، باختلاف طبعه وشخصيته وظروفه. فيه دور كل واحد فينا بيأديه وبصمة كل واحد فينا بيسبيها مهما كانت كبيرة أو صغيرة. وربنا خلقنا بالبوصلة والقدرة والأدوات اللي تساعدنا نكتشف البصمة دي ونعرف مراده - سبحانه وتعالى - مننا. البوصلة اللي تخلينا نجاوب على أهم سؤال في حياتنا: أنا ربنا خلقتني عشان أعمل إيه؟ أنا تحديداً.. إيه الإضافة بتاعتي في الدنيا؟ إيه الأثر بتاعي؟ إيه المعنى من حياتي؟

السؤال دا محدث عنده إجابتة غيرك! لا أنا، ولا أهلك، ولا صحابك، ولا مديرك، ولا الشيخ، ولا القيس، ولا أي حد! كل كلمة في الكتاب دا ملهاش أي قيمة لو مش هتساعدك تبني علاقة مع نفسك وتفهم بوصلتك وتتحرر من أي شكل من أشكال خيوط الماريونيت في حياتك. لو مش هتساعدك تطلع من دائرة اللي الناس عايزاه وبتقوله وبتعمله، وترجع لنفسك! ترجع للـ *true self* بتاعتك.. ترجع لقبيلتك.. ثرجع لشاعرك.. ترجع لقيمك وشغفك واهتماماتك.. ترجع لرؤيتك وأولوياتك.. ترجع للثوابت بتاعتك في دنيا التغيير. وأنا بطلب منك بمنتهى الصدق والحب إن أي كلمة في الكتاب دا ماحستهاش، أو مالمستش قلبك، أو ما قتنعتش بيها، اعتبر نفسك ولا كأنك قريتها. دي حياتك انت، وانت اللي عندك القدرة إنك تحدد إيه المناسب لها.



الرحلة

في نهاية الكتاب، وبعد كل اللي مرّينا بيها مع بعض، هتبقى حقيقة مهمة جدًا، وهي إن تجربة كل واحد فينا في الدنيا محدثش غيره مرّ، أو هيمرّ فيها. تجربة مختلفة وفريدة ربنا كتبها على كل واحد فينا - باختلاف شخصياتنا وظروفنا - من قبل ما يخلقنا. السؤال بقى: يا ترى شكلها إيه تجربتك؟ وإيه اختياراتك فيها؟ هتعمل إيه بالسنين والشهور والأيام وال ساعات اللي ربنا مدّيها لك؟

بروني وير، كاتبة اشتغلت سنين في حاجة اسمها palliative care، وهي عبارة عن مراكز للناس اللي عندهم مرض ملوش علاج، وعارفين انهم خلاص في آخر أيامهم. المراكز دي مخصصة لرعاية الناس دول في آخر أسبوع من حياتهم. لما بروني وير سالت المرضى إذا كان فيه أي حاجة في حياتهم ندمانين عليها، ونفسهم يرجعوا يغوروها، لقيت ٥ جمل دايماً بيترروا:

- ١- كان نفسي يكون عندي الشجاعة إن أعيش الحياة اللي نفسي فيها، اللي بتعبر عنـي أنا، مش الحياة اللي المجتمع عاينـي أعيشـها وخلاصـها. الجملة دي أكثر جملة اتكررت لما الإنسان بيـدرـك إن حياته خلاصـ بـنتهـيـ، بيـصـ وـراـهـ وـبيـنـدـمـ عـلـىـ كلـ حـلـمـ مـعـافـرـشـ فـيـهـ، وـكـلـ تـجـربـةـ مـاعـاشـهـاـشـ، وـكـلـ فـرـصـةـ ضـيـعـهـاـ عـشـانـ كـانـ خـاـيفـ يـبـقـىـ عـلـىـ طـبـيعـتـهـ وـيـعـمـلـ الليـ فـعـلـاـ نـفـسـهـ يـعـمـلـهـ.
- ٢- كان نفسي أشتغل أقل شوية وأهتم بولادـيـ وـعـيلـتـيـ أكثرـ.

الجملة دي هي بتقول إنـهاـ سـمعـتهاـ كـتـيرـ بالـذـاتـ منـ المـرـضـيـ «الـرـجـالـةـ» اللي اـتـعـاملـتـ معـاهـمـ. فـاكـرـ قـصـةـ فيـلمـ كـلـيـكـ الليـ شـهـرـ زـادـ حـكـيـتـهاـ فيـ الفـصلـ الخامسـ؟ الناسـ الليـ كـلـ أـولـوـيـاتـهاـ الشـغـلـ وـالـنـجـاحـ العـمـليـ بـسـ، وـمـشـ بـتـهـتمـ كـفـاـيةـ بـعـلـاقـاتـهاـ الأـسـرـيةـ، وـبـيـفـوـتـهـمـ المـراـحلـ المـخـتـلـفةـ فيـ جـواـزـتـهـمـ وـحـيـاةـ وـلـادـهـمـ،

بتندم لما العمر بيجري، وحياتهم بتقرب تنتهي.
٣- كان نفسي يكون عندي الشجاعة إني أعبر عن نفسي وعن مشاعري أكثر، بدل ما عشت كابت مشاعري عشان بس ما أزعلش حد مني.

فيه ناس عاشت سنين كاملة إحساسها وشایلة جواها، لحد ما مرضوا من كُثر الضيق والشعور بإنهم عايشين حياة مش بتاعتهم، ولا مرتابين فيها! الناس دي بتندم في آخر حياتها إنهم راضوا الناس كلها على حساب مشاعرهم هما.

٤- كان نفسي أدي وقت أكثر لصحابي وعلاقاتي الاجتماعية.
كثير بتنسي صاحبنا وعلاقاتنا الاجتماعية في وسط روتين الحياة وساقية المسؤوليات.. ولما حد فينا بيمرض، أو يموت، أو ما ييقاش موجود، بنقول ياريتنا كنا اهتمينا بييه وسألنا عليه وأظهرنا حبنا له أكثر.

٥- كان نفسي أسمح لنفسي أكثر إني أجرب حاجات جديدة واتبسط!
فيه ناس كثير بتكتشف في آخر حياتها إن خوفها من التجارب والتغيير والتجديد، خوفها من السعادة في حد ذاتها خل الحياة تفوتها. خل السعادة تعددي من قدامها كل يوم في صورة نعم ولحظات بسيطة، لكن ماتشوفهاش عشان هي قاعدة مستنية الحدث الكبير اللي هيتشسلها من التعasse. خلاها تبطل تلعب، وتتجنن، وتجدد، وتعمل حاجات عبيطة تضحكها، ولما بنبطل نلعب ونتجنن ونضحك.. بنعجز قبل أوانا!

«لا تذهب إلى قبرك وأنت تحمل في داخلك أفضل ما لديك،
اختر دائمًا أن تموت فارغًا»

(تود هنري).

الكتاب دا كله قايم على اعتقاد مهم جداً، وهو إن ربنا سبحانه وتعالى- خلق كل إنسان ليه قيمة وبصمة، والسعادة الحقيقية بتتجي في رحلة اكتشاف البصمة ومعرفة القيمة دي.

رحلة اكتشاف بصمتك بتبدأ بإصلاح علاقتك انت مع نفسك قبل أي إنسان تاني. بتبدأ بإنك تخلي **the self** social والـ **true self** بتوعك يتكلموا مع بعض، ويفهموا بعض، وعلاقتهم تبقى قوية، لأنك محتاجهم هما الاثنين. محتاج **the self** تقولك بصمتك فين، شخصيتك بتتميل لإيه، روحك بتحب أنهي ناس، إيه الحاجات اللي بتسطعك من جواك، إيه الاتجاه اللي بوصلتك بتشاور لك عليه.. ومحاج **the self** عشان تساعدك - بعد ما تحدد الاتجاه - إنك تخطط، وتعافر، وتكتسب مهارات، وتعدي المطبات، لحد ما توصل وتحقق أهدافك.

طول ما العلاقة بين **the self** والـ **social self** فيها تواصل وانسجام وتناغم، طول ما انت هتبقى حاسس بسلامة في حياتك وسلام نفسي، مهما كان بيواجهك مشاكل وتحديات. وطول ما هما مقاطعين بعض، وبيتخانقوا، طول ما انت هتحس بصعوبة وتوهان واكتئاب وعدم رضا.

الفصل الأول، والكتاب كله الحقيقة، هدفه إننا نصالح الشخصيتين دول على بعض! هدفه إن الشخصيتين دول يستغلوا في فريق واحد، ويسمعوا بعض، وعشان كدا اتعلمنا اللغة اللي **the self** بتاعتنا بتتكلمنا بيها. اللي بتقولنا بيها هي مرتاحة ولا لأ؟ لأن الواقع إن احنا عشنا حياتنا كلها فاهمين لغة **the self** social كويس وسايبينها هي اللي تسوق حياتنا لوحدها، لحد ما بقى كتير مننا عايش حياة مش بتاعته. عايش حياة ترضي الناس اللي حواليه بس، لكن هو من جواه تايه ومتخبط، ومش مبسوط.

في الفصل الأول من الكتاب فهمت الأجزاء المختلفة في شخصيتك،

واللغة اللي روحك بتكلمك بيها، ودي أول وأهم خطوة في رحلة اكتشاف نفسك وبصمتك.

بعد كدا اتكلمنا عن عائق مهم جدًا، شكوى متكررة كتير مننا بيعحس إنها بتقف في طريقه، اسمها «الناس!»، وسواء كنت فعلياً عندك المشكلة دي في الواقع بتاعك، أو مخك هو اللي مصور لك إن الناس كلها واقفة في طريقك، فلانت تحتاج تريّح *social self* وتفهمها الموضوع، وتحل معها الإشكالية دي، عشان تهدا، وتسيبك تشتلل.

موضوع الناس وعلاقتنا بهم وتأثيرهم على حياتنا، موضوع كبير وناس كتير بتشتكي منه! الفكرة إنك لو بنيت علاقة قوية مع نفسك وحاولت تحجّم من تأثير الناس عليك بالخطوات والمفاهيم اللي اتكلمنا فيها في الفصل الثاني، هتلaci نفسك بقى عندك مناعة نفسية ضد القوالب والأحكام اللي المجتمع يطلقها عليك. هتلaci نفسك «فاعل» في حياتك، بتختار تسمع نقد مين ورأي مين وتشجع مين عشان تطور من نفسك.

«لو رأيت الكل يمشي عكسك لا تردد، امش، حتى لو أصبحت وحيداً، فالوحدة خير من أن تمشي عكس نفسك لإرضاء غيرك»
(جبران خليل جبران).

بعد موضوع الناس دخلنا في الفصل اللي بيوح القلب، فصل «المشاعر».. على أد ما الفصل دا بيtalk في عمق معين، وذكريات ساعات كتير بتندد علينا وتضايقنا، إلا إننا ماینفعش أبداً واحنا بنتكلم عن مُراد ربنا مننا وعلاقتنا بنفسنا والأدوات اللي ربنا ادهالنا عشان نكتشف

بصمتنا، إننا نهمل أداة من أهم الأدوات دي! مشاعرك أداة مهمة جدًا رينا
ادّهالك عشان تقولك تمثي ازاي وتوقف إمتي، تبعد عن إيه، وعن مين،
وتقرب من إيه، ومن مين، تعمل إيه وتروح فين لحد ما توصل لبصمتك.
لو انت في حياتك اتعرّضت لتجارب مؤلمة وظروف وتربيّة علمتك
تكتم مشاعرك، فغالبًا هتبقى *true self* بتعاتك متألمة ومليانة جروح
محتاجة تعالج، قبل ما تخطّي خطوة في خطتك وأهدافك.

الفصل دا دوره إنه يساعدك تشخّص وتعالج الجروح دي بشوّية أفكار
وخطوات بسيطة، بس لو جروحك أعمق من الكلام اللي في الكتاب دا،
أنصحك بشدة تدور على متخصص تفتح له قلبك ويساعدك تتعافي وترتاح.
لو عشت في الدنيا متجاهل جروحك، وماشي بتادي اللي عليك وخلاص،
مش هتبقى حاسس بسعادة ورضا من جواك منها عملت إنجازات ونجاحات
عظيمة من براً! والعكس صحيح، الاهتمام بمشاعرك والتعافي من جروح
التجارب السابقة والمواقف اللي بتمر فيها، هيساعد *true self* بتعاتك
تحرر، وتنطلق، وتنجز، وتستمتع بنعم ربنا في الحياة.

الخوف والحزن والغضب، كلها مشاعر ربنا حطّها جوانا بسبب.. مش
عشان نتجاهلها، ونكبتها، وننكرها، ولا عشان نقعد نعيّط ولطم جنبها،
ولكن عشان نحس فيها، ونفهم رسائلها، ونقرأ إشاراتها في طريقنا.

خلّصنا المشاعر، دخلنا على السؤال الذي حير الملايين: «أعرف شغفي
ازاي؟ أعرف بصمي ازاي؟ أعرف مُراد ربنا مني ازاي؟».

في الفصل دا شبّهنا الشغف بالثلث اللي يحتاجين نفهم التلات أضلّع
بتوعه عشان نكتشفه:

١- القيم: والمقصود فيها الشعور اللي بتحب تعيش به في حياتك، والحافز
ورا اختياراتك.. ودا ضلّع مهم جدًا؛ لأنك لو فهمت قيمك، هتعرف

تاختد القرارات، وتحتخار الاختيارات المترافقية مع القيم دي. طول ما اختياراتك في الحياة مش متسقة مع قيمك، طول ما هتفضل تعبان وتايده حتى لو الاختيارات دي شكلها عظيم جداً لـكل الناس.

٢- نقاط القوة عندك، ودول ممتلكاتك الشخصية اللي ربنا ادهالك، واللي بتستثمر فيها وبتستغلها عشان تسيب بصمتك. إيه هي مهاراتك؟ إيه هي الحاجات اللي مش بس بتعملها كوييس، انت بتتبسط، ويبيقى عندك طاقة وإبداع وانت بتعملها؟ إيه نقاط الضعف عندك اللي تحتاج تطورها أو تعوضها؟

٣- اهتماماتك، أو المواقف اللي بتشدك، وال الحاجات اللي بتتحسن بحماس ورغبة إنك تعملها. التجارب اللي نفسك تمر بيها، الشغلانات اللي تحب تشتللها، الحاجات اللي بتخليل عينك تلمع لما تجربها، أو تسمع عنها.

الفصل دا كان هدفه إنك تنكس جوا دماغك، وتدور على المعنى من حياتك اللي بيعكس قيمك، ومعتقداتك، وتجاربك، ومشاعرك، ومهاراتك، واهتماماتك، واللي هتديك علامات على شغفك وبصمتكم والمعنى من حياتك.

كدا اتكلمنا عن علاقتك بنفسك ومشاعرك ووعيك بقييمك وقوتك واهتماماتك، ندخل بقى على خطتك! يا ترى خطتك هتبقى قائمة على الساعة ولا على البوصلة؟ على التزاماتك الملحّة والمواعيد والمشغوليات اللي بتفترض عليك، ولا على رؤيتك وأولوياتك واللي شايفه مهم في قيادة حياتك؟ يا ترى فيه فجوة كبيرة بين اللي بتعمله فعلياً، وبين المهم بالنسبة لك واللي نفسك تكون بتعمله؟

الفصل الخامس بيساعدك تنظم وقتك وحياتك بمنظور مختلف. بمنظور واحد عنده رؤية، وفاهم بوصلته، مش مجرد رد فعل للظروف اللي بتحصل في حياته، ولا مجرد واحد كل همه إنه يعمل حاجات كتير في وقت قليل.

الفصل دا مش هدفه تنظيم الدقائق والساعات، الفصل دا هدفه إنك تقود

حياتك، ويبقى عندك خطة وبوصلة بتوريتك تمشي ازاي، وليه. بتساعدك لما تشنست، إنك ترجع لرؤيتك تاني. وعلى أد ما الرؤية دي كانت واضحة وشمولية ومتوازنة ومتسقة مع الـ self على أد ما انت كنت أكثر قدرة على تحقيقها.

آخر موضوع اتكلّمنا فيه كان «دوره التغيير»، والحقيقة الموضوع دافع معايا جدًا أقرأت فيه؛ لأن أنا واحدة من الناس اللي دخلت خلاط التغيير دا كتير في مراحل مختلفة في حياتها! خلاط التغيير دا يبدأ بحدث يحصل لك: صدمة، أو فرصة، أو تحول.. ويدخلك بعدها في أربع مراحل لو فهمتهم وعرفت تعامل فيهم صح، هيعدّوا وهم تأقلم وهم تعلم كتير من التغيير اللي حصل لك.

المرحلة الأولى مرحلة «الموت والولادة».. جزء فيك بيموت بعد الحدث اللي حصل، وبيتألم، وبيتحس بالتوهان، والخوف، واللخبطة.. وبتفضل في المشاعر دي شوية لحد ما تهدا، ويبدأ يظهر نور بسيط يدخلك المرحلة الثانية. المرحلة الثانية مرحلة «الحلم والخطة»، ودي المرحلة اللي بتبدأ ترجع لك فيها ضحكتك تاني. بتبدأ تخيل، وتحلم، وتطلع من القوالب، وتكسر القواعد، وتخطط لأهدافك، عشان تروح على المرحلة الثالثة. المرحلة الثالثة مرحلة شمر وانزل نفذ حلمك، وابخط في «الدراما والملاحم».. واجه الحياة الواقعية، وطبق خطتك، وافشل واقع، واتخبط، وحاول وحاول وحاول، لحد ما تنجح وتدخل آخر مرحلة، مرحلة «الراحة والثمرة». في المرحلة دي بتهدأ بعد كل التعب دا، وتبدأ تستمتع بشمرة مجهدك ونعم ربنا عليك، وترجع تضبط التوازن اللي كان باظ وتطور مهارتك وتحكي قصتك وتنطلق لحد ما هووووب، يحصل حدث جديد يدخلك الخلاط تاني ☺.

هي دي سُنة الحياة.. وطبيعة رحلتك فيها ☺.

رحلتك في الحياة هتاخدك في كل حنة! هتعدي على مراحل مختلفة في شغلك ودراستك، هتعدي بنجاح وفشل، بتشجيع وإحباط، بحب، وكُره، وفرح، غضب، وسهولة، ومُعاناة، ومُتعة، وبُؤس. القطر هيعدّي بكل المحطات، وهتشفو حواليك أشكال وألوان من البشر والمناظر والتجارب. الحاجة الوحيدة اللي هتفضل معاك طول الوقت، هي بوصلك! البوصلة اللي ربنا مدّي بالك جواك، دايمًا هتشاور لك على الاتجاه المناسب ليك! حتى لو فيه مرة نسيت تشوف البوصلة، حتى لو تهت، حتى لو مشيت في طريق غلط، هتقدر ترجع تاني وتضبط بوصلك، وكل لحظة وتجربة من دول هتديلك خبرة وحكمة وسعادة. وبعد ما القطر هيعدّي مسافات وأميال، هتكشف إن البوصلة في الآخر كانت بتوصلك ليك انت 😊.

حياة الإنسان هي مشروعه اللي هيخطط له ويبنيه، ويتطور فيه، ويواجه صعوبات، ويعدّي مخاطر، وينجح، ويفشل، ويقوم، ويقع، خطوة خطوة، لحد ما يقدمه لربنا في يوم من الأيام وهو بيقول له: «يا رب، أنا حاولت بأقصى جُهدي إني أستغل حياتي وظروفي وشخصيتي أحسن استغلال، عشان أحقق مُرادك مني، وأسيب بصمتني وأنفع غيري.. فاللهم تقبل». ☺

«ماذا عنك؟ متى ستبدأ هذه الرحلة الطويلة إلى نفسك؟»
(جلال الدين الرومي).

خليني أتعرف عليك تاني دلوقتي

أنا اسمي:

وعندي: سنة

وعايش في:

بحب:

٣ معلومات جديدة اكتشفتها عن نفسي:

.....
.....
.....

طلعت من الكتاب بـ:

.....
.....
.....

شعاري بعد ما قرأت الكتاب هيكون:

.....
.....
.....


شاركني إجابة آخر سؤالين على فيسبوك.. اكتب أكثر حاجة نورت معاك
بهاشتاج #شهرزاد_اون_فایر

.....
.....
.....

خليني أشوفك تاني..

حاول ترسم ملامحك، وتعكس حالتك ومودك دلوقتي بعد الكتاب..
(زعان، مبسوط، متحماس، متلخط...).

لو مش حابب ترسم عمكن تكتب عن شكلك ومودك دلوقتي في كلمتين ☺.



قول لنفسك كلمة حلوة قبل ما تسيب الكتاب، لأنها تعبت و تستاهل ﴿٦﴾.

شُكراً

لما بدأت الكتاب دا كنت شاييفاه صورة من صور الشكر لنعم ربنا الكتير جداً علياً. طريقة بقول بيها الربنا - سبحانه وتعالى - إني مُمتنٌ جداً الكل حاجة ادّهاني في حيائي، وكل تجربة، وكل درس، وكل نعمة، وإنني هحاول قدر استطاعتي إني أستخدم المهارات والمعلومات اللي هو - سبحانه وتعالى - فتح علياً بيها، عشان أفعن بيها عباده. كان دائمًا في دماغي إني بقدم العمل دا للربنا، ودا كان حافز كبير جداً بالنسبة لي إني أبذل أقصى جهدي وادعى ربنا كل يوم إنه يقبله. بس لما خلصت كتابة، اكتشفت إن الكتاب نفسه نعمة تستحق الشكر. مفيش كلمة اتكلبت في الكتاب دا كانت بشطاري ولا بحولي ولا قوتي، كله كان فضل و توفيق ونعم مُمتالية من الله - سبحانه وتعالى - فاللهم لك الحمد حمدًا كثيرًا طيبًا مباركاً فيه كما ينبغي لجلال وجهك وعظم سلطانك.

عايزه أشكر شخص عزيز علياً جداً، واحدة ماسابتشي لحظة طول الكتاب. مررت معايا بأوقات صعبة كتير جداً، وكل ما كنت بأحبط أو بتعب كانت بتقولي: «إنتي أدها وأدود.. أنا معاكي.. أنا في ضهرك.. أنا فخورة بيكي.. إنتي بتتعبي.. إنتي قوية».. واحدة كانت بتساعدني أنظم وقتني وأترتيب أولوياتي.. كانت بتضحك معايا، وبتعيط معايا.. كانت بتشجعني.. كانت بتشوف كل حاجة حلوة بعملها.. كانت بتساعدني أصلح أخطائي، وأتعلم منها.. كانت بتدعني لي وبتطمني، وبتهتم بيها. عايزه أشكر هبة. هبة أنا، مش هبة تانية ☺ عايزه أشكرها، وأقوها لولا إنك مؤمنة بيها، وبتحببوني، ماكتتش عرفت أنجز حاجة. عايزه أقوها إني مفيش مرة اعتمدت عليها وخذلتني. عايزه أقوها إني مريت بظروف صعبة جداً، وجيت عليها كتير، بس هي عمرها ما سابتني! عايزه أشكرها وأقوها إنتي فعلاً تعبي، وأنا فخورة بيكي، وبحبك ☺ (مجونة يا جماعة عادي).

عايزه أشكر الفريق الجميل جدا اللي من غيره الكتاب دا ماكنش طلع للنور.

هبدأ الأول بأول مجموعة 2 Living on Purpose اللي رُحت قُلت لهم: «أنا عايزه أجرّب فيكم الكلام دا الأول قبل ما أكتبه للناس»، وكان ردّهم بدون أي تردد: «واحنا معاكي!»، كل كلمة في الكتاب دا اتكلبت بتعب الناس دي، وأسئلتهم، وتجاربهم، واهتمامهم، وصبرهم، وإيمانهم، ونيتهم الجميلة، إنهم يصلحوا حياتهم، وينفعوا غيرهم. رشا صلاح، وإلهام جابر، ونهى الشهاوي، وحنان السيوسي، صوفي محمد، وولاء فوزي، وسارة شاش، وسالي محمد، وهاجر منصور، وإيناس الجمل، وأمال سعد، وهي العطار، وسلوى عبد القادر، وراندا حماد، ومنة الله، ونجلاء شبرية.. ربنا يديكم نعمة في حياتي، وسند ليَا.

عايزه أشكر فريق العمل: يمنى مسلم، إلهام جابر، ولاء فوزي، سالي محمد، حنان السيوسي، صوفي محمد، وإسراء رجب، على إسهامهم الجميل في تجميع معلومات واقتباسات وأفكار للكتاب. أنا من غيركم كنت هتسوّح 😊.

الكاتب الساخر والسيناريست شريف أبو اليزيد على مساهمته الجميلة في الصياغة والتحرير الأدبي وإتقانه واهتمامه بالكتاب وتفاصيله وقدرته إنه يدخل جوا دماغي، ويفهم أنا بفكّر ازاي (ودي معجزة في حد ذاتها يا شريف).

دكتور محمد فايق، والروائي العظيم أحمد عبد المجيد، وصديقي الجميلة ريهام حسن، اللي قرأوا الكتاب حرف حرف، وكلمة كلمة، وبذلوا أقصى جهدهم عشان يطلع في أحسن صورة كأنه كتابهم بالظبط! لولا صدق نيتكم، وتشجيعكم، وحرصكم، وجمال قلوبكم، وعطاؤكم ليَا غير المحدود، أنا ماكنتش هعرف أكتب حاجة (ربنا يخلّيني ليكم، وأفضل اطلع عنكم دايرًا).

إيهاب معاوض، طبعا اللي لازم يكون في كواليس أي كتاب هكتبه، واقف
بيشجعني أكتب، وبيزعّق لي لو غلطت، وبيفرح بإنجازي، وبيدعني لي كتابي
يبقى أحسن من كتابه (إيّاكم حد يفتن ويقوله).

سالي خليل اللي مش بعرف أقوها غير إنتي دراعي اليمين! صاحبتي اللي
ربنا ادّهاني نعمة عshan تكمل اللي ناقصني، وتحبني حب غير مشروط،
وتساعدني، وتربيحني، وتشيل من علياً، وتحسنني بالأمان. إنتي سند كبير
جداً، ربنا يديمه علياً، ويعيني على شكره ☺.

عايزه أشكر أهلي اللي على طول في ضوري! ماما وبابا أكثر اتنين بيحبواني
ومؤمنين بيّا في الدنيا. أكثر اتنين بدعوي لهم لأنّي فعلاً من غيرهم ولا حاجة.
كل كلمة اتعلّمتها، كل قيمة، كل مهارة، كل تجربة، كل حاجة حلوة عملتها
كبيرة أو صغيرة كانت - بعد فضل ربنا - بفضلهم هُمَا علياً. ربنا يبارك في
عمرهم وصحتهم، ويرزقني برّهم.

عايزه أشكر العصابة، جوزي ولادي.. بشير، وعبد الله، وماريا.. التلاتة
اللي كانوا مش بيفوتوا يوم من غير ما يقولوا لي أداءه هما فخورين بيّا وشافين
تعبي. اللي كانوا احر يصين يخفّوا الحِمل من علياً، ويدّوني مساحة عshan أقدر
أكتب. اللي كانوا بيدلّعوني لما يلاقوني تعبانة، ويشجّعني لما يلاقوني محبطة!
ربنا ما يحرّمني منكم يارب ☺.

مي الحسيني، وشيماء العشري، وعماد جابر، وريهام حلمي، وكل حد شجّعني
في وقت صعب في حيّاتي إني أرّكز، وأكتب، وأشتغل، وأكمل، عshan يطلع
الكتاب دا في الآخر (كان نفسكم أحط قصصكم في الكتاب زي ما كتم
طمعانين، بس دا بعينكم).

المتابعين والفولورز على فيسبوك اللي لولا ثقتهم فيّا، وتشجيعهم، وكلامهم الحلو، عمرى ما كنت هكتب كلمة. أنا مُمتنة لكل شخص مؤمن بيّا، كل شخص علمني حاجة، كل شخص شجّعني، وكل كلمة حب سمعتها.. ربنا ما يحرّمنيش منكم أبداً، و يجعلني خيراً مما تظنون، ويغفر لي ما لا تعلمون.

وأخيراً، أحب أشكر الأبطال اللي من غيرهم الكتاب دا كان هييقى تقيل ورخم.

الأخت المصونة شهرزاد.. أنا تعبيتك والله ومر مطتك معايا، بس أديني أنقذتك من العريس المدهن ابن طنطشو.

الأخ العزيز شهريار.. بعد ما كنت شايالة منك عشان اللي بتعمله في الستات، بقيت مشفقة عليك من اللي هيحصل لك من شهرزاد في زماناً دا! قلبي معاك والله يابني!

الكاتب هلوب، ووائل، وقمر الزمان، وطنط افتخاريار.. أهلاً بيكم في عصرنا، إحنا تعيناكم معانا حقيقي. شُكراً على مجهداتكم، ومانجيلاً كوش في حاجة وحشة ☺.

المحتويات

المقدمة:	
ليلة القبض ٩	
الفصل الأول:	
النفس ٢٣	
الفصل الثاني:	
الناس ٦٩	
الفصل الثالث:	
المشاعر ١٠٧	
الفصل الرابع:	
الشغف ١٥٥	
الفصل الخامس:	
الخطة وتنظيم الوقت ١٩٥	
الفصل السادس:	
التغيير ٢٤١	
الفصل السابع:	
الحياة ٣١٧	

هبة السواح:

- باحثة وكاتبة ولايف كوتشر متخصصة في مجال العلاقات الأسرية وتنمية الذات.
- درست إدارة أعمال في الجامعة الأمريكية والأكاديمية البحري، ثم توجهت إلى مجال التدريب.
- حصلت على شهادة مدربة معتمدة من دكتور جون جراي، خبير العلاقات الزوجية ومؤلف سلسلة «الرجال من المريخ والنساء من الزهرة».
- شاركت في إنشاء مؤسسة فاميليا لتدريب الأسرة والأفراد بمصر في عام ٢٠١٢م، وقامت بتقديم ورش عمل في مجال التربية الإيجابية والعلاقات الزوجية.
- حصلت على عدّة شهادات معتمدة من دكتور ريتشارد بولستاد، صاحب نموذج RESOLVE الشهير في الكوتشينج، ودكتور جون جوتمان، صاحب مؤسسة جوتمان للعلاقات الأسرية، ودكتورة جين نيلسون، صاحبة مؤسسة التربية الإيجابية بالولايات المتحدة الأمريكية.
- تقوم بتقديم دورات في التنمية الذاتية بعنوان Living on Purpose (١-٢) والتي تكون مدة الدورة فيها ثلاثة أشهر (٣٦ ساعة) تتناول فيها نظرة الإنسان وثقته بنفسه، ووعيه بمشاعره وأفكاره واحتياجاته النفسية، وعلاقة الإنسان بنفسه وبالناس حوله، وفهم أهدافه وشغفه وقيمه، والوصول إلى مراد ربنا منه.
- تقوم أيضاً بتقديم دورات في العلاقات الزوجية بعنوان Soulmates التي تكون مدتها شهر (١٢ ساعة) تتناول فيها أهم المبادئ لتكوين علاقة زوجية سليمة على أساس من الصداقة والتقدير وفهم الطرف الآخر وإدارة الخلافات وتحديد الرؤية.
- تعيش هبة مع زوجها وابنيها بكندا منذ عام ٢٠١٥م، وتعمل مدربة في مركز التعليم الأسري، حيث يتم إعطاء دورات في التربية وتنمية الذات للأسر والأفراد.

- تطوع أيضاً في مركز الإغاثة والدعم النفسي لمساعدة المتضررين من الأزمات النفسية والضغط العصبي.
- ألفت هبة الكتاب الأكثر مبيعاً في الوطن العربي «سندريلا سيكريت» الذي نُشر في يناير ٢٠١٧ م.

موقع هبة السواح:

www.hebasawah.com

صفحة هبة السواح على فيسبوك:

www.facebook.com/heba.sawah

